




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
760/A

N 760/A

7/6

GEORGE CROKER FOX.

35
764

16.C.32 29027
PETRI BELLONII

CENOMANI,

PLVRIMARVM SINGVLARIVM
& memorabilium rerum in Græcia, Asia,
Ægypto, Iudæa, Arabia, aliisq. exteris Pro-
uinciis ab ipso conspectarum Obser-
uationes, tribus Libris
expressæ.

CAROLVS CLVSIVS ATREBAS
è Gallicis Latinas faciebat.



ANTVERPIÆ,
Ex officina Christophori Plantini,
Architypographi Regij.

M. D. LXXXIX.

*payse
12/11*

APPROBATIO.

*IN hoc libro ex Gallico verso in Latinum,
olim cum Privilegio Casareo impresso, nihil
cōtinetur quod Catholica religioni aduersetur.*

*Datum Antuerpiæ hac octaua Februarij,
Anno M. D. LXXXIX.*

Michaël Hetsroey Bruegelius,
Canonicus Antuerpiensis.

SVMMA PRIVILEGII.

CAROLI V. Cæsaris auctoritate concessa est facultas Christophoro Plätino, Typographo & Bibliopole Antuerpiensi, imprimendi *Petri Bellonii Cenomani rerum per Graciam, Asiam, Aegyptum, aliasque exteras regiones, obseruatorum libros tres. Ut latius patet in litteris datis Bruxellæ, 20. Augusti. 1555.*

Sign.

De Zoete.

ILLVSTRISSIMO PRINCIPI

AC DOMINO, DOMINO MAVRI-
tio, W. F. Landgrauio Hassia, Comiti in
Catzenelbogen, Dietz, Zigenhain, &
Nidda, &c. Domino suo clementissimo.



LARVIT apud Gallos, Ill^{me}
Princeps, nostra ætate Petrus
Bellonius, non contemnendæ
eruditionis, magnæ diligentia,
acris iudicij, indefessi studij vir;
quemadmodû ex eius lucubrationibus, quas
partim Latino, partim Gallico sermone euul-
gavit, perspicere licet. Nam exstant libri De
Coniferis arboribus & perpetua fronde viren-
tibus, De admirâda veterum fabricarum stru-
ctura, De Medicato funere, Latine conscripti:
Gallicè verò Libri De Avibus, De Piscibus,
& Itinerarium: Librum etiam de Serpenti-
bus & Insectis, atq. Commentarios in Dios-
coridem meditabatur: sed laudabiles ipsius
conatus inopina mors, nefarij latronis ma-
nu illata, interrupit, non sine magno littera-
riæ Reipublicæ dispendio.

ITINERARIUM superiore anno in
manus sumsi, atque Latinum reddidi, sic
apud me statuens, illius lectionem inutilem
haud futuram his qui Gallicam linguam
ignorant, ob miram rerum ab Auctore tota
sua

fua peregrinatione obferuatarum, & in tres
libros congestarum varietatem. Continent
enim non modò regionum quas adiit, fitus,
& indigenarum ritus & mores: verum etiam
multarum exoticarum ftirpium iftic nafen-
tium nomina, & diuerforum quæ alunt ani-
malium hiftoriam.

P O R R O cùm proximo autumnno ani-
maduerterim Ill^{am} V. C. iucundiffimo Her-
bariæ rei ftudio magnopere delectari, & Il-
luftriffimi Principis Parentis ipfius veftigia
fequi: iftam qualemcumq. meam verſionem
Ill^{mæ} V. C. nomini nuncupare, illiusque pa-
trocinio commendare nō ſum veritus, ea ſpe
fretus, quòd pro ſua ingenita clēmētia id ſu-
ſcipere non grauabitur.

D E V s opt. max. Ill^{mam} V. C. ad ſui no-
minis gloriam, & Ill^{mæ} Haſſiacæ familiæ de-
cus incolumē diutiffimē cōſeruare dignetur.
Noribergæ, Idib. Nouembr. clō. Id. xxcvi.

Ill^{mæ} V. C.

obſervantiß.

Carolus Cluſius Atrebas.

ILLVSTRISSIMO AC

REVERENDISSIMO DOMINO,

Francisco Cardinali à Turnone, singulari
atque liberali omnium virtutis studiofo-
rum Mæcenati,

PETRVS BELLONIVS EIVS HV-

MILIS DOMESTICVS CLIENS.

Salutem & prosperam valetudinem.



ON immerito, Ill^{me} ac Rene-
rend^{me} Domine, docti viri te ad-
mirantur, atq. exteri nostra Rei-
publica fauentes, quemadmodum
& Galli, magna in æstimatione
habent tuum singulare iudicium, & laudibus ef-
ferunt tuam prudētiam & virtutem: nam præ
reliquis illustribus Præsulibus, unus singulari
amore prosequutus es & honore affecisti poli-
tiores literas, atque literatos euexisti, & speciali
quodam fauore excitasti, ac eorum studia pro-
mouisti, dum bonæ spei pueros atq. adolescentes
deligis, quos ali atq. in omnibus artibus erudiri
curas, cum in publicis Academiis, tū in tuis Tur-
nonensibus Collegiis, aliisq. quæ extrui iussisti,
& experientia doctrinâque claris viris egregiè
instruxisti. Scientiæ & disciplinæ nunc nostris
hominibus familiares & vulgares, meritò te
Patronum appellant; quoniam dū grauißimum
nostra Reipub. onus sustines, volupe tibi fuit illas
produ-

producere, & fecunda ingenia excitare atque
promouere pro illorum meritis, hisq; uti in iis
rebus ad quas vel proclinea vel apta reperta sunt
ut publica utilitati seruirent. Hinc factum est,
ut hominum ingenia, antea quodammodo som-
nolenta atq. inueterata ignorantia somno tor-
pentia, excitari, & è tenebris quibus tam diu se-
pulta fuerant, emergere cæperint, atque in ipsa
pullulatione eduxerint in publicum omnia bona-
rū disciplinarū genera; quæ in ipso eo felici &
optato exortu (haud secus ac nouellæ plātæ, quæ
fugata iam aspera hiemis intemperie, solis ca-
lore fouetur, atq. veris tepore recreatur) incōpa-
rabilem Macenatē, & adeò idoneū restaura-
torem nactæ, illico pullularunt, & suos turiones
produxerunt: deinde ipsarum virgultis colore
addito, caudicibusq; nouo virore intectis, ad gra-
tum æstatis tempus peruenientes, singulæ elegan-
tissimis flosculis sese exornarunt, atque tandem
incundissimos atq; incomparabiles fructus pro-
duxerunt, quos singulæ certatim, tanquam cen-
sus primitias, suo summo Ornatori, & gratis-
simo Soli, cuius benigno aspectu recreata fuerāt,
obtulerunt. Is autem erat Magnanimus, sapien-
tissimus, & prudentissimus Rex FRANCIS-
CVS huius nominis primus, cui tanquam li-
berali Macenati hominū virtutis studiosorum,
nemo fuit qui non omni ratione conaretur ali-
quod honestum munusculum præbere, præser-
tim

tim verò fructus ex amenissimo horto arbori-
bus Mineruæ selectissimo calamorum genere
constitis frequenti decerptos, quos singulari af-
fectu prosequebatur. Fuit etenim adeo benignæ
& liberalis naturæ, ut nemo unquam siue pere-
grinus, siue in ipsius regno natus, quidquam
quantumvis etiam exile illi obtulerit, quod non
humaniter exceperit, & quin donantem regio
munere, & laudata mercede honorarit. Eam
ob causam omnes istius tam insignibus virtu-
tibus præditi, atque incomparabilis Principis
scientiarum parentis exemplum imitabantur:
sic ut eius Aula elegans quadam Academia,
aut veterum Philosophorum schola, in qua
omnis generis virtutum Theoria & praxis do-
ceretur, videri posset. Cum igitur, Illustriss.
Domine, te Musæ agnoscant præ cæteris
ignorantiæ capitalem hostem, nec ignaræ sint
quàm multæ scientiæ in tuo diuino ingenio sint
infusæ; communi consensu palmam tibi detu-
lerunt, perspecta tui pectoris nobilitate; atque
ex eo tempore te pro suo Præsidente delegerunt,
summumque Phœbum constituerunt supra in-
strumentorum suorum Musicum concentum
resonantium harmoniam, ut in hac excellenti
Musica, elegans regium ipsius theatrum tua
præsentia decoraretur: sciebant etenim tibi
adeo familiares esse Græcas ac Latinas literas,
ut quoscunque Auctores legeret tibi cupido in-
cesserit,

* 4

cesserit,

cesserit, Theologos, Philosophos, Astrologos,
Cosmographos, aut Historicos, illos ea lingua
qua scripti sunt legas: in quibus sciētis & Græ-
canicis literis tāto magis excellis, quod ab ineun-
te etate plurimum ad eas ediscendas insudaue-
ris, atq. in iis eleganter instructus sis; tum etiam
quod nunc summa tua ista est voluptas, ut suc-
cisuas horas colloques in præstantissimorum ve-
terum Auctorum lectione. Itaque hanc natura-
lem excellentiam diuini tui ingenij ducem se-
quens, quæ naturalium rerum, quarum summus
es admirator, contemplatione semper delectata
est; postquā intellexisti magno me desiderio fla-
grare perueniendi ad materiæ medicæ stirpiū-
que cognitionem (quam tamen nisi longa pere-
grinatione, minimè adipisci possem,) libuit tibi
præcipere ut peregrinas regiones adirem, atque
ipsa medicamenta locis natalibus requirerem:
quam provinciam sine tuo auxilio suscipere nec
potuissem nec ausus fuisset, cum non ignora-
rem, omnem difficultatem in expensis quæ mihi
facienda fuerūt, consistere. Absoluta igitur Dei
beneficio, & vestra liberalitate, mea peregrina-
tione, quæ mihi non minus utilis & amœna fuit
quàm difficilis & laboriosa, atq. quiete & ocio
nunc tua benignitate fruens; inutiliter illud
transigere nolui, sed nostro idiomate res memo-
rabiles & singulares conscripsi, quemadmodum
eas hinc inde observaui & selegi, atque dignæ
visæ

visa sunt ut scriptis traderentur, quo tibi constaret, me non prorsus irritam tuam spem fecisse: tum etiā ut nostri homines, qui norūt quantum Reipubl. utilitas tibi cordi sit, nonnullos huius meae peregrinationis, cuius auctor fuisti, fructus carpere queant. tanto enim magis commendabilis utilitas censetur, quanto pluribus cōmunis est. Nostra vulgari Gallica lingua has Observationes conscripsi, atq. summa qua potui fidelitate in tres libros contraxi, nullo affectato aut ornato dicendi genere usus; sed vulgari duntaxat, res ipsas nudas exponens uti eas in exteris provinciis observavi, tribuens singulis Gallicam suam appellationem, quantum mihi licuit vulgare nomen illis adaptare. Quarum rerum notitia non minus forsitan utilis & iucunda erit, quā veterum abusus, ex rerum, quarum veritatem detexi, ignoratione procedens, periculosus & perniciosus fuit. Liberum porro esse mihi existimans meas disceptationes ulterius promovendi, peculiares locorum quae memorabilia mihi visa sunt, topographias adiacere volui, illas, quantum fieri potuit, ad vivum exprimens, & Lectoris oculis subiiciens, uti eas ipse conspexi. Ago praeterea de moribus & vitæ ratione, quibus nunc temporis Turcae, Iudaei, & Graeci utuntur. Quem meum tenuem & immaturum adhuc fœtum tibi exhibere non sum veritus; non quod hoc levidens munere meam fidem,

* 5 dem.

dem, qua tibi obstricta est, liberari posse cogi-
tem; sed quod, Deo iuvante, sperem (quandoqui-
dem nostro maximè magnanimo felicissimoq;
& clementissimo Regi in alumnorū suorum nu-
mero me habere, atque benignitati & liberali-
tati Domini Cancellarij Frāncisci Oliuerij facul-
tates suppeditare ad mea studia alenda placuit)
breui te conspecturum aliam meam elucubratio-
nem, Dioscoridis scilicet versionem in nostram
linguam, atque in ipsum Commentarios; quo ex
parte satisfaciam tuo nunquam satis laudato
desiderio, quod circa exoticarum stirpium quas
per Europam, Asiam, & Africa partem obser-
uavi, tum etiam Avium, Serpentum, Piscium,
aliorumq; terrestrium animalium, qua terra &
mari, atque in ipsis portubus in Oriente conspe-
xi, cognitionem versatur. Ceterum in toto hoc
opere nihil propono, quod ipse prius non vide-
rim; ut cum ex mandati tui praescripto, omnia
ad viuum, ita ut natura produxit, expressero,
singuli sibi persuadere & certi esse possint, se
vera legere. Quod reliquum est, Ill^{mo} ac Reue-
rend^{mo} Domine, ab omnium rerū Conditore tibi
omnia prospera ardentissimis votis opto.

E' tuis ædibus Diui Germani ad prata,
Parisiensi suburbano. 1553.

P R A E F A T I O.



VEM AD MODUM homines corpore & anima constant; similiter eorū conatus & actiones aliæ corporis, aliæ ingenij naturam sequuntur: & si corporis atq. ingenij actiones excellunt, ita etiam sunt perennes. Nam vt homines ad gloriam & laudem concupiscendam natura proclives sunt; sic vt eam adipisci queāt, diuersas rationes ineunt, nonnulli corporis viribus, alij viuacitate ingenij. Herculis vires omnibus historiis sunt decantatæ. Alexander & Pompeius Magni cognomen adepti sunt, & Cæsar strenui & audacis: At Plāto, Aristoteles, & alij Philosophi rerū contemplatione gaudentes, ingenij subtilitate & summa eruditione nomen sibi compararunt. Alij similiter honesta spe freti, diuersis periculis sese exponere non dubitantes, cū nimirum ingenij facultatibus laudem sibi quærere, longē magis rationi consonū censerent, immortale nomen adepti sunt. Quod Democriti testimonio probare possumus, qui, cū artes discendi, hoc est, earū vsum non minus quā theoriā perdiscendi, præsertim Astronomiæ & Geometriæ summo desiderio flagraret; suam hæreditatem fratribus vendidit, vt iis pecuniis

niis longinquas per Aegyptum, Indiam, & Chaldaëa peregrinationes obire, & ad Gymnosophistas peruenire posset, deinde Athenas reuerti cum magna nominis gloria, & istic ob doctrinam in precio esse. Plerique alij celebres facti sunt leuem admodum ab causam, attramen plurimum publicæ vtilitati contulerunt. Imò multi Reges ob imposita nonnullis stirpibus sua nomina, & aliarum rerum inuentionem, immortale sibi nomen compararunt. Mithridates, Ponti & multarum aliarum Prouinciarum Rex, licet multas variis bellis victorias obtinuisset, & viginti duas linguas calleret, quibus suos subditos & audiebat, & illis respõsa dabat, nõne celebrior & illustrior factus est ob vnus medicamēti ab ipso denominati compositionē, quā ob opes vel regnorū amplitudinem? Quamdiu terra Centauriū producet, Chironis centauri, qui Æsculapij præceptor fuit, nomē, hominū memoriæ insculptū hærebit. An nõ Gentiana Illyriorū Regē Gentiū celebriorē reddidit, quā omnes eius opes? Lysimachus Macedoniæ Rex, & Eupator Thraciæ, nõne ex plantis immortale nomē adepti sunt? An nõ Iubē Mauritanix Regi, Achilli Græco, Teucro, Clymeno Regi, & plurimis aliis Principibus viris, ob indita certis herbis sua nomina, æterna nominis memoria parta est? Plurimi deinde alij
omnes

omnes difficultates superare conantes, simili
desiderio lōginquas peregrinationes suscepe-
rūt, quibus nec naufragij per periculosa ma-
ria metus, nec typhonū naues quatientium &
confringentium tempestates, aut crudelium
piratarum libertatē hominibus adimentium
formido, nec asperarū rupiū periculosus con-
fensus, neq. summi solis ardores, neque ex-
tremi frigoris intemperies neq. noctes nim-
bis obscure, neq. horrēda fulgura & tonitrua,
neq. inhabitatarum solitudinum ob ferorum
animantium occursum, periculosi accessus,
ardorē generoso illorum pectore conceptum
extinguere potuerunt, quin finem suis votis
imponerent. Vlysses ob eam causam sapien-
tior & prudentior reliquis Principibus habi-
tus est, cū quod multorum hominum mo-
res obseruasset, tū quod varias vrbes & ex-
teras prouincias lustrasset. Herodotus, Dio-
dorus, Strabo, Arrianus, & plerique alij vete-
res, longinquas suas peregrinationes scripto
tradiderūt, ē quibus homines summa benefi-
cia hauserunt; quandoquidē omnes illorū la-
bores, in posteritatis solamen & quietem ce-
dunt. Nam nos in otio & securitate viuentes,
sine periculorum & incommodorum formi-
dine, historiam legimus plurimarum rerum
immensis aliorum laboribus & ingentibus
calamitatibus partarum cognitionem nobis
adse-

adferentem. Porro cum singulares quæque
res ex plantis, animalibus, & fodinis de-
sumptæ, magna ex parte peregrinationum
beneficio ad nos perueniant; sine quibus
difficile est, immo impossibile, munerum
& diuitiarum ab exteris prouinciis petitarum
participè fieri: eas locis quibus sponte nascun-
tur inuestigare decreuimus. Et quoniam illa-
rum notitia difficilis futura nobis fuisset, illa-
rum effigies primum è maiorum nostrorum
monumētis perspicere voluimus, ut ipsarum
ideam nostræ memoriæ infigeremus: tum de-
mum illas in exteris regionibus inuestigandi
prouinciam suspicere ausi fuimus, nullam in-
de nostrorum laborum compensationē spe-
rantes, quàm ut eas vigentes contēplaremur.
Cum igitur spontaneum desiderium nos eò
impelleret, ut eas cum in montibus & con-
uallibus, tū in campestribus & vmbrosis sil-
uis per varias Orbis regiones perquireremus;
nostrum institutum non fuit planè frustra-
neum. Nam eas inuestigando & agnoscēdo,
pleraque alia insuper sese nobis obtulerunt
cum in Asia tum in Græcia, digna quæ nostræ
nationis hominibus communicarentur; quas
obseruare & breuiter scripto comprehēdere
libuit. Nam si integram rerum quarum no-
mina subiiciemus, historiā conscripsissemus,
nimia prolixitate lectorem offendere potuis-
semus.

temus. Eas porrò Observationes tribus libris
comprehendere animus est: quorum primus
singularia quædā Athou montis, Lemnos in-
sulæ, & alia plurima Græciæ complectetur:
alter ruinarum Ilij & aliarum multarum illu-
strium in Asia urbium descriptionem conti-
nebit; cui adiciemus profectionem marino
itinere à Constantinopoli Alexandriam, &
inde in Cairum, atque ad montem Sinai, de-
inde in Hierusalem, & deinceps Byzantium
vsque: tertius mores & rationē qua nunc Tur-
cæ viuunt docebit, vt dū in mediterraneo Tur-
ciæ hæreremus, descripsimus. Atque ne Le-
ctor ignoret quo tempore has Observationes
conscripserimus, profectionem viuo Rege
Francisco anno 1546. suscepisse, & anno
1549 rediisse sciat: itaque tota peregrinatio
triennio absoluta est. Quod superest, cogi-
tanti mihi, homines in dies fieri doctiores,
aliosq; aliis præcellere, quidquid scribimus,
si à nostra duntaxat auctoritate pendeat, non
admodum æstimari; decere existimauimus,
probatorum Auctorum testimonia nonnun-
quam adducere, vt nostris scriptis auctori-
tatem in posterum conciliemus.

DE

DE
PETRI BELLONII
OBSERVATIONIBVS
A
CAROLO CLVSIO
donatis Latio,
Carmen.

*Bellonius varias Orbis lustrauerat oras,
Regnâque vix ipsis cognita nominibus:
Viderat vndosi septem-gemina ostia Nili;
Viderat altorum culmina Pyramidum:
Nullâque non illi visâ insula sparsa per æquor,
Sine per Aegeum, sine per Ionium.
Viderat hæc: & digna notâ quæcumque tulisset
Fors, promptis nauus crediderat tabulis.
Quæ, simul ad patriam ut rediit, persolvere votum
Pro reditu cupidus, cuncta dedit patriæ.
At patriæ tantum, & patrio sermone: suumq;
Sic fetum angustis cluserat ipse locis.
Tu, Clusi, melius, docti monimenta recludis
Bellonij, faciens ore loqui Latio.
Quo iam perpetuum, & nullâ peritura senectâ,
Durabunt scriptis æmula Romuleis.
Durabunt: factusq; tuo merito immortalis,
Plus tibi iam debet quàm sibi Bellonius.*

F. F. F. Raphelengius.

PETRI BELLONII CENOMANI

*Singularium & memorabilium Rerum, per
varias exterarumque Regiones obseruatarum.*

LIBER PRIMVS.

Singulos diuersis rationibus à natura in hac vita
duci, omniumque instituta ad eundem scopum
non tendere.

CAPVT PRIMVM.



IAM ET SI res memorabiles & singu-
lares exterarum Regionum, ita ut eas
obseruauimus, hoc libro describere con-
stituerimus: eo tamē prae textu alios qui
meliora prestare poterūt excludere no-
lumus, sed eos potius ad rem capeffen-
dam excitare animus est. Et licet plerique cū veteres,
tum recēiores, ante nos similia in suis hodeporicis & na-
uigationibus descripserint; quoniam tamen omnia, quae
hic traduntur, obseruauimus, audacter ea in publicum
emittere ausi sumus, nec alterius calumnias metuumus.
Nam si quis nostra cum illorum scriptis contulerit, certi
sumus non posse nobis meritò obiici, quod alterius quid-
piam mutati simus, nisi fortasse è probatis veteribus au-
ctoribus, quorum nonnunquam auxilio vti sumus, in ex-
primendis animalium, stirpium, aliarumque similiarum rerum
propriis nominibus, ea nostra vulgari Gallica lingua red-
dentes. Quoniam verò eiusmodi res antea ne examini
subiecta, nec nostra lingua reddita, nec cum veterū Au-
torum

Etorum scriptis collata fuerunt, tanto difficilior laborisq;
 plena fuit ea provincia. Qui longinquam peregrinationem
 privati commodi gratia in exteras regiones suscipiunt,
 vulgariter in necessariarum rerum inquisitionem magis
 incumbunt, ut suis votis satisfaciant, quam in aliarum re-
 rum ipsis incognitarum observatione tempus terant: ut ex
 mercatorum negotiatione manifestum est, qui, licet in In-
 diam & Novum orbem commeent, attamen quia illorum
 unicus scopus est, ut pecunias in mercium coemptiore be-
 ne collocent, multas res singulares, quas diligens & curio-
 sus quispiam observare posset, conquirere negligunt: ex-
 cusatio in promptu est, quod similes res illis non sint utiles;
 tum etiam quod hominum ingenia & affectus adeo inter
 se differant, ut si plures eiusdem etiam itineris comites per
 eandem provinciam simul profisciscantur, vix bini repe-
 riantur, qui ad eandem rem observandam animum appli-
 cent: contra hic illud adnotabit, alius aliud: adde neminem
 adeo esse diligentem, qui singula minutim & exquisitè ex-
 pendere possit: attamen res memorabiles attentè conside-
 rari debent, antè quàm certi quidpiam de illis statuatur:
 necesse est etenim ut nota à veteribus prodita cum rebus
 qua describuntur conveniant. Si porro de iis rebus, qua
 apud viciniore nobis provincias inuenta sunt, tanquam
 apud nos natis, agere noluimus, id non sine ratione factum
 est: nam de rebus exteris commentari magis libuit, quo-
 niam mirus affectus nos stimulavit ut longinquas pere-
 grinationes susciperemus. Cum igitur apud Gracos &
 Turcas pervenissemus, omnia diligenter scribere ce-
 pimus: nam comperimus ea, in quorum disquisitione era-
 mus, & quorum, nisi istic, notitiam minimè consequi po-
 tuissemus, sua etiam nū retinere apud illos nomina, quæ
 admodum à veteribus Autoribus tradita fuisse ex illorum
 monumentis intelligimus. Sed quoniam plurimas res in
 nostro

nostro usu admodum vulgares conspiciamus, quarum appellatio adeo communis est, ut nemo sit (imone mulieres quidem) qui asserere non dubitet, eas esse quarum nomen referunt, quod tamen falso illis tributum est; hoc loco demonstrare non dubitamus, magnum abusum esse in multarum rerum admodum trivialium nomenclatura.

CAP. II.

Rerum appellationibus nimis fidendum non esse, tametsi vulgares sint, nisi veterum descriptionibus ad amissim respondant, & rebus quæ describuntur conveniant.

MULTAS vulgares stirpes, & cognita animalia exempli gratia proponemus, ut vulgaria nomina falso illis esse imposita demonstramus: quod fortassis non fiet sine quorundam offensione. Si quis tamen gravior feret, nobis indicet, si videbitur, atque, ut decet, illi respondebimus. Nos igitur asserere non dubitamus, Gallos, & magnam eorum qui Romanæ ecclesiæ obsequuntur partem, hætenus Thymi plantam ignorasse: quandoquidem ea quæ in hortis nostris colitur, neque thymus est, neque eius species, at Serpilli genus est. Hyssopus præterea atque Satureia nobis vulgari in usu quæ sunt, haudquaquæ eæ sunt, quibus veteres Græci in medicamentis utebantur. Itaque dicimus, nisi res quas propriis nominibus exprimimus cum veterum iam dictorum descriptionibus quadrent, concludendum necessario eas quas ipsi intellexerunt non esse. Exemplo sit noster Thymus, cuius nomen omnibus adeo notum est, ut nemo, cuiuscumque etiâ conditionis sit, qui Thymum appellare non norit, & tamen ea appellatio perperam illi donata est. Nam ei plantæ quam Thymum nuncupamus, hoc nomen convenire non potest; at alteri quæ vulgariter in Græcia nascitur. Et necesse est, herbam, quæ Thymi nomē obtinere debet, ut ex Theophrasto & Dioscoride patet, capitulis acuminatis onustam esse, & secundum pediculum angustis, ut sunt Stœchadis capita quæ illis

illis comparantur: ad quorum etiam similitudinem, pensiles verruca, quas nonnullis cum in naso, tum in inguinibus succrescentes videmus, θύμα à Gracis teste Celso fuisse appellata. Attamen herba quam Thymum nuncupamus, eas notas non habet, eamq; ob causam haud est cui hoc Thymi nomen convenire queat, è quo videlicet apud Athenas monte Hymetto, & in Sicilia monte Hybla apes praestantissimum mel colligunt, quod Auctores eam ob causam Atticum & Hybleum cognominant. Simili de causa, tametsi ea planta, quam vulgo Thymum nominamus, in Galliae Narbonensis atque Provinciae solitudinibus abundanter sponte nascatur, similis illi quā in hortis colimus: cum tamen praedictis notis careat, legitimus Thymus esse non potest. Verus autē Thymus per univērsam Graciam adeo frequens est, ut montes vix alia herba virecant, quae istic libentissime sponte nascitur, floresq; profert pro soli, quod obse dit, ratione, ut interdum toti nivei sint, nonnunquam toti carulei aut purpurei, aliquando utroque colore mixti. Sed quoniam eum in nostris hortis adhuc non colimus, nobis idcirco incognitus est. Ut verò Thymus pensilibus verrucis nomen dedit, sic etiam pisci cuīdam in Atheſi fluvio, veteribus Thymus vel Thymalus appellato, quem Ludæ apud Insu-bres incolae Themero, vel Themalo nominant.


Ad Satureiam quod attinet, quam Graci θύμαρα appellant, vulgus autem Tribi; ut id obtineat nomen, spicis onusta esse debet, sic enim scribit Dioscorides. At quoniam in nostra hortensi nullas spicas conspici-mus, fatendum nobis est minimè eam esse qua Veteres in medicamentis usi sunt. Haud negamus, quin, quā in hortis colimus, eadem sit quae ab omni vetustate in cibos recepta fuit, atque ideo culinis dedicata. Sed quae medicamentis admiscebatur, quaeq; in Gracia silvestris est, nobis incognita est: etenim nequa-

nequaquam illam habemus, licet per uniuersam Graciam vulgaris sit.

Idem censendum est de Hyssopo, qua duorum est generum: unum etenim campestre est, omnibus orientalium regionum locis indifferenter nascens, cum in collibus, tum secundum vias in Cilicia, Thracia, Phrygia, aliisque plurimis regionibus: alterum hortense est, nobis cognitum, & in hortis cultum, sed plurimum a silvestri differens, e qua Graeci olim sua medicamenta confecerunt.

Nos harum stirpium admodum vulgarium & omnibus cognitarum exempla in medium protulimus, ut omnes intelligat, nos non adeo fuisse perpetuo vulgaribus appellationibus, quas provinciarum incolae nobis dicebant, res quas describere volebamus exprimendo, quin prius eas diligenter perpendere: alioqui saepe decepti fuissetmus. Nam quemadmodum vulgus Gallorum hanc vocem Plane exprimens, multis ansam praeiuit ut Platanum esse cogitarent, cum tamen Aceris sit species: sic apud alias nationes contingere potest. Et licet ne unica quidem Platanus, sine in cultis, sine incultis, per uniuersam Galliam nascatur: omnes tamen ea communi appellatione decipiuntur, imò viri docti, & alij non postrema auctoritatis, conspicientes Plane folium vitigineo simile, Platanum vero descriptionem illi etià vitiginea folia tribuere, ex unica nota Plane esse Platanum statuerunt, cum tamē à veritate sit alienum: nam Platanus rotundas pilulas fert, Xanthij fructui similes, cui Dioscorides ea comparauit, necis magnitudine sunt, & racematim dependens: quas Plane non habet, sed semina alato huic instrumento quo aucupes renocare falcones solent, paria. Et ut experientia comprobemus nos in uniuersa Gallia Platanum minime habere, eius iconem ad vinum expressam hic subieciimus.

2 P. BELLONII OBSERVATIONVM



Ea item planta quam Iouis barbam nuncupamus, hactenus pro Semperuiuo habita est, cum tamen minimè sit: nam Semperuiuū copiosè nascens conspeximus in Creta, Corcyra, & Zacyntho, arbuscula in modū, cubitum, atque etiam binos alte, caule pollicaris crassitie, extrema parte foliis onusto eum undique cingentibus; omnino Dioscoridis descriptioni respondens. Itaque mirum est eos qui similitum rerum descriptiones & effigies exhibet, non animaduertisse: nam quam recēiores pro Iouis barba pingunt, Veterum Cotyledon altera est.

Idem accidit Moro alba, atque cuidam alteri arbori ex Aceris generibus, quas multi cōmuni consensu Sycomorum esse dixerunt. Et tamen Sycomorus adeò rara est, ut nec domestica nec siluestris in Græcia aut Italia sit conspecta. Nonne igitur difficile sit, nascentem in Gallia conspexisse?

Idem dicimus de anibus, serpentibus, aliisq; terrestribus animalibus: de fodinis, lapidibus, & metallicis. Nostra Carduelis quæ à carduo nomen sumpsit, ea esse videtur quam Græci Acanthin nuncuparunt, attamen acanthis carduelis non est. Atque si vulgus Gallorum quosdam serpētes appellat Aspidēs, nō sine errore hoc fit; etenim nullæ in Gallia reperiuntur, uti neq. murena, quas vulgus Lampetras esse æstimat, neq. fluuiatiles cancri; quæ appellatio inepte nostris escreuilles indita est. Sic singuli existimant Salpetra esse Nitrum; sed erroneā esse eam opinionem, libello cui titulum fecimus De medicato funere, probauimus. Et quemadmodum falsa nomina indimus nonnullis rebus nobis vulgaribus: sic etiam nonnullas habemus admodum communes, quarum appellationem legitimam ignoramus. Nullus est rusticus, qui in Gasconia Salamandrā Myrtil nominare non norit, apud Allobroges sine Sabandos Pluine (nam pluuio tempore

conficitur) apud Cenomanos Sourd (surda enim esse videtur) & tamen Salamandram esse omnes ignorant. Itaque fides non est adhibenda vulgaribus provinciarum appellationibus, in rebus exprimendis, quin primum Auctorum scripta collata & exactè perpensa fuerint. Horum autem exemplorum productione, ignotarum rerum veritatem ex iis quæ probè cognita sunt, perquirendam esse, dicere volumus. At quemadmodum homines generosi & bene nati infamiam obiicere soliti, his qui sese efferunt quod nobili stemmate sint nati, cum tamen ignobilia facinora perpetrent, vulgari proverbio dicunt, nullam affinitatem esse inter villanum & nobilem virum. Eadem ratione dicemus nullam esse comparisonem inter solidæ eruditionis virum & ignarum, quemadmodum nec inter eum qui liberalis est ingenij, & invidum. Sic quorundam male feriatorum & morosorum hominum calumnias repellamus, à quibus nihil unquam prodiit, unde docti nomen mereri queant: ut qui inter eos maximè mihi nocere conatus est, crassum animal esse deprehendatur, quod nostram diligentiam & curiositatem adeò damnarit. Is veterem consuetudinem obiiciebat, inquiens nostros maiores feliciter vitam traduxisse, licet has tennes subtilitates haudquaquam necessarias neglexissent: itaque quemadmodum illi his abstinnerunt, & sine illis salubriter vixerunt, atque suas aegritudines curarunt: nos etiam illorum vestigiis insistere posse: talia enim relinqui debere iis qui ocio abundant, aut his qui res nimia potius curiositate, quàm ob utilitatem perquirunt. Huic asino respoſum volumus, prisci sæculi homines antè quàm ratio conficiendi panem inuenta esset, sanos vixisse, atque à morbis curatos esse, tametsi glandibus duntaxat vescerentur, ut Arcades. Cuperemus igitur tales ignari, vereri consuetudine, sola glande vescerentur, aut solis ficis ut Athenienses, vel

vel solis agrestibus piris ut Tyrinthij, canisve aut arundinibus quemadmodum Indi, vel palmulis ut Carmani, vel milio ut Sarmate, vel Terebinthi granis uti Persæ: nobis autem frumentaceum panem relinquerent, quandoquidem illius inuectores damnant tanquam nimium curiosos. Cuperemus similiter, ut architecturam contemnentes, tanquam rem curiosam, & qua etiam veteres caruerunt, suis edibus relictis in antra & siluas habitatum concederent. Quod si his nequaquam sibi satisfactum esse autumant, velimus Aristotelis curiositatem damnarent, qui animalium differentias nos edocens, non satis existimauit exteriores nouas describere, sed factis singulorum dissectionibus, serpentum costas obseruare, piscium & auium intestina, atque reliquorum animalium interiores corporis partes enumerare voluit. Hippocrates etiã & Galenus suorum maiorum placitis non fuere contenti. Sed tales ignari oculos de industria sibi perstrinxerunt, ut nobis ridendi materiam præberent: de quorũ vita, fabula componi posset singulis horis exhibenda: nã aulicorum more ignorare volunt, quacunque nec videre nec scire cupiunt: cùm tamen usu & atate omnia ad publicã utilitatem immutentur & meliora fiant. Nam qui homines sunt, vitam suã prout natura eos docet instituere norunt, deteriora relinquentes, & optima ob suum commodum amplectentes, sic ut è siluestribus & cãpestribus urbani & cicures facti sint, & in contrarium planè suos affectus mutarint: unde prudentiores singulariter sese oblectantes in rerum naturalium perquisitione, certiq; esse cupientes de legitimarum perfectione, in hoc toti incubuerunt ut verum à falso discernerent: si quis enim artificio gemmam aut metallum, aut aliud quid simile tam exactè imitari norit, ut legitimum nō modò forma, sed etiam aliis qualitatibus referat: ingenij tamen perspicacioris acumen

A S

in eo

IO P. BELLONII OBSERVATIONVM

in eo non consistit, sed contemplari, experiri & perpendere non desinit, donec falsumne & adulterinum, an verò legitimum & verū sit, intelligat. Et ob id factum, nemo est qui merito reprehendere aut accusare possit, aut illi curiositatem utilitatis expertem obicere. Itaque concludere possumus, ignarum nobis inutilem & minimè necessariam curiositatem merito obicere non posse. Sed pratermissis eorum leuibus & ociosis cauillationibus, & ad intermissam de exterarum regionū singularibus rebus narrationem redeunt, prater institutum non fore existimauimus, si antè quàm Turcarum res adgrediamur, non nihil quasi cursim agamus de Creta insula, qua nunc Candia vocatur, quandoquidem vna est ex nostrae peregrinationis stationibus, in qua diutius haesimus.

* Legitimum thymum in Bætica Hispaniæ prouincia, circa Hispalim præsertim frequentissimum. Sedum maius Olisipone & vicinis locis. Murena in Galliæ Narbonensis maritimis.

CAP. III.

Breuis singularium Cretæ narratio, & peculiaris Græcanicorum morum obseruatio.

OMNIVM artium & disciplinarū inuentores quorum memoriam hodie colimus, magna ex parte ex Græcia oriundi fuere, quæ (ut fortuna permittente res subito immutantur) ex diuite & opulenta, qualis olim fuit, vniūq; in omni disciplinarum genere excellētibus abundante, & ob virtutem, magnæ orbis parti imperante, in eum statum nunc redacta est, ut ne unicū quidem pedis vestigiū retinuerit, quod vel tributario Turcarum iugo, vel Venetorum seruitute non sit oppressum. Turca maximam eius partem obtinet cū in continentium in mari. Quod Venetis cecidit, in mari est. Græci Venetis subiecti, paulo meliore conditione sunt, ad religionem quod attinet, quàm qui Turcæ tributarij sunt: & utrorumq; facta comparatione, comperimus eos qui Turcæ subsunt, Turcorum moribus

bus & consuetudine vivere, quæadmodum qui Venetis parent, Venetorum mores imitantur. Tam insignis apud utrosque regnat barbaries, ut nulla apud eos urbs inueniatur in qua sit academia: nemo est etiam qui suos liberos artes liberales aut literas edoceri curet. Omnes promiscuè idiomate loquuntur ex veteri corrupto: sed alij aliis ornatiore: eorum tamen vocabula maiorem habent affinitatem cum legitimo Græco idiomate, quàm Italica voces cum Latinis. Urbium quæ Venetis subsunt incolæ, Italianam linguam perinde callent atque Græcam: at rustici, sola Græca utuntur. Græcorum qui Turcæ dominio subsunt, eadem est ratio: nam qui maiores urbes incolunt, Turcicè & Græcè loquuntur: rustici verò, duntaxat Græcè. Græci rerum proprias nomenclaturas adhuc retinēt, præterquam iis locis ad quæ exteræ nationes frequētius commearunt, ac multo magis in urbibus maritimis, quàm mediterraneis. Nam quum iam diu cum exteris, tum Turcis tum Italici commercia exercuerint, dictiones ab iis mutuati sunt, quas cum vulgari sua lingua commiscuerunt: quod verum esse probabimus, dum plurimos pisces, qui passim circa Cretensis insule litora capiuntur, nominabimus. Nam piscis qui veteribus Sphyræna dicebatur, quemque Smyrne & Lesbi incolæ Sphyræna nominant, Massilienses verò, quod gubernaculi clauo similis sit, Pes escome, vulgari græca lingua, ad Italorum imitationem à Cretensibus Luczo marino, hoc est, Lucius marinus appellatur: idque ad differentiam veterum Aselli, ab illis nunc Gaidero plaro nuncupati. Similiter Græciæ provincia Turcæ subiecta, veteribus Græcis nominibus immutatis, noua turcica receperunt. Exempli gratia piscem proponamus, quem Barbum vocamus, cuique antiquitus Mystus nomen fuit, eum nunc Mustachato, dictione partim Italica partim Turcica appellāt, quoniam mystaces habet. Car-

pam

pam nominantes, quæ Cyprinus ab eis nuncupari solebat, Sasanbaluk nunc appellant. Idem etiam Turcæ fecerunt, à Græcis multa vocabula mutuantes, ut res quas in Græcia inuenerunt exprimerent, quarum neque appellationes neque notitiam habebant: nam peculiares quosdam Græciæ pisces nominantes, sua lingua Glanos baluk, & Chella baluk, hoc est Glanin piscem, & Anguillam piscem dicunt: baluk etenim illorum lingua piscem significat. Sed illud mirum videri non debet: nam exteri ad ea loca peruenientes, in quibus aliquid inueniunt, cuius proprium nomen sua lingua exprimere nequeunt, cum noua vocabula effingendi auctoritas illis desit, ab inquilinis nomina mutuari possunt. Quemadmodum facere solemus in animalibus & aromatis quæ ex Indis adferuntur, quæ nominibus, ipsis apud suos inditis, appellare consueuimus: ut ex paruo animali constat ex Bresilia delato, & Tatro nuncupato, erinacei fortè generis, veteribus ignoto: sed à nonnullis qui eius exuvium fœno suffultum (duro etenim corio integitur) viderunt, Ichneumon credito. Erronea tamen ea est opinio, quandoquidem hoc animalculum cum Ichneumonis natura nihil commune habet. Nonne ipsi met Galli, quasdam voces abs Arabibus mutuati sunt? Nā veteris Cedriam Cotran vel Catrā dictione arabica nominant. Nullus est nauium aut lemborum architectus, qui eam ignoret, atque picandis stipandisq; nauibus utilem esse nesciat. Nullus est ferramentarius, qui eam in sua officina venalem non habeat. Et licet Græci non perinde constanter rerum eandem appellationem in una regione seruent, quemadmodum in alia, plurimum tamen ad veterum dictiones accedunt, præsertim in rebus quæ propria habent nomina.

CAP.

Græcos qui exterorum Principum dominio subiecti sunt, ad ipsorum Principum quibus parent, ritus & viuendi consuetudinem sese componere.

SCIENDVM est præterea omnes Græcos eadem vulgari lingua non uti: nam in una prouincia purior ea est, quàm in alia. Et quia accentus in omnibus non conueniunt, pueros Pere Constantinopolitana vrbi contigua incolas sæpius audire meminimus aduenarum idioma ridentes: imò ipsi etiam viri sese mutuo rident, quemadmodum Galli picardicam linguam, aut aliam quæ pura gallica non sit, imitantes.

Hominum græcanico modo viuentium ritus generaliter descripturi, opifices & rusticos à nobilibus & ciuibus seiungere volumus. Nam qui opulentiores sunt, & qui autoritatis titulo delectantur, vestibus utuntur consuetudini ipsius Principis respondentibus. Qui Venetis subsunt, Venetorum vestiuntur more: qui sub Turca sunt, Turcicis similes vestes gestant. At vulgus utriusque partis, siue insulas, siue continentem incolens, antiquitatis nihil retinet: nam promissam plerumque gestat comam, anterioremque capitis fronti imminentis partem tondere solet, duplicatoque & crasso pileo utitur. Insulani easdem fere in religione obseruant ceremonias, præsertim Cyprii, Rhodii, Lemnii, Chii, Imbrosii, Thasii, Pathmii, Cori, Lesbii, Corcyrenses, Zacynthii, Naxii, Cretenses, & alii qui Christianam fidem retinent, tamen si sub Turcæ dominio degant, quemadmodum & reliqui continentis Europæ & Asiæ incolæ. Omnes generaliter pauca suppellectile, uti Turcæ, contenti sunt, nec supra plumeos lectos cubant: sed culcitræ siue centones lana aut panni tonsura suffultos substernere solent. Odiosum omnes censent vinum aqua diluere: & etiamnum poculis sese inuitant, præsertim Cretenses.

14 P. BELLONII OBSERVATIONVM
 tenses. In eo autem à Germanis discrepant cùm sese mu-
 tuo pronocāt, quòd Germani magnis poculis plenig, hau-
 stibus, Græci verò minutoribus & frequentioribus pocu-
 lis generosissimum Creticū sine maluaticum bibunt. Eam
 ob causam apud veteres græcari (quemadmodū & nunc)
 dicebatur pro inebriari. Sed quoniam græco more bibe-
 do, ceremonia quadam observantur, eas hic adiungere vi-
 sum est. Græcorum mensæ humiles sunt admodum; atque
 ex ordine (minimè eum confundentes) bibere solent: quòd
 si quis præter ordinem vinum postularet, incivilis haberetur.
 Qui in fundendo vino agilior & expeditior est, vini
 cantharum tenet, atque omnibus infundit. Moris est è vi-
 tro pusillo pede carente bibere, & quidquid infusum fue-
 rit euacuare, ne minima quidem vini guttula in eo reli-
 cta. Nonnunquam germanico more ad pocula sese mutuo
 inuitant, tum sese mutuo amplectuntur, & dextras præ-
 bent, quas deinde osculantur & fronti admouent, postre-
 mò oscula male utrique figunt: at tum nullus in bibendo
 servatur ordo. Et quoniam generosa vina minutoribus
 haustibus bibentes, sitim sibi conciliant, vas aqua plenum
 perpetuò apud se habent, è quo magnis haustibus aquam
 bibunt, ut sitim sedent. Mulieres eorum symposiis non
 intersunt, neque accubant cùm simul conuiuantur. Fuit
 verò hic mos apud eos ab omni sæculo: cuius testis est Ma-
 crobius antiquus autor. Fuit & similis consuetudo ipsius
 tempore Romæ, qualis in Græcia fuit Platonis ævo. Nam
 idem Macrobius libro secundo, capite nono, recitans ea
 quæ Plato scripserat, inquit: Et nō magis inter minuta
 pocula, &c. Primis mensis post epulas iam remotis,
 & discursim variantibus poculis minutoribus, so-
 let cibus quum sumitur tacitos efficere, potus loqua-
 ces. Paulo post addit Parthos in symposiis uxores mi-
 nimè admisisse, sed solas concubinas: sed hæc ex Herodo-

to desumpsit: sic inter pocula, res serias tractari non vult.

Vetus mortuos deplorandi consuetudo apud Ethnicos, etiamnum hodie perdurat in Gracia, Epiro, Bulgaria, Croatia, Sernia, Wallachia, Illyrico, Dalmatia, aliisque provinciis Gracos ritus observantibus. Sed res magis ridicula est quàm ut credi queat: nam sublato aliquo è viuis, mulieres designato quodam loco conueniunt, & à summo diluculo ululare incipientes, pectora tundunt, malas lacerant, crines vellunt, ut spectatori commiserationem excitare queant; atque ut melius pompa procedat, feminam conducere solent bene vocalem, & crassiore reliquis voce intonantem, ut pausa & accentus facilius intelligi queant; sicque eulatum continuant, laudes defuncti ab ipsis usque natalibus ad eius interitum continua serie enarrantes. Accidit plerumque in hoc luctu, ut mulieres sese serio verberent, atque virgines totam faciem unguibus lacerent. Et tametsi Venetus Senatus, qui plerisque locis dominatur, ubi incola hanc mortuos deplorandi consuetudinem habent, ut in Corcyra, Cypro, Creta, aliquando vetuerit, ne amplius more graco deplorarent; attamen incolae minimè eam deseruerunt: nam ipsi etiam viri aliquid sibi decedere hoc edicto existimabant. Moris est ut Gracorum uxores in publicum non prodeant: attamen si quae formosa sit mulier in ea urbe in qua mortuus defletur, suae formae praestantiam demonstrandi datam sibi occasionem gaudebit, dum reliquas per urbem comitatur: quandoquidem passis capillis atque nudato pectore turmatim incedere solent. Ad hoc spectaculum conueniunt etiam viri, ista saltem oblectatione fruentes, quod vicinorum uxores & filias pro suo arbitratu conspicerent, quas alioqui alio tempore vix videre liceat: verum quidem est homines diuersis de causis ad huiusmodi spectacula confluere, quoniam alios stimulat zelotypia, alios impellit amor.

CAP.

PRIMARIJ tres Cretæ montes vetera nomina immutarunt: nam qui olim Lenci vocati sunt, nunc de Madara, aliàs la Spachia appellantur: 7da iam Pfiloriti dicitur: & Dicta nominatur Sethia, & quibusdam locis Lasti. Adeò celsi sunt, ut nix tota hieme eos operiat: tametsi Cupressi hinc inde inter saxa conuallium nascantur. Huius insulæ ambitus quindecies centena & viginti passuum milia continet: & quoniam adeò frequentes in ea sunt montes, rara sunt istic campestria. Itaq. multa sunt inculta loca, quæ tamen non minorem censum adferunt dominis quàm fertile solum: quoniam pecudes uberes pastiones istic inueniunt. Istic magnos greges alunt Striphocheli, arietum & caprarum, qui illis ex caseis & lana singulis annis magnam pecunia vim reddunt. Ex 7da montis summo vertice, mare insulæ utrumque latus aluens facile conspeximus. Non immeritò Cretenses olim Diane fuere dicati: nam etiam hodie veterem consuetudinem sequentes, natura impulsu & ab ipsa pueritia Scythico arcu sese exercere solent: quin & ipsi pueri in cunabulis si irascantur & eiulent, ostenso illis arcu, aut sagitta in manus data placantur: propterea ipsos etiam Turcas arcus iaculatione superant. Quemadmodum autem antiquitus strenui erant in pugnis marinis: sic etiam nunc adeò dextri, agiles & strenui sunt, ut è suis nauculis quas Squiraces appellant, magno animo hostibus resistat. Hæc ideo referimus, quoniam experti sumus, & vidimus illos à Piratis oppugnatos inter Zacynthum, nunc Zante, & Cerigo, olim Citheram, tam fortiter pugnantes, ut bini myoparones, etiam in malacia, paruum Cretensem nauculam adgredi cominus non sint ausi. Hæc Insula Cretæ difficile vi oppugnari potest, nam cum ad eam nullus sit aditus

aditus nisi per mare, & incommodos habeat portus, minus propterea est. Verum quidem est urbium & castellorum muris cinctorum incolis non deesse commodos portus, ut in Canea, Candia, Setia, Voulismeni, Chisamo, Selino, Spachia: sed præterquã in prædictis urbibus, rarè admodum sunt in littore portus: & quotquot illi sint, procul ab urbibus absunt, è quorum numero unicũ duntaxat in tota insula commodũ nouimus, la Suda nominatũ, qui pane Caneam urbẽ est: in quẽ Ariadeni Barbarossa cognominati triremes appulerunt, postremo quod Turca aduersus Venetos gessit bello. Sed, ut dictum est, re infecta, imo vix conspecto quidem hoste, militem in triremes recipere coactus fuit, cùm pauci essent numero, & ob loci incommoditatem. Tres solummodo celebres urbes nunc sunt in insula Creta. Primaria Candia nominatur, olim Martium, à qua vniuersa insula appellationem desumpsit. Amplitudine secunda post Candiam, Canea vocatur, olim Cydon, à qua cotonea mala cydonia dicta sunt. Tertia est Rhetymo, quam veteres Rhithymnam nuncupabant: paulo incommodiorem habet illa portum pro navi- bus & triremibus, quoniã minoribus solum nauticulis aditus in eũ patet: at Canea & Candia cõmodissimos habent, pro omnibus nautium generibus, atque egregiè clausos, & ab omnibus ventis tutos. Hæc de tribus primariis populosis urbibus: de castellis autem hinc inde per insulam sparsis transcursum agemus. Voulismeni castrum olim Panormus dictum, adhuc integrum est, inter Cytiam & Candiam ad littus maris in edito situm, ad cuius latus sinistrum horrenda est maris vorago. Cytia, olim Cyteum, quartũ est Creta propugnaculum: nam oppidũ pusillum est, populosum tamen ad infimam insule cuspidem, è regione Rhodi, ut centum duntaxat milium passuum inter sit inter Rhodum & Cytiam urbes. Duo sunt præterea alia castella in summo capite insula. Vnum mare ægeum

B

spe-

ES P. BELLONII OBSERVATIONVM
spectans ad Septentrionem, Chysamo nunc, olim Cysa-
mum appellatum, omnino fere dirutum, cuius tamen ve-
teres muri adhuc integri permanent: sublimi loco non est
situm, sed humili, teli iactu à littore. Dimidio à Chysamo
miliari, versus Canospata, vel Capospada, vetusta cu-
iusdam urbis rudera in colle sita inueniuntur, dimidio à
mari miliari, ubi adhuc murorum restant vestigia, &
tantus elegantium cisternarum numerus, ut nemo sine ma-
gna admiratione eas contemplari queat: incolae Paleo He-
lenico castro appellant. Portus muri qui iam fere arena
oppleti sunt, magno indicio sunt, eam urbem antiquitus
fuisse potentem. Ex aduerso Chysami, insula transversa
dimensa, aliud est castellum in colle situm ad maris litus
nomine Selino. Aliud est praeterea oppidum Spachia nomi-
natum, quod muris non est cinctum, sed aedificiis hinc inde
sparsis magnum quendam pagum efficit ad celsissimorum
montium, olim Leuci nominatorum, nunc verò de la Spa-
chia, radices in declini situm: ibi parua quaedam arx so-
lummodo est extructa aduersus piratas per fugium, in qua
praefectus vix commodam habitationem habet. Huius pa-
gi incolae belli scientia & sagittandi peritia reliquos insu-
lanos longè superant: delectantur propterea validioribus
arcibus, quàm reliquarum prouinciarum incolae. Quid-
quid olim de Creta fluminibus dictum sit, persuaderi ta-
men non possumus, unicum in tota insula reperiri qui na-
uigabilis sit, aut paruam solum nauiculam ferre possit.
Certum est multos inueniri magnos riuos, in quibus spon-
te & sine cultura Colocasia crescit: quod mihi non me-
diocrem admirationem attulit tantam eius quantitatem
istic conspicienti. Inueniuntur & in illis fluuiatiles cancri.
Aëris temperies, & riuorum fluentium commoditas oc-
casionē praebeant incolis cultissimos hortos instruendi, & ele-
gantia vireta, eaq. magna quantitate, quae illis magnum
censum adferunt. Horum nonnulla adeo ameno loco
sunt,

sunt, ut eorum contemplatione nunquam quempiam tæ-
deat, præsertim in possessionibus nobilis cuiusdam Veneti,
cui nomen Dominus Ioannes Franciscus Baroczo, qui
nos in omnibus suis prædiis & villis honorificè excipi cu-
rauit, & quæ in illa regione singularia erant, demonstra-
ri. Vireta maxima ex parte sunt confita amygdalis, oleis,
malis punicis, ziziphis, ficis, aliisque fructiferis arboribus,
inter quas vastæ magnitudinis aurea mali, citria, &
Adami poma quæ ferunt, è quorû fructibus Greci succum
exprimunt, eoque dolia implet, quibus suas nauticas Squi-
races nuncupatas onerant, easque Constantinopolim, vel in
alias Turcæ subiectas provincias vehunt; eo enim succo
Turcæ plurimum in cibis utuntur agrestæ siue ompha-
ci loco: sed & in iisdem officinis ex dimesso venalis reperi-
tur, in quibus salsamenta & garum præstant. Nonnullis
Cretæ locis proueniunt Palmæ cum maiores, tum pumilæ,
præsertim ad riuum cuiusdam ripam qui ex fonte quodam
decurrit in aquæ falsæ gurgitem, quæ Cretenses sua lingua
Almiro nuncupant: sed non sunt fructiferae; calum enim
Cretense nimis frigidum est pro Palmis.

CAP. VI.

De Pseudolabyrintho Cretensi, & ruderibus quarun-
dam urbium eius insulæ.

LABYRINTHVS qui nunc in Creta conspicitur,
non is est cuius Veteres meminerunt. Nā qui nunc osten-
ditur, ad radices montis Ida vulgo Psiloriti nuncupati si-
tus est: qui nihil aliud quàm Latomia fuit: omnes tamen
Cretæ incolæ eam adulterino Labyrinthi nomine demon-
strare norunt. Latomia fuit solidi admodum & elegantis
saxi, è qua lapides diuersis locis exempti sunt, cum Gorti-
na & Gnosi urbium ædificia extraherentur, quæ olim pri-
marie totius insulæ urbes fuerunt, ut ex earum ruderibus
apparet. Quemadmodum autem maiorem Pyramidem
Ægyptiacam Busiridem nuncupatam accessuris è pro-
ximo illi pago duces sumendi sunt, qui viam demonstrant,

& in ipsa Pyramide preluceat: sic duces è pago quodam, ubi olim urbs Gnosus fuit, huic Latomie vicino, sumendi sunt, qui viam ingredi Latomiam volentibus demonstrèt. Verum quidem est multos inesse maandros nunc hac nunc illac, modo ad dextram modo ad sinistram sese contorquentes, quales in arte elaborato Labyrintho esse possent: at istud duntaxat provenit è locorum, unde lapides exenti sunt, canis: quod probari potest è vestigiis & orbitis rotarum, atq. è lapillis hinc inde muro inclusis ad viae latera. Cortinae ruderà admodum sunt magna; at nunc adhuc conspiciuntur pauca quedam columna recte, solo infixæ, & exiguus quidam pagus vulgo Metaria dictus. Murorum lapides, quoniam elegantes & quadrati erant, omnes ex iam dicta latomia olim excisi, auerti fuerunt, idque facile, quoniam mare nò procul inde abest. Est etiam torrens è monte delabens, quem esse existimo qui Straboni & Solino Lethyus nominatur: is vado transiri potest, nec ponte vel cymba opus est. Est etiam aqueductus adhuc integer quem magna fornices sustinent, plurimarum molarum rotas versans. Frequentes item sunt Platani in valle ubi fons scaturit: sed nulla hieme folia retinent. Persistunt adhuc inter ruderà quidam validi arcus & muri cuiusdam templi, tum etiam multa fornices tenaci cemento & latere constructæ supra rinum, Lethyum, quæ nostra opinione factæ sunt ut locum planum & æqualem redderent, ad instituendum urbis forum.

CAP. VII.

Qua ratione Cretenses Ladanum colligant.

INTER memorabiles res quæ in Creta observari possunt, est colligendi Ladani ratio, quod ex primariis medicamentis est, nostra suffumigia sine odoratos pastillos ingredientibus. Non colligitur è Ledo, ut veteres aestimarunt, sed alia arbuscula Cisto nuncupata, cuius tanta est abundantia, ut eius regionis montes isto vestiantur. Natura
ea est,

ea est, ut defluentibus floribus vernis, abiectisque hibernis foliis, novis frondibus amiciatur quasi lanugine pubescentibus in proximam aetatem, quae per Solis aestus vli-
ginoso quodam rore pinguescant: quoque ardētiores sunt calores, tanto abundantior ille ros foliis innascitur. Inuenitur Cisti genus incultis Oyse locis, ducatu Cenomano, sponte nascens, praesertim circa pagum Fouletoarte, apud Soulletiere (natalis nostri locum) omnibus notis Graecanico respondens, praeterquam quod Cenomanus cistus pingui rore non oneratur, quemadmodum Graecanicus: sed illo etiam longè minor est. Graeci colligendo Ladano peculiare instrumentum parant, vernaculo sermone illis Ergastiri dictum. Est verò id instrumentum raistro dētium experi simile; huic affixae sunt multae ligulae sine zona è coria rudi neque densato sine preparato confectae. Eas leniter adfricant ladaniferis fruticibus, ut illis adhareat liquidus ille humor circa folia concretus, qui deinde à ligulis per summos Solis ardores cultris est abradendus. Itaque Ladanium colligendi summus, imò intolerabilis est labor, cum totos dies summo canicula aestu in motibus harere necesse sit: neque verò facile quisquam alius ad id colligendum operam sumit praeter Calobieros, hoc est, monachos Gracos. Nusquam autem maiore copia per totam insulam cogitur, quam ad montis Idae radices, pago Cignali-
nus nuncupato, & apud Milopotamo.

CAP. VIII.


De pisce Scarò in Cretae littoribus admodum frequenti, aliis tamen regionibus valde raro.

PISCIS est muli barbati magnitudine, Cretae admodum familiaris, Scarus dictus, cuius veteres Auctores saepe meminerunt: nā apud Romanos olim in deliciis fuit, primum locum inter reliquos pisces facile obtinens. In nostris siue Oceani siue mediterranei maris litoribus conspicui non solet, & asserere audent, neque in Propontide,
B 3 neque

neque in Hellesponto, neque in Euxino, neque in Adriatico inueniri: nam eum istis frustra requisuimus. Attamen adeò frequens est in nonnullis Crete littoribus, ut nullus alius vulgatius capiatur. Quoniam verò eadē insula regione, eodemq; fere quo Ladanum colligi solet tempore, inuenitur, & quòd eius maxima captura incidat in tempus quo Ladanum colligitur: contigit ut eadem profectioe utrumque obseruaremus, idque casu potius & fortuito, quàm dedita opera. Iam multo tempore in insula haeseramus, & tamen quoniam commodo tempore eò non veneramus, neutrum videramus. Sed cùm nauem conscendissemus ut ex Rheymo ad Candia urbem nauigarem, pirata nobis vela facientibus obuij facti, compulerunt ut fugam capefferemus ad littus inter Milopotamo & Cigalinus. Quo appulsi nauta, deserta naui, in montem profugerunt: quoniam tamen piratae suas naves egredi non solent, ut eos qui in terram fugiunt persequantur, direptis solùm nostris impedimentis, abierunt relicta istis nostra nanicula, & alijs nonnullis quae tollere non poterunt. Nos verò perterriti, per montes currere non desimus, donec Calohierorum monasteriũ in valle iuxta litus situm perueniremus, vbi tunc nassas subleuabant quas ad capiendos Scaros tetenderant. Et quia istis aliquot dies haesimus, satis nobis ocij fuit, ut, cur hi pisces alibi rari, istis adeò frequentes essent, percontaremur. Comperimus Scarum piscem saxatilem, praterquam quòd inter rupes & saxa versari gaudet, alimento ipsius ventriculo conuenienti etiã opus habeat: id autem est pusilla quadam herba alibi non nascens, cuius cùm Scarus admodum sit appetens, libentèr in ea insula parte versatur, ut eã depascatur. Calohieri igitur, aliq; eius loci rustici, Scari naturã non ignorãtes, & quòd phasiolorũ planta delectetur, eam in agris serunt, & escam ex ea parant ad Scaros capiendos, folia (reseruatis in suum vsum lobis) interdum

nassis

nassis imponētes, easq; in mare demittētes, quas Scari ingressi, capiuntur, alias difficilis foret eorum piscatio: nam linea aut sagena rarissime capi possunt. Quoniam autem Phasiolorum herbam Scaris dedicarunt, vulgo eam Scarouotano appellant. Scari gregatim natant, uti Salpe, & mulis barbatis sunt colore proximi. Omnes Scari notas hic recensere minimè necessarium est: eū enim satis fusè cum reliquis piscibus descripsimus. Sed tamen notatu dignum quidpiam prætermittendum non duximus: cum enim in hac fuga usq; in multā noctem ieiuni fuisset, Calobierus Scarum attulit ipsorum more veru infixum & coctū (solent enim ligneo veru in os infixum per corporis longitudinem eos terebrare, & supra prunas affare) qui quodammodo ridentem hominem ementiebatur: nam Scarus dentes more humano dispositos habet, cumq; labra ignis calore contracta essent, hominis ridentis os quodammodo referebant. Præfertur in hoc pisce, herba quam depastus est, cuius magna in ipsius ventriculo semper inuenitur copia. fegur illi magnum est, ad insculum illi faciendum accommodum: nam cum ipsis intestinis, sale, & aceto tritum, gratiorem reddit totum piscem. Ut autem quis intelliat de quo pisce egerimus, illius effigiem hic adposuimus.




CAP. IX.

Varij generis anium in Græcia obseruatorum gallica nomina cum veterum appellationibus collata.

UT peculiariter de anibus nunc ageremus, nos eò impulsit, quod parua nauicula inter Zacynthum & Cytheram nono vere nauigantibus, varia anium genera vo-

lando defessa apud nos confederunt, quas vulgaribus nominibus exprimere tum didicimus. Sed cum eas septem libris prolixè descripserimus, de singulis duntaxat aliquid nunc agemus. Quoniam porro non ignoramus plurimos dubitare, an animalia in oriente degentia eiusdem magnitudinis & formæ sint cum his quæ apud nos conspiciuntur, eos docere volumus, si milia esse omnia quadrupedum, animum, serpentum, piscium, & plantarum genera, iis quæ in nostris provinciis habentur: atque si ulla est differentia, eam in toto genere conspicuam inueniri. Verum quidem est multa genera istic esse nostris ignota, quæ Veteres propriis nominibus appellarunt, quorum cognitionem ut adipiscamur, elaboramus. Quo modo igitur Germanus, Gallus, aut alterius nationis quispiam nomen vulgare in sua lingua reperiet, quo peregrine avis appellationem exprimat, si ipsius regio ea careat? Eius exemplum proferemus quam Græci *Meropem*, Latini *Apiastrum* nominarunt, Creta adeo familiarem, ut nullo non loco volare conspiciatur, attamen alibi adeo raram, ut ipsiismet Græcis mediterranea incolentibus ignota sit. Vix unquam in Italia volare visa est: attamen Galli, Germani, & alij Europæi, Gallorum *Mesange*, *Meropem* esse censuerant, tametsi hallucinentur. Nam *Merops* avis est *Sturni* magnitudine, esui minimè apta, *Alcioni*, quam nos Galli *Martinet* *pescheur* nuncupamus, fere similis. Cretensibus amplius non dicitur *Merops*, sed *Mellissaphago*, dictione Latina *Apiastri* quodammodo respondente: nam volans in aëre apes depascitur *Hirundinum* instar. Solus non volat, sed gregatim, & præsertim secundum montes, in quibus genuinum *Thymum* provenit, ut apes aucupetur, à quibus appellationem sumsit. Licet autem Gallorum *Mesange*, quam Græci *Parum* vocant, Itali *Sparnoczolo*, multum illis damni inferat, & *Rubeline* si-

que Gorge rouge, Rubecula Latinis, Pettorosso Venetis dicta, apes vorat, neutra tamen *Apiastri* nomē adepta est, quemadmodum hactenus existimatum est. Ut verò hunc errorem tollamus, veram eius figuram hic proponere libuit.



Elegantissimo colore praeclata est haec avis, nec minus florido quam sit *Psittaci* color. Procul auditur eius vox, illi ferè similis, quam vir ore in rotundum clauso sibilans caneret grulgrurururul; nec minus sonora quàm *Vireonis*, *Loriol* Gallis dicti. Eius singularis elegantia pueros *Cretēses* inuitat ut eum cū cicadis venētur, quemadmodū & maiores hirundines *Apodes* nuncupatas. Eum autem hac ratione venantur: aciculam hami instar incuruam per mediam cicadam figunt, eamq; capite filo alligant, cuius extremum manu retinent: cicada sic transfixa nihilominus in aëre volat, quam conspiciens *Merops*, impetu in eam irruit atque eam denorat; at acicula incurua quam cum cicada denorauit retentus capitur. Auem quae Gallis *Coqu*, veteribus Graecis *Coccix* dicta est, *Cretēses* nunc De-
B s
cocto

cocto appellant: Decocto autem significat octodecim. Sic
verò appellant, quoniam Caccix suo cantu decocto expri-
mere videtur. Avis quā nominamus Bergeronnette, La-
uendiere similis, Latini Culicilegā, Veteres Knipologum,
Græcis nunc Susurada dicitur. Attagen verò Taginari:
licet nonnullis Attagas, quemadmodum & Constantino-
poli. Cū verò Attagenem nostrā Canne-petiere, quam
Veterum Tetracem esse arbitramur, admodum similem
nouerimus, aliquam notam perquisiimus qua discerni
possent. Cannepetiere autem deprehendimus plumosa non
habere crura, uti Attagē habet (cui & rostrum nigrum,
brevius atq. firmitus; minorq. est quā Cannepetiere) alias
colore non multū differunt, tametsi Attagen interdum
variet: nam & omnino candida inuenitur. Eam esse exi-
stimamus quam Sabaudi siue Allobroges Perdicem al-
bam vocant, Plinius Lagopodem: nam omnino alba est,
cruraque habet plumis onusta, ut Attagen, tametsi mi-
nores sint. Cū Venetiis essemus apud Dominū de Mor-
uilliers, Regis tū Legatum, vidimus Attagenes albas:
Itali autem utrumque genus Francolin vocant. Quem
Romani Tetraonem nuncuparunt, nunc verò Itali Gallo-
cedrone, Aruerni Faisant-bruyant, Sabaudi Coc de bois,
frequenter in celsorum montium Creta siluis cōspicitur,
capone duplo maior, macula rubra utrinque circa oculos
ad tempora insignitus, ut Fasianus, cuius pluma in pecto-
re præ nigredine splendent, ut in palumbis collum: nihil
albi toto corpore obtinet præterquam in alis, cruraq. ha-
bet plumosa, ut Attagen, perdix alba sabaudica, & Geli-
notte de bois Gallorum.

CAP. X.

Multarum aliarum avium Græca nomina cum Gal-
licis appellationibus collata.

AVES veteribus Græcis Cicle nuncupata, Latinis
Turdi, nobis Grives, Mauvis, Trasles & Tourets, nunc
in Grecia nominantur Schynaponalli, ac si Lentiſcenas aves
dicas:

dicas: & quoniam Myrti baccas etiam deuorant, à non-
 nullis Myrtopoulli. Sed tales aues plurimum damni in-
 ferunt, ubi olea conferuntur. Quem Aristoteles Visci-
 norum adpellauit, Galli Grande Griue nominant, quoniā
 primaria est in suo genere, & reliquis maior. Secundus
 Aristoteli Pilaris dictus, nostra lingua vulgo Litorne
 nuncupatur: magnitudine est Merula. Tertius quē Ilia-
 cū nominauit, vulgariter Mannis appellamus: omnium
 minimus est. Sturni crassitie, in alarum complicatione &
 sub ventre nonnihil flauescens. Aucem nobis Roitelet di-
 ctam vernacula lingua Trilato vocant, appellatione ve-
 teri Trochilos quodammodo respondente: quam ab altera
 minore probè distinguere norūt, illis Tettigon dicta, La-
 tinis Tyrānus, & Gallis Poul, Soucie aut Sourcicle, fla-
 uas plumas utrinque in capite gestante, crista instar, quæ
 illis (ut nobis supercilia) oculos tegunt; unde hanc appella-
 tionem gallicam inuenit; locustam crassitie non superat.
 Gallorum Chouettes aut Choncas, quas Picardi Belgicæ
 populi Craues nominant, rostro & pedibus rubris, Aristo-
 teles Corakias appellauit, Plinius Pyrrocoraces, frequē-
 tes sunt admodum in summis mōtium insule ingis: Græci
 nūc Scurapola vocant. Aristotelis Cyanos, & Plinij Cæ-
 ruleus, quoniam in celsoꝝ montium scopulis degit, &
 Merula similis est; nomen nunc mutauit & Petrocossi-
 pho dicitur: minor est Merula, & omnino cæruleus, ad
 alendum in cauea cantus gratia aptissimus, habet etiam
 vocem Merule proximam. Nullum gallicum nomen illi
 indere possumus, quia apud nos non reperitur, uti nec in
 Italia, nisi forte in caueis adferrentur: nam interdū pulli
 è nidis tolluntur, ut eos humana verba sonare edoceant.
 Quemadmodum porro Aristoteles tres Merula spe-
 cies agnouit: sic illi Merulas habent nigras & albas quas
 veteri Gracorū nomine Cossiphos appellant: tertiam præ-
 terea speciem cuius Aristoteles meminit, quam Galli pe-
 culiari

culiari nomine *Merle au collier*, id est, *Merulā torquā-*
tam dicunt, quoniam albam lineam habet sub gutture
 versus pectus, collum omnino cingentem: eius magna fre-
 quentia in valle *Morienne*, & per reliquas *Allobrogia*
 valles. Quam multis Gallie locis *Dixhuict*, *Lutetia Vā-*
neau dicunt, veteres Romani *Parcum* nominarunt, Ita-
 li nunc *Paoncello*, vulgari Græca voce ut antiquo nomi-
 ne *Aex* appellatur, quoniam sæpè capræ modo vocifera-
 tur: Nonnullis *Taos agrios*, id est *Pauo* silvestris nun-
 cupatur, quoniam cristam *Panonis* instar capiti immi-
 nentem gestat, ut & *Galerita*. Nullas in *Creta* cinereas
 siue minores perdices habent: sed alias rubentes *Gallina*
 crassitie, quas vulgo *Coturno* appellant, voce ut apparet
 ab *Italica* mutata. Veterum *Euruca*, siue *Gallorū Fau-*
nette brune, nunc istis *Potamida* vocatur. Nobis assene-
 rarunt, eam vulgo *Cuculi pulli* alere, licet plurima alia
 sint quæ eum etiam alant: hæc tamen peculiariter magis
 quam reliquæ aues. Nō desunt qui *Potamida*, *Gallorum*
Rossignol, siue *Luscinia* esse velint: atque ut ingenuè fa-
 teamur, nostra etiam fuit ea opinio: attamen postea de-
 prehendimus *Lusciniam* istis *Adoni* aut *Aidoni* nuncu-
 pari, *Rossignol* appellatione *Galli* binas aues norunt, aliam
 nemoralem, alteram muralem, quæ veterum Græcorum
Phoenicurus, & Latinorum, *Gaza* interprete, *Ruticilla*
 est. At *Potamida* à *Rossignol* siue *Luscinia* differt, pedes-
 quæ & rostrum plumbei coloris ad cinereum vergentis
 habet. *Gallis Fauvette brune*, aut grande *Fauvette* di-
 citur, ad alterius, quam ipsi *Fauvette rousse* nominant,
 differentiam, *Troglodytes* veteribus dictam. Veterum
 Græcorum *Agotilax*, & Latinorum *Caprimulgus*, in
Creta vulgo notus est, præter *Solini* & aliorum opinio-
 nem: quem quoniam per urbes noctu volat, horrendamq;
 vocem emittit, *Fresaye* vel *Effraye* appellauimus: Inter-
 diu non magis videt quam *Noctua*, quam *Galli Chene-*
 che

*che aut Chahuant nominant. Nonnulli Orfraye pronū-
ciant: sed id nomen alteri aui conuenit, Ostrago nimirū,
cuius mentionem libro de Auibz faciemus in Nyctico-
racis descriptione. Caprimulgus hic Cuculi fere magnitu-
dine & crassitie est, & apud nos in celsis turribus & tem-
plorum foraminibus nidulatur: Cretenses autem in sco-
pulis mari imminetibus, ubi magnum damnum pasto-
ribus, qui Capras sub tectum noctu cogere non solent, infe-
runt, quoniam ē caprarum uberibus lac exugunt. Ori-
dius 6. Pastorum eorum meminit his verbis:*

Nocte volant, puerosque petunt nutricis egentes,

Et viciant cunis corpora rapta suis.

Carpere dicuntur lactentia viscera rostris,

Et plenum poto sanguine guttur habent.

Est illis Strigibus nomen: sed nominis huius

Causa, quod horrenda stridere nocte solent.

CAP. XI.

*Vetera & recentia, cum Gallica tum Græca
multarum aliarum auium nomina.*

*INTER omnes quas nouimus aues, nullam conspexi-
mus quarum pedes quatuor digitos non habeant, præter
Plumier, Guillemot, Canne-petiere, Ostarde, & Pie-
de-mer, quæ olim Hematopus nuncupabatur. Rara
est hæc avis in nostris littoribus, tamen si aliquando vi-
sa sit. Corpore est ardeole, Gallis Aigrette dicta; alis La-
ri siue Mouëtte Gallorum; & eorundem Flambant, siue
Phœnicopteri Latinorum forma; rostro quatuor digitos
oblongo instar Beccasse Gallis dicta (quam ob causam à
nonnullis Becasse de mer etiam dicta est) sed à reliqua-
rum palustrium rostris, quibus rotundum est, differente:
nam huius planum est in extremo & mucronatū, & ali-
quantulū nigricans, reliqua parte rubente: caput cū collo
nigrum est: nigre sunt & alæ superius nisi albæ plumæ eas
transuersas secarent, unde Gallicam appellationem sumsit
Pica marina: interior alarum pars & venter alba sunt:
extrema*

extrema cauda nigra, eiusdemque cum Anate longi-
tudinis: binos habet pedis digitos simul coherentes, inte-
rior vero ab aliis seiunctus est: calcar in pedis calce
ut reliquæ aquaticæ aues non habet: eius præterea pedes
molliores sunt & delicatuli, non sicci & duri ut in aliis:
crura tres digitos oblonga; digiti breues, ungula fornica-
ta ut in Tardis. Carne est insipida, dura, & admodum
nigra, gulamq; habet admodum magnam, amplam & ro-
bustam. Becasse nostra, veteribus *Ascolopax* dicta, reti-
net etiamnum nominis affinitatem quandam cum veteri
Græcorum appellatione: nam hodie *Xilornitha* ab illis vo-
catur, voce conformi cum Latina dictione *Gallinago*.
Alandas *Chamochiladi* nominant, & *Palumbes* *Phasi-*
sa. Magis proprium vocabulum non habent, ut *Elorium*
sive *Corliz* exprimant, quàm *Macrimit*, hoc est, oblon-
gus nasus. Græci vulgaribus dictionibus carèt, quibus tã
aptè propriis nominibus aquaticas aues distinguere pos-
sint, ut nos: nam *Sarcelles* & *Morillons* indifferenter ut
Cannes, id est, *Anates* appellant, nomine *Pappi*. *Mergi*
marini peculiare quoddam genus in *Creta* reperitur sub
aquis natans à *Cormarant* *Gallorum*, & à reliquis *Mer-*
gis diuersum: *Aristoteles* *Ethiam* nominauit, *Littoris*
accola *Cretenses* *Vuttamaria* & *Calicatczu* appellant:
magnitudine est *Querquedula* sive *Sarcella* *Gallorum*,
ventre albo, capite, quod planum est, dorso, alis & cauda
nigris: nullũ calcar in calce habet, quod illi soli inter reli-
quas planipedes aues peculiare est: eius plumæ nihil aliud
sunt quàm tenuissima lanugo firmiter cuti inherens: eius
rostrum utrinque admodum incidit, concavum & ferme
planum, lanugine magna ex parte intectum, nigrum su-
perne, albũ infernè. *Fluviatilis* ille minor *Mergus*, quem
Galli *Chastagneux* nominant, *Creta* ignotus est. *Gallorũ*
Verdier, Græcis *Chloris* & Latinis *Lutea* dicta, vulgari
Græcorum sermone *Affarandos* appellatur, nomine satis
affini

affini illi quod apud Cenomanos obtinuit, Serrant. Latinorum Fringille, siue Gallorum Pinsons, nunc voce prorsus à veteribus aliena Fringilari dicuntur, Veteribus Spizæ nuncupabantur. Veterum Orospezæ, quas Montains, aut Pinsons d' Ardene vocamus, à Vulgari Fringilaro, ex Italica Fringuello appellatione deducta, non discernunt. Nostri Bruantes illis etiam vulgares sunt: sed veteris Græci nominis Anthiobliti, Lat. nā Flori appellationem usurparunt. Vulgo etiam vocant Passerem Sporguitis, & Gallorum Mouette Laros. Veterum Pikilis, siue Latinorum Carduelis, & Gallorum Chardoneret, ab illis Cardueli aut Stragalino dicitur: licet hoc vocabulum Chardoneret conueniat alteri ani quam Græci Acanthin, Latini Spinum nuncuparunt, nos verò Serin dicimus, ipsi nunc Spinidia. Nulla avis in Creta frequentior Gallorum Pinoine, quæ per vepres & durios volat: quoniā autem auicula est capite, cauda, & aliqua corporis parte nigris, plerique vulgo Asprocolos nominant, hoc est, albus podex. At hoc nomen non rectè illi tributum est: nam alia est avis quæ apud Gallos hoc nomine Cul blanc peculiari-ter insignitur, Latinorum videlicet Vitiflora, & Græcorum Oenanthe. Nonnulli, Gallorum Pinoine, aptiore vocabulo exprimunt Melanocephali, hoc est, Caput nigrum: Veteribus Græcis Melancoriphos dicta est, Latini Atricapilla, eadem cum Zikalis, quā Galli Papasighi aut Becasighi nominant, Latini Ficedulam. Veterum Origo-metra, hoc est Coturnicum mater, rara est in Creta: sed reliquis Græciæ prouinciis non minus frequens, quàm in Italia aut Gallia: nonnullas notas cum Coturnicibus communes habet: & quoniam hoc vitium habet ut commodè volare nequeat, natura illi celerrimum cursum tribuit: Galli Rasle appellant, Itali Regem Coturnicem. Quoniam verò nigra est, & in aquis perpetuò versatur, quodammodo similis est Gallinæ aquatica, Italis Foulica dicta: minor

nor tamen est, neque adeò nigra, sed albo colore in alis & lateribus variegata, caudaq; subtus ruffa, & ut in reliquis aquaticis auibus breui, rostro binorum digitorum longitudine: sed si cum Becasse, Cheualier, & Corliz Gallorum rostris admodum oblongis comparatur, breui. Vultures, Aquila, & Falcones in Creta nidos exstruunt, non in quercubus alijsve arboribus, ut reliquæ aues solent, sed in scopulis mari imminentibus & propendentibus, locis admodum difficilibus & precipitiis. Vix conspici queunt nisi è navibus & mari. Itaq; cum eorum pullos habere volunt, longo fune opus est secundum scopuli longitudinem demisso, cuius caput palo in montis vertice terre infixio firmiter adligatum sit: per eum rusticus quidam se demittit, donec ad Vulturis nidum perueniat, deinde per eundem funem denno in altum subit. Vel puerum magno corbi impositum ex summo scopulo demittunt: cumq; ad nidum peruenit, pullos eximit, eosq; corbi imponit, quem postea rursus sursum attrahunt. Vultures tum furui, tñ nigri, Cretæ montes incolunt, in quibus greges pascuntur, agnosq; & hœdos, tum etiam lepores, si quos in aperto deprehendant, rapiunt. Idcirco pastores iis capiendis inuigilant ob questum: nam alas iis qui sagittas conficiunt, vendunt, ut suas sagittas plumis exornent: cutem autem detractam pellionibus, qui eam adparatam magno vendunt. Falcones vulgo Falconi nuncupant, licet Aucupem Hieracari, voce ex Hierax deducta, quæ omnibus rapacibus auibus communis conuenit, quas propriis nominibus tam aptè distinguere non norunt quemadmodum nostri Aucupes: nam Sacre, Antour, Gersault, Lanier, & Tiercelet cū Falcone apud illos confunduntur, nulla specierum distinctione facta. Miluius seu Gallorum Milan, quæ veteres Ichtyon nuncupare solebāt, nunc apud eos Licadurus dicitur. Sed quoniā de omnibus auibus in alio opere egimus, in quo singulorum effigies exhibemus: nūc de iis plura dicere super sedebimus.

Insecti cuiusdam Cretæ familiaris Phalangium
nuncupati descriptio.

CRETENSES Phalangia appellare norunt Sphalangi; insecta sunt parua, admodum pernicioſa, Araneo paulo maiora, octo pedibus prædita, utrinq. quatuor: singuli pedes seu crura quatuor articulis constant, binosq. ungues habent incuruos: bina utrinque crura anteriora illis data sunt ad progrediendum, bina posteriora ad retrocedendum, obliqua in terra foramina inhabitant binos pedes alta, quæ retrocedentes ingredi solent, atq. cibum ita attrahunt: aditum foraminum quæ inhabitant stramine muniunt, ne obturentur, sed aperta mancant. Corpore sunt superiore parte cinereo, binis rubentibus maculis anteriore dorsi parte insignito: inuversa autem, nigris maculis notata conspiciuntur ea parte qua singuli pedes corpori inheret: venter flauet. Si quis autem scire cupiat qua parte nocere queat, eorū os intueatur, & binos paruos nigros aculeos deprehendet, iis similes quos Scolopendra obtinet, quibus mordent atque cibum retinet: telas Araneorum more texunt, muscisq. & papilionibus vescuntur. Circiter sexaginta oua ponunt, & pectori adhaerentia fouere solent, pullosque exclusos ventri inherentes gestant donec adoleſcant. Piloso sunt corpore: quoniam autem magnitudine differunt, foramina pro corporum magnitudine excauant: variare autem inter se pro Insularum diuersitate obseruauimus. Immortale est dissidiū inter exiguum hoc animal & Vespe cuiusdam genus à Latinis Ichneumon vocitatū: quod libro secundo, ubi de Ichneumone Egypti agemus, ex nostra obseruatione describem.

CAP. XIII.

De Hirsi feri quodam genere Cretæ familiari,
quod Galli Bouc-estain appellant.

INSULA Creta Lupis caret; eam ob causam magna cum securitate animalium greges noctu in aruis pasci sinunt, præsertim ouium & arietum Striphoceri ab illis
C
appel-

34 P. BELLONII OBSERVATIONVM
 appellatorum . Si insulani, Hirci feri, quem Galli Bonc-
 estain nuncupant (quorum istic magna est copia) hædos
 capere queunt montibus oberrantes, eos cum domesticis
 seu cicuribus capris educant, ut deposita feritate mite-
 scant. At feri, us cedunt, qui primi eos apprehendunt aut
 occidunt . Cicurem capram magnitudine non excedunt:
 sed non minus carnis obtinent quam Cerui, similibus pilis
 fuluescentibus & brenibus præditi, non caprinis. Mares
 prolixam nigricantem barbam gestant, quod nulli alteri
 animali Ceruini pilis prædito accidit, præterquam (ut
 arbitramur) Hippelapho. Senectute canescunt, & secun-
 dum dorsi longitudinem nigram lineam excurrentem ha-
 bent. Hunc etiam nostri montes alunt, præsertim præcipi-
 tiis & accessu difficilibus locis. Admiratione profectò nō
 caret, tantulum animal adeò graua cornua ferre, quæ
 aliquando manibus tractauimus quaternos cubitos lon-
 ga: tot autem transversos radios habent, quot hircus &
 capra annos nata sunt . Duo eius diuersa inuenimus ge-
 nera, ut ex eorū cornibus Cypro & Creta delatis demon-
 strauimus, quæ Domino Ioanni du Choul, montium Lu-
 gdunensis agri Præfecto reduces dedimus. Illorum vena-
 tioni aliquando interfuimus . Rustici quidam in summis
 Creta montium ingis inueniuntur adeò iaculandi periti,
 præsertim circa montem Spachia & Madara, ut viginti
 quinque passuum intervallo eos ferire queant: capras verò
 à se educatas, & à paruulis cicuratas, loco quodā in mōte
 alligant, qua mares tanfire solent. Sagittarius verò inter
 vepres seorsim latitat aduerso vento, cū nō ignoret Hir-
 cum alias centum passuum intervallo odoratu perceptu-
 rum. Mas feminam inueniens, consistit, tum rusticus sa-
 gitta illū petit. Si Hircus leue acceperit vulnus, aut alio-
 qui sagitta ferrum vulnere inhaeserit, illico sibi mederi no-
 uit: nam ad Dictamnem confugit, herbam Creta scopu-
 lis inhaerentem, quam depascitur, atque hac ratione bre-

ni

incuratur. Miræ agilitatis est hoc animal, eiusdem cum Caprea natura: nam ambo in asperis scopulis & aditu difficilibus degunt: at Hircus ferus ex scopulo in alium desilire solet sex etiam passuum intervallo distantem, quod qui non viderit, difficile admodum credat. Quoniam porro iis locis fuimus, ubi eius veram & genuinam effigiem nancisci potuimus, eam ad viuum expressam hîc posuimus.



CAP. XIII

De Cretensi ariete Strepliceros nominato: disceptatio præterea quædam edocens quid sit Vnicornu.

ARIETVM genus est in Creta, cuius magni greges aliis haud minores vulgo conspiciuntur, præsertim in monte Ida, quos pastores Striphoceri nominant, nostris in hoc dissimiles, quod nostri cornua inflexa & contorta gestant, hi verò omnino erecta ut Vnicornu, in ambitu caniculata. Cũ primũ tantos eorũ greges cõspiceremus, ignari Veteres eius meminisse, in mentẽ subiit inquirere, si quid cum Vnicornu cõmune haberet. Quæ causa fuit ut hoc loco de

Vnicornu disceptationē institueremus, quod nūc in tanta
 aestimatione & precio esse conspiciamus, ut valde mirandū
 sit, praesertim cum apud *Veteres* in usu medico nullius fue-
 rit autoritatis: nam si quam habuisset, *Auctores* procul-
 dubio eam non reticuis-*sent*. *Aristoteles* inter ea animalia
 quae bisulcam ungulam habent, cuiusdam meminit, quod
Oryx nominatur *unicorne*: at facultatum cornu no-
 minit. *Columella* etiam fuit *Oryx* cognita, quando scribit
 cū reliquis animalibus muro & vinariis includi solere.
 Quod si *Romani*, res exoticas plurimum aestimantes, tam
 insignes *Vnicornu* (quales nunc illi tribuuntur) faculta-
 tes intellexissent, haudquam eas silentio pressissent. Non
 negamus quin *Vnicornu* rarū & preciosum aestimarint,
 sed non ut in medicamenta reciperetur, ut nunc fit. Eam
 ob causam ut ingenuē quid de eo nobis videtur dicamus;
 comperimus *unicornu* quod *Veteribus* cognitum fuit, ni-
 grum esse debere: id tamen quod apud nos in usu est, can-
 didum est. Quisnam obsecro ē veteribus cum *Gracis* tum
Latinis fidem facit, rei incognita portiunculam, quam ta-
 men plerumque scimus esse dentis piscis illius quem *Galli*
Robart, *Septentrionalis* maris accolae *Morss* appellant,
 trecentis ducatis aestimari debere? Etenim data nobis
 sunt fragmenta inspicenda, an agnosceremus, quae pro *Vni-*
cornu trecentis ducatis emta fuerant, quum tamen orbi-
 culi essent ē dente piscis *Robart*. Vnus *Elia-
 nus* auctor est *Vnicornu* medicū usum praestare: attamen illud nigrū fa-
 cit: cū verò nostrū alterius coloris sit, dicemus ab eo quod
Veteres descripserunt diuersum esse: praesertim cū ipse
*Elia-
 nus* scribat a sinū *Indicum*, cornu in fronte gerere,
 cuius inferior pars alba sit, superior phoenicea, media ve-
 rò planē nigra. *Plinius* *Aristotelis* verba expressit: *Vni-*
corne (inquit) *Asinus* tantū *Indicus*, solida ungula. De-
 inde paulo post: *Unicorne* bisulcū *Oryx*. Ex quibus ver-
 bis colligitur, duo esse animalium genera *Vnicornia*, quo-
 rum

Lib. 4.
cap. 52.

rum alterum est *Asinus Indicus* solida ungula, alterum *Oryx bisulca*. Certum *Asinos* feros, qui *Latinis Onagri* dicuntur, cornu carere: necessario itaque consequitur, monocera alicuius alterius esse animalis, cuius descriptionem non habemus. Sed cum variis locis *Vnicornua* conspiciantur, negari nequit quin reperiantur: etenim in nostra *Europa* viginti integra inueniri queant, & totidem non integra, sed confracta. Duo integra ostenduntur in *Diui Marci thesauro* apud *Venetos*, se scubitalis utraque longitudinis, crassiora inferiore parte quam superiore, crassiore tamen parte tres pollices coniunctos non excedente, quæ notæ satis respondent iis quas *Veteres Asini Indici* cornu tribuunt: attamen reliquæ notæ non conueniunt. Scimus etiam ea quæ *Angliæ Rex* habet, striata & in gyrum canaliculata esse, quemadmodum & illud quod apud *D. Dionysij Phanium* est, quod omnium maximum existimamus inter ea quæ hactenus conspecta fuerunt. Maius præconiū meretur quam aliud quoduis cornu quod in animali procreatum viderimus. Naturale etenim est, haud artificiale, in quo omnes notæ quæ alterius animalis cornu conueniant, reperiuntur: & quoniā concauum est, existimandum est non esse deciduum, ut nec *Casellarum Chamoix*, *Bouc-estain* cornua, contra quam *Damis*, *Cervis*, & *Hinnulis* quibus decidunt. Nullus est proceræ quantumvis stature, qui vix ad illius summitatem pertingere queat: septem enim magnos pedes longum est. Decem & tres duntaxat libras & uncias quatuor pendet: si quis tamen subleuet, plus quam decem & octo libras pendere existimet. Eius figura recta est instar cerei, inferiore parte crassa, deinde paulatim usque ad mucronem gracilescens: eius etiam crassitiem manus complecti nequit, cum quinque digitos in diametro habeat: atque si quis funiculo crassitiem metiatur, palmum & tres digitos inueniet. Inaequale nonnihil est ea parte quæ capiti inhaeret, tota deinde reliqua

liqua parte lani & polita. Lenibus canaliculis striata
est cochlea in morē ab infima parte ad extremū mucro-
nē, à dextera ad sinistrā, omnibus striis in gyrū vergenti-
bus, quemadmodū in Limacū testis, aut fuste quē pericly-
menū ambierit. Eius color nō omnino albus est: nam tēpo-
ris iniuria fuscū nonnihil redditū est. Integro pede canū
est aut eo amplius infima parte qua ossi quod capiti firmi-
ter adhaesit, insertū fuit. Hinc indicare licet, minimē deci-
duū esse. Cū porro tantū onus animalis capiti incūbat,
animal quod illud gestat, ingentis corporis bone non minus
esse coniiciendū est. Strepsiceros (cuius ante meminimus,
cuiusq. cornua recta, canaliculata, & cochlea in modum
contorta sunt) arietē magnitudine nō superat. Illius effigiē
hic subieciimus: nō quod eā ab aliquo Auctore desumpseri-
mus; nemo etenim de eo quidquā tradidit (præter eius no-
men quod in Plinio legimus) eiūsve iconem præbuit.



CAP. XV.

De Cretensi quodam lapide, cuius Solinus meminit,
Dactylus Idaeus nuncupato.

ADIIICERE hic libuit, lapidem quem Solinus Da-
ctylum Idaeum, alij Belemnitem appellant, nos verò erra-

ne

nè Lapidem Lyncis, ab Ida Crete monte, ubi primū inuentus fuit, nomē sumsisse. Verūm nō modo in Creta inuenitur, sed etiam in quodam monte Luxemburgo vicino, Dini Ioannis nomine nuncupato videre meminimus, cū Rex Franciscus Literarum parens, eum montem muni-ri iussit: nam postquam Calones trium pedum altitudine solum excavarant, nihil ferē nisi Dactylum Idæū eruebant. Mercatores in suis officinis pro Lapide Lyncis non sine errore vanum exponunt: nam id nomen flauo succino, de quo postea agemus, debetur.

CAP. XVI.

Cellissimi totius Crete montis, qui Græcis vulgo Psiloriti dicitur, veteres Idam nominabant, descriptio: tum de stirpibus quæ in eo nascuntur.

IN summo montis Idæ culmine consistentes, eum subsequente modo descripsimus. Summus montis vertex fere mucronatus est Strobili sine pineæ nucis instar, summis aliorum montium ingis imminens. Licet autē totius montis moles & amplitudo, utrimque maris luttus attingat: nihilominus ea pars quæ ceteris sublimior est, peculiari-ter hoc nomen obtinuit. Certum est Madaram montem in maiorem amplitudinem & crassitiem extēdi quā Idæ: attamen non aequè sublimis est. Creten- ses Idæ nomen im- mutarūt, & Psiloriti nunc vocant. In summo eius montis fastigio sacellum est, quod edificiolo duntaxat constat, sax- cis sibi inuicem impositis & sine calce coherentibus forni- nicis in modum constructo, ad tectum præbendam. Subli- mi adeo loco est, quem vehementiores interdum venti ita perflant, ut lapillos inde transferant. Paulo infra id sacel- lum planities conspicitur montibus undiq. cincta, in qua multa sunt pascua, ubi arietes & capræ Creten- ses æstate pinguescunt. Si quis ex summo montis vertice undique prospiciat, parum aberit, quin totius insule ambitum vi- deat cum alijs vicinis insulis Milo, Cerigo, sine Cythera,

reliquisq; Archipelagi. Aeris intemperies in hoc monte adeo magna est, quemadmodum & in ceteris pracelsis montibus, ut in ipsis Canicula ardoribus meridie, nullo etiam spirante vento ingens sentiat frigus: qua de causa nec hieme nec aestate quisquam eum incolit. Nam licet pastores interdum ouium greges istuc ad pascua agant, nocturnum tamen in valles se recipiunt. Ea montis parte quae ad Orientem spectat, magnae planicies sunt ad ipsius usque radices pertingentes, in quibus plurima amœna & frigida aquae scaturigines. Qua verò ad urbem Candiam obuersa est, nemora eam muniunt, in quibus Acer admodum crassa materie, Ilices plurimae, & Acillae nascuntur. Pars Meridiei opposita, silvis haud est ornata: attamen nonnullas arbores alit, quae alibi duntaxat frutices sunt, nimirum Arbutos, Andrachnes, Eleprinos, hoc est Philicas, quae Latinis Alaterni dicuntur, Cistos, & alias huiusmodi arbores quae apud nos non inueniuntur: ea autem parte colligitur Ladanum. Pars Messariam spectans, hoc est, eam planicem in qua sita est Gortina, Cupressis abundat, Piceis, Gallis Pignets. Istic etiam nascuntur Chamaelea, Thymelea, & Oxycedri: Pseudolabyrinthus ea parte situs est. Magnos ferorum Hircorum greges in eodem monte conspiciere est, & plurimos lepores. Tribus diuersis temporibus eum conscendimus, & diuersis semitis, attamen nullum locum inuenire potuimus in quo Rubus Idaeus nascatur. Nerion flore albo Aprili floret medio quasi montis ascensu, apud pagum Camerachi, qua Candiam iter est. Qua occidentem spectat difficilissimus ascensus est & admodum praecipuus, ac si fere per erectam scalam ascendendum esset. Istic ad radices montis pagus est, à quo subire incipientibus septem passuum milia ad summum usque iugum conficienda sunt. Pars Orienti obiecta, reliquis temperatior videtur: nam ad montis radices solum undiquaque admodum pingue & humectum, ibi etiam frequentissimi sunt

sunt pagi, & omnia excultissima, siue arbores fructiferae, siue vites & olea, agrique omni leguminum genere & frumento sunt confiti. Tota illa moles quacunque tandem patet, possidetur à Dominis Calergis, nempe ab Antonio & Mattheo fratribus, qui iam à mille annis primū dignitatis & nobilitatis gradum in tota insula semper obtinuerunt: de quibus adhuc postea.

CAP. XVII.

Rariorum arborum & herbarum quæ sponte circa Idam montem in Creta nascuntur, nomina: tum de colligendi cocci baphici ratione.

DE Stirpibus circa montem Idam nascentibus commode agere nequimus, quin Dominorum Calergorum qui hunc possident, & in vniuersa insula Creta summa sunt auctoritatis, insignem humanitatem & liberale ingenium predicemus. Quemadmodum enim Dominus Ioannes Franciscus Baroczo ex vrbe Rhetimo à suis ministris secure nos conduci curauit in montes Spachia & Madara: sic Magnificus Eques Dominus Antonius Calergo patritius Venetus Candia habitans, suos ministros nobis duces dedit in Idam montem, atque victui necessaria deferri iussit, ut aliquot dies in eodem monte consistere possemus: nam stirpes inquirentes, noctu ad pastorū tuguria, in quibus caseos conficere solent, redibamus & istic pernoctabamus. Iouis sepulchrum, quale Veteres descripserunt, etiamnum ostēditur, integrum adhuc. Latè porrò patet hic mons, eique radices utrinque maris littora ut antè diximus, attingunt, eiusque territorium admodum amplum est. Nam licet eius radices vrbi Candia sint vicina, meditullium tamen insule occupat adeò in sublime euectus, ut nives eius verticē perpetuo tegant, tamque frigida aura mediis etiam aestatis ardoribus istic est, ut vix ferri queat: tametsi in cōuallibus magnus sit aestus. In illis inter stirpes memoratu dignas crescit Salvia poma ferens esui apta, quæ rustici legere solent, hisque saccos plenos in-

C S

pro-

proximas vrbes venales deferunt. Initio Maij folijs inhaerentia inueniuntur gallarū magnitudine, lanugine obduta, dulcia, & grati saporis. Eodē tēpore spinosarum Capparum flores legunt, eosq; in forum venales proponūt, non conditos, sed elixos duntaxat & nonnihil salitos. Mādragoras & femina, Paeonia duo genera, vulgo Gracorum Psiphedile nuncupata in omnibus vallibus humidis nascuntur candido flore. Tragium secundum riuulos crescit luteo flore, Cecilianae semine. Leōtopetalon crassa radice istic hieme floret, ut Mandragora. Vera Melilotus odorata in collibus herbosis prouenit, Ononidi sine Arresta bonis ferē similis, Maiorana nostra, quam in hortis colimus, respondens, sponte crescit sub finem Iunij, rubertes flores proferens, rusticis Matherina dicta. Nihil vulgarius Trifolio mœnianthe. Heliochryson extremo Junio floret, adeo frequens in montibus, ut vix (ubi nascitur) alia planta conspiciatur: quod autem leporibus cubilia grata prebeat, vulgus eius insula Lagochimithia appellare nouit. Heliochrysi autem nomine nostram Stœcadem citrinam non intelligimus: nam ut Hieronymus Hungarus Medicus nobis in Creta demonstrauit, ea est quae Ageratum nominatur. Nerion candido flore, tota insula non inuenitur, nisi in Montis Ida conuallibus apud pagum Camerachi. Acer in frigidis montibus nascens, à rusticis Apphendannos nuncupatus, in monte Ida crispior est materie, quam vsquam alibi. Andrachne frutices genuinum nomen retinuerunt; sic etiam Acylaca, & Philyca quae magna sunt arbores glandifera. Cupressi in siluis non crescunt, ut plerique existimarunt, sed sparsim variis montium locis, licet istic sata non fuerint: meridiano tamen sole gaudet, eiusq; sunt naturae, ut infima parte recisa, ex parte tamen radicibus proxima multis ramis repullulet. At eo loco in altum non attolluntur, sed in crassitiem excrescunt. propterea capsae ex cupresso inueniuntur

tur in Candia urbe parata admodum lata. Nascuntur etiam perinde in Leucis montibus, Spachia vocatis, atq. in Ida dicto Psiloriti. Tragacantha in montium superciliis abunde crescit: eius duo genera obseruauimus. Asserimus autem eius gummi minimè istic colligi, licet nonnulli inconsideratè id scripserint: quam nostram assertionem, si opus esset, auctoritate primarij insule Domini Equitis Antony Calerga, probare possemus, coram quo de ea re verba fecisse meminimus. Staphis agria passim sponte prouenit. Coris admodum frequens est, quæ nostro iudicio inter reliquas stirpes radicem habet ingratißimi saporis, utpote quæ degustata vomitum nobis prouocarit, quod nulla alia vnquam fecit. Anagyridis arbustū passim ferè secundum Regias vias nascitur, tam foetido odore ut capitis dolorem inducat, antiquum nomen etiam nū retinens; nam Anagyros vulgo dicitur: adeò ingrati est saporis, ut ne famelice quidem capra degustare sustineant. Istic Tithymalum dendroidem duorum hominum altitudine, caudice humana coxæ crassitie conspeximus. Thapsia, ferula, Libanotis & Sefeli istic abundant. Prouenit etiam frutex Agriomelea vulgo nuncupatus, exiguorum malorum pyris forma similiū ferax. Nusquam hic frutex in Gallia reperitur, præterquam in scopulis Fontainebleau arcis Regiæ vicinis, quibus delectari videtur. Fruticem Sabaudis siue Allobrogibus Malancier dictum, Cretenses Codomalo appellant. Veratrum nigrum in insula Creta diligentissime perquisiuius: at nunquam inuenire potuimus, eaq. nostra est opinio, neque album neque nigrum istic nasci. Aristolochia porrò quartū quoddam genus, à tribus reliquis veteribus descriptis diuersum inuenitur, arbores scandens & premens Ephedra & Smilacis modo, alioqui conueniens folijs, floribus, semine, radice, sapore & odore cum Clematide. Cicerbaphica census ingens est in Creta: cuius collectioni potēiores operam

ram impendere nolunt, sed pastoribus & pueris istam provinciam relinquunt. Invenitur mense Iunio in exiguo quodam frutice ex *Ilicis* genere quæ glandem fert, sine pediculo inherens illius fruticis stipiti, colore ex cinereo albicante. Quoniam verò istius fruticis folia spinis horrent, uti *Aquisfolie*, pastores furculam sinistra gestant, qua ramulos deprimunt & inclinant, dextera autem falcem putatoriam, qua illos demetunt, à quibus rotundas vesiculas exigui pisi magnitudine auferunt, qua parte ligno adherunt apertas & hiantes, pusillis rubris animalculis leniter minoribus plenas, qui per hiatum istum effugiunt, & vesiculam inanem relinquunt. Pueri coccum iam collectam ad *Questorem* deferunt, qui ex dimenso ab illis redimit. Is animalcula à vesiculis cribro segregat, deinde ea summis digitis leniter prehendendo in pilas efformat, cuiusmodi gallinacei magnitudine: etenim si nimium comprimeret, tota in succum resolverentur, & color periret. Itaque duo infectionis genera, unum pulpa, alterum vesicularum: quoniam autem pulpa ad inficiendum commodior est, eius pretium quadruplo maius, quam vesicularum. Aliud præter iam commemorata genus adhuc invenitur, cuius neque veteres neque recentiores meminerunt: excrementum est, eadē qua superior ratione, in *Myrtis* nascent, unico animali vino vesicula incluso præditum.

CAP. XVIII.

Plurimarum aliarum stirpium in insula *Creta* sponte nascentium brevis narratio.

INTER reliquas stirpes quas *Creta* alit, insigne est *Dictamnus*, quod vix in terra nasci vult, sed sponte semper in scopulorum fissuris provenit, nusquam alibi, soli etiam *Creta* peculiare: at *Pseudodictamnus* non modo in *Creta*, sed alijs etiam locis nascitur. Vulgo *Cromido* filonuncupatur: *Senchus Zuchos*, *Alnus Schlitro*, *Lactuca Maroulla*, *Periclymenum Agioclima*, *Viburnum Gallorum ClemacZida*, *Cichorium Piera*, *Urtica Zuchnida*,

nida, *Lotus arbor* *Cacania*, *Iuiuba* *Zinziphia*, *Ferula*
Artica, *Polium* *Denaida*. *Tria* *Origani* diuersa genera
Iunij initio florent: at *Onitis* peculiariter inter scopulos
colliculorum siccissima parte Meridiei obiecta: *Heracleo-*
ticum contra humetibus locis gaudet: quod siluestre appel-
latur, neutrius natura particeps est; nam libentius circa
sepes crescit quam apertis locis. *Spina* genus est in *Creta*
quam omnes vulgari graeco idiomate *Ascolimbros* appel-
lare norunt: Veteres Latini etiam nomine graeco *Glycyrrhi-*
Zon vocarunt, à *Glycyrrhiza* tamen diuersum. Sponte
passim nascitur, flauo flore, lacteo succo abundans. *Radix*
& folia edi solent ante quam in caulem abeat. *Rauenna*
cum essemus cum alijs herbis in foro venalem conspeximus;
tum etiam *Ancone*, ubi muliercula eam eruentes, *Rinci*
nominabant. Sed & agro Romano colligi obseruauimus,
& ab incolis *Spinaborda* nuncupari. Ea est quae recen-
tioribus Graecis *Ascolimbros* dicitur. *Plinius* varijs
locis & libro 21. cap. 16. de spinis agens, ubi *Carduum*
à *Scolymo* distinguit, per *Carduum* *Artichocam* intel-
ligere videtur: deinde ait, *Scolymus* quoque floret serò &
diu. Postea subiicit: *Scolymus* carduorum generis ab ijs
distat, quod radix eius vescendo decocta. Sed *Galenus*
ipse nonne de *Scolymo* & *Cinara* eodem capite meminit?
Itaque assentiri possumus ijs qui *Artichocam* siluestrem
nominari debere *Carduum* contendunt, & hortensem
cultumque *Scolymum*: quoniam siluestris semper spinis
horridus est. *Spina* quam Veteres Graeci *Acanon* appel-
larant, rusticum nomen ab *Acanon* derivatum mutata
est, nimirum *Aconachia*: quae vox illi propriè conuenit:
nam cum praeter ceteris spinis horreat, inde factum ut aculeata
planta *Acanacea* dicantur. *Thymelea* qualis *Dioscoridi*
describitur, in *Creta* provenit, ab ea differens quam *Ger-*
mani in suis picturis nobis proponunt. *Gladiolus* sine *Xy-*
phion in aruis nascitur, & cum Vere germinat unicum
folium

folium non admodum latum & octonos digitos longum, mucronatum, septem nervis distinctum promit: è cuius sinu aliud minus exit, deinde tertium, postremo caulibus floribus onustus serie quadam propendentibus adeò nitentis coccinei coloris, ut nullam comparationem admittat: terra erutus cum sua radice sagitta instar conijci potest; quandoquidem eius radix crassa & rotunda est, ut sagittarum crassiora capita, & eius folia terna utrinque in canle disposita pennarum vicem præbent. *Titymalus myrsinites* cum in *Creta* montanis tum maritimis crescit: quemadmodum & *Paralios*. *Securidaca* agri abundant, illisque *Peleki* dicitur. *Terebinthi*, *Lauri*, *Arbuti*, *Lentisci*, & pumila *Cedri* veterem appellationem retinent: uti & *Aspalathos*, & alia ei valde similis *Achinopoda* illis dicta. *Marina* littora *Gnaphalio* candicant: nam quod ab *Herbarijs* depingitur, adulterinum est. *Iisdem* littoribus frequentes sunt *Theophrasti* bulbi littorales, quos nostri *Aromatarij* *Gallipro* *Scilla* vendunt. *Siluestres* brassica in scopulis ad portum *Sude* nascuntur. *Chamefyce* & *Soldanella* littorali arena delectantur. *Dracunculus* hedere folio in humidis *Spachie* locis solummodo reperitur: at alter nobis notus plurimis insula locis indifferenter exit. *Halimi* frutex nunc *Halimatia* appellatur; tota insula adeò frequens, ut maxima ex parte sepes eo constent: huius cymæ edules sunt. Noster *Agnus castus*, sine, *Veterum* *Agnos* *Lija* appellatur. *Sedum* istic fruticescit. *Legitimum* *Thymum* istic adeò frequens est, ut alterius ligni loco vratur. *Thymbra* vulgari nomine *Græcis* *Tribi* dicta, hoc est, *Satureia* siluestris, macilenta & sterilia loca amat, præsertim autem apud *Rhetimo*: in his duabus stirpibus, potissimum autem *Thymo*, nascitur *Epithymum*. *Tribulus* terrestris quem illi vulgo *Atriuolo* vocant, agris maxime est noxius, præsertim autem leguminibus. Hoc autem loco reticeret
non

non possum, eos qui sacras literas interpretantur ubi scriptum est de Tribulis ficus, hallucinari, dum Tribulum esse existimant carduum: nam Tribulus vniuersae* Gallia ignotus est, saltem terrestris: aquaticus autem is est quem nos Macles aut Chastagnes d'eau nuncupamus. Heliotropium nominatur Heliocrota, Attractylis Ardaetila, Orobanche Lycos. Hyssopo cum hortensi tum siluestri carent: eius autem loco pharmacopaei inutilem quandam pusillam adulterinam plantam substitunt. Stæchas sponte plurimis locis nascitur. Inter rariores stirpes, singulares quaspiam conspeximus in Franciscanorum horto vrbe Candia, nimirum Scammoneam & Apion, quæ alioqui sponte in montanis nascuntur, uti & Styrax, Ricini planta quoniam istic hieme non corrumpitur, multosque perdurat annos, in arborem euadit adeo sublimem ut non nisi scalis admotis conscendi possit. Xylum & Sesamum magnum censum adferunt; atque Aprili seruntur. Cogitur istic & Cedria siue Katranum, & pix, præsertim in Leucis montibus, vulgo Spachia dictis, in quibus plurimæ siluestres pini, alias Piceæ, proueniunt. Inter res memorabiles quas in Creta obseruauimus, est planicies Sethia & Lasti nominata, magna longitudinis in sublimium montium iugo, paulo supra Voulismeni in media insula, qua Sethiam iter est. Restibile autem est solū, in quo multe segetes, leguminaque nascuntur, & Orobus, leguminis genus nobis quidem in usu, sed quod nullum nomen Gallicum inuenit. Eam planitiem uberem reddunt riui à collibus illam undique cingentibus decurrentes. Nascuntur apud Creteneses siluestria quedam exigua pyra, ab incolis Achladas nominata, à nostris diuersa: alias pyra siluestria apud eos Agusaga appellantur. Vix in Creta reperias Asparagi genus illud quod in hortis colimus: siluestrem enim Corruda nuncupatum passim sponte nascentem duntaxat habent. Sed aliud præterea genus apud ipsos

ipso conspicitur, antiqua & vulgari appellatione *Polytricha* nominatū. Inconstās *Anemones* flos pluribus quā decē coloribus variat. *Cycadæ* *Symphogna* nuncupantur, qua etiā voce lirā appellāt, *Symphitū* maius *Stecouli*. Supra *Chisami* arcem, ea montis parte qua *Calohierorū* monasterium, cui nomen D. Ioannes de *Predermos*, situm est, *Artichocæ* siluestris genus crescit, pastoribus *Agriocinara* appellatum, cuius radix cubitalis longitudinis, & humani cruris crassitiei, foris & intus nigra, pyri in modum turbinata, quam *Costum Indicum* in *Aromatariorū* officinis venalem esse asserimus. Intelligimus autem nigram illam radicem quam *Costū* nominat, quamq; ab omni antiquitate in usu esse credimus. Capita fert instar *Cinare* siue *Artichocæ*, quæ pastores cruda mandūt. Eius flos maxima ex parte candidus est (licet & purpureus inueniatur) & suavis odoris. Ipsius radices *Chameleonis albi* radicibus similes sunt, & folia *Chameleonis nigri* foliis. Differt ab aliis *Artichocis* siluestribus multis *Italiae* locis nascentibus. Frustra inter reliquas nostrates stirpes *Chameleon albus* & niger depicti fuere: nam neuter nec in *Germania*, nec in *Gallia*, nec etiam in *Italia* nascitur: unde certū est (cum venia sit dictū) istas tres nationes hallucinari: neq. enim *Carlina*, neq. alij similes *cardui*, *Chameleon albus* vel niger sunt. De nigro autē aliās agemus. *Albus* porrò radicē producit humane coxæ crassitie, pedali, interdum etiam cubitali longitudine, adeo odoratam, ut in conclavi reposita, illud violæ odore ita repleat, ut capitis grauedinem inducat. *Cretenses* pastores, & rusticani pueri, præsertim apud *Rhetimo*, eius gummi colligunt, quo femine pro masticatorio utuntur, uti mastice in *Chio*, & *Condrilla* gummi in *Lemno*. Cola vel *Chameleous* vulgo nuncupant *Chameleonem album*. *Acanthus mollis* variis humidis locis frequens est: at spinosus in agris & iuxta semitas. *Anonidis* cimas

con-

condiendi consuetudo apud Cretenſes nondum abolita eſt, neque etiam Eryngij tenella germina edendi: at Eryngium illud marinum eſt maris littoribus naſcens, à mediterraneo diuerſum. Breuiter Creta inſula multas ſtirpes profert, atque alias res ſingulares, quas alibi non reperiſſas. Ab omni etiam antiquitate generoſarum ſtirpium iſtic naſcentium nomine celebrata eſt. Macrobius cap. 5. lib. 7. Saturnalium idem teſtatur his verbis: Sed nec moſtrosis carnibus abſtinetis, inferentes poculis teſticulos Caſtorum, & venenata corpora Viperarum: quibus admiſcetis quidquid nutrit India, quidquid denebitur herbarum, quibus Creta generoſa eſt. Serpentum duntaxat tria genera in Creta obſeruauimus, primum Ophis, alterum Ochendra, tertium Tephloti à ruſticis nominatum. At affirmare audemus verum eſſe quod antiquitus proditum eſt, Cretam nullum venenatum animal alere. Nam cum ſerpentis illud genus, quod proprio nomine Ophindici retulimus, perſequeremur, dux noſtri itineris ſubleuans lapidem ſub quo latibulum quarebat, ab eodem premorſus fuit in manu: at tamen licet ſanguinem etiam elicuiſſet morſura, nullum aliud malum ſequutum eſt, quam leue vulnus.

*Gallia tamen Narbonenſis copioſum tribulum terreſtrem alit.

CAP. XIX.

De Cretenſi Maluatico vino Pramnio dicto,
illudque nuſquam alibi confici.

VINUM quod Maluaticum vocamus in ſola Creta fit: atque affirmare audemus illud quod in exterarum regiones etiam longiſſimo diſſitas interuallo defertur, quemadmodum Germaniam, Galliam, & Angliam, primum fuiſſe decoctum. Nam naues quæ Maluatici vini in exterarum regiones transferendi cauſa Cretam appellant, potiſſimum id quod in Rethymo natum eſt, tollunt, cum conſtet illud generoſiſſimum diu conſeruari poſſe, atque longa vectura maiorem adhuc præſtantiam adquirere. Porro in urbe Rethymo quæ Veteribus Rhythmna dicta

D

eſt,

50 P. BELLONII OBSERVATIONVM
 est, magni sunt lebetes ad littus maris dispositi, in quibus
 Vindemiarum tempore vina decoquunt: attamen omnia
 maluatica vina decocta esse non asserimus. Nam quæ
 circa Caneam, & urbem Candiã, colliguntur, & duntaxat
 in Italiã transfuehantur, non decoquuntur, quia pericu-
 lum nõ est ut acefcant. Sed singulis annis vina cõmiscetes,
 vetera nouis admistis meliora faciunt, & horna veteris
 admistione generosiora reddunt. Cretica vina olim quem-
 admodum & nunc dulcia fuere. Maluaticum proprio
 nomine Pramniũ vinum dictum est, ut ex Dioscoride
 patet, cuius hæc sunt verba, Creticum cognomine aut
 Pramnion aut Protopon. Huc accedit quod Homerus
 magnopere commendavit Creticũ, illud Pramniũ appel-
 lans. Insula Creta etiam eximium Mascatellum vinum
 præbet: cuius duo sunt genera; unum præcocius ante vin-
 demias confectum, alterum ipsis duntaxat vindemiis: sed
 neutrum vix ultra fretum Herculeum transfuehitur.
 Ceterum duo etiam sunt Maluatici genera; dulce, &
 acerbum quod Itali garba appellant, Galli viride, siue
 rude: illud autem ad nos non deuehitur, quoniam, uti
 dulce, non est coctum, eamque ob causam diu conservari
 non potest.

CAP. XX.

De Veterum saltandi cum armis ratione, quam
 Pyrrhicam saltationem nominarunt.

Cum in campestri quodam pago versaremur apud
 Dominum Ioan. Antonium Baroczio non procul ab urbe
 Spachia, vicinorum pagorum incolas ad diem quendam
 festum conuenisse conspeximus, alios cum vxoribus, alios
 cum amicibus, sic ut magna hominum esset frequentia,
 Bene poti, saltare ceperunt summo totius diei aestu; non in
 umbra, at sub dio, tametsi is dies totius mensis Iulij esset
 ardentissimus: eamque saltationem vsque in noctem pro-
 traxerunt, licet suis armis essent onusti. Solent isti rustici
 ferò

ferè perpetuò incedere alba interula amicti, quam lato cingulo magna fibula prædito constringunt: deinde femoralia linea applicant, quibus interulam nō includunt, sed liberam fluitare permittunt: postmodum ocreas caligarrum & calceorum vicem supplentes inducunt, ad cingulum vsq. pertingentes, cui eas alligant sic ut interula anteriore & posteriore parte propendeat. Sic ornati, atque pharetram centenas & quinquaginta circiter sagittas quadam serie dispositas continentem ex tergo propendentem gestantes, tum tensum arcum brachio inducentes, aut transuersum gerentes, & gladio latus accincti, elegantiores suos saltus facere nituntur; neque decoram suam saltationem esse existimarent, nisi his omnibus essent onusti. Hæc Cretensium armatorum saltatio veterum Curetum saltationem nonnihil respicere videtur, quam Latini Pyrrhicam nominarunt. Græci sic saltantes tribus mensuris uti solent: una est progressus, antèius subsiliendo altero pede subleuato, ut Germani solent: altera orbicularibus saltationibus quæ in pagis per Gallias fiunt, non est dissimilis: tertia mira est, nam modò alterum pedem in anteriorem & posteriorem partem iaciunt, mox altero similiter faciunt, atque sibi mutuò respondent cantando, tum saltationes cantilenis accommodando; modò in gyrum, modò in longum, atq. interdum bini & bini; omni conatu interea saltantes. Ab omni antiquitate Græci saltando cantare consueverunt. Ipse etiam Aristoteles id testatur primo capite, lib. septimo, his verbis: Vox iis qui rem veneream incipiunt agere, mutari in sonum asperiorè inæquabilioremq. incipit. Abstinensibus verò, à contrario fit, & si curam adhibeant: quod aliqui faciunt ex iis qui choreis indulgent.

Mulieribus moris est ut velum duntaxat capiti imponant liberum nec adnexam: pectus verò & humeri perpetuò nuda sint (nullum enim amictorii usum habent)

beni) qua de causa fusca sunt & sole adusta: nulla et iã tibi-
bilia gestãt, de rusticanis intelligimus, quas pub licè con-
spicere licet: Nam urbana perpetuo latet, & vix prodeũt
nisi noctu, siue tẽpla aditura, siue sese mutuo visitatura. At
quoniam nostrũ institutũ alio nos renocat, de Cretensis
rebus plura differere super sedebimus, cum navigatio in eã
insulã adeotrita sit ut nunquã desint qui eò commeent &
inde redeant: atque de Turcicis rebus agere incipiemus.

CAP. XXI.

Quotquot mandatum siue diploma liberi transitus à purpu-
rato aliquo Bacha, vel à Turcarũ Imperatore impetrauerint,
modò turcico vestitu incedãt, ducemquẽ itineris habeant qui
interpretis vice fungatur, tutò per omnes Turcæ pro-
uincias commeare posse.

TAMETSI Turcæ magno numero per turmas, quas
ipsi Caruannas nominant, conuenire soleant, ut securius
profectiones suas suscipiant, quilibet tamen eorum vestitu
amictus, diplomaque habens ex aula Turcarum Impera-
toris, comite interprete qui illi dux itineris sit, libere quo-
cunq. libebit proficisci poterit, exceptis desertis & extre-
mis Prouinciãrũ limitibus. Si quis porrò eodem desiderio,
quo nos, impulsus, idem experiri vellet, abs re facturi
non videmur, si quidpiam hic adscribamus. Cum primo
Byzantium appulisset, & ocium in socordia transige-
remus, singulis diebus portus canalem siue sinum qui Pe-
ram à Constantinopoli separat traieciẽbamus, ut ea quæ
Turcæ in suis officinis venalia proponere solent conspi-
cientes, obseruarem quæ ipsi haberent nostris officinis in-
cognita. Utque id commodius facere possemus, conqui-
sito docto Turcæ, qui Arabicam linguam adpri-
mè calleret, de precio cum illo conuenimus, ut omnis
generis mercium, aromatum, atque aliarum rerum
quæ in officinis Turcarum venales habentur, indicem
conscriberet, qui nihil aliud continebat quàm Aui-
cenne indicem Arabica lingua descriptum, omnia quæ
illis peregre aduehuntur complectentem. Et ut ve-

tum

rū fateamur, ea res plurimū nobis profuit ad earū rerum
 quas desiderabamus, cognitionem adipiscendam. Nam
 absoluto indice, Turcam nobis singula vocabula si-
 gillatim & distinctē pronunciare iussimus, eaque cum
 pronunciaret, singula nostris characteribus exarabamus,
 ut erant arabice prolata: deinde rem prolatam nobis
 demonstrari curabamus; ut ea conspecta, rem cognitam
 vocabulis ab ipso descriptis, nostra lingua subscribere-
 mus, cupientes ea ratione, aliis locis, quotiescumque opus
 esset, ipsa petere posse: & in quibuscumque sanē Turca-
 rum Prouinciis fuerimus, plurimum nobis apud ipsos pro-
 fuit is index. Nam interdum euocati ad agrorum cu-
 ram, cū quidpiam ex materialista officina (nullos
 etenim pharmacopaeos habet) expeteremus, si ipsorū idio-
 mate probē exprimere nequibamus, indicem scriptum
 proferebamus, ut mercator conspecto vocabulo melius in-
 telligeret. Ista profectō ratione multa simplicia conspexi-
 mus, quae a nostris mercatoribus Turcarum prouincias
 adueniuntibus iam aduehi desierunt. Hanc itaque laudem
 mercatorum negotiationi tribuimus, quod ei accepta re-
 ferre debeamus, quaecumque singularia habemus ē procul
 dissitis regionibus aduecta. Atque ut rem sic se habere
 comprobemus; num sine negotiatione aromata haberemus
 canella, carophyllorum, myristice nucis, piperis, alia-
 rumque similium rerum? Cur tot praclara medicamēta,
 & alia singularia veteribus adeo trita, nunc sunt incog-
 nita, nisi quod illorum negotiatio fieri desit? Nam tellus
 Amomum, Terebinthinam, Calamum odoratum,
 Ammi, Costum, Acaciā, & alia huiusmodi veteribus
 adeo trita proferre destitit? Non profectō, sed subsistunt,
 quia nemo est qui illa cis mare aduehat. At cū in Orien-
 te essemus, plurimarum cognitionem negociatoribus im-
 pertimus, quae antē illis ignota istic remanebant, nunc
 vero vulgo vanalia esse incipiunt cū Venetiis, tum plu-
 rimis


54 P. BELLONII OBSERVATIONVM
rimis aliis locis: potissimum autem legitimū Nitru, Car-
damomum maius, vera Terebinthina, & alia similia, de
quibus fusius nostris in Dioscoridem Commentariis. Certi
autem sumus nobis nō defuturos probatos testes, si probare
vellemus nos omnium primos retulisse plurima medica-
menta nostris ignota, & quæ neque auro neque argenta
comparare potuissemus.

CAP. XXII.

Turcas eandem dictionem suis characteribus
multifariam exprimere.

VETERES Terra quoddam genus in plurimis medi-
camentis admodum commendarunt: quod etiamnum mi-
nore non est in usu, quàm unquam fuerit. Latini Terram
Lemniam, sine Sigillatam appellant, Galli Terre sellée.
Adeò celebris est hac terra, ut Principum Legati Con-
stantinopoli redeunt, eam referre soleant, quam muneris
loco Principibus viris offerant. Nam inter alia singula-
ris est aduersus pestem & omnes defluxiones. Venalis re-
peritur in Aromatariorū officinis Terra sigillata nomen
obtinens, sed quæ magna ex parte adulterina sit: in uni-
uerso etiam orbe non inuenitur nisi in vna Lemno insula.
Et quoniam nobis animus erat in Lemnum nauigare, eā ob
causam antè quàm Constantinopoli excederemus, diligen-
ter inquisiimus quibus rationibus negotiatores illā adi-
pisci queant; tantumq; effecimus, ut duodeviginti diuer-
sis impressionibus signatam inueniremus. Pastillos igitur
omnis generis impressione notatos nacti, cuiusdam Turcæ
arabice lingue perito ostēdimus, ut intelligeremus cur tot
genera inuenirentur. Ille verò omnibus perlectis, respon-
dit singulas nihil nisi duas arabicas dictiones continere. Tin
imachton, quæ significant Terra sigillata: & pastillum
qui plures haberet notas, eandem dictionem expressam
habere, idemq; significantem, quam ea quæ paucioribus
notis esset exarata. Omnis hac terra in pastillos, hoc est,
exiguos

exiguos panes circiter quatuor drachmas pendentes, vel paulo interdum graniores, nonnunquam & leuiores efformata est. Et licet pastillorum characteres inter se varient, intelleximus id duntaxat inde procedere, quod Turcæ, ut eandem rem exprimant, variè suos characteres miscere queant: Alia item est eius rei ratio, nimirum diuersos magnates ei rei præfuisse, ideoq; diuersis sigillis impressisse. Non desunt impostores qui eā adeò dextrè adulterare norūt, ut legitime quàm simillima videatur. Ut verò characterum vario modo pastillis impressorum diuersitas conspici possit, eos prout variè impressi fuere exprimi iussimus.



CAP. XXIII.

Variarum specierum eiusdem Terræ sigillatæ descriptio, atque de sigillis ipsi impressis.

COLLECTIS igitur quibuscunque sigillis, terræq; generibus quæ nancisci potuimus, in Lemnum nauigare constituimus, ut rei veritatem expiscaremur, atque legitimam ab adulterina dignoscere disceremus: ea autem sic descripsimus: Antiquissimum sigillum, referentibus Græcis & Turcis, inter varias Terras id est quod pollicis latitudinem non excedens quatuor duntaxat characteres continet, quorum qui latera occupant, hamulis similes, alij verò medij valde intricati sunt, characteris 3 ferè instar, qui medicinalem vnciam denotat; in medio autem

D 4

sigillo

figillo inter vniuersos characteres quatuor duntaxat præ-
 ãta sunt addita: huius sigilli terra adeò pinguis est, ut è se-
 no constare videatur, dentibusq; cedit quando mādatur,
 atque minimum arena continet; eius color in rubedine ad
 obscurum accedente pallet. Aliud est præterea genus in
 minores pastillos superioribus respondentes efformatum,
 cuius characteres impressi paulo grandiores sunt, numero
 tres, septem punctis interpositis: hoc paulo magis rubet
 priore, gustuq; est nonnihil acido, atque præmansum cal-
 culis arenaceis abundare deprehenditur: minus pingue
 est superiore: sed bonitate illi non cedere creditur. Est
 & tertium genus exiguorum pastillorū, superioribus ma-
 gnitudine respondentium, cuius characteres differunt: nā
 veluti uncum hamo piscatorio similem habet medium in-
 ter binos alios characteres notæ & similes. huius color à su-
 perioribus differt, quoniam veluti paruis albæ terræ ru-
 bræ permixtæ maculis conspersus est. Quartum genus re-
 liquis dilutius rubet: huius tria sigilla differentia eidem
 terræ generi impressa obseruamus. Terra sigillata quæ
 Constantinopoli magis vulgaris inuenitur, maxima ex
 parte adulterina est, atque in maiores pastillos efformata
 quàm reliqua, eius etiam color diuersus est: nam reliquo-
 rum generum ad rubedinem tendit, huius verò flauescit.
 Et quoniam adulterina est, propterea maiore quantita-
 te reperitur. Inueniuntur & duo alia genera cum forma
 tum characteribus dissidentia, quæ in selectissimorum nu-
 mero habentur: in eo discrepant quod alterum magis are-
 nosum sit, alioqui idem ferè est sapor: rara autem sunt. In-
 uenitur & aliud genus bolo armeno dissoluto adultera-
 tum, cui impressæ sunt duæ notæ admodum contortæ, eius-
 dem cum postremis duabus magnitudinis, sed ab illis di-
 uersæ. Est præterea & aliud genus in pastillos rudes &
 impolitosefformatum, cæteris rotundiores, nucis inglandis
 magnitudine, globis ferè similes, nisi e a parte qua sigillum
 impres-

impressum est, sessiles & planiores essent. Hos omnium purissimos comperimus. Sed & alia est sigilli species in officinis admodum rara, utpote quam duobus duntaxat locis Constantinopoli reperimus: eius etiam precium, reliquis maius est; aromaticum habet saporem, ut quis ex gustu, aliquid illi admixtum quod eum saporem conciliet, indicare possit: cum tamen naturalis sit ipsius terre, cuius color saturatius rubescit: habet id sigillum plures impressas notas. Perspicuum itaque est omnia terra sigillata generis eiusdem coloris non esse: nam sæpe contingit ut in ipsa vena candidioris coloris reperiatur, nonnunquam magis rubescentis, interdum etiam ex utroque colore mixta. Qui sphragidem Lemniam ex gustu discernere cupiunt, certius iudicium de ea ferre possunt, quum eam in ore aromaticum quidpiam spirare, atque arenaceam nonnihil esse deprehendunt, quam qui an lingua adhereat periculum faciunt. Omnes porro eas differentias, dum Constantinopoli essemus, descripsimus, & depingi curavimus, atque in Lemnum insulam nobiscum detulimus, unde hæc terra eximi solet: sed eam duntaxat unico totius anni die, sexto videlicet Augusti huic rei consecrato eruere moris est. Ante quam verò Byzantio solueremus, ab omnibus nautis cuiusdā navis quæ à Lemno advenerat perquisivimus, an Lemniam terram detulissent: omnes responderunt, eam non posse haberi, nisi ab Insule Gubernatore: atque si eam nativam conspicerem vellemus, in Insulam nobis navigandum: nam omnibus incolis capitis poena prohibitum est, ne quis eam efferat. Addebant præterea, si quispiam incolarum unicum duntaxat pastillum vendidisset, aut domi servare inscio Gubernatore deprehenderetur, magna pecunie summa mulctandum: nam nemini, nisi Soubachi, eam distribuere licitum est, qui Insula proventus obtinet, atque eius rei causa censum Turcarum Imperatori persolvit. Hæc omnia cupidiores nos effecerunt, ut ipsam terram

D S

in sua

58 P. BELLONII OBSERVATIONVM
in sua vena & fodina conficeremus. Primum autē sal-
uus quem vocant conductus, ipsi mandatum appellant;
nobis impetrandus fuit, quò securius per Turcarum Pro-
uinciam proficisci possemus: cum autem favore & aucto-
ritate Domini du Fumet, in Domini d'Armand ab-
sentia tum Legati, facile obtinuimus.

CAP. XXIII.

E Constantinopoli in Lemnum maris Aegei insulam, italico
sermone Stalimene vulgo nuncupatam, profectio.

CELOCEN nacti quæ Salonichi, amplam urbē olim
Thessalonica nuncupatā, proficisceretur, & in Lemnum
appellere debebat, necessariis omnibus rebus ad profectio-
nem paratis, eam conscendimus, atq. vela fecimus. Secun-
do autem vento minus quatuor dierum navigatione Con-
stantinopoli in Lemnum perueniri potest. Per Proponti-
dem nauigantes, Galipolim peruenimus, ubi unicum diem
hesimus. Sed quandoquidem in navigationis per Propon-
tidem mentionem incidimus, asserimus illud mare esse
omnium commodissimum: atque eius rei hac est ratio; quod
totius Euxini maris atque Propontidis aqua nec incre-
mentum sumat nec decrescat secundum Lune motum, uti
in Oceano, & magna mediterranei maris parte: tum etiā
quod naues habeant huic mari (quod nec fluit nec refluit)
accommodas. In Propontide, Hellesponto, Bosphoris, atq.
etiam in Cycladibus insulis, & magna Aegei maris par-
te, aestus perpetuo profluit: sic ut si naus pleno illo mari
malacia corripatur, singulis diebus plus quàm decē pas-
sum millia de suo cursu decedere comperietur, propter
aqua ab Euxino in Propontidem, & inde per Hellespon-
tum & Cyclades in Mediterraneum mare rapidè pro-
fluentes. Cuius rei plurimos antiquitus admirationē ce-
pisse comperio: quam nec etiam Plinius subticere voluit,
qui 13. cap. 4. libri sic scribit: Non est omittenda mul-
torum opinio, priusquam digrediamur à Ponto, qui
maria omnia inferiora illo capite nasci, non Gadita-
no

no freto, existimauere, haud improbabili argumento, quoniam æstus semper è Ponto profluens, nunquam reciprocetur. *Quod ad me attinet, in ea sum opinione, locum illum omnium marium esse originem, quoniam inde magna aquarum quantitas profluit, quæ nunquam refluunt: sed eas necesse est transitum & egressum habere per Gaditanum fretum, alioqui terram inundarent & omnes vicinas circum regiones submergerent. Ex Hellesponto egressis, & maris Egei planum æquor ingressis ventus nos, qui tribus celocibus nauigabamus, destituit, atq. sub noctis crepusculum, tribus Piratarum nauibus conspectis, in portum Imbri insula confugere coacti sumus, ubi ventus aduersus exoriens, duobus diebus nos detinuit. Tertio die in planum æquor progressi, magna remorum contentione inter duo promontoria, alterum Lemni insula, Blaua nuncupatum, alterum Imbri, Aulaca dictum, sibi inuicem opposita, & duodeviginti passuum millia inter se distantia, cursum dirigentes, in Lemnon maturè appulimus. Nauem egressis, & significato insulae Gubernatoribus nostro aduentu, qui potissimum erat, ut terra sigillata fodinam conspiceremus, eius vidende spes omnis adempta, nisi ad sextum Augusti rediremus. Sed cum multo tempore in plurimis insulae pagis subsisteremus, in quibus sepe numero acciti fuimus ut egros Græcos & Turcas visitaremus; magnam occasionem nacti sumus conspiciendi varietatem terræ, præsertim in vrbe Lemno. Nam unus ex primariis totius insulae, domicilium habens in arce supra rupem exstructa, tum æger, nobis commoditatē præbuit videndi omnes species quæ in ea vrbe adseruabatur, cum illi persuasissimus, ad medicamentum quod illi parabamus, selectissimam inter ceteras terram nobis esse deligendam: maxima verò earum pars nullum sigillum impressum habuit.*

CAP.

Vrbium & ruinarum Lemni insulæ descriptio.

LEMNON italicè Stalimenen vocari comperimus, nomine è duabus dictionibus vulgaribus Græcis Sto & Limni, corrupto: Sto enim ad significat, & Limni Lemnon. Vrbis nunc Lemnos dicta, olim Myrina nūcupabatur, parum celebris, licet adhuc integra. Forma arcem Corcyrensem refert, aut Bucephalam urbem, vulgo Cava alla nuncupatam: in colle enim mari imminenti sita est, binas maris oras habens, utrinq. vnam. ut ingressus continentem spectans admodum angustus sit. Collis in qua urbs sita est, vetustis muris cincta est; in cuius supercilio arx in rupe exstructa, ubi praesidiarii plerumq. sunt milites; non quod urbs aut arx munitionum loco habeantur, sed ut Pyratis & triremibus resistere queant, si forte illos inopinantes adorirentur: sed reuera praesidia turcica istic duntaxat in speciem sunt collocata, ut totam insulam in officio contineant, neve rebellare possint incolæ, & eā Christianis tradere. Ceterum Hephaestia nunc Cochyno dicta planè deserta est & destructa: accidit enim plerumque ut vrbes olim sterili solo structæ & difficili, incommodoque, ob rerū necessariarum ad vitam sustentandam penuriam, præsertim aquæ dulcis, sponte corruerint, nec postea restaurata sint. Istic deprehendimus generosi vini sex libras continentem mensuram uno aspro aestimatam, quæ respondet tribus pintis Parisiensibus pro carolino, aut decem æreis minutis denariis. Eius urbis incolæ, ut commodius habitaret, in planicie ades urbis portis contiguas exstruxerunt, eo numero ut ingens & maximè amœnus pagus conspiciatur, in quo magna sit vinearum quantitas. Vniuersa insula tumulis abundat, & inequalis est; inter quos tamen elegantes & bene culti agri interiacent. Reliquæ insulæ Lemno viciniores, ut Thassos, Scyros, Tenedos, & Imbros, altiores habent montes. Arx urbis Lemni
duas

duas solum portas obtinet; ea qua in inferiore urbem descendit, aditu difficilis est, quoniam in rupe excisa est, pontemq; habet sublicium; quo sublenato, ingens est precipitium ad mare usque: altera in summo colle sita est, ad quam accessus adeo praeceps est, ut equo conscendere non liceat. Neque urbs, neque arx aedificiis abundans, neque ita munita sunt ut oppugnationi vehementi resistere queant. Uterque portus male tutam habet stationem, quoniam ventis naues expositae sunt. Oppidum Lemnos sine Myrina minus est nunc habitata quam unquam: insula tamen solum multo fertilius, & omnibus rebus magis abundat quam unquam antea. Tametsi autem insula magnum ambitum non habeat, quinque & septuaginta tamen pagos continet, incolis diligentibus & opulentis praeditos, qui legumina & pleraque alia colunt, veluti pisa, fabas, cicer, cicerulam, Lentem, Triticum, vina, carnes, caseos, lanam, linum, & cannabim. Porro sciendum est, omnium Graeciae insularum quae in Mediterraneo mari sitae sunt, & in quibus Graeco idiomate utuntur, incolas, cum securi sub Turcae dominio viuant, ad nullam aliam rem animum applicare, quam ut vitae necessaria comparent, omni conservandarum arcium & propugnaculorum abdicata cura, qua Turcae eos sublenare solet. Inde fit ut perinde ruri habitare cupiant atque in oppidis. Ad terrae itaq; culturam animum applicant, neque vulgare idioma aut suam religionem ob Turcarum aduentum mutarunt. Et quinque & septuaginta pagis quos in Insula contineri diximus, binos duntaxat aut ternos deprehendimus, in quibus Graecè non loquerentur, aut non essent Christiani. Verum quidem est eos qui propugnacula inhabitant, Turcas esse, sed pagorum incolae Graeci sunt. Senex quidam insula inquilinus nobis referebat, eam nunquam adeo cultam aut opulentam, frequentioresque incolas habuisse quam nunc. Quae sane res diuturna paci & quieti, qua
illis

illis sine aliqua molestia frui licuit, adscribenda est. In sula equis coloris gilui abundat, gradarij omnes natura, nulli succussatores; adeo humiles, ut vix inueniatur cuius precium decem ducatis aestimari possit: attamen compacto sunt corpore. Insula magis in longitudinem quam latitudinem patet, ab oriente in occidentem, ut circiter Solis occasum Mons Athos qui plus quam octo leucis inde distat, umbram in portum extrema insula situm, ad sinistru urbis Lemnos latus, ei aculetur, quod secunda Iunii a nobis observatum est. Nam adeo celsus est mons Athos (ut licet Sol nondum occasui vicinus esset) eius umbra sinistram insula cornu pertingeret. Riuum quendam sequuti sumus, e rupe ab oppido dimidia leuca distante labentem, & pagum qui in planicie iuxta portum est, alluentem. Eius fons qui e loco sublimi decurrit, vulgo Cataracti nuncupatur. Nulla vulgarior est in insula planta Chameleo- ne nigro, florem ceruleum gestante adeo elegantem, ut ipsum ceruleum colorem prouocare possit. Eius color adeo intesus est, ut ipsum celum, ipse cyaneus flos, & cyaneus color cum illo collata pallefcere videantur. Qui a nostris vulgo Carduus benedictus appellatur, sponte in agris nascitur, nec aliqua cultura indiget: Graeci nomine corrupto Gaideracantha, hoc est, Asininam spinam nuncupant. Asphodelo montes abundant. Quae in Creta Ascolymbros dicitur, istic Scombronolo vocatur, hoc est, Scobri carduus: est autem lacteo succo pregnans ille carduus, cichorij modo, flavo flore, esui admodum aptus, adeo ut nullam radicem in hortis cultam nouerimus, quae cum Ascolymbro sapore conferri queat, etiam si in earum numero sifer & pastinacam comprehendas. Quoniam vero Plinius scripsit Lemni insula incolas Gracculos ob id colere, quod locustas insula vorarent: occasionem nobis praeuit inquirendi quanam anis esset Gracculus: sed de eo agemus in libro, quo omnium anium icones exhibebimus.

CAP.

Stirpium in Insula Lemno vulgarium nomina.

CONSPEXIMVS in aruis Lemni insula nascentia
Psyllium, Thlaspi, Drabam; Cyperum longum & rotun-
dum verò, atque Conizæ species secundū riuos: præterea
Lampsanam, nusquam neque in Gallia neque in Italia
nascentem, propterea nostris ignotam. Inueniuntur etiam
plures Iunci species, Palegium, Helxine, Cotyledon, Ap-
pium maius & minus, quod Græci Pattimendilla nunc
nuncupant, Attractylis, Scorpioides, Scorpiuros, Chry-
santhemum quod crudū edunt, Menthastrum, Maiora-
na siluestris, Aspalathus, Synonis; Filicis omnia genera,
Anagallis, Ruscus, Adiantum, Phyllitis, Hemionitis,
Tragopogon, Tithymalus mas, Cichorium, Scordium, Anchusa,
Dracunculus, Melanthii varia species, herba Mille-
grana nuncupata, ab alijs Herniaria, Lactuca siluestris,
Brassica siluestris in scopulis ad littora maris nascentis,
Brassica marina, Chamaesyca, Daucus, Anonis, Scabiosa,
medica, quā Atriuola vocāt, sine Atriuolo, eodē quo Tri-
bulū terrestrē nomine, Oxalis, Papaner corniculatū, Ru-
mex, Nerion, Hipposelinon, Ascyron, Ilex, Pimpinella,
Cucumis siluestris, Phalaris, Vrtica romana, Polypodium
apocynon, Peplis, Populus alba & nigra. Nascentur &
plurima alie stirpes, quas nec Latinis, nec Gallicis, nec
veteribus Græcis nominibus exprimere quimus, earum
tamen vulgaria nomina prodidimus, ut intelligi possit
quanam stirpes in ea regione nascuntur, quibus hic care-
mus. Inter ceteras autem, una est quam Archipelagi
& Creta & Nicomedia incola vulgo Sarcophago nomi-
nant, at in Lemno Phrocalida appellatur, Phryges, &
Lesbij Mauroia nominant, Itali Crabonella. Alia est
Andrayda nominata, alia Aguroupes, alia Contuzus son-
nada à Papanere rhœade differēs, altera Achinopoda vel
Cachynopoda, quā incola struendo igni colligunt. Congerūt
& herbam Agurupes, & Asphodeli siccos caules quia
ligni

ligni penuria laborant, tum etiam quia ipsum solum
 alendis arboribus nisi domesticis handquaquā est accom-
 modum. Insula pars Orientem spectans siccior est, & pro-
 ducendis arboribus minus apta. At quæ ad Occasum &
 Meridiem tendit, paulo humidior est, & virentior: loca
 in quibus arbores nasci queunt, & humida inter colles si-
 ta, fructiferas proferunt, uti ficus, inglandes, amygdalas,
 & paucas oleas: istic nascuntur & Ziziphi duo genera,
 quorum alterū satis in Gallia notū est, plurimis locis, cum
 Lutetia tum alibi Oleaster falso nuncupatum: attamen
 Ziziphus alba est, Columella non ignota. Quæ Lutetia
 vicinisq; oppidis frequens nascitur, nullum fructum fert,
 aut si quem fert, non maturescit. Lemni incolæ Nerij
 flores spargere, & Punica mali ramis insigere solent, ista
 ratione quodāmodo indicare volentes, facultatem habere
 punicas conseruandi, ne flores abijciant: imo sibi persua-
 dent id prohibere quo minus mala punica findantur.
 Omnes incolæ Origani penuria quandā herbam inter ve-
 pres & sepes magna quantitate colligere solent, quam sin-
 guli domi conseruant, & cum piscibus edunt: eam vulgo
 Lagochymeni, hoc est, Leporis cubile nomināt, eius sapor
 & odor Origaniberacleotici sunt, foliaque Millefolio simi-
 lia, semē globosum, ut pilula Vrtica romana. Diu illam
 diligēterq; perpendimus, & degustauimus: at nihil vn-
 quam comperimus quod legitimū Ammi magis referret,
 ista planta. Nō immeritō igitur ea vtuntur condiēdis pi-
 scibus cum recentibus tū salitis: Græci vulgo Paliurū vo-
 cant fruticem quæ plurimi Rhamni tertiu genus esse exi-
 stimarunt, quod certo asserere possumus: nā cum insula-
 nus quidā dolore se affici diceret ex punctura spine Apa-
 liura nuncupata, eum in montem comitati sumus ut fru-
 ticē videremus; at comperimus nihil aliud esse quā Apa-
 liura nominabat quā Paliurum. Eorum sepes ex
 Rhamno constant, qui sponte istic nascitur, vetusque

nomia

nomē istic retinet: nā vulgus eū Rhamnos vocat. Altissi-
mi totius insulae montes Macedoniae spectant, littore Occi-
dētī obiecto in sinistro Insulae cornu: eos Veteres Soace ap-
pellarunt. Cū Chamaleonis nigri radices apud pagum
quendā Linadochorio nuncupatū erui curaremus, pluri-
mi Graeci & Turcae spectatū venerūt quid erueremus: eas
verō frustulatim secabamus, & filo traiciebamus, ut fa-
cilius exficari possent. Turcae in eo negotio occupatos nos
vidētes, similiter eas radices tractare & secare voluerūt:
at cū summus esset aestus, et omnes sudore maderēt, quicun-
que eā radicē manibus tractauerāt, sudorēq; abstergerāt,
aut faciē digitis scalpserant, tantā pruriginē iis locis quos
attigerāt postea senserunt, ut aduri viderentur, Chama-
leonis enim nigri radix ea virtute pollet, ut cati applicata
ipsam adeo inflāmet, ut nec squilla, nec urtica vlla ceteri-
ma parte ita adurāt: at prurigo nō adeo celeriter sese pro-
dit. Post vnā aut alterā porro horam, singuli variis faciei
locis cutē adeo inflāmatam habere cœpimus, ut tota san-
guinea videretur; atq; quo magis eā confricabamus, tanto
maior excitabatur prurigo. Fōti assidebamus sub plata-
no, atq; initio pro ludibrio habebamus & ridebamus: at
tandē illi plurimū indignari sunt, & nisi assuerassemus
nunquā expertos tali virtute eā plantā pollere, haud du-
biē malē nos multassent. Attamē nostra excusatio fuit ab
illis facilius accepta; cū eodem incommodo nos affectos
conspicerent. Mirum sane, quōd in tantilla radice tam
ingentē efficaciam nostro malo experti simus. Chamaleon al-
bus non minore copia in ea Corcyrae parte quae Leshimo
appellatur, & in Creta planis nascitur, quā niger in Lēno.
Galli & Germani medici frustra laborarūt in depingen-
do Chamaleone albo & nigro, quem non conspexerunt; &
dicere audemus neutrum in Italia nasci: nā praequam
quōd stirpes per Italiā perquisiimus, nobis etiā fidē facit
D. Aloisius herbarius horti Patavini praefectus: nam &
ille asserit, utrumq; cōquisiuisse, sed nōdum istic reperisse.

E

CAP.

Turcarum Satrapas suo more viuentes, viliter
& sine deliciis epulari.

Qui Soubachi loco erat, vulgo Vainoda appellabatur: à quo cum obtinenda esset licentia, locum unde terra sigillata eruitur, adeundi, nos ad prandium inuitauit, & sua mensa adhibuit; quæ res occasionem mihi præbuit, ut describerem qua ratione Turcæ suos conuiuas in priuatis & familiaribus epulis excipere soleant. Non dubium est, quin si Legatum quempiam delicatius tractare vellent, lautiore ciborum apparatu uti possint, quam in eo epulo quod nobis dedit: sed narrare duntaxat volumus, quibus ordinariè vescantur. Prima patina fuit crudorum cucumerum absque oleo & aceto, quos cum solo sale edere solent: Deinde adposita fuere cruda cepa, & cruda Mouronia: tum insculum tritici elixi, mel & panis. Et quoniam aderant Christiani Greci, vinum bibimus, quod Calohieri vicini attulerāt. Hi sunt Turcarum in suis epulis apparatus: mantilium aut mappa nullus est usus. Turcæ nulla difficultate cum Christianis versantur, longèque malunt cum eis commercium habere quam cum Indæis. Admodum sunt auari, nec id iniuria: at nobis dolet toties expertos esse. Nam & postridie cum ex Linado chorio discedere cogitarem, ut locum unde terra eruitur conspiceremus, Vainoda nobis denunciari iussit, ne eò profiscisceremur, & nostros duces inhibuit ne nos deducerent, ni primum binos aureos ducatos persolueremus; quos tandem illi dare oportuit, nec quidpiam utilitatis in hac re diploma nobis attulit: nam apertè nobis indicauit, quòd si locum videre cuperemus, binos aureos numerarem, alioqui abiremus. Hanc rem describere volumus, ut pateret quanta sint Turcarum exilationes, quando cum illis negotium est cuiuspiam. Nemi- ni gratificantur, nisi parata pecunia, & reliquis orbis nationibus sunt magis pecunie auidi: imo si unus dunta-

ceat denarius expilandus restaret, eum habere volent, ne-
teruntium remittent. Id verò accidit, quoniam unico for-
sitā mense vel anno, plūsue aut minus vni provincie
quispiam præerit, quam deserere cogetur, & ad alterius
gubernationem ablegabitur, mille leucis à priore distan-
tem: itaque nullam expilandi occasionem vel minimam
negligunt.

CAP. XXVIII.

Loci in Lemno, vnde terra sigillanda eruitur, descriptio.

ACCEPTA à Vainoda licentia, iter ad montē insti-
tui: ille tamē antè aliquot pastillis terra sigillatā me dona-
uit, & Ianissarum comitem addidit. Concessimus in pro-
ximum pagum nomine Rapanidi, qui à portu Hecaton-
cephales appellato non procul abest. A Linado chorio
vsq. ad Rapanidi, trium leucarum est distantia: cumq.
quinque essemus numero, primum Hephestiæ rudera
videre volumus: conspicitur adhuc vetus arx, omnino se-
re disiecta, cuius muros mare alluit, omniq. habitatione ca-
ret: attamē eius portus elegatior est Lemni portu, magisq.
fidam nauibus stationem omni tempore habet. Hephestia
directè Samothraciæ opposita est, quæ vix quatuor leucis
ab insula distat. A destructo castello digressi, secundum
eius murum ad sinistram progressi sumus, versus collem
iter facientes, qui non longius inde abest quàm quaternis
sagittarum iactibus. Inter montem & portum, sacellum
est Sotira nuncupatum, ad quod Calohieri oppidi Lem-
nos conueniunt sexta die Augusti, quo terra e sua fodina
erui solet. Id sacellum exiguis quibusdam parietibus so-
lummodo constat, tectum lapideum sustinentibus. A sa-
cello digressi, rectaq. ad montem tendentes, in binas semi-
tas incidimus, quarum altera dextra, altera sinistra ad
binos fontes ducebant teli iactu inter se circiter diffitos.
Quæ ad dextram est scaturigo, æstate non exarescit: at-
quæ ad sinistram est, omnino exarescit, & cum locus sit
humidus, soli iunci ibi proueniunt. Nos ad dextram

equitauimus, ubi nullæ arbores crescunt: at gradus lapidei sunt additi quo facilius perueniatur in eum locū unde terra sigillanda desumitur. Ascensus est supra terram ipsam, & ad alterum locum humidum peruenitur, atque ad sinistram paulo supra conspicitur locus terram sexto Augusti die eruendam continens. Et quoniam eruitur vena aperta, nihil aliud conspicitur quam obliquum foramen, quod terra denuo tegitur. Licet verò peregrinus eo profisciscatur, atque illi locus demonstretur, nunquā consicere queat ubi nam sit fodine os, quoniam terra obturatur, nobisq; impossibile fuit ut fodinam aperiri curaremus: quoniam unico die in anno conspici solet, non sine magno apparatu & ceremoniis.

CAP. XXIX.

Res viles & parvæ æstimationis celebriores fieri ceremoniis, & exigui precij rebus auctoritatem conciliari, si superstitione nobilitentur.

PER hanc terram demonstrabimus, quantam auctoritatem rebus vilibus & nullius alioqui per se momenti, ceremonia concilient: nam licet terra de qua agimus magna sit efficacie, si tamen adeo vulgaris esset, ut cuilibet eā sumere liceret, dos quam illi mortales ob eius efficaciam tribuunt, vilesceret, nisi ceremoniis nobilior reddita esset: ita ut non dubitemus, quin, etiam si in alia insula parte similis terræ vena illi quæ in Cochino est, inueniatur, Græci ea uti nolint, nisi adfuissent Calohieri cūm erueretur, & solitas ceremonias adhibuissent: imò etiam si ex eodem Cochino erutam haberēt alio die quàm sexta Augusti, ea uti aut aliis utendā dare nolint, existimātes aliquam efficacie partem, ex rebus hominum ceremonias celebrantium, vel qui illis adsunt, artificio factis, illi accedere: atque eius vim nullius esse momenti putarent, nisi eam erui conspicerent. Aliis exemplis demonstrabimus, ceremonias & superstitiones ea quam diximus facultate pollere: & quoniam peregrini eius rationem nondum intelli-

telligunt: exempli gratia Iridis radicem proponemus; quæ licet abunde in Macedonia montibus sponte nascatur, & vili in officinis vendatur, eam tamen cuius colligere non licere creditum est, sed solis castimonia præditis, & terra unde eruenda erat, tribus antè mensibus mulsæ circumfusa, hoc veluti placamento terræ blandiētibus. Aliis insuper multis superstitionibus remperagebant, quas Theophrastus descripsit: eamq; ob causam à veteribus Consecratrix nuncupata est. Idem dici potest de Visco quercino, quod Druides aurea falce demetebant, aliasq; ceremonias adhibebant quas Plinius scribit. Ceremonias in terra sigillata variis modis fuisse adhibitas certum est, illique pro ætatum ratione diuersa signa fuisse impressa. Nam Dioscoridis ætate, qui diu ante Galenū vixit, hircinus sanguis pastillis formandis admisceri consueverat: unde colligere licet quasdam ceremonias fieri solitas dum occidebantur hirci Veneris sacri, quæ, ut narrant fabulæ, efficiebat, ut Lemni mulieres hircum olerent, cuius rei causa à viris despecta, vno consensu omnes insulæ mares trucidarūt. Inde factū ut sacerdos pastillos capræ imagine signaret, unde nomine Græco Sphragida egos, hoc est, sigillum capræ appellauere. Quoniam autem capræ & hirci vulgo in insula immolabantur, eorum sanguis terræ admiscebatur. Meminit Aristoteles conspectum esse in Lemno hircum, atque secundum ab illo generatum, qui lac in vberibus caprarum instar habuerint; at pro prodigio illud refert. Galenus huius terræ mistionis modum cognoscere cupiens, dum Roma in Alexandria Troada Romanorum coloniam nauigaret, Lemnum appulit, & perquisiuit an hircinus sanguis etiamnum terræ admisceretur, antè quàm sigillū imprimeretur: at ille cū eodem loco esset quem memoramus, eam consuetudinem desuisse comperit. Ceterum quæ in eius locum successerat, describit, nempe Sacerdotem consensu colle certum quendam

Imo Plin.
lib. 21.
cap. 7.

Lib. 16.
cap. 44.
sub finē.

tritici & hordei numerum in terrā coniecisse, aliisq; quibusdam pro religione patria perpetratis, plaustrum totum terra impleuisse, atque in urbem Hephestiada conuehicurasse. Hac scripsit Galenus, & pleraque alia, quae breuitatis causa praetermittimus. Mirum sanè est Lemniam sphragida tam longo aeo in usu fuisse, atque inter homines adeo fama celebratam, etiam ipsius Homeri & Herodoti aeo, qui Dioscoridem & Galenum multis seculis praecesserunt, adeo celebrem fuisse, ut ceremoniis & patriis ritibus augustior redderetur. Hoc porro nostro seculo, utriusque illi ritus, quantum obseruare & intelligere potuimus, planè obsoleuerunt, aliisq; sunt inducti, quos quidem non vidimus (nam sexta Augusti in insula non fuimus) sed veros esse asserere non verebimur; quandoquidem plus quam sexcenti viri toto suae vitae cursu eos ita celebrari viderunt. Totius ergo insulae primae auctoritatis viri cum Turcae tum Graeci sacerdotes & Caloieri, in sacellum nomine Sotira conueniunt, celebrataque Liturgia more Graecanico, precibusque fuis, omnes simul, Turcis comitantibus, collem (qui à sacello, gemino teli iactu duntaxat abest) conscendunt, atque quinquaginta aut sexaginta viros ad fodiendum adhibent, donec venam terrae aperuerint: detecta vena, Caloieri sacculos quosdam ex animalium pilis confectos terra implent, quos Turcis adstantibus tradunt, nempe Soubachi, aut Vainoda: cumq; tantum terrae exemerint, quantum in illum annum sufficere existimant, iisdem operis, qui illic adhuc praesto sunt, venam denuo tegi curant aggesta terra. Tum Soubachi maximam effossae terrae partem ad Turcarum Imperatorem Constantinopolim deuehi curat. Reliquum mercatoribus vendit. Et ne quis nisi eorum opera illam habere queat, seueris legibus incolas coercent, atque fieri etiam non posset, ut quispiam viginti operas integra nocte adhibens, ad terrae venam usque pertingere possit, quoniam
facile

facile animaduvertatur. Qui circumfistunt cum effoditur, singuli in suum usum, eius pauxillum sumere possunt: at eam diuendere non auderent. Turca minus scrupulosa sunt quam Graeci, & pleraque alia nationes: nam ut Graeci Christiani suas imprecationes supra terram sigillatam ipsis presentibus faciant, permittunt, eosque etiam adiuvant. Porro si verum est quod seniores insula nobis nararunt, ritus ille deligendi certam diem in anno, primum inductus fuit cum Veneti imperium haberent in Lemnum, & reliquas Aegei maris insulas. Ipse collis non adeo sterilis est, quin triticum in eo satum optime proueniat. Nullus est incolarum qui de Vulcano quidpiam recitare non norit. Atque quemadmodum in insula Corsula, pueri historiam Delphini, recensere sciunt, tanquam si recens accessisset: sic & in Lemno de Vulcano fabulantur, sed diuersimodum: nam alij referunt ipsum equi lapsu crus confregisse, atque eodem loco, terra vi & efficacia sanitati restitutum fuisse: alij, coxendicem fregisse solum, isticque herere coactum donec curaretur; quae opinio antiquitatis aliquam scintillam retinet. Nulli sunt homines designati ad terram conservandam, neque vlla murorum vestigia conspiciuntur, quibus illum locum sepierint ad faciliorem tutelam, ut olim creditum est.

CAP. XXX.

Piscium ad litus insulae frequentium nomina.

Cum montem circuminissimus, in pagum Rapanidi, sexto globi iactu à Cochino monte solum distantem: montem appellamus, non quod praetitus sit, sed iumulus duntaxat collis instar, ascensu non adeo difficilis, neque ex media parte tam magnus, quam Mons martyrum, vulgo Mont-martre, Lutetiae vicinus, & per quem boves currum ad summum usque verticem trahere queant. In Rapanidi existentibus, plurimi pisces nobis delati fuere, capti in proximo portu, vix ter-


tio globi iactu inde distante. Ex his nonnulli hamo capiuntur, ut Veterum Cana, quem ipsi Cano, Massilienses Ser-ran, & Genuenses Bolasso appellant; alius item vulgo illis Ropho dictus, veterum Orphus. Sagena capti pisces erant Blenni, Glini, Atherina, Sargi, Gobij, Merula, Turdi; & veterum Græcorum Iulides, vulgo verò Sgourdelles, in nempe quos Veneti ob elegantiam Donzelle vocant, Genuenses Zigurelle. Nunquam impetrare potuimus ut Græci eius pagi incola, nobis terram ostenderent, ob Turcarum metum: tandem unicus repertus qui eius sacculum clam traderet, atque tota nocte iter faciens in oppidum usque Lemnos deferret: qui si proditus fuisset, Soubachi siue Insule Præfectus magna facultatum parte eum multasset. Varia terra genera in diuersis insule pagis inuenimus: at nemo unquam sigillatam ostendit, præterquàm in nonnullis adibus Myrina, nunc Lemnos nuncupata. Nobis etiam certo affirmatum est, iam ab omni æuo terram eodem loco eximi solitam, nec fodine locum immutatum. Nulli labori & diligentia pepercimus, ut Labyrinthi vestigia in insula Lemno inueniremus: atque arbitramur, si adhuc aliqua superessent, ea nos perinde atque reliqua alia reperturos fuisse. Insula Lemnos magna arborum penuria laborat: nam nullæ feræ abundanter crescunt, nisi apud pagum Rapanidi, ubi Esculi arborum siluula est, quæ ad struendum ignem non ceduntur, sed eas conseruant, pharmaci cuiusdam, à Græcis & Italis Velonie nuncupati, ex illis exstillantis gratia: calicibus verò & glandibus eius arboris (quæ perpetua fronde viret) ad curanda coria utuntur. Velonie ex Insula non transferunt, verum in suum usum & commodum seruant. E loco unde terra in colle effoditur, usque ad oppidum Lemnos, mille & ducentorum duntaxat passuum est distantia. Peragratibus omnibus insule locis, in pagum Lynado chorio redimus, & nostrum Ianisfarum

nifarum dimisimus. Subsequentibus diebus, errabundi per insulam vagati sumus, nauim vectorem expectantes, quendamque virum à Chio oriundum reperimus in Lemno medicinam excercentem, at ipsius artis adprimè rudem, qui nihilominus breuiore quàm biennij spacio plus quàm trecentos ducatos lucratus erat: arbitramur etenim nullos unquam ad medicamenta sumenda procliuiores fuisse eius insula incolis. Illi mercedē nō persolunt præsente pecunia, sed ex iis quæ possident largiuntur; alij hordeū, alij caseos, tertij allia & cepas, & lini semē: quæ res omnes tam nobis erant utiles, quàm præsens pecunia, quandoquidem eas in nostrum usum comparare oportuisset.

CAP. XXXI.

De gummi Condrilla, aliisque singularibus rebus, & serpentum qui in insula Lemno reperiuntur nominibus.

INTEREA dum per Insulam iter facio, negotium dedi ut omnia serpentum qui in insula reperiuntur, genera vna caperent, quorum diligentem sectionem & anatomiam feci. Et quoniam vernacula istic nomina obtinent, ea subsequente ordine descripsimus, Cenchriti, Laphiati, Ochendra, Sagittari, Tephiliti, vel Tephlini, Nerophidia: quæ omnes appellationes, licet vulgares sint, antiquas tamē nōnihil resipiunt. Nā Cenchriti, Veterum Cenchris est, cuius iconem ad vinum expressam, hic subiungere libuit.



Laphiathi, illorum est Elaphis. Ochendra nihil aliud est quàm Echis aut Echidna, quæ tamen non est legitima
E S vipera,

vipera. Amphibena vetustum nomen retinet. Sagittari veterum est Iaculus. Andri tamē & Pari incole in huius serpentis appellatione non conveniunt: nam Iaculus maculis nigris oculi picturam affabre referentibus, in dorso insignitus est, uti Torpedinis piscis dorsum, quam Plinius Oculatam nuncupavit, ad Melanuri differentiam. Tephriti, vel Tephlini convenit nomine cum veterum Typhlope. At omnium icones & historias libro de Serpentum natura exhibemus, Phalangia Lemni, unius solum sunt coloris, eam ob causam à Cretensibus & Zacynthinis discrepant. Conspecta tanta Chamaleonis nigri in Lemno abundantia, existimamus albi Chamaleonis gummi facile nos inuenire posse, eaque, de causa incolas percontati sumus an Collam non haberent: Chamaleonis enim gummi, ipsiusque Chamaleonis albi planta, Græcis Colla vocatur. Capsarum quidam opifex respondit se proferre posse, & quod Colla vocabat, nobis attulit: verum Chamaleonis albi gummi id non erat, sed Chondrilla, qua in testudinibus & tessellatis operibus glutinandis uti solent; idque ad radicem ipsius planta generatur opera vermiculi cuiusdam, ipsam radicem prærodentis, deinde tuberculo quodam fabæ magnitudine, è lacteo succo ex radice profluente conflato, sese includentis. Id Lemni incolis notum est, & ut dixi, proprio nomine illis vulgo Colla dictum. Cera genus illud quod veteres Propolim appellarunt, flauius est in Lemno, quam vulgaris propolis, quæ plerumque alibi nigricat. Stirpes in insule parte ad Orientem spectante, proximè collem unde terra eruitur, nascentes, sunt Thapsia, & Centaurium minus. Seduli sunt in Xylo ferendo atque Sesamo. Nullus illorum ignorat Andraida herba decoctum epotum, aduersus stomachi & pectoris dolores utile esse. Rustici diligenter observant aspera & montana loca, in quibus caprifici nascuntur: horum etenim ramos, die, illum qui D. Ioanni baptiste sacer est præcedente, demetere, & domesticis ficibus impono

imponere solent, illorum fructus ab omni noxa conseruatos
iri hac ratione sibi persuadentes. *Aquarum* scaturigi-
nes diligenter etiam ab illis excoluntur; quoniam hortos
alunt, in quibus inter cetera, allia & cepas libenter se-
runt, atque cucumeres, quibus non memini edere suauio-
res. Illis verò cum solo pane, nullo addito oleo aut aceto,
vesci solent. Quòd si quis familiaris hortum ingrediatur,
tum rusticus selectiorem aliquem cucumerem decerpet,
eig, manu sinistra apprehenso, & recto detento corticem
secundum longitudinem vsque ad pediculum adimet,
quem supra manum stella instar propendere sinet; deinde
cucumere in quatuor partes fisso, eum honoris gratia ad-
stātibus partietur, qui sine alio condimento illū edunt. Hac
ideo adscripsi, quoniam nostris noua erunt: at apud illos
summa ciuilitatis aestimatur; quemadmodum cum apud
nos pyrum aliquod optimi succi alicui prabetur.

CAP. XXXII.

De Ostreis quæ vulgo in Lemni insulæ littoribus capiuntur.

IN Lemno nullum est flumen: eam ob causam incolæ
nullum flumiatilis piscis nomen nobis indicare potuerunt:
sed quoniam insignes habent in littore maris piscationes,
marinis piscibus abundant. Et quandoquidem Ostreo-
rū, quæ Gaideropoda nominant, piscationē vidimus, eius
rationē hīc aducere libuit. Piscator oblongā perticā, in ex-
tremo cuspide ferrea plana munitam, manu tenet qua ma-
gnis ictibus Ostrea scopulis inherētia verberet, quibus in
mare deiectis, manu ferrea (qua pertica altera extreni-
tate munita est) illa subleuat & eximit: eadē ferrea manu

Erinaceos marinos piscari etiā solet. Differūt illa Ostrea
plurimum à nostris: nam eorum testæ duobus tuberculis
tam firma articulatione connexæ sunt, ut difficilimè ape-
riri queant: ea quoniam magnam similitudinem habent
cum asini ungula, Græci vernacula lingua Gaidero-
poda, hoc est asini pedem, appellant. Nullum paruum
Cancrum alunt, quemadmodum nostratia.

Myrina
disco-

Rondele-
tij Spon-
dylos est
sive testæ
χυλός.

Contrā
Rondele-
tij lib. 1.
de Testa-
cis ca. 40

discedētes, rinulū quendā sequuti sumus nomine Salinari,
atque iter ad molam quandam à vento versatilem, in
tumulo qui ad dextram est, sitam, instituentes versus Can-
dia portum, sterilem locum inuenimus, in quo nihil nisi
Chamaleon niger, & quibusdam etiam locis albus: atque
terram rubram conspicientes, fodere cœpimus, & venam
quandam terra aperuimus, cuius aliquam quantitatem
desumpsimus, & cum Hephestiana diligenter contulimus,
ipsamq; omnibus notis illi quam rusticus ē Rapanidi attu-
lerat, respondentem deprehendimus. Nam quemadmo-
dum diximus, omnis terra sigillata vnius coloris non est:
sed interdum fit ut vena inueniatur candidior, nonnun-
quam magis rubra, aliquando utriusque coloris parti-
ceps. Coriarij in Lemno ad glutinanda coria, glutinis
loco, pingui terra vtuntur: Attamē propterea haud dici-
mus terram Cochini montis pinguem esse: sed peculiarem
habet macilentiam, uti fere marga.

CAP. XXXIII.

De calidarum aquarum scaturigine quæ in Lemno est, &
de Græcorum monachorum monasteriis.

NULLA est in Archipelago siue Egeo mari insula,
quæ Calobierorum Christianorum monasterium non ha-
beat, quemadmodum etiam & Lemnos: quod monaste-
riū à pago Lynado chorio non procul abest, & Agio Pauli-
tico appellatur. Calidarum aquarum scaturigo est in in-
sula, quam Græci vulgo Thermes nominant: adeo ta-
men calide non sunt, ut plerq; aliæ; nam ad ipsam etiam
scaturiginem sese in eas immergere licet: quod in reliquis,
quas per Phrygiam, Ciliciam, Arabiam, Macedoniam,
Italiam, Germaniam & Galliam vidimus, Thermis
obseruare non potuimus, quando quidem ea aque primum
refrigerari debeant. Nulla propterea istic ingens est
structura, sed solum exiguum tuguriolū, in quo quilibet ve-
stes exuere potest, & inde in fornicem ingredi, ubi sola in-
gens est lapidea pila, quæ olim sepulchri vsum præbuit.

Exi-

Exiguam scaturiginem habet hac aqua; eam ob causam
unicus solummodo, aut bini simul lavare possunt.

CAP. XXXIIII.

E Lemno in Thasson insulam nauigatio.

INDE in Thasum Lemno admodum vicinam cum
duobus Calohieris traicere volui. Ante aurorā ē portu
soluentes, illucescente iam die tantum progressi eramus, ut
medio quasi itinere inter Lemnum & Thasum essemus:
verū aduersus ventus adeo vehemens exortus est, ut
etiam inuitos in Scyrum insulam quinquaginta milia-
ribus infra Lemnum sitam appellere cogeret. Tanta
tempestate quatuor horarum spatio nostra nauis dese-
rebatur, ut ante noctem in Scyrum appelleremus: in
ea altissimi sunt montes. Subsequente die vela vento com-
misimus, ut Thasum perueniremus, satisq; secundo ven-
to in nauigatione vsumus. Istic tribus diebus hesimus,
hac illac errabundi, deinde nauem conscendere oportuit
que in Montem sanctum, alio nomine Athos nūcupatum,
cursum tenebat. Non mirum est si Romani olim Tha-
sium marmor in precio habuerunt: nam ipsi montes &
scopuli illius insule ex elegantissimo candidissimoq; mar-
more constant. Oppidi portus fidem prebet olim id admo-
dum excultum fuisse. Insule montes abietibus & piceis
abundant, frequentesq; in iis nascuntur Thapsia & fern-
la. Nonnullis adhuc insule locis magni Scorie, hoc est, me-
tallicorum recrementorum cumuli reperiuntur, ex qui-
bus manifestum indicium est, olim istic opulentas fuisse
fodinas, nobisque conuenire videtur cum his que Hero-
dotus scripta reliquit, Thasum auri argentique fodinis
illustrem fuisse urbem. Nobis demonstrata fuerunt ve-
tera numismata argentea, quorum inscriptio Græca erat
Thasiorum Rex. Thucydides Græcus Auctor Thasi
fodinis Præfectum se fuisse scribit: Erant verò sub
Alexandro Macedone Thasy: nam licet insula sit
Thra-

Thracia vicina, attamen Macedonia admodum propinqua est, non procul à Bucephala portu, atque Thasi portus solum duobus miliaribus & semisse distat à Macedonia continēti. Thasi fodina olim singulis annis octoginta talenta Philippo & Alexandro pendebant: at nunc planè deserta sunt. E Thaso soluentes ut in Montem Athon traiceremus, quatuor horarum spacio ad monasterium Liatopedi appulimus, quod inter reliqua in totius montis Athon Isthmo consistentia monasteria facile primum est.

CAP. XXXV.

Montis Athou descriptio, & de rebus in eo memorabilibus.

QUEM nunc describemus montem Gracè Athos, Italicè Monte sancto appellatur. Nihil scribere meminimus, quod, hoc monte, magis sigillatim describi mereatur: nam veteres Auctores illius adeò frequenter meminerunt, ut eorum scripta meritò celebrem illum reddiderint. Et sanè mira est eius forma. Quod olim Herodotus de Persarum rege & hoc monte scripsit, nimirum Xerxem eum in ipsius isthmo quàm angustius quibusdam continenti coniūgitur, fodisse, ut classem istac traiceret, planè à veritate alienum nobis videtur: attamen certò statuere non audemus. At cùm istac transiremus, de industria locum diligenter observauimus: nam ex Hierisso oppido digressi, ut an incisionum & fossarum aliquot vestigia extarent conspiceremus, nulla observauimus: vel si olim fuerunt, nunc planè obruta & adequata sunt.

Tametsi in diuersis totius orbis partibus plurimæ sint nationes Christianam religionem variis ritibus colentes, omnes tamen Christum agnoscentes, nulla tamen est, quæ summum aliquod caput in sua Ecclesia non constituerit. Atque asserimus Græcanicæ Ecclesiæ ritus latinus patere quam Latine: Græci autem cùm à Romana ecclesia secessionem fecerint, alios ritus sibi delegerunt, à Latinis admodum differentes. Quemadmodum autem Latini unicuique
Eccle-

Ecclesie caput agnoscunt quod Roma suā stationē habet, eiūque omnes nationes eius doctrinam sequentes obediunt: similiter Orientalium Ecclesiarum capita, Patriarche nuncupantur, quorum sedes variis locis designatae sunt: nam plurimae sunt nationes, etiā Græco sermone nō utentes, quae Patriarchis subiectae sunt. Poëta & Historici hunc montem mirum in modum illustrarunt: fuit etiam ab omni antiquitate Græcis religiosus dedicatus: & arbitramur Ethnicorum etiam tempore à sacrificiis idola colentibus habitatum fuisse. Unica est per universam Græciam Religiosorum differentia, quorum masculini sexus Caloieri, feminini verò Calogriae appellantur; quae appellatio nostro idiomate reddita, tantum valet, quantum apud vulgus bellus pater: Attamen Caloieros probum senem, & Calogria bonam vetulam propriè significat. His mons Athos olim dedicatus fuit, & privilegium datum, quod etiamnum hodie retinent, nempe, neque Græcum, neque Turcā hunc montem habitare posse, nisi Caloierus sit. Caloieri nunquam matrimonium contrahunt, licet Græci sacerdotes coniugati sint. Per omnem vitam carnum esu abstinent, atque etiam frequentissimè piscium sanguine præditi, præsertim quadragesimæ ipsorum tempore. Duriter admodum viuunt, & vix ullū ferculum illis est usitatus oliui conditis, non iis similibus quas nos condire solemus, sed nigris & maturis, quæ sine muria, instar prunorū exsiccatorū seruantur. Ceterū quoniā sex fere Caloierorū millia variis eius montis locis habitāt, in quo propemodū quatuor & viginti ampla vetustaq; monasteria validis altisq; muris septa, hinc & inde sparsa cū maris litore tū continente, quæ ingressi sumus; tū etiā quod qui ea adēnt gratis alatur: præter institutū facturū nō videor, si ipsa eo ordine quo sita sunt recensēā, propriisq; nominibus appellē: nāq. certus sum, Græcas ceremonias istic diligēter observari, eāq; ob causam istos

istos Calohieros sanctimonie maius nomen adquisiuisse; reliquis qui in monte Atho educati non fuerunt. Prouincia autem quæ Græcorum religionem sequuntur, sunt Circassi, Walachi, Bulgari, Mosconita, Russi, potior Polonia pars, & Mingrelia, Bosnia, Albania, & Illyrici siue Sclauonia, cum nonnullis Tartaris, deinde Seruiant & Croatia. Breuiter omnes prouinciæ circa pontum Euxinum sitæ, cum circa ipsius littora, tum continet, Græcorum religionem sequuntur sunt. Hi omnes montis Athoi Calohieros maiore in honore habent atque æstimatione, plusq; illis tribuunt quàm aliis qui in eo monte non fuerunt. Imo ipsi Turcæ qui in omnes supra enumeratas prouincias imperium obtinent, magnas illis eleemosynas conferunt ob vite sanctimoniam & strictam ceremoniarum obseruantiam. Monachi montes Sinai & Libani incolentes, Diui Antony solitudines, oppidum Tauri, exterioraque loca ad Erythrai maris littora sita, Antiochia item, Alexandriam, Hierosolyma, Prusam, Damasum, atq; pleraque alia monasteria, passim per Asiam & Turcarum ditionem sparsa, etiam apud Christianos maiore in precio habentur, cum in monte Atho habitauerunt. Omnia monasteria & monachorum genera per Asiam sparsa, quæ recensuimus, sub Turcarum imperio quæ sunt, sua sacra idiomate Græco peragunt. Atque licet Græcicæ ecclesiæ caput, Patriarcha nuncupatus, Constantinopoli sedem habeat, plerique tamen alij idē nomen, similemq; potestatem obtinent, in iis prouinciis quibus præsent. Nam Patriarcha Alexandrinus absolutam habet potestatem in eos qui Græcos ritus obseruantes in Aegypto & Arabia viuunt, magnificasq; in Memphi siue Cayro habet ades (quas vidimus) adibus Patriarchæ Constantinopolitani (quæ peculiari nomine Patriarchatus nuncupantur) non multum inferiores. Alius Patriarcha Damasci residet, qui absolute imperat omnibus monasteriis & homini-

hominibus Gracam religionem amplectentibus, Syriamq;
incolētibus: isq; cogitur singulis annis adesse decima quin-
ta die Augusti in Monasterio supra montem Libanum
ut illic liturgiam celebret. Est praeterea alius Antio-
chie qui Monasteriis & aliis Christianis Gracis praest,
qui Barut, Tripolin, Haleb, aliaq; plurima Asia loca
inhabitant. Turcarū Imperator hos Patriarchas sua re-
ligione uti permittit, modo tributum persoluant. Dicitur
verò Constantinopolitanus pro monasteriis in monte Atho
sitis, aliisq; per Europā sparsis, duodecies mille ducatos au-
reos pēdere. Porro cum istorū Patriarcharū quispiā ē vi-
uis excessit, Episcopi & Metropolitani, qui nostrorū Car-
dinalium instar sunt, conveniunt ut alium eligant: per-
pendendum autem est, neminem Patriarchā creari posse,
nisi primū Metropolitā fuerit, quod cum Pontificia
constitutione convenit. Ceterū ex sex Religiosorum quos
Caloieros appellamus milibus in monte Atho degen-
tium, ne quem ociosam vitam traducere existimetis: nam
summo diluculo ē suis monasteriis egressi, singuli sua in-
strumenta gēstant, alij bipalium, alij ligonem, alij falcem,
peramq; habentes ex humero dependentem, in qua panis
biscoctus & cepa. Singuli pro sui monasterij oeconomia su-
stinenda laborāt; alij vineas fodientes, alij arbores cadē-
tes, alij naues fabricantes. Neque aptiorem eorum com-
parationem facere possemus, quā cum Principis cuius-
piam familia oeconomicē & bene cōstituta: alij etenim sar-
tores sunt, alij fabri murarij, alij lignarij, alij alia opificia
exercentes in communē omnium utilitatem, ad lanā vsq;
pensā etiam ducenda, ē quibus sibi interulas texūt, & ve-
stes comparant: vili profectō vestitu amiciuntur, eorum
ferē modo quos Heremitas vocamus, & furua veste uten-
tes, quos Galli Enfumez & Bons hōmes nominant. Ipsos
nuncupassemus monachos vulgari nostro loquendi more,
qui hac dictione abutimur: nā monachi vocabulum, uni-

F

cum

cam designat, qualis nobis Heremita, siue in monte Atho Phileremos dictus.

Ad huius montis formam rectè exprimendam, proponenda est nobis hominis resupini in mari ab occidente in Meridiem extensi Ideæ. Trium autem dierum itinere eius longitudo patet. Quemadmodum verò si quispiam resupinus natans pedibus litus contingeret, id spacium quod pedes occuparent, angustius efficeret, quàm quod reliqua corporis partes, atque inde paulatim in latitudinē sese explicaret ad scapulas vsque, & inde denno, ubi collum est, in angustias corret, deinde caput rotundum magisq; eminens reliquo corpore appareret: sic etiam summum ingum in extremo monte Atho attollitur, quod à nauigantibus plus quàm triginta miliarium interuallo conspici potest; estq; illa eminentia totius montis caput. Atq. procul è Macedonia montibus ipsum conspicientibus, supini hominis formā referre videtur: nam ut mentum atq. nasus supini hominis magis eminent, deinde paulo post interuallum conspicitur inter mentum & pectus, expressum eo cavitatis spacio quod à mento ad guttur descendit: eadem planè ratione conspicitur mons dilatari, humerorum altitudinē ostendēs, deinde in arctū quodammodo sese cogēs: sic ut corporis medietas in ipso umbilico constituitur: postea denno intumescit, ut in corpore coxēdices, atque progressionem faciens vsque ad genuum locum, quæ attolluntur non secus ac si resupinus crura nonnihil contrahat. A genibus deinde crura extēsa in arctū ita desinunt, ubi videlicet continenti iunctus est mons, ut Cherronesus illa montis Athou, hominum industria expressè facta videatur, ut humani corporis resupini formam exprimeret. Eam ob causam facile accedimus ad id quod de Dinocrate architecto dictum est, qui Alexandro persuadere conatus est ut supini hominis formam edificaret, una manu oppidum sustinentem, & altera craterem,

rem, ex quo proflueret aqua omnibus aduenis potum subministratura.

CAP. XXXVI.

Quinque vel sex nunc esse Caloierorum Græcorum in Atho monte degentium millia, hinc inde per Monasteria sparsa.

UNIVERSVS hic mons cum peditibus tum equitibus aditu perdifficilis est: in quo recenseri possent quinque aut sex Caloierorum millia in monasteriis habitantia, quæ vigesimum tertium aut quartum numerum explent. Nullum verò est coenobium quod plus quam ducentos Caloieros pro portione nō habeat: etenim in quibusdam trecenti aluntur, in nonnullis ducenti, in aliis centum & quinquaginta, in aliis centum, atque in aliis similiter plures vel pauciores.

CAP. XXXVII.

Omnia monasteria in monte Atho firma & munita esse aduersus Pyratarum incursiones: atque Pyrras illis non admodum in quos aut molestos esse,

Ex viginti tribus vel viginti quatuor monasteriis in hoc monte exstructis, nullum est, quod munitum non sit, & muris probe cinctum; cum ut hostiū vi, si eos innaderent, tum piratarum excursionibus, si opus foret, resistere queant. Nam cum maris littora incolant, molesti illis esse possent piratæ, nisi munita haberent monasteria. At tamen illi ipsi piratæ, licet etiam sint Turcæ, ab omni humanitate alieni, vix molesti esse solent, neque illos offendere magnopere conantur. Iusticia etiam inter latrones locum obtinet: atq. etiam ratio inter sceleratos imperium habet. Nam licet omnium mortalium sint nequissimi, & religionis maximī hostes: conscientia tamen illorum animos urgente, montis Athou Caloieros minimè ledunt: imo qui neque patri matriue, neque fratri aut sorori, aut cuius sanguine iuncto, neque amico parcerent, quin eos venundarent, naturæ quodammodo instinctu Caloieros observant. Illi verò piratæ hominibus insidiantur non modò ob eorum facultates, sed etiam ut ipsos in seruitutem

redigant: nam de singulis mancipiis quinquagenos ducatos aureos accipere possunt.

CAP. XXXVIII.

Montem Athon in eadem æstimatione apud Græcos esse, qua Roma apud Latinos.

IAM ab eo tempore quo Græci scriptores celebres esse cœperunt, fuit hic mons magnopere commendatus: quod etiam ipsum nomen quod obtinet, indicat. Nunc apud Græcos in ea est sanctimonie æstimatione, qua Roma apud Latinos. Græcis vernaculo sermone Agion oros appellatur. Quibus per eum montem iter facere contingit, cuiuscumq. negotij causa, victus per monasteria gratis subministratur: verum à Caloieris nihil aliud sperandum est, quàm quo ipsimet vesci solent, videlicet oliuæ condite, crude cepæ, fabæ aqua macerate deinde salitæ, panis bis coctus, rarissimè recens panis, & nonnumquam salsi vel recentes pisces; quoniam maris littora accolunt. Omnia porrò monasteria usque adeò vicina non sunt: duo verò duntaxat inter ea sunt primaria, vnum Vatopedi nuncupatum, alterum Agias Laura. Magna verò maris opportunitate utuntur, cùm propter navigationem qua illis omnia necessaria aliunde aduehuntur, tum propter piscationem quæ illis perutilis est. Temporis etenim fallēdi gratia piscationi indulgere solent, quæ illis magnam utilitatem adfert: atque ut illā comodiùs excercere queant, nauculas ex crassis Platani truncis conficiunt sine magna difficultate, atq. sine impēdio, ex singulis videlicet truncis excavatis, singulas fabricantes, illis scaphis fere similes quibus Ararim aut Sequanā traicere solent. Alias binos truncos excavatos ligneis clavis in naucularum formam coniungunt: quibus (dum venti silent & malacia est) tam altè in mare progrediuntur, quantū ad piscationē requiritur: illorū verò retia, suberis defectu, cucurbitis, uti in Propontide pini corticibus subleuari solent. Monasterium Ageas Laura nuncupatū, inter reliqua totius montis monaste-

naſteria facile principatum obtinet, atque ad radices celſiſſimi iugi (quod verus Mons Athos eſt) ſitū eſt, qua parte Lemnon ſpectat: in eo ſunt circiter trecenti Caloieri. Monaſteria igitur per montem ſparſa, ea parte qua Macedonia continenti coniunctus eſt, recenſebo.

CAP. XXXIX.

Monafteriorum nomina, ſerie quadam enumerata, ſumto ab iis initio quæ continenti ſunt proxima.

MACEDONIA digreſſis, & magnum quendā pagum Hierizos nuncupatū paulo ſupra iſthmū ſitū ingreſſis: atque inde ſecundum maris littus progredientibus, in iſthmum nomine Aladieſna peruenitur, deinde ulterius in Prulacas: poſtea in collem Megaliuigla appellatum aſcenſus eſt. Eo loco interdū & noctu ſunt excubiæ, præſertim quando piratarū excuſiones metuantur. Nō diu eſt, quod Hierizos ingens duntaxat pagus eſſet: at abhinc octēnium Turcarum Imperator muro includi & muniri iuſſit, ob piratarum metum. E Megaliuigla progreſſis, primus fons in ipſa via occurrit, Græcis Protonero nuncupatus, quo prætergreſſo, & iſthmo ſuperato, in montis Athos ditionem ſit ingreſſus, atque monaſterium nomine Sguraſ occurrit. Littus deinde verſus Orientem legentibus, aliud monaſterium inuenitur Chelandari appellatum, poſtea monaſterium Simeon elegans & peramœnum, nequaquam tamen magnitudine, amœnitate aut opulentia cum ſequentē Vatopedi nuncupato comparandum. Quinto ad Pantocratorou, ſexto ad Tuerou ſupra tumulum in littore ſitum peruenitur; ſeptimo ad Philotheou, octauo ad monaſterium Caracoul omnium ferè poſtremum: nam quod in extremo monte ad radices altiffimi iugi Athos ſitum eſt, Agias Laura nominatur. Ex Agias Laura monaſterio digreſſis, atque ad aliud montis latus obuerſis, alia ſimiliter monaſteria cū in littore, tū in continenti occurrunt, quemadmodum in eo quod deſcripſimus latere. Montis igitur ambitum ſequentibus,

& ex Laura digressis primū occurrit monasteriū Agior Paulou, quod insula Scyro obiectum est, deinde monasterium Dionisio, tertio Glygorion, quarto Russio, Russiæ peculiare. Postea inueniuntur monasteria Xenopho, Archangelos, Diocherio, & Castamoniti: quæ monasteria in montis ambitu secundum mare sita sunt. Quæ longius à littore absunt, vel in planicie aut vallibus, aut siluis, sunt Castamoniti, Simon petra, Ithares protato, Cothleomus, Philotheon. Nemo porro mirari debet, tot monasteria in eo monte exstructa: nam trium dierum itinere in longitudinem, dimidij verò diei in latitudinem patet. Habent hæc monasteria in suis templis sacras reliquias, ad quas frequens sit cōcursus. Tēpla egregiè ornata & exstructa, in quibus Caloieri singulis diebus Liturgias canunt, omnia Græco sermone proferentes. Olim in eo monte boni libri Græci manuscripti inueniebantur: nā eius mōtis Græci tū tēporis multo doctiores erāt quàm nūc sunt. At iā omnes indocti sunt, vixq; in singulis toti⁹ Mōtis Athon monasteriis unicam eruditū Caloierum reperiās. Si quis Theologicos libros manuscriptos cuperet, fortassis inueniantur: at nulli poëtici, nulli historici, nulli philosophici.

CAP. XL.

Cur plerique in Græcia perierint, & de monasteriorum in monte Atho fundatione.

HVNC Græcorum librorum interitū, Græciæ populorum, qui à suis maioribus prorsus degenerarunt, negligentia & ignorantia adscribendum esse necesse est. Nam non solum nostra memoria, sed etiam iam multo tempore, neminem per uniuersam Græciam aliqua eruditione præditum reperiās. Concedimus quidem aliquos Græci & Latini sermonis peritos: at de doctrina & eruditione studio adquisita intelligimus, quemadmodum nunc apud Latinos plerique inueniuntur. Inter sex Caloierorum millia, qui nunc in eo monte versantur, vix bi-

nos

nos aut ternos in singulis monasteriis inuenias qui legere aut scribere norint. Nam Græcanica ecclesia præfecti, & Patriarchæ, Philosophiæ hostes, omnes sacerdotes aut religioni initiatos, qui alios quàm Theologicos libros legent aut describerent, anathematis fulmine petierunt: atque aliis persuaserunt nemini Christiano operam in Poëtica aut Philosophia nauare licere. Ecclesiastici autem fulmine excommunicationis icti, absolui non poterant, nisi arctissimis quibusdam ieiuniis, & certa pecunie summa, aliisq; corporeis quibusdā punitionibus precedentibus & pœnitentiæ loco inflictis. Omnia monasteria suprâ enumerata olim à diuersis nationibus cum peregrinis tū Græcis fuisse instituta, suosq; redditus in variis orbis regionibus nuncupatos habuerunt. Multa adhuc exstant quæ censum annuū ex Russi vsq; Walachia, Trapezūie, Italiaq; & Roma missum accipiunt. Caloieri enim Vatope-di, suum monasterium ex Romano quodam templo censum accipere solere referebant, unde nihil amplius ad eos perferretur. Atque licet Russi, Walachi, Besseni, Mengrelia & Circassia incolæ atque Mosconita sermone, eorūq; à Græco dissimili, inter se differrent: nonnullum tamē adhuc censum ab illis recipere: eum autem qui à Latinis provenire solebat, intermissum esse Omnia quæ enumerauimus, ritu Græco, minime autem Latino sese habet. Per Latinum ritum intelligimus quicumque Romani Pontificis mandata obseruant. Ceterum quoniam inter Caloieros nulla est vestitū varietas, omnes inter se ferè sese norunt, quorum viuendi ratio sanè mira est. Neque canabeas neque lineas gestant interulas, sed laneas, quas ipsi met nere solent: eorum amictus colore & forma conuenit, ut diximus, cum eorum vestitu quos Galli infumatos nominant. Nec quispiam est cuiuscunque etiam monasterij, qui artem aliquam mechanicā non exerceat, nec operas externas unquā conducūt ad sua negotia peragenda:

sed si quid in communem monasterij vsum peragendū est, omnes simul id peragent, aut peculiaribus quibusdam id negotium committetur, veluti, vitium putatio, agrorum cultura, lignorum inuectio, hortorum cultura, piscatio. Alij etenim sunt sutores, qui calceos aliis consuunt, & laceros concinnāt: alij sartores, qui talaris vestes consuunt, & parant: alij fabri lignarij ad lembos, naues, atque alia opera lignaria fabricanda: alij monitores: alij murarij & cementarij: alij similiter alia opificia exercent. Vera est inquam œconomia in monasterij utilitatē instituta, plurimum differens cū moribus tum victus ratione à Latinorum monasteriis. Religio Græca sic inter eos instituta est, ut si quispiam pauper celebs aut alioqui adolescens sese mūdo abdicare vult, & Caloierus fieri, & aliquā facultatulam obtineat, ea in communē tutius monasterij vsum cedit. Fratris nomine inter se non compellant, sed patris & filij. Singuli recipiuntur ad ea munia exequenda, ad quæ magis sunt idonei. Si quis autem Græcè legere norit, aut eruditior aliquantulum sit, plus auctoritatis interdum obtinebit quàm reliqui: nam ad aliis præcinendum adhibebitur: cū in suis templis eam consuetudinem obseruent, ut quispiam publicè legat, quod alij canēdo pronūciare debent. Pauci Caloieri inueniuntur sacerdotes, & qui Missam celebrēt: atq. licet ij in monasterio sint sacerdotes, nō magis tamē à manualibus operibus liberantur, quàm reliqui Patres: singuli enim manus operi adhibere debent. Inde fit ut studiis & scriptioni vacare nequeant: imo ne vernaculam quidem linguam legere discunt, in tanto ignorantia regno versantur.

CAP. XLI.

De quibusdam Græcanicæ Ecclesiæ ceremoniis, & de summa in qua Græciæ Ecclesiastici versantur ignorantia.

IAM dictum est omnes in vniversum Græcos, eosque qui illorum ritus observant, Patriarcharum mandatis obsequi: singulāsq. Prævincias peculiarē habere, atq. eū
qui

qui Alexandria praest, *Memphi* habitare, alterum *Damasci* esse, tertium *Constantinopoli*, cui omnes *Caloieri* montis *Athou* per omnia obsequantur, non secus ac nos *Romano Pontifici*. Huius item montis *Athou* *Caloieros* quocumque in monasteria per *Graciam* aut alias orbis prouincias sese conferant, semper maiore in precio haberi, quam qui in eo monte non vixerint: imo *Caloieros Ierusalem*, montis *Libani*, *Cairi* siue *Memphis*, *Damasci*, *Bulgariae*, *Russiae*, *Bosniae*, *Wallachiae*, *Mosconiae*, *Epiri* siue *Albaniae*, *Illyrici* siue *Sclauoniae*, aliosq; per alias prouincias sparsos, in quibus idiomate utantur à *Græco* diuerso, montis *Athou* *Caloieros* magni facere: quoniam ceremonias diligentius obseruare feruntur reliquis qui ritu *Græco* viuunt. Cereis etiā & accēsis lāpadibus utuntur in suis templis, statuāsque atque picturas, instar *Latino-*rum, habent, & campanis utuntur. Porro *Græci* qui sub *Veneticorum* ditione viuunt, maiore libertate fruuntur quam quibus *Turca* imperat. At cum hi, tum alij, ferrum habent è templi valuis clauo suspensum trium digitorum crassitudine, & brachiali longitudine, & arcus modo nonnihil inflexum, quod campana ferè instar sonorum est, aut aris modo tinnit: alium verò in monte nolarum quam huius ferri strepitum non habent: & ad preces huius ferri sonitu omnes conuocantur. In toto monte neque gallinas, neque columbas, alteriusue generis aues, neque vaccas, neque capras, neque arietes alunt, quoniam carnibus non vescuntur. Aues duntaxat nomine tenuis, quod illarū appellationem interdū audiant, norūt: nā quoniā iis non vescuntur, nullas aucupantur. Nihilominus tamen obseruauimus, eā auem que apud *Cenomanos* *Pinson royal*, *Lutetiae* *Ungros bec*, quæq; ab *Aristotele* & *Græcis* * *μαλακορραυός*, à *Latinis* *Molliceps* nuncupatur, ipsorum lingua *Gros bec*, id est, *Crassi rostri* appellationem inuenisse: atq. auiculam illam per arbores

F S repentem,

repentem, quam Galli Terco vel Turcot nominant, & Latinis Torquilla, Græcis Iynx dicta fuit, vulgarem istic etiam esse, & Alcionis appellationem obtinuisse. Nullum autem in vniuerso orbe locum monasteriis apertorem noui, ipso monte Atho.

* De hac re vide ipsius Bellonii historiam de auibus lib. 6. cap. 7. & lib. 7. cap. 30. vbi Mollicipem à Pardalo distinguit.


CAP. XLII.

De rarioribus montis Athou stirpibus, sponte nullaque cultura adhibita prouenientibus.

MONTIEM Athon præ reliquis, ubi unquam pedem fixerim, locis, herbosum obseruavi: nullaque in eo rarior est planta, quæ eodem antiquo nomine non sit cognita, quod à Theophrasto, Dioscoride, & Galeno traditum est: Planta illa, paruula radice prædita, quæ Veteres Apion nominabant, nunc Chamæpydia nuncupatur, vultusque est Caloierus in toto monte, qui eam laxandæ facultate præditam esse non norit.

Quoniam verò multos magni nominis viros hallucinatos comperio, qui eius loco aliã sumunt, atq. corruptã eius iconẽ exhibet. eius vinã imaginẽ oculis subuicere libuit, quam ex ea exprimissimas, quæ ex radice per octo menses integros à nobis extra terram seruata, eaque tandem telluri commissa, folia, flores, & semina produxit, qualia in sequenti figura conspiciuntur.

Montis Athou Caloieri hoc privilegium obtinuerunt, ut nemini toto eo monte præter ipsos habitare liceat: eam



ob

ob causam, fructiferis arboribus, vitibus & oleis eum excolunt. Merito illis dicatus est, quoniam hominibus secessu & solitudine gaudentibus conuenit, dignusque est qui cū deliciarū quodam paradiso cōparetur, iis qui rure delectantur. Hippoglosson istuc admodū frequens est, quod ipsi Coraco Votano, hoc est, cornicis herbā nuncupāt. Vetratū nigrum in multis vallibus crescit. Nemo est in toto monte, cui arbor quā Plinius Alaternū appellauit, veteri legitimo nomine, quo ipse Theophrastus usus est, Philicæ, nota non sit: Corcyrensibus verò & Cretensibus Eleprinos dicitur, quoniam, ut Plinius scribit, folia habeat inter Ilicem & oleam media. Fagus quam Galli Fousteau nominant, in eo monte frequens est, ab omnibus Oxya appellata; de qua postea plura, quia diu per eum montem oberrauit, illam querens, Oxyam à Fago differre existimans. Quæ veteribus Ostria dicta fuit, antiquam appellationem istuc adhuc retinet, eaque mons abundat; illa ipsa est quam Galli Haistre vocant. Mirari verò subit quosdam meos populares doctos & rerum peritos, adeo hallucinatos esse, ut Latinorum Cerrum, eam quam vernacula lingua Haistre appellamus, esse putarent; quandoquidem Haistre nullam glandem ferat, & Ostria à Theophrasto tam graphice sit descripta. Aria etiam vetustum nomen retinet, licet Idæ montis in Creta incolis Acilaca dicatur. Quandoquidem autem tanta est riuorum è numerosis limpidis fontibus defluentium commoditas; quoquò te obuertas, & in umbra deambulare voles, tanta elegantium stirpium frequentia oculis obicitur, ut nullus quantumuis tristis aut melancholicus, ilico non recreetur tam numeroso arborum perpetua fronde virentium aspectu, tanquam is locus de industria pro deliciarum quodam viridario exstructus fuisset. Sed quoniam in mentionem incidimus arborum in isto monte perpetuo virentium, eas ordine recensebimus.

CAP.


Ferarum arborum perpetuò virentium in montis Athou
vallibus sponte prouenientium nomina.

CELSÆ Lauri atque Oleastri istic summos So-
lis æstus perpetuò reprimunt: atque Arbuti, quæ aliis
in locis plerumque duntaxat fruticant, ingentes istic
sunt arbores. Andrachnes istic abundant. Aria, Phi-
lica, seu Alaternus, Ilices, in celsam magnitudinem
excrecentes montes istic vestiunt, quemadmodum &
Picea & Abietes. Myrti latifolia cum steriles tum
fructifera, Rhododendri rubro flore in summam cel-
situdinem attolluntur, earumque caudices crassitudi-
ne Ficibus non cedunt. Smilax levis ad summum usque
celsarum Platanorum fastigium perreptat, perpetuam
gerens virentem comam aduersus ventorum iniurias &
Solis ardores. Sed quandoquidem aliæ sunt arbores per-
petua fronde virentes præter eas quas in monte Atho in-
ueniri diximus, non immerito illas hoc loco subiungemus.

CAP. XLIII.

Arborum & Fruticum, quos in variis prouinciis perpetua co-
ma virere obseruauimus, nomina.

QUANDOQVIDEM stirpes perpetuò virentes
describendi occasio datur; rationi consonum videtur, ut à
celfissimis totius orbis arboribus, videlicet Cedris, auspi-
cemur. Eas verò sigillatim describere non est animus: sed
eas breuiter hoc loco enumerare sufficiet. Præter iam di-
ctas Syriæ præaltas Cedros, aliæ pumilæ inueniuntur
Lyciæ, quarum folium spinosum est, ob id à Grecis Oxy-
cedri cognominata, atque hac nota ab aliis Cedri Phœni-
cæ generibus differentes, quæ obtuso mucrone prædita fo-
lia habent. In eo numero recensentur etiam Myrti, licet
eius varia sint genera; nã aliæ cæcidæ, aliæ nigrae, aliæ an-
gustiore folia, aliæ latifolia: quintū insuper est genus nobis
admodum frequens, nempe quod in frigidarum regionum
hortis colitur. Omnes coniferae siue resiniferae arbores, ex-
cepta Larice, eo etiam numero comprehenduntur: quas
Gallicis



Gallicis nominibus efferemus, prout ab urbium & pagorum Sabaudie & Aruernie incolis ea didicimus. Quo verò facilius intelligi possint, illis antiqua nomina adiciemus. Quæ nunc Gallis Aleuo dicitur, Pinastrum nomen obtinebat, arbor Græcis incognita, atque à Pino siluestri differens. Quæ Gallis Suiffes dicuntur è genere Abietum sunt, quarum aliæ mares aliæ feminae, eas Sapinos siue Abietes feminas appellabimus. Nam quæ veteribus Abies dicebatur, à Sapino differt. At Abies tribus gallicis nominibus donata est: nam alij du Sapin, alij du Vergno, tertij du Sap vocant: verum Sapinus Latinorum, Gallis de la Suiffe dicitur. Atq. ut facilius discerni queat, eius iconem hic adposuimus.

Quæ uniuersa Græcia adeò familiaris est, & veteribus Picea dicebatur, plurimas appellationes Gallicas obtinet: nã Lugdunensis gallie incolæ in Tarare monte, partim Pignets, partim Pins sauages nominant: at gallica appellatio quæ & Sabaudi & Aruerni utuntur, constantior est in Pignets quàm Pins sauages. Larix in Græcia nō nascitur, Galli Melese nominant, sola inter coniferas folia hieme abiicit: sed hæc sigillatim in libro, cui titulus est de Arboribus coniferis, scripta sunt. Aurea mali, Poma Adami, Citria siue Poncires, Citrones & Limones co etiam numero recensentur. Multa quoque Capparium genera perpetuo virent: quorum nonnulla in rupibus & scopulis Creta crescunt alia spinosa, alia spinis carentia. Aquifolia, Acacia, Aria siue Acilaca, Cassie solutinae arbores, Palme, Sena, Thamarindi, Andrachnes in Græcia frequentes, Philica, Balsami arbor, Buxus, Cupressus, Trapesuntina arbor cerasifera, Esculus & Cerrus alias Volagnida, Ephedra siue Anabasis, Erica, Phana, Cisti frutex, Ledon, & Glans unguentaria perpetua fronde virent: Item Hedera cum alba tum nigra, Halimus, Henne frutex in Aegypto nascens alio
nomi-

nomine *Alcanna*, à *Ligustro* differens, quod *Gallis* dicitur *Troesne* dicitur, & hieme foliis spoliatur, at *Alcanna* ea retinet. *Ilex* arbor, *Gallis* *Cheſne* verd dicta; *flex* *coccifera*, *Gallis* *Graine d'Escarlata* nuncupata, *Iuniperi* cum maiores tum minores, *Lauri* quinque genera, quorum unum odoris expers est, *Lentiscus* è qua *Mastiche* fit, *Lycium*, & *Lanifera* arbor, *Libanotis* coronaria, *Sebeſte*, *Sycomorus* *Agypto* pecaliaris, *Sabina* prima & altera, *Thuya*, *Suber*, *Taxus*, *Siliqua* sine *Ceratia*, *Nerion* & *Oenoplia*, quæ alio nomine *Napeca* dicitur, & in *Agypto* atque *Syria* crescit, *Persea*, *Polemonia*, *Geniſte* quoddam genus in *Arabia* solitudinibus nascens, *Tragium* *Creta* familiare, *Acacia* altera, *Myrobalani*, & *Salvia* *cretica* poma gestans edulia, & *Anapala* arbor dicta perpetuo virent. Idque non ex alterius scriptorum lectione, sed ex nostramet observatione cognouimus: nihil etenim scripsimus quod ipsi non viderimus. Prætermisimus multas pusillas stirpes quæ hieme etiam folia non abiciunt, quale est *Gallorum* *Frelon*, *Thymum* verum, *Satureia* græca, & alias similes; cum arbores & frutices duntaxat enumerare animus fuerit. Nonnulla alia ut *Terebinthus* in arborum perpetua fronde virentium numero habitæ sunt: aducere tamen nolimus, cum aliter rem sese habere experientia didicerimus.

CAP. XLV.

Vicinorum locorum obseruatio, quæ ex summo montis *Athou* vertice conspici possunt.

CANTHARIDVM genus est in *Atho* monte à nostris vulgaribus diuersum, quod Græcis *Buprestis* dictum est, *Vulgaribus* *Cantharidibus* alioqui forma similitum, nisi crassiores essent, pallidi siue lutei coloris, & admodum putide, indifferenter vefcentes, vel rubo, vel cichorio, vel urtica, vel coniza, vel aliis herbis. *Caloieri* eas antiquo nomine appellant *Voupristi*: alii ad volatum aptis prædite sunt, ut muscæ. Eius nominis rationem satis manifeste -

nifestam nobis dederunt, quam suo magno malo experti sunt. Nam si iumenta aut alia animantia ruminantia, simile insectum deuorent, vel herbas quibus inhaeserunt depascantur, intumescunt & moriuntur. Quemadmodum autem *Vipera* cui nomen *Prester* est, morsus hominibus perniciosus est: sic *cantharis* illa lutea supra dicta, bobus praesens est venenum, atque etiam ut credimus hominibus: eam ob causam *Graci* olim *Buprestin* nominarunt. Alia adhuc eius veteris appellationis etyma in variis Auctoribus inueniuntur. *Montis Athou* *Platani* altitudine cum *Libani* *Cedris*, & *montis Olympi* & *Amani* *Abietibus* comparari queunt. *Smilax* aspera in dumetis nasci gaudet, & per eius montis sepes, quemadmodum & *Smilax* lenis (quae à domestica siue culta, quae varij coloris fabas profert, distinguenda est) in summam altitudinem monte *Atho* libenter excrescit, ut etiam ad celsarum *Platani* arborum cacumina pertingat, ipsisque supremis ramis sese conuoluat. *Vitis* siluestris naturam obtinet, quae semper in altum tendit, praesertim si inueniat cui innitatur, quemadmodum & *Ephedra*. Si *Smilax*, cuius nunc meminimus, pumilam arborem cui incumbat nanciscatur, supra illius altitudinem nec attolletur nec excrescet ut illam deprimere possit: contra vero si vastam arborem nata fuerit, perpetuo attolletur donec eius cacumen occupet, licet ipsa etiam arbor sidera petat. Nunquam à rustico, à quo *Smilacis* nomen percontati sumus, adeo propriam dietionem expectassemus, qua antiquum eius nomen exprimeretur: eam etenim vulgari *Graeca* appellatione *Smilachia* nominabat. Altissimum *montis Athou* iugum, magisque celebre, in extrema *Cherroneso*: atque propter summam altitudinem, perpetua fere niue tegitur, quae in aetatem usque permanet: summum fastigium sterile est, & ex asperis difficilimisque scopulis constat. In eo cum essemus, atque *montis* partem quae *Septentrioni* obuersa est, in qua
etiam

etiam nix diutissimè antè quàm dissoluatur, permanet, contemplaremur, eam vberiore, atque arboribus magis abundantem, pluresq; stirpes in conuallibus producentem obseruauimus. Ea verò pars quæ Meridiem spectat, arida est, sterilis, nec vllas arbores habet, præsertim circa ipsum verticem. Summum montis ingum pyri formam refert; nam & acuminatum & rotundum est: in cuius summo vertice sacellum est, quò monasterij Agias Laura ad montis radices siti Caloieri, certa anni die conscendunt, ibique liturgiam canunt: eam autem diem certo inter ipsos constitutam omnes norunt, eamque esse existimo quæ mense Augusto Diuæ Virgini sacra est. Cum porrò in summo montis ingo essemus, insulas & prouincias vicinas, veluti Cassandriam, quam Schiatho vocant, Scyron, Lemnon, Thasson, Samothracen, Imbron, adeò facile conspiciebamus, ac si viciniore nobis fuissent. Semper istic aura est frigidissima, sic ut eam diu perferre nequiremus. Inde descendentes per eam partem quæ Meridiei obiecta est, & ad montis radices vicini, Abietum & Picearum siluas inuenimus, quæ à Cretensibus & Aruernicis nonnihil differunt: nam earum coni adeò firmiter ramis inhaerent, ut si vi detrahantur, rami fragmentum cum coni pediculo siue hastula semper simul euellatur: præterea politi sunt, neque ut alij scabri. Istic etiam Ferulam, & Peucedani Centauriūq; maioris abundantia inuenimus. Quocunque per montem pergas, nullam viam reperiēs, qua ascendendum aut descendendum non sit: nam tota regio inequalis est.

CAP. XLVI.

Montis Athou Caloieros siue monachos, mechanicas artes exercere.

IAM antè scripsi Caloieros ipsos suam lanam in fila ducere: eam ob causam, qua ratione id faciant, describere consentaneum duximus; quandoquidem eorum colus, fusus, & verticillū nostris dissimilia sint. Colus ex can-

G

na siue

98 P. BELLONII OBSERVATIONVM
 na siue arundine constat quæ Donax dicta est, & intra
 tres nodos duntaxat resecta est, ut foramine facto tres in
 id leuæ manus digitos inserere possint, nempe minimū, &
 binos ab illo proximos, liberum relinquentes pollicem &
 indicem illi proximū, ad lanæ pensā trahenda, & fuso ap-
 plicanda. Sūma cāne articulatio furcula in modū incisa
 est, ut lanæ illi imposita firmitus cohereat. Caloierus
 suæ regionis more filā ducens, colum lateri non applicat,
 sed tribus digitis subleuatam sustinet. Lanam magno ap-
 paratu non preparant, sed eam calida duntaxat lauant,
 & paululum carminant; propterea fusus colui quodam-
 modo respondere debet. Mirum igitur non est si veteres
 nonnullas stirpes colus, fusi, & verticilli nomine donarunt:
 nam & hodie Attracilis herba fusi vicem illis prebet:
 eius enim caulis rectus est & leuis, tamquam arte expo-
 litus esset. In eius penuria bacillo minimi digiti crassitiem
 non æquante, æqualis ubique crassitudinis vtuntur, cui
 ferrum hamuli piscatorij modo efformatum insigunt, ut
 filum comprehendat è quo fusus dependeat. Verticillum
 etiam colui & fuso respondere necesse est, quod cum eo quo
 nostræ mulieres vtuntur nihil cōmune habet. Quoniam
 autem verticillum solummodo excogitatū est ad filā com-
 modius ducenda, atque ut fuso pondus addat; indicare
 voluimus Græcorum verticillum, etiam nunc illi simile
 esse, quod veteres descripserunt, quodq; eam auctoritatem
 obtinuit ut & herbe & pisci nomen daret Sphondilion,
 quem frequentius in Anglia quam in Gallia reperiri sci-
 mus. Græcorum verticillum dimidiato pyro in binas par-
 tes per medium secto simile est; per medium perforatū est,
 dentibusq; caret. Id verticillum superiori fusi parti insi-
 gunt, inferiore fusi parte deorsum propendente: filā autem
 nostro more torquent. Nullam vnquam in totius montis
 ambitu urbem muro cinctam fuisse credimus: quia nulla
 murorum vestigia exstant: Vranopolis etiam Palæotriū,
 Thyssus,

*Thyffus, Cleone, Apollonia, Cassera, à Plinio enumeratæ solummodo, exigui pagi fuisse videntur, ubi nunc monasteria sita sunt. Caloierum inter reliquos inuenimus, qui recens ex Sophia in montem Athon habitatum aduenerat, lagenas è salicis amerina virgultis, aut tilia cortice, aut castanea summis surculis, aliòve ligno sequaci ut est ulmi cortex, texendi admodum peritum. Absoluta & probe contexta lagena, aliqua materia, ne perflueret, inducenda erat: ad eam igitur rem Piceæ resinam, Græcis *νεύμν*, & Latinis Spagas dictam dictione Plinio usitata, sumebat, quam (cum pinguis & lenta sit) paululum decoquebat, & calidam in lagenam iniiciebat, quæ foramina & surculorum corticiumve interstitia complebat & indurabatur, hacq; ratione lagena stipabantur ne exstillarent. Eiusmodi lagena viatoribus sunt cõmodissima: nam neque Solis ardore facile finduntur uti lignea, neq; fragiles sunt ut terree, neque graues ut stannea. Quoniã uerò leues sunt, atque diu conseruari possunt, iique qui illas conficiunt Sophie (in Seruia Græciæ Provincia ea urbs est) habitant, qui eas per Græciæ insulas venales circumferre solent, Sophie lagenas appellant. His Walachi, Bulgari, & Circassi libenter utuntur.*

CAP. XLVII.

De cancris aquæ dulcis, in montium riuulis versantibus, à nostris fluuiatilibus Cammaris, quos vulgus Cancros appellat, diuersis.

P E D E S T R I itinere per montem euntibus (nã equiti, nisi qui regiam viam sequeretur, non liceret, imo ne pediti quidẽ, nisi quis agilitate præditus, animi gratia spectoq; omni labore & molestia id faciat) itineris dux à via nota aberrauit, sic ut quo destinaueramus eo die peruenire nequiremus, nec commeatum ullum nobiscum sumseramus. Tandem sub noctis crepusculum ad quendam riuum peruenimus cancris, nostris cammaris dissimilibus, adeò abundantem, ut mille temporis momento capi potuis-

sent. Caloierus eos crudos manducare coepit, asserens co-
etis melius sapere. His etiam cum illo vesebamur, neque
incundiorem saporem ullo in cibo inuenire memini, siue
fame urgente, siue cibi nouitate id accideret. Cum autem
eos canculos à nostris cammaris diuersos esse obseruare-
mus; eos è mari perreptasse arbitrabamur: at obuertentes
nos, & regionem ad mare descendentem contemplantes,
locum adeo sublimem & aditu difficilem animaduerti-
mus, ut nullo modo perreptare eò potuisse indicaremus:
deinde cum exactius illos obseruassemus, inter eos &
marinos magnam dissimilitudinem deprehendimus, &
istic expresse annotauimus canculos esse fluuiatiles à cam-
maris diuersos. Stirpis genus quoddam in valle inueni-
mus Elegia nuncupatum, cuius ramis pro calamis scri-
ptorijs utuntur: nam neque Turcae neque Graci anse-
rum plumis uti norunt.

CAP. XLVIII.

De portentosa viuendi inter Græcos sacris addictos ratione, de-
que asperitate, superstitione & ceremonijs quibus in cibo &
potu utuntur.


PORTENTOSAM cuiusdam Caloieri viuendi ra-
tionem describere volo; ut qua ratione reliqui uiuant, fa-
cilius intelligi queat. Postridie cum in monasterium Si-
meon peruenissemus, Caloierus quidam, ferrariam artem
exercens, asthmaticus, lenta febre laborabat, quem ingens
tussis vexabat & magna sitis perpetuo torquebat: is ad
prandium nos inuitans, Saracosti, hoc est, unius ex illo-
rum quadragesimis siue angarijs tempore, ciborum deli-
cias quibus uti solebat nobis adposuit. Isti Caloieri qua-
dragesimarum suarum tempore piscibus sanguine pradi-
tis non vescuntur: itaque herbis, alioque huiusmodi mo-
dico apparatu uti necesse est. Nobis igitur erucam, eleo-
selini radices, porri bulbos, cucumeres, cepas, atque pusil-
la allia virentia apposuit. Hæc omnia ex communi mona-
sterij horto desumpta erant, tametsi nonnulli etiam priua-
ros

ros hortos colant. Herbas prædictas crudas sine oleo & aceto edimus: quoniam apud istos miseros ea est consuetudo. Nobis præterea adposuit olivas nigras conditas, quas *Dermatias* appellât, atrum panem biscoctum, atque vinum. Biscocto pane utuntur *Caloieri*, ne sæpius clibanum calefacere cogantur. Inuitant & binos e suis sodalibus qui salitos & desiccatos nonnullos pisces attulerunt, sepias, polypos, lolligines. Eo autem tempore omni cancrorum genere, marinis cochleis, aliisq; testa inclusis, quales sunt mytuli & ostreae, illis vesci licet, quoniam sanguine carent. Miser ager cõquerebatur appetitum planè esse deiectum, aiebatq; nisi nuces sibi à morbi initio reseruasset, iam diu terra obrutum fore: atque istis solis vitam conseruatam referebat, quoniã illi orexin excitaret ad paululum panis aqua intincti cum olinis salitis edendum. Isti *Caloieri* à crudis cepis & aliis cœnas suas inchoare solent, atque eruca & nasturtio finire; media & primaria cœna fercula olivæ salitæ, & fabæ aqua maceratæ sunt: atque cuiuscunque tandem conditionis sint, sani vel agri, vinum aqua temperare non solent. Huius *Caloieri* victus ratione considerata, persuadere conati sumus ut boni succi pisce aliquo recente uteretur, quoniam admodum macilentus erat, & toto corpore valde extenuato: at ille respōdit, quod etiã si illi statim moriendũ esset, illo vesci nollet, nedum carne. Ea vivendi ratio nō modò apud *Caloieros* locum obtinet, aut apud sacerdotes, atiosve sacris initiatos in Græcanica ecclesia: sed etiam apud plebem, quæ mortis etiam pœna proposita, quadragesimæ ipsorum tempore piscibus sanguine preditis, aut alia re pingui vesci nolit: adeò rigidi sunt huiusmodi superstitionum observatores.

Ex monte Atho in Saloniki profectio, & de raris piscibus qui
istic capiuntur.

MONASTERIA ad maris littus sita, ut sunt Lau-
ra, Yucro, Vatopedi & pleraque alia, noctu suas navi-
culas in portu aut maris littore non relinquunt, praefer-
tim ubi portus minimè tutus est: sed eas è mari edu-
cunt, deinde locis quibusdam concludunt, quorum
valvae sunt ferreae, ut igni quem pyratae inicere possent,
resistant. Pauci sunt tuti portus in montis ambitu, exce-
ptis qui in Vatopedi & Laura sunt: propterea frumen-
tum rarius ferunt. Sed cum vites, oleas, ficus, cepas,
allia, fabas & legumina colant, permutationem cum
Nautis faciunt qui illis triticum aduehant, vel illud
praesenti redimunt pecunia. Molae in hoc monte vidimus
tam pauca aqua impelli, ut riuus profluentem vix bra-
chiale crassitudinem aequantem contineret. Piscinam au-
tem humili loco struunt, partem superiorem amplam &
capacem habentem, inferiorem verò paulatim in angu-
stum coactam infundibuli modo: in ea foramen est tanto
impetu aquam emittens, ut in exiguum rotam incidens
alia ratione quam nostrae sunt fabricatae, quantumvis
magnum molarem lapidem impellere possit. Lauri cuius
in conuallibus magna est copia, baccas colligere solent, è
quibus oleum exprimunt, quod venum exportant per
Wallachia, Bulgaria, Servia urbes atque loca vicina.
Marinos vrsos, quos Neapolitani & Masanenses Mas-
sacara nominant, istic capiunt, Astacis marinis siue
Homar Gallorum fere similes: sed inualidi sunt ut Lo-
custae, & aculeis carent ut Astaci: nam Locustae dorsum
aculeatum habent ut marina Aranea: atque adeò
hunc piscem intellexit Suetonius Tiberij Caesaris crudeli-
tatem describens, qui aspero Locustae cortice misero pi-
scatori os dilacerari iussit. Nos Gallicè Santerelle de
mer reddere possemus. nã quae Massiliensibus corrupto
sermo-

*sermone Langouste dicitur, puro sermone gallico Sante-
relle appellari posset. Itaque excusatum volumus errorem
ab operis typographicis nostra absentia commissum, quæ
huius piscis iconem in aliud caput Libri piscium transu-
lerunt. cuius rei admonitum lectorem volui.*



*E monte Atho digressi ut Saloniki proficisceremur,
facile biduo istuc pervenimus. Saloniki ingēs est oppidum,
celebre & opulentum, olim Thessalonica nuncupatum,
cuius D. Paulus meminit: in Thessalia proximè Mace-
doniam sita est: in ea pestis adeò grassabatur, ut pluri-
mi mercatores urbem desererent, & suas facultates ne-
glicerent. Turcæ inter reliquas nationes omnium mini-
mè à pestis contagio sibi metunt, ideoque nulla formidi-
ne inter eos qui peste icti sunt versantur, quod in Saloni-
ki observavimus. Biduū dūtaxat in itinere à Saloniki ad
Siderocapsæ fodinas insumimus, quæ eo sunt loco qui Ve-
teribus Chrysites appellabatur: nunc autem pagus est,
tam magni proventus Turcarum Imperatori, ob auri
& argenti copiam quæ ibi colligitur, quàm maxima urbs
quæ sit in univēso eius imperio: attamen non diu est quod
fodina erui ceperit, ex qua aurū et argentū cōflatur. An-
tea paucis ædificiis pagus instructus erat: nunc verò, oppi-
di formā refert. Siderocapsæ inter valles sita est, ad radi-
ces montis cuiusdam in edito siti ad maioris cuiusdam
montis cliuium, quā aptius comparare nesciremus quam
cum oppido Ioachims thal in Bohemia sito, quod Latine*

Vallis Joachimica dicitur. Metallica quæ ex Siderocapsa eruuntur, in causa sunt, ut qui huic rei student eò confluxerint, & magis populosam eam reddiderint. Per amenos hortos & vireta istic instituerunt, & ubiq. adest aqua quæ hortos multo commodiores reddit: præsertim autem vineta vicinis locis sita egregie exculta sunt. Siderocapsæ fodinarum incola hominū est collunies, lingue varietate inter se differentium, ut sunt Illyrici, Bulgari, Græci, Dalmatae.

CAP. L.

De auri & argenti fodinis Turcarum Imperatoris, atque de obrizi auri origine disceptatio.

SIDEROCAPSA in Macedonia sita est Servia contigua; eumque esse locum, in quo Philippum Alexandri Magni patrem, aureos Philippicos primum cudisse Diodorus scribit, puta cum Crenidas fodinas inuenisset, atque eas excoluisset: namque refert illa etate singulis annis, mille & amplius auri talenta reddidisse. Metallica quæ nunc istic laborant opere, magna ex parte Bulgari sunt. Vicinorum pagorum eò ad mercatum confluentes rustici Christiani sunt, atque Servianicè & Græcè loquuntur. Iudei similiter istic adeò sunt aucti, ut Hispanicam linguam quodammodo vulgarem reddiderint: etenim inter se versantes & sermones conferentes nulla alia lingua utuntur. Siderocapsæ diutius substitimus, ut fodinas observaremus, tum etiam quòd magnoperè conspicerem cuperem qua ratione aurum e sua vena eximeretur. Cum verò aurum omnium metallorum sit perfectissimum & purissimum, atque tam varia nomina in Europa adquisierit: perpendere volumus, an illa in sua vena adipisceretur: at ipsius impuritatem aliunde, quàm eorum, qui id commiscunt, infidelitate, non procedere comperimus. Aurifabri, & Monetarij diversa illi nomina tribuunt, atque aliud altero vilius constituunt; inde factum ut aliud aurum ducatorum, aliud aurum coronatorum, aliud aurum scutatorum, aliud aurum rhenense dicatur, unum

unū viginti karatis, aliud octodecim, reliquāq. in hūc mo-
 dū pluri vel minoris aestimantes. At cuiuscemodi nomina
 & precia in variis regionibus nata sunt, in quibus eorū qui
 illud cōmiscuerūt & aliorū metallorum ipso viliorum mi-
 scellanea multiplicarunt infidelitate adulteratum est.
 Ea porro multiplicatio, ex eorum, qui illius precium in
 nummorum recentiorum generibus augent, arbitrio, ex-
 cogitata est. Ducati etenim, Scutati, Phillipei, Angelo-
 ti, Portugallici diuersimodē ex puriore vel impuriore
 auro cusi sunt. Id autem inuentum non est recens: legi-
 mus enim iam vigente Romanorum imperio, Rempu-
 blicam, cū grauiores bellorum impensas tolerare ne-
 quiret, nummorum pondus interdum minuisse, ut id lu-
 cri accederet, atq. purum argentū, admixta aris octaua
 parte adulterasse & auxisse. Natura numquā oblectata
 est perfectiorem substantiam elementarem condere, quā
 aurum: nam non minus purum & sincerum est in sua
 qualitate, quā ipsa simplicia, ex quibus compositum
 est, elementa. Non igitur immerito prae reliquis diuitiis
 illud aestimamus, atq. reliquis metallis praeexcellere cōsemus.
 Nā Natura equa quātitatis proportionē cū elementorū
 symmetria respondente illud condente, iā ab ipsa illius ori-
 gine expurgatū reddidit, ipsorū elementorū simpliciorū in-
 star: atq. ista elementorū, in virtute pari, cōiunctione adeo
 delicatā & perfectā indissolubilis vnionis mixturā gene-
 raui, eius colligationē tā fideliter fabricās, ut incorrupti-
 bilē massam constarit, quae in sua excellētia & bonitate in
 aeternū permanet. Eam ob causam neq. à temporis iniuria
 vinci, neq. ullā excrecentiā, aut rubiginis superfluitatē in
 se cōtinere aut ferre potest aurū. Nā tametsi multo tēpore
 aqua mersum aut igne sepultū maneat, nullā tamen inde
 maculā cōtrahit, neq. aliā qualitatē, aut pōderis imminu-
 tionē acquirit. Illud singulare priuilegium prae reliquis
 metallis obtinet. Ex Siderocapsa fodinis ingēs auri & ar-

G 5

genti

gēti summa Turcarū Imperatori accedit: nā singulis mē-
sibus, deductis operarum stipēdiis, pro sua portione decies
octies mille ducatos, nōnunquam triginta millia, interdū
plus, aliquādo minus accipit. Qui censum pendūt, nō me-
minisse affirmarūt iā inde à quindecim annis minus pen-
disse nouem aut decem ducatorū milibus in singulos men-
ses pro Turcarum Imperatoris iure. Metalla verò istic
purificantur labore & industria Epyrotarum, Græco-
rum, Iudeorum, Vallachorum, Circassiorum, Ser-
uianorum & Turcarum. Circiter quingenta aut se-
xcenta fornaces per Siderocapsæ montes sparsæ sunt: ne-
que vlla est quæ peculiarem dominum non habeat, qui
suis expensis omnia necessaria in ea peragi curet. Porro
cū fossores, tū qui effossam fodinam educunt, Caduceo
sue virgula diuina non utuntur, sed sine sorte aut sup-
putationis calculo, fossionem prosequuntur prout illam
commodam & utilem initio inuenerunt. Pyritis sue
Marcasitæ genera variis prædita sunt coloribus. Aurum
verò atque argentum purum non reperiunt, quin prius
fusum fuerit. Neque Chrysocolle istic est, neq. Cobaltum:
neque fossilium carbonum apud illos usus est: alia verò
ratione metalla excoquunt quàm in Germania. Eorum
fodine fluoribus carent. Leges inter Metallicos sancitæ
diligenter ut in aliis prouinciis obseruantur. Qui argen-
tum ab æro aquæ fortis beneficio separabat, Christianus
erat Armenius. Vocabula quibus nunc Siderocapsæ res
metallicas exprimunt, neque Græca neque Turcica
sunt: nam Germani qui primum eas fodinas excolere cœ-
perunt, incolas rerum metallicarum, & instrumento-
rum mineralium nomina Germanica edocuerunt, quæ
deinde exteri cum Bulgari tum Turcæ obseruarunt. Eo-
rum officina à Germanicis differunt: in quibus tota heb-
domada laborare solent, initium à die Lunæ facien-
tes & die Veneris finientes, quoniam Iudæi die Sabbati
ferian-

feriantur. Omnes camini seu fornaces secundum riuulos
 exstructæ sunt, quia rotas quibus folles subleuantur aquæ
 impetu versari necesse est. Septem autem sunt y riuuli,
 quorum hæc sunt nomina, Pianize, Amerpach, Kyprich:
 qui verò ad Orientem spectant, Roschet & Isvoitz nun-
 cupantur. Fornaces in quibus Pyrites colliguntur, vi-
 liter exstructæ sunt: ut quæ duntaxat tignis & asseribus
 plutei siue tabulati in modum coopertæ sunt: Ampli sunt ca-
 mini & in edificij meditullio exstructi, valido muro poste-
 riore parte cõstantes, at anteriore leui materia clausi, quã
 die Veneris sub nocte diruunt: nam cum fornacis quodam-
 modo in modum exstructi sint, fumum siue cãdidam fuli-
 ginem recipiunt, Veteribus Spodos appellatam ex metal-
 li vapore exhalantem, & quo flamma maximè ferit loco,
 dum vena colliquatur, camino adherentem; Grecorum
 vulgus Papel, alij Papula nominant, cuius apud illos nul-
 lus est vsus, aut precium. Inuenitur & Pompholix, su-
 pradiçta paulo candidior: vtramq; si quis colligere vellet,
 facile singulis septimanis decem libras cogeret. Folles ere-
 cti statuuntur ore in terrã ad camini imum obuerso: suble-
 uantur verò & deprimuntur à brachiis è rota quæ aquæ
 impetu extra edificium versatur, immixtis. Rota binas
 cruces habet, quæ octona brachia cõstituunt per medium
 rotæ infixæ. Quatuor priora brachia folles comprimunt:
 reliqua verò quatuor perpetuò non exercentur, quoniam
 ad alios folles, quibus plumbum ab argento separatur, im-
 pellendos sunt destinata. Caminus siue fornax ingenti ore
 hiat, per quod carbones & vena colliquanda alternatim
 iniiciuntur: atque bina foramina habet, alterum infernè
 iuxta terram, per quod liquefacta vena effluit, alterum
 paulo suprà in ipsius camini quodammodo meditullio, qua
 ventus exspirat, & ignis, exhalatione opus habens aërem
 recipit. Materia per imum foramen effluens, cū suo ex-
 cremento quod semper supernatat delabitur; perpetuoque
 id ex-

id excrementū à metallo, quod in imo subsidit parua quada-
 dam fossa fornaci contigua, eximendum est. Quoniam ve-
 rò leuiores excrementa inutilia sunt, opera illa paulatim
 auferunt & abiciunt: nam cū frigescent, crustam su-
 pra metallum inducunt, quam virga ferrea decutiunt: at
 aurum, argentum atque plumbū, quæ simul mixta, gra-
 uioraq; sunt, in imo subsident. Plumbi autem ab argento
 separatio ignis è carbonibus conflati calore non fit, sed flā-
 ma ignis è crassioribus lignis violenter conflati vi. Ad eā
 rem folles alia ratione quā primos collocari necesse est:
 primi enim erecti sunt atque ori innituntur: qui verò ad
 plumbi separationem sunt destinati, obliqui iacent, atque
 quatuor, vt diximus, brachijs aquæ impetu rotatis suble-
 uati instantur. Plumbum flammæ ignis è lignis conflati vi
 colliquatum, ab eo quod ignis è carbonibus constantis ar-
 dore liquatum est differt, neq. plumbum videtur, sed po-
 tius metalli recrementum. Vulgus Græcorum Molini ap-
 pellat, nihilq; aliud est quā plumbum in Lythargyri
 substantia quod Molybdæna nominatur, quæ postea de-
 nuo colliquatur vt plumbum fiat. Quanto autem magis
 ab ea repurgatū erit argentū, tātō purius reddetur. Lati-
 ni, argenti recrementum Scoriam nuncuparunt, idq; est
 quod Galli parum honesto vocabulo merde d'argent
 appellant, quam metallarij vt omnino inutilem abiciunt.
 Græci dictione à Germanis sumta, vulgo Leschen nomi-
 nant. Cū Galenam excoquere volunt, eam nonnihil cō-
 minutam supra ignem è lignis & carbonibus constantem,
 quem in area struxerunt, coniiciunt: nam nisi excoquere-
 tur, cū alioqui marmoris instar dura sit, à fornace non
 donearetur. Illam igitur excoquunt magna lignorum &
 carbonum congerie, Galenæ copiam illis iniiciendo, atque
 alternatim alia aliis permiscendo, deinde ignem subiiciē-
 do, donec colorem mutauerit: tum demum in fornace colli-
 quandam inferunt. Linus Siderocapsæ, olim Chrysite

nuuicte-

nuncupata, fodinas describens, ait Macedonum reges sua bella feliciter gessisse, ob ingentia tributa quæ ex fodinis accipiebant, eosq; auro & argento Macedonico illustres euasisse. Credibile etiam est Philippi conatus sine eo non adeo feliciter cessuros fuisse: neque eius filium Alexandrum tam ardua moliturum. Sed per illud Reges multa præclara gesserunt. Itaq; hæc laus soli auro & argento tribuenda est, quod pleriq; ardui conatus felicem exitum habuerint, atq; ingentibus bellis, quorum auctores fuerant, optatus finis sit impositus. Paulus Æmilius Romanus, victo Perseo Rege, Macedonas ne amplius auri fodinas exercerent inhibuit, ut hac ratione Macedonum opes immi-
nuerentur, atque Romanorum augescerent. Solinus etiam auctor est, Macedoniae fodinas puro auro opulentas fuisse.

CAP. LI.

Qua ratione metallici aurum depurant ex quo Turcici Ducati cuduntur, unicumque esse Ducatorum auri genus per uniuersum Turcarum Imperatoris dominium.

SERIVM mandatum dedit Turcarum Imperator, ut aurum argentumque Siderocapse summa fide atq; ut decet expurgetur. Modo retulimus quæ ratione plumbum ab auro & argento separari soleat: auri verò ab argento separatio non est magni negotij: etenim ea solummodo fit aque fortis beneficio: eiq; rei præfectus est Armenus quidam, qui postquam aurum ab argento segregauit, in quadrangulas laminas pedem latas, binosq; pedes longas, atq; nonacule dorso haud crassiores malleo diduci iubet. Eas in vasculum diligenter componit, atq; puluere quodam aspergit hac ratione. Pulverem primum in vase spargit e sale, alumine, contritisq; tegulis constantem, deinde quadratam auri laminam illi imponit, quam simili puluere etiam tegit, ei rursus aliam laminam imponit simili puluere conspersam, atque ita consequenter aureas laminas & pulverem alternatim commiscendo, atque aceto conspergendo donec vas plenum sit. Postmodum vi ignis e carbonibus conflati,
per

per integrum diem artificialem calcinantur & excoquuntur, donec probe aurum expurgatum sit, ex quo cusi ducati, postea Constantinopolim perferuntur. Enigitur ut mortales suas met leges observantes, ducatorum aurum, reliquis auri generibus præferri voluerunt, quandoquidem certum sit illud purius esse quovis alio auro cuso, quod plerumque commixtum est. Aurum apud Turcas cussum, purissimum aurum est ducatorum; quod adeo molle & delicatum est, ut facile inflecti queat. Cuius, quemadmodum & ceteri auri splendor, etiam si impuris manibus tractetur, ilico non inficitur, sed perpetuo splendet & in naturali suo colore permanet. At reliqua metalla cuiuspiam rei adfricata, sue tincturae notam relinquunt: quod minime facit aurum, quod neque luteo neque nigro colore inficit. Mirum itaque non est, si solus ipsius color ad ipsius amorem nos rapiat; cum præsertim cum solis radiis communionem quandam habere videatur, eaque virtute polleat, ut quemadmodum eius elegantia nostris oculis placet, singuli etiam eo frui desiderent. Aurum quacunque ratione, siue solidum, siue lima contritum, siue in folia diductum, intro assumptum, vitalem facultatem non offendit, ut reliqua metalla: imo ipsam & cor plurimum reficit. Licet autem Græci scriptores huius facultatis non meminerint: Arabes tamen experientia didicerunt. At eius facultatem prætextu, nonnulli impostores, magnas fraudes comminiscendi occasionem sumserunt: qui excellentius quidpiam quam medici nomen affectantes, Curatores sese appellarunt, novam quandam facultatem in auro se invenisse simulantes: etenim duplices ducatos pueris mandandos præbuerunt, eos suo more educantes, quorum salinam curiosè excipientes, agris sumendam præbuerunt. Sed cum mera & crasse sint impostura, eos in posterum puniendos censemus.

CAP.

Vnde fabula de aureo Vellere originem sumserint: deque
Peruano & Indico auro disceptatio.

SÆPIVS inter eruditos viros disputationes exoriri intelleximus, vtrum in fluminibus aurum arenis permixtum inueniretur, quemadmodum vulgo creditum est: ea res nos impulit, ut nonnihil hoc loco de eo ipso ageremus. Certum est mortales ab omni antiquitate quibus fieri potuit commodioribus rationibus aurum scrutatos. Experiencia autem edoctos, aurum quod fluuiorum arenis permixtum est, cum ponderosius sit & minutis granis costet, ad idum subsidere, atque cum difficultate separari. Itaque industriam segregandi rationem excogitantes, arietinis velleribus illud exceperunt. Hinc coniecturam facimus, argenti vini usum apud eos nondum inualuisse, qui nunc maxime viget: cum per vellera separandi ratio nunc exoleuerit. Ex ea porro auri ab arena segregandi ratione, nata est de aureo vellere fabula; nempe Iasonem cum in Pontum cum Argonautis nauigasset, atque ad Phasin flumen peruenissent, ubi indigena cum velleribus aurum separabant, occasione sumsisse multa de ea re, cum ad suos redissent, referendi: sed quod de illis vulgatum est, non multum dissimile est iis, quae de Peruano auro referemus. Nam arietinum vellus Argonautas celebres non reddidit; sed aurum quod in nauibus reportarunt. Licet verò quorundam fluminum auriferorum nomina iam à Plinio sint tradita: ea tamen hoc loco inferere minimè dubitauimus. Tagus in Hispania, Ebrus in Thracia, Rhenus & Danubius in Germania, Gages in India, Pactolus in Pannonia, Ticinus è Verbano lacu, & Abdonas è Lario effluentes, Ada praeterea & Padus in Italia aurum arenis suis permixtum habere perhibentur. Ceterum, quoniam plurimae prouinciae sibi persuadent eos pisces qui in auriferis fluminibus capiuntur, auro vesci, occasio nobis data est, quadam de ea re commentari, dignumque nostra obser-

obseruatione censuimus, rei veritatem exquirere. *Pes-*
quera incolæ ad *Benacum Lacum*, atque etiam qui *Salo*
 accolunt, sibi persuadent eos pisces quos ipsi *Carpiones* ap-
 pellant, è puro auro alimentum sumere. Et ne tam longè
 exempla petamus, *Lugdunensis* provincie incolæ certò
 statuunt, pisces quos *Humbles* & *Emblons* nominant
 alio cibo non vesci quàm auro. Nullus est rusticus *Laci*
Bourget accola, qui nò asseneret pisces *Lanarets*, quos per-
 petuò in piscario foro *Lugduni* venales reperias, alium
 cibum non degustare quàm aurum. *Lacus* autem *Pala-*
dron in *Sabaudia* accola *Emblon* piscem atque *Vmbra*
 nulla alia re quàm auro vesci arbitrantur. Similiter
Laudenses *Mediolanensi* Ducatu nobis retulerunt pi-
 scem *Themolo*, vel *Themero* illis dictum, qui veterum
Thymalus est, auri depastione pinguescitur. Sed singulo-
 rum anatome facta, & illorum ventriculis diligentius
 inspectis, comperimus alio cibo vesci, minimè autem auro:
 atque *Lamarets*, *Humbles*, *Vmbra*, *Emblones*, *Car-*
piones, *Thymalos*, tali ventriculo nequaquam esse præ-
 ditos, qui aurum concoquere queat: licet incolæ communi
 proverbio dicant pisces qui aurum deuorât, reliquis præ-
 stare, iam enumeratos innuere volentes, qui reliquos flu-
 uiatiles pisces succi bonitate superant: sed vulgus rem
 uti se habeat ignorans veram esse assenerat. Porro certis-
 simum est, aurum, quacumq. tandem mundi regione in-
 ueniatur, non nisi magno labore & ingentibus expensis ex-
 purgari, siue in *Peru* provincia natum sit, siue in *India*.
 Rem exaggerent ut volent *Hispani Historici*, qui de
Peruano auro admiranda scribunt: attamen ex quibus-
 dam locis historia illorum de *Nauigatione insularum*
Occidentis liquet, eius fidinam fundi debere, quemadmo-
 dum in reliquis *Europe* provinciis. Sed si illis fides adhi-
 benda esset, quilibet in *Indiam* appellens (modò eruendi
 laborem sumat, quemadmodum si quis vetustum parie-
 tem

tem diruat) posse liberè tollere, & naues eo onerare videretur. Sed id fabulosum esse liquet: nam maxima auri quod mercatores aduexerunt pars, aliarum rerum quas intulerant, præsertim verò muliebris mûdi permutatione acquisita fuit. Atque licet magnam eius vim prima illa navigatione retulerint, si nunc denuò navigationem instituant, non est quod se tantundem adquisituros sperent: nam cum primum eò appellerent, id inuenerunt longo iam tempore ab incolis collectum, atque eadē ratione qua in Europa fieri solet, repurgatum. Itaq. sciendum est, eos prima navigatione in Peruānas insulas summa diligentia & omnibus mediis aurum & argentum quod Insulani diuturno tempore paulatim collegerant, perquisuisse. Sed concedamus illos denuò tantundem adquirere velle; an non Insulanis tempus illud colligendi tribuere debebunt? At ut verum fateamur, multo tempore illis expectandum erit, aut multas operas adhibere debebunt quæ illud erant, & necessarij faciendi sumtus: nam Indi è metallicis venis vi ignis id collegerant, non secus atque in Europa fieri solet: quod illorum ipsorum scriptis probabimus. Quoniam autem Indi nullum pecunie vsum habent, eorum argentum & aurum in vasa conflatum fuisse credendum est. Nam licet Indorum fodinæ uberiores sint quàm alibi, atq. facilius minoribûsq. expēsis excoquatur quàm in Europa, vel licet eorum flumina plus auri arene permixtū ferāt, quàm apud nos: magno tamē artificio, ingentibusq. expensis opus fuit in utroq. genere, & lōga temporis mora ad illud a suis spurciis expurgandū: minime autē (ut pleriq. ante arbutabantur) inuentum est in laminas conflatum, neq. cuilibet tollere licuit, & in fasciculos componere ut facilius in naues deferretur. Rem autem sic se habere, ipsi Scriptores de Indorum Rege captino sermonem facientes testātur, cum plurimas ades ad aurum & argentum fundendum exstructas esse tradunt, auriq.

H

venam

venam multo difficilius in planis colligi, quàm in montibus qui in diuitibus Peru prouinciis sunt: montanumque aurum stanno & sulphuri permixtum esse; à quibus ut id separent, ingentem in monte struunt ignem, qui suo calore sulphur calefaciendo, argentum à reliquorum metallorum permixtione dissoluat, atque effluere faciat. E quibus verbis ab ipsis suprascriptis Auctoribus desumptis, liquet, aurum & argentum eadem ratione qua apud nos, è suis venis erui & expurgari: ubicumque etenim eximatur, semper indicandum minerale esse, atque consequenter multis aliis metallis permixtum. Itaque si aliquando ingentem eius quantitatem una vice retulerunt, illud ex Regum redemptione atque suarum mercium permutatione adquisuerunt. Nos hæc ideo retulimus, quòd plerique existimarent, aurum istic adeò vulgare esse, ut equorum soleæ ex puro auro fieret, & plaustrorum aratrorumque rotæ eo munirentur. Aurum porro non minus è suis venis in Orientali India eruitur, quàm in Occidentibus insulis Peru. Per Orientalem Indiã intelligimus Ethiopiã, cui dominatur Presbyter Ioannes. Literæ latine Regi Lusitania ab ipso inscriptæ & typis expressæ fidem faciunt, ipsum millies centena millia drachmarum auri Regi Lusitaniæ polliceri, si bellum aduersus Turcas gereret. Et sanè Presbyter Ioannes & pecunias & milites illi dedit, ut Turcæ bellum moneret. Ingens profectò auri summa, millies centena drachmarum millia una vice à Presbytero Ioanne Lusitaniæ Regi præberi: attamen non idcirco dicendum est, quin plurimum impendendum fuerit ut ex suis venis erueretur. Idem Presbyter Ioannes quadriennio aut quinquennio post, alias literas ad Lusitaniæ Regem dedit, quibus illum rogabat, ut è Christianorum prouinciis omnis generis artifices illi mitteret, præsertim autem eos qui aurum in tenues laminas diducere, numismata incidere, pecuniam cudere, atque in auro & argen-

argento sculperere nossent : item bonos typographos, qui li-
 bros typis exprimerent : sed præ reliquis expetebat ma-
 gnum numerum eorum qui in fodinis eruendis exper-
 tiessent, quique omnia quæ ad metallicas operas necessa-
 ria sunt, callerent, puriores metallicas omnis generis venas
 à vilioribus dignoscere nossent, & aurum atque argen-
 tum à reliquis metallorum generibus exactè separare non
 essent ignari. Ex iam dictis igitur literis patet, omne aurum
 & argentum Orientalis Indiae metallicarum operarum artifi-
 cio, industria, & magno labore è suis venis erui : sed alias
 operas aliis in sua arte magis expertos, & artem non equali-
 ter omnes callere, non modò istic, sed etiam in Europa &
 Asia. Et sanè plurimi metallarum è Bohemia, Saxonia, &
 reliqua Germania discesserunt ut in Æthiopia labora-
 rent, eoque Regis Lusitaniae sumtibus perducti fuerunt.
 Itaque patet, in utraque India aurum è suis venis erui
 solere magnis sumtibus & longo tempore, quemadmodum
 in Europa; atq. illos culpa non vacare, qui tam magnifica
 de iis scripserunt, cum se à veritate aliena scribere non
 ignorarent. Atque ut exactius de hac re agamus, proba-
 re volumus, aurum è venis Occidentis erutum & expur-
 gatum, æquè præstans & perfectum esse, atq. quod ex Orien-
 te erutum est : quod verò in Septentrione erutum est, tam
 perfectum esse, quàm quod in Meridie desumtum. Nam
 licet Oriens Occidente calidior & siccior sit, atq. Septen-
 trio frigidior & humidior Meridie : tamen propterea
 aurum æquè perfectam concoctionem habere non desinit
 in uno loco quàm in alio : nam quod in frigidissima orbis
 regione eruitur, non minus perfectum est, quàm quod ex
 calidissima Æthiopiae provincia collectum est. Sola expe-
 rientia ad id probandum contenti erimus : quandoquidem
 omne aurum ex quacunque vena sit erutum, modò sit re-
 purgatum, æquè sit perfectum in una mundi plaga ac al-
 tera, nulla habita temperatūra loci, calidæ aut frigidæ,

sicca aut humida ratione. Et ne hac disceptatio nimium
 aspera videatur, rationibus rei prædictæ respondentibus
 probare volumus. Dicimus enim, quod si quispiam nobis
 aurum ex Æthiopia, quæ est calidissima totius orbis re-
 gio, iam expurgatum è sua vena erutum adferret, deinde
 cum altero compararet quod ex Septentrionis frigidissi-
 ma regione delatum esset, atque itidem fieret de auro in
 Oriente, atque Occidente eruto: singularum regionum au-
 rum repurgatum, eiusdem præcij esse comperietur, atque
 eundem colorem in Lydio lapide relinquet. Nam vi &
 calore ignis excoctum cum sit, eius massa è Septentrione pe-
 tita neque deterior neque purior erit ea quæ in Meridie
 nata est, neque ullo modo ab ea differet: atq. omne aurum
 è quatuor orbis partibus petitum, eiusdem qualitatis red-
 detur. Reliqua metalla etiam perfectissime repurgata, al-
 terius sunt nature: nam leni etiam iniuria alteratur. At
 aurum, licet in tenuissima & aranearum telis subtiliora fila
 diductum sit, atque inter maxime corrodentia medica-
 menta, sublimatum, æruginem æris, salis & acetum sepul-
 tum, etiam si istis bis mille annos permaneat, non ideo cor-
 rumpetur, quinimo perfectius expurgabitur. Quod si
 quis forsitan ista neget, nobisque animantia, plantas, vel
 earum fructus in exemplum adducat, fructus perfectio-
 res in una regione quam in alia esse dicens, atq. animan-
 tia istis quam alibi esse saniora, vel ferrum, calybem, æs,
 plumbum, argentum, præstantiora & puriora in uno loco
 reperiri quam in alio: ita se rem habere fatebimur; sed
 etiam negabimus quidpiam in rerum natura reperiri, quod
 æternum sit, atque omnibus iniuriis sic resistat ut aurum.
 Nam omnia prædicta corruptioni subiecta, leni de causa
 mutantur, & bonam siue pravam qualitatem in ipso or-
 tu vel in interitu adquirunt. Hinc fit ut cum maxime
 vigent, eadem non sint. At aurum neque corruptioni neq.
 similibus alterationibus est obnoxium: sed quamdiu hac
 mundi

mundi machina consistet, perdurabit: quinimo neque aër, neq. reliqua elementa, neque venti, neque mare, eius maturitate promouent aut retardat, sed sua natura tale est.

Prius quam Syderocapsa discederemus, proximi montis celsissimi fastigium conscendimus, unde aperte insulam Lemnon & Athon montem in mari mediterraneo sita conspeximus. Deinde ad Macedonia continentem nos obuertentes, regionem inaequalem & montosam esse videbamus, quantum oculorum acies prospicere valebat: binos praterea lacus, dimidij diei itinere inde distantes. Facile etiam confici poterant fodinarum loca, camini, atq. fornaces, hinc & inde per eos montes sparsa, cum ad Orientem tum ad Occidentem. Insuper utrumque littus ad radices montis Athou, qua parte Macedonia contiguus est, discernere poteramus: videbaturque eius isthmus admodum exiguus: sed cum istuc essemus, plus quam quadrante miliaris patere deprehendimus. Maxima pars arborum quae sponte siluestres in montibus nascuntur, sunt ostriae, fagi, Graecis oxya dictae, quercus, castanea. Domesticae sine hortenses, sunt pyri, mali, amygdala, inglandes, olea, cerasi. Syderocapsa pagus ab omni antiquitate vixit, postea aliquandiu neglectus fuit: sed ab hinc duodecimum aut decimum quintum annum, denuo valde auctus est. Istuc superstitiosum fieri vidimus medicamentum, quod quoniam ipsi praesentes adfuimus, commemorare hic libuit. Turca quidam Iudaeum splene laborantem curare volens, eius mensuram supra aluum, charta excepit, quam ad nouellam inglandem deferens, ex ipsius cortice tantundem excidit, quanta erat splenis chartacea mensura: deinde obmurmuratis plurimis turcicis verbis, atque ceremoniis quibusdam peractis, ad Iudaeum regressus, corticem eius alno imposuit; deinde filo traiecit eum a camino suspendit, Iudaeo affirmans eius malum diminutum iri, prout cortex exsiccaretur. Sed Turca nobis imperius

medicus atque Anatomem minimè intelligere visus est, qui splenis mensuram in medio aluo atque ipso etià umbilico sumeret. Istic duo Serpentum genera inuenimus, quæ nusquam antè nobis conspecta fuerant: Græci vulgari ipsorum lingua nobis Sapidi vel Sapiti nominabant, quæ dictiones plurimum accedunt ad eas quæ veteribus Seps vel Sips dicebantur. Pyrites siue Marchasita Syderocapsa appellationem Græcam cū peregrina commutarunt: nemo etenim incolarū est, quisquis tandem sit, siue peregrinus siue Græcus, qui Ruda non appellet. Alij Quitz vel Kitz, Germanorum more vocat. Excrementum verò, Latinis Scoria dictum, metallici, siue Seruiani, Bulgari, Albani, siue Iudæi, Turcæ aut Græci, illud vocant Schlackna, quæ appellatio potius Germanica quàm Græca nobis videtur. Aliud est porrò excrementi genus, à Schlaken differens, ab illis Lesken nominatum, grauius quàm Schlaken, quod spuma quadam spongiosa & leuis est, uti metalli spuma: nam eximitur innatans vene auri & argenti fusæ & colliquatæ, & abicitur; quoniam nusquā ubi metalla funduntur, eius usus est necessarius, nō magis quàm alicuius excrementi inutilis. Sed Lesken siue Leskena grauis admodum est, eiusque usus magis est necessarius: nā Germani & Bohemi aliis metallis illam permiscunt. Quemadmodum verò Stimmi, quod Latinis Antimonium dicitur, metallicum est vulgare, Lesken ferè in omnibus referens, eadem ratione atque ex eadem materia nascens, videlicet ex Pyrite auri & argenti, valde utile campanarum fusoribus, iis qui stannæ pocula conficiunt, præsertim verò speculorum confectoribus, & typorum fusoribus: sic etiam illud Lesken aliis rebus mixtum utile esse posset. Sed nemo est in Syderocapsa, qui eo uti velit: attamen certi sumus commodissimè colliquari posse cum ferro ad tormentarios globos efformandos, qui præstantiores inde redderetur, & multo minori-
 bus

bus: sumtibus fieri possent. Nulli tamen illorum id indicare volumus, quoniam grauiter peccasse visi fuisset: quandoquidem eius tanta est in diuersis eius montis locis copia, ut facile bis millies centena millia pondo colligi possent: eaque non modò ubi nunc excoquantur metallica uenae, sed diuersis etiam eius montis locis in quibus olim excoquebantur. Aliud nomen indere nequimus, quoniam eius appellationem antiquam minimè intelleximus: nam Graeci qui in metallicis uenis versantur, pauca uetusta nomina retinēt. Syderocapsa incolae, magnam foliorum eius fruticis quae Graeci Rhus, Arabes Sumach appellant, colligunt; crescit enim in iisdem montibus: iis pelles & coria densant; ut Aegyptij siliquis cuiusdam arboris apud eos frequentis, Acaciae uocatae; Graeci & Asiae minoris quam Natoliā uocant incolae calycibus Esculi: Hyrci myrto nigra: Galli quercus corticibus: Lesby & Phryges picearum cortice. Et quoniam eo frutice abundant, lembos eius foliis onerant, atque alio transuehunt. Sed & eius fructum diligenter colligunt, cui (postquam nonnihil desiccarunt) corticem illum tenuem & rubrum adimunt, abiecto duro qui subest nucleo, atque per vicinos pagos vendunt ad condiendum & inspergendum eorum cibus, siue i ex oriza constent, siue ossa, siue inscula sint, aliaue eiusmodi edulia.

CAP. LIII.

Multarum aliarum rerum singularium in iisdem fodinis & circa eius regionis montes obseruatarum descriptio.

SPIRACVLVM deinde inspicere volumus quarundam fodinarum, quae non multo antè praedixites fuerant, magnūque censum domino, qui Indaeus erat, referre solebant; sed quas, tametsi metallis abundarent, deferere coactus fuerat ob demonem metallicum, qui illas obsederat: is quoniam in capra aurea cornua gerentis forma sese mortalibus ostenderat, idcirco spiraculo Hyarits cabron nomen inditum, quod in monte erat supra pagum Pianitz appellatum, apud riuum nomine Rotas. Is demon adeo

H 4

mali-

malignus erat, ut nemo vel solus, vel aliis comitatibus eas
 fodinas ingredi vellet: metus tamen eos cur minus ingre-
 derentur haudquaquam impediēbat: nā & alij sunt me-
 tallici demones, qui, ut nobis relatū est, minimē noxij erāt:
 sed & alij erāt qui operas etiā iuvabūt. Machina quibus
 venā extrahūt, eiusdē generis perpetuō nō sunt. Nā ali-
 quando vena adeo profunda est, ut duobus equis ad ma-
 chinā versandam opus sit: cū verò non admodū alta est
 vena, quatuor viri sufficiunt. Interdum etiam ipsa vena
 in superficie & aperto est. Metallici quondam venā col-
 liquantes, plurimum circa suas fornaces laborabant, quo-
 niam foramen quod in media fornace est, & per quod fol-
 lium flatus exspirat, cōtinuō obturabatur abs excremen-
 to metallico, sic ut opus deferere cogerentur. Sed quodam
 die peregrinus quispian istac iter faciens experimentum
 eos docuit quo huic incommodo subvenirent: attamen illi
 minimē prudentem existimarunt, quod gratis eos id re-
 medium docuisset. Nam si precium artis petuisset, facile
 illi omnium nomine bis mille ducatos dedissent. Remedium
 autem tale est. Caminus, ut diximus, die veneris sub ve-
 speram singulis hebdomadis diruitur, atq. die lune sub-
 sequente restauratur, qua temporis intercapedine for-
 nax & focus frigescent: anteriore camini parte restituta,
 magnam carbonis congeriem in unam fornacem coniciunt,
 cui venam superaddunt, deinde rursus carbones; & sic
 alternatim venam & carbones superiniiciunt, donec for-
 nax plena sit. Id semper primaria vice facere solent; de-
 inde ignem carboni subiiciunt, & aquam supra rotam im-
 mittunt; qua versata, folles qui ignem excitant; attollit,
 subito carbones incenduntur, & paulatim dum absumū-
 tur venam colliquant. Ista follium inflatio dies & noctes
 non intermittitur: absumentibus verò se carbonibus &
 colliquante se vena, in fornacem iniiciunt album quen-
 dam lapidem, in parva fragmenta contritum, ne spiracu-
 lum

lum in fornace obturetur. Splendens est hic lapis & arenosus: quem duplici nomine insigniunt pro nationum diuersitate. Nam Seruiani, Bulgari, Wallachi & Turcæ Varouitticos, vel Varouitnicos, aut alia Græca appellatione Aluest vel Aluest dicunt. Is est lapis, qui illis, ut supra dictū est, demonstratus fuit: eumq. ter aut quater singulis diebus in fornacem maiore aut minore quātitate inicere debent, prout metallum colligescens foramen per quod ventus exspirat, obturat. Pagus est supra Syderocapsam in summo montis vertice, qua Orientem spectat, situs, nomine Pianits, admodū incommodo loco, propterea quedam duntaxat tuguria habet, tignis & asseribus tecta. In ipso monte magnos Scorie siue Schlaken acervos supra Pianits inuenimus. Et quoniam à riuiulis procul abest, subdubitauius, an olim venti beneficio, & non aqua uterentur ad fornacem incendendam. Nam cū nullum istic riuum conspiceremus, metalla autē istic fuisse colliquata certissimum esset; cogitauius tunc ignotum fuisse vsum adaptandi rotas, quæ nunc vi aquæ versatæ instant folles qui ignem incendunt ad colliquandam metallicam venam, sed folles hominum labore agitari solitos. Sciebamus tamen, veteres in extrahendis & repurgandis metallis magna commoditate vsos, atque eorum magnam quantitatem colliquasse. Istic incidimus in pueros quosdam Græcos qui Erica genus colligebant, quod tota Græcia vulgari nomine Phana dicitur. Cū verò quæ ratione inter se Erica & Phana differrent, scire cuperemus, facile nos unica nota edocuerunt. Nam Phana collectum profecturi, ad ignem struendum, nullum instrumentum ad eam eradicandam circumferunt, quoniam facile & minimo conatu cū suis radicibus quæ summa tellure sparguntur ut in cisto, & ligustro, euelli potest: erica verò minimè, quæ sine ligone euelli haudquaquam potest. Ad radices verò montis, alius est ingens pagus Serinè

H 5

rinè

riné dictus, à quo mare veteribus Chalcis dictum, duntaxat quadrante miliaris distat: portus istic est satis tutus carinis, in imo litore eiusdem sinus, Chalcis nomine dicti. Plus quàm sex hominum millia ut plerimum laborant in fodinis Syderocapsæ: quoniam autem Seriné pagus ferè mari còtiguus est, & fornaces illi viciniores sunt, operæ eò conflant, annone comparandæ gratiæ, quæ variis locis istuc navibus infertur. Postquam tota hebdomada colliquatum est metallum, atque cui cura commissæ est redditum, plumboq; ab auro & argento separato, bene repurgata sunt: superest ut ab inuicem aquæ fortis beneficio seiungantur. Et licet aurum purum sit, iterum tamen repurgatur ea qua ante diximus ratione: deinde in laminas funditur, illæq; in virgas duarum orgiarum longitudinis, & digitalis crassitudinis & rotunditatis: hæ deinde paruis & leuibus sulcis designantur, ut cultro & malleo in paruos orbes pòderis vnius ducati scindi queât: qui postmodum magis complanati ad libram appenduntur, eunduntur, & in ducatos exprimuntur eodem ipso loco: postremò Constantinopolim deferuntur.

Lacus illis vulgari nomine Peschar vel Coniòs dictus, solummodo duorum dierum à Saloniki, & dimidiy diei itinere à Syderocapsa distat. In eo varia pisciũ genera inueniuntur, quæ sigillatim obseruare volumus. Capitur in eo piscis quidam ab incolis Laros appellatus, à quo auis Græcis λάρος dicta, nomen sumpsit, quòd eo pisce plurimum delectetur. Latinis Gania, Gallis Mouette, Diepanis & Noni portus incolis Mauue. Retulimus alium piscem, illis Claria dictum. Eũ cùm publicè ostenderemus, conuenerũt plurimi Iudei, qui eũ squammis præditum, affirmabant, eamq; ob causam illo vesci ipsis licere (etenim Iudei, quocunque loco habitent, nunquam piscibus vescuntur qui squammis carent) Sed cùm nullas squammas in Claria conspiceremus, in summâ dubitatione

bitationem illos coniecimus, imo in talem inter sese alter-
 cationem, ut parum abesset quin pugnis & verberibus se
 mutuo exciperent. Qui recens ex Hispaniis aduenerant,
 alios accusabāt, & istā consuetudinē improbabant. Qui-
 dam eorum sacerdotes qui istic aderant, piscem accura-
 tius considerantes, quedam squammarum rudimenta in
 pisce deprehenderūt. Tum in eam sententiā ab illis itum
 est, sine scrupulo illis licere eo pisce vesci. Attamen nullas
 squammas Clariam habere obseruamus, estq; is quem
 Lugdunenses vne Lotte, Parisienses autem vne Barbot-
 te appellant. Inuenimus etiā pisciculū ab incolis Liparis,
 hoc est, pinguis, vocatū; quē Auctores minimē descripse-
 runt, & solum eius nomen apud Plinium exstat. Reliqui
 pisces qui in Conio lacu capiuntur, ab incolis Peschar, Re-
 dina, & Couios, iuxta ripas lacus habitantibus, vulgari
 proprio nomine dicuntur, Perchi, Plesti, Platanes, Lipa-
 res, Turnes, Grinadi, Schella, Schurnuca. Posustaria,
 Cheronia, Claria, Glanos. Vidim⁹ etiā alios pisciculos ma-
 rinos, qui ad ostia riui cuiusdā capiuntur, in forū dela-
 tos: Greci nominant Gyllari; quē ab Euthydemo Gelarin
 appellatū existimo: sed y pisciculi nihil aliud sunt quā
 parui muli, quos Propotidis accolæ Cephalopola vocant.
 Cū valles eius prauincia humida sint, & regio sit mōtana,
 omnes capillares herbe, Asplenō, Lōchitis altera, Cotyle-
 dō, et reliquæ quæ humiditate gaudēt, libēter innascuntur.
 Cotyledon autē siue Umbilic⁹ Veneris, adeo rarus non est,
 quin in plurimis Gallie locis reperiatur: quoniā tamen eū
 florentē exprimi iussimus, et à nemine adhuc exhibitus est,
 eiu⁹ picturā hīc subieciimus. Harū stirpiū nomina recēsi-
 mus, nō quod istic plura alia genera nō nascantur: sed quia
 cū istic essemus, plures nō adnotauimus. Et vbiq; tandē
 fuerimus, animaduertendū est, me singulis diebus scripsis-
 se, quæ in hoc libro annotauimus. Quando autē stirpiū
 quæ singulis diebus conspiciebamur nomina memorie

man-

mandare volebamus, singularum ramulos aut folia in sacculum diligenter inferebamus, & cum sub vesperam in diuersorium aduenissemus, aut in umbra quiesceremus, singulas ex sacco eximebamus, & describebamus, ut hic videre est: qua adeo causa est, ut multarum vulgarium & omnibus notarum nomina, tum supra recensuerimus, & infra adhuc referemus. Idcirco autem illa sic descripsimus, ut notum faceremus, ea non minus in iis locis quam apud nos inueniri. Sed & instrumentum ferreum semper circumferebamus, cum ut stirpes erueremus, tum ut serpentes e terra educeremus, cum eos in sua foramina irrepsisse conspiceremus.



CAP. LIIII.

Plurimorum ferorum animalium nomina.

REQUISITI eius regionis incola ut earum ferarum quas in planis & montibus errare cognouerunt, propria nomina vulgaria nobis indicarent, ea sic retulerunt: Platagoni, Gouidia agria, Agrimia, Zarcadia, Agriomochtera, Squamzocheros, Laphi, Alopus, Lycos, Lagos. Per Platagoni, nostras Damas intelligunt; per Gouidia agria, boues agrestes & feros; per Agrimia Capream sine Boucestain Gallorum; per Zarcadia capreolos; per Agriomochtera Aprum; per Squamzocheros hystricem, vel erinaceum; per Laphi ceruum; per Alopus vulpem; per Lycos lupos; per Lagos lepores. Quoniam porro ea Gallicè vel Latine exprimere satis difficile esse scimus, non alienum ab instituto nostro existimauimus, nonnihil de illis scribere, initium à Capreolo facientes, qui in montanis frequentior est quam in planis.

Zor.

Zorcadia igitur appellationem ad Dorcada accedere videmus. Solinus Capream Latine describens, Gallorum Boucestain intelligit. Attamen Theodorus Plinium sequutus, Aristotelem Latine exprimens, pro Dorcada semper Caprea reddidit. Omnino tamen liquet, Gallorum Cheureul (quem Romani Italica dictione Capriolo vocant, cuiusque carnes hieme Roma ad libram vaneunt) exigua ramosa cornua gestare, ceruinis fere similia, quae singulis annis decidunt. Corpore ceruum refert, nisi quod minor sit, & hanc peculiarem notam habeat, quod cauda omnino careat, quod etiam ab Aristotele est annotatum. Eum Aristoteles Dorcada appellauit. Probare autem volumus, conuenire cum eo animali quod Plinius Capream nominat, nisi quod in textu nonnulla appareat difficultas: sed nulla erit si, hoc modo legatur: Capreis ramosa dedit natura, sed parua (deinde pro nec legendum &) & fecit ut ceruis decidua. Aristoteles in eandem sententiam de Capreolo scribit, Inter cornigera, inquit, omnium quae explorata habemus, minimam Dorcas est, in ceruino quoque genere numerandus; ut qui cornua habeat omnibus annis decidua. Graeci diuersis appellationibus nominarunt: nam quibusdam Dorcas dicitur, aliis Zax, vel Dorx, vel Dorcalis. Columella Capreolum dixit. Videmus igitur Cheureul Gallorum, veteribus minimè fuisse ignotum, cuius cum appellatione omnibus fere locis vulgaris sit, omnibus notus est. Gallorum Chamois, qui Graecis Cemas dicebatur, Rex veteri dictione Gallica Ysard appellat, Latini Rupicapram nominarunt; quod eius habitatio sit in duris & asperis saxis, quò se noctu recipit, atque etiam interdiu, postquam conuallium herbas depastus est. Vt autem de quonam animali agimus omnes intelligant, eius iconem ad vinum expressam hic subiecimus.

Si huius Ysard aut Chamois cornua ramosa essent, dici posset Plinium hoc animal intellexisse cum de Caprea loquens,



quens, sic ait, Nec fecit ut Cernis decidua: nam hieme cornua non abiiciunt, ut nec Gallorū Bouc-estain: sed cum ea ramosa non habeat, Caprea esse non potest. Corpus quidē Capreoli habet, & pilorū colorē etiam similit, diversa tamen est natura. Eius cornua sunt nigra, parua, rotunda, ad frontem inter oculos erecta, extremitate incurua: hinc fit ut saepenumero accidat eum mori, dum nates scabere volens cornua adeo altē infigit, ut ea denno eximere nequeat; vnci enim instar incurua sunt. Minore est corpore quā Dama aut Bouc-estain, atra linea spine dorsi longitudinē notante. Eius aures arietinis longiores sunt, color gilvus; atramque lineam utrinque habet recta à cornuum radice supra oculos ad extremum os ductam, & in labro superiore desinentem. Frontem etiam veluti stella insignitam habet. Cauda superior pars nigra est, & satis pilosa, rotunda, & ut Dorcadis longa. Gallica appellatio Chamois nobis recens non videtur, sed à Græca Cemās deducta, cuius Aelianus meminit. Nobis præterea agendum est de alio huius generis animali, cuius nullam aptam Gallicam appellationem inuenientes, veteri quo Auctores donarunt nomine exprime-

re coacti sumus, quod ex Hirco & Cervo compositum est, nempe Tragelaphus. Simili pilo præditus est quo Gallorum Bouc-estain, sed nullam habet barbam. Eius etiam cornua non sunt decidua, similiaque sunt Capræ cornibus, quæ interdum contorquentur ut in Ariete. Os, anteriorem frontis partem, & aures Arietinis pares habet, præterea etiam scrotum, quod amplum & propendens est. Quatuor crura illis etiam similia, alba; coxæ sub cauda albae sunt, cauda nigra. Colli superior & inferior pars atque pectus adeò longis pilis obsita sunt, ut barbatus videatur. Villi autem in scapulis & pectore oblongi, nigri: utrimque in lateribus maculam cinerei coloris habet: nares negras, os album, ut & totam inferiorem alui partem. Ceterum quoniam postea de Hippelapho agemus, sciendum est, Franciscum. I. Regem equum habuisse, qui posteriores corporis partes Ceruinas haberet, ideoque plurimos cogitasse Hippelaphum vocari debuisse: sed id fieri nequit. Aiebant porro eundem equum à cervo qui in silua equam iniisset fuisse prognatum, quod Hippelaphi non est: Nam Hippelaphus animal est sui generis, quale postea dicemus. Superest ut Tragelaphi iconem proponamus, quandoquidem nusquam alibi conspecta est.

Diximus Græcos vulgari lingua Damas Platagoni nominare, quas Veteres platycerotas nuncupabant: attamen Platyceros vocabulum in Aristotele non inuenitur, sed semper Prox dixit, quod interpretes Dama verterunt. Corpore quidem Cernu refert, & Capreolo maior est, sed colore differt. Dama minus caput habet Cervo: cornua illi etiam omnibus annis decidua ut Cervo, quæ antrosum protensa habet præter aliorum consuetudinem: gilvæ habet dorsi spinam, atramque lineam secundum dorsi longitudinem excurrentem: cauda longa est, ad poplites usque propendens, uti vitulo. Sæpè accidit ut eius latera candidis maculis aspersa sint, quæ vetustate pereunt: acci-

dic



dit etiam saepenumero ut femina omnino alba sint, sic ut capra existimari possent, nisi pilum admodum breuem haberent. Ostenduntur eius cornua ingentis magnitudinis variis locis, qualia sunt ea quae in gradibus & ascensu Ambrosiana arcis conspiciuntur. Istic etiam conspicitur effigies in lapide expressa alterius animalis huius generis, cui adposita sunt vera ipsius animalis, quod effigies refert, cornua: cuius rei ut mentionem faceremus, operae precium visum est; arbitramurque id esse animal quod Aristoteles Hippelaphum nuncupavit, quandoquidem barba praeditum est ut Bouc-estain Gallorum. Ut ut sit, animal fuit admodum rarum; & nisi in Gallia conspectum esset, eius statuam cornibus ipsius animalis impositis in ipso Regis palatio erectam iri non arbitramur.

CAP. LV.

Profectio à Syderocapsa in Bucephala. De flumine Strymone, & piscibus qui in eo capiuntur.

MARI iter facientibus è Syderocapsa in Canalla urbem, quae antiquitus * Bucephala dicebatur, dimidio duntaxat die opus esset: sed terrestri itinere proficiscentibus duo integri dies insumendi, diuque maris litus legen-

legendum est: nam iter instar arcus inflexum est, quoniā sinus profundus est, Chalcidis sinum & Strymonium continens. Herbis & fruticibus abundat. Androsace, Chamaesyce, Soldanella aliās Thalassotrambe dicta, Tithymalus myrsinites & paralius adeò frequentes sunt in litore, ut nihil illis sit vulgatius. Mare nobis ad dextram erat, & Continens ad laeuam. Interdum superandi fuerant colles exigui, in quibus Terebinthi nequaquam in celsas arbores excrescunt ut in Corcyra insula: sed ob regionem asperam & saxeam, Coryli altitudinem non superant. Altiores quas cōspexi arbores fuerunt Aria & Phylica, quæ quoniā apud nos non nascuntur, Gallica appellatione carent. Ad littus reuersi, & nonnihil in siluas declinantes, sub Cornis & Fraxinis iter faciebamus, nō multo humilioribus quàm sint Abietes. Riuum qui è lacu Pesschar sine Conios effluit, transiimus sicco pede ad ipsum maris littus, quoniam media æstas vigeat, & aqua sub arena effluebat. In planitie substitimus ad eundem riuum sub umbra præcelsarum Terebinthorum non procul à maris litore, & iam sub noctem piscatores inuenimus, qui vno sagena tractu, circiter sexaginta piscium diuersa genera ceperunt, quos ilico obseruauimus & descripsimus. Sinus monti Athoproximus, aliās Strymonius dictus, adeò amplius est & altus, ut integro ferè die secundum illum iter fecerimus: paulo post illo relicto, per continentem defleximus versus urbem Tricala, olim Trica dictam, ubi nūc sedes est Sangiac vel Præfecti Macedonia, eaq; vrbs nunc è primariis totius regionis est, in qua magna tritici quantitas inuenitur ad naues onerandas quæ ad Strymonis ostium appellant, à quo vrbs non procul abest. Strymonis flumen, quod è Tricalæ urbis cōterminis fluit, inuenim⁹, quod multa nūc vulgaria habet nomina: nā ubi in lacus exspatiatur, à pagis vicinis nomē sumit. Plurimi Cygni, aliq; aquaticæ aues eiusdem magnitudinis, quas

Aristoteles Pelecanes, & Plinius Onocrotalos vocant, istic conspiciuntur, qui in illo flumine alimentum sumunt: Lentum est attamen, non profundū, & humiles ripas habet, quam ob rem admodum herbosum est: tribulus aquaticus tanta abundantia istic nascitur, ut non abs re scripserint veteres, suo tempore equos istic ali solitos tribulis. Latum est nonnullis locis, in quibusdam etiam valde angustum. Eius cursus frequentibus cataractis retinetur, ut molas versare possit, quemodmodum in Gallie fluminibus fieri solet. Rotæ autem ab aqua per alneum ducta versatæ non sunt, sed similes iis sunt quas mola in Ligeri natantes habent, nisi quod ex angustioribus asseribus confectæ sint. Molitores Græcè loquuntur, à quibus piscium quos in eo flumine capiunt, nomina didicimus ut sequuntur: Cheriscaria, Cephalos, Glaignon, vel Glanos, hoc est, Silurus, aliàs Hyena, Platanès, Challi, Turnes, Grinadies, Moustacatos seu Mystus, qui Barbeau Gallorum est. Anguilla sunt insignis magnitudinis. Id flumē etiā Marmara vocatur, quoniam magnum pontem ligneum habet sub pago Marmara, quem Abraham Bassa exstrui iussit, & quod ante pagum, magnum sit stagnum eodem nomine Marmara dictum. Plurimæ naues veluti è Ragusa, Chio, è Græcia, Venetia, ac interdū ex Aegypto huius fluminis ostium ingrediuntur: & istic brevi tempore tantum tritici reperiunt, quod ad eas onerandas sufficiat. Aduchunt verò merces earum regionum unde soluerūt, ingrediunturque fluminis ostium integro ferè miliari, atque interdum bimestri harent hiemali tempore: & postquam merces quas aduexerāt venundatæ sunt, & tritico, lana aut coriis sunt denuo onustæ, primo vere ad suos reuertuntur. Rudera cuiusdam urbis ad Strimonis ostium conspiciuntur, quæ nunc planè deserta est, quam rustici incolæ Chrysopoli nominant. Plinius tamen Chrysopolim non procul Chalcedone ponit.

Con-

Conspectum deinde iuimus urbem vulgo Ceres nuncupatam, veteribus Cranon, amplam in planicie Thraciae, & quasi in Macedonia sitam; in qua binos duntaxat dies constitimus: ex Ceres in Tricala profecti sumus; & è Tricala nostrum iter conuertimus ut in urbem Philippi veniremus, ad latus habentes magnum montem vulgo Despota nuncupatum. Maxima planicies erat, frugū fertilis, & alueis irrigata, multisq; pagis exculta. Ad dextrā Pangæum montem reliquimus, in quo etiam nunc argenti vena eruitur. Omnes Tricala & Ceres incolæ Græca vulgari lingua utuntur; sed Iudæi qui eas etiam incolunt, Hispanicum & Germanicū idioma callent. Rustici Græcè & Seruianè loquuntur. Cū in Macedonia essemus, nullam unquam urbem, aut pagum adiimus, in quibus rustici Selinum nostrum vulgare nobis non vocarint Macedonikī vel Macedonico: eodē nomine in aliis Græciæ locis dicitur, excepta Cypro, ubi Condomalo appellatur: sed Eleoselinum quod vulgo apium dicitur, ab omnibus in genere Selino nuncupatur, idq; humidis locis diligenter colunt, atque crudo vescuntur. In Philippi proficiscentes, & per fodinas Castagna iter facientes, intelleximus eas duntaxat argentum & plumbum dare, & interdum paululum quiddam auri: sed eas duntaxat, in transitu conspeximus, nec ibi substitimus. Quæcunque loca ante peragrassemus, viscum in Quercubus nascentis nunquam videre contigerat: sed iter facientes per siluam quæ est in planicie in extimo sinu Chalcis nuncupato, magna copia inuenimus. Nulla quercus est inter montem Athon & urbes Ceres & Tricala secundum publicam viam quæ viscum non alat, quod differt ab eo quod in malis, pyris, & aliis arboribus nascitur, & ab omnibus rusticis Oxo nuncupatur: nam tenacissimum viscum ex eius baccis faciunt. Eius provincie culta arua, præsertim quæ circa radices colliculorum sunt, plurimum corrumpuntur

132 P. BELLONII OBSERVATIONVM
puntur Paliuri & Rhamni fruticibus: nam serpendo per
cultum solum, multum loci occupant.

*De hac vide nostri Abrahami Ortelij Thesaurum Geographicum, in
dictione Bucephalos.

CAP. LVI.

Plurimarum antiquitatum & rudera urbium Macedoniæ
descriptio, atque de Philippi & Philippopoli.

DVORVM duntaxat dierum itinere à Trica siue
Tricala distant Philippi rudera, quæ urbs nunc omnino
corrui: vix autem triū dierū iter est à Philippis Philippo-
polis, quæ etiam ampla urbs est in Macedonia. Sed quo-
niā Macedonia fluuiio Strymone includitur, Auctores in
Thracia eā reponūt. Philippopolis antea ποινροπολις di-
cta est: sed quoniā Philippus Alexandri pater eā pluri-
mum auxit, utramque suo nomine appellauit, vnā Phi-
lippos, alteram Philippopolin. Philippi sita erat, ut & nūc
est, regia via quæ Roma Constantinopolim & in Asiam
ducebat per continentem, verum non procul à Mari ab-
est: At Philippopolis in continenti sita est. Regia via, Ro-
manorum tempore, euntibus Roma Constantinopolim
ducebat Brundisium, deinde traiciendum erat Hadria-
ticum mare, & appellendum Velonā aut Dyrrachium, de-
inde Philippos proficiscendum erat, postea in Bucephala
mare denuo conscendendum, & deinde in Alexandriam
Troadis appellendū. Biduo hæsimus ad conspicienda Phi-
lipporum rudera, ubi nunc duntaxat pagus est, continens
quinas aut senas ades extra muri circuitū, apud aquam
exstructas. Idem est Philipporum situs eademque structu-
ra qualis in Philippopoli. Nam Philippi magnam pla-
nitiem cingit, & proximi montis partem vsque ad ipsum
fastigium, ubi murus desinit in arcem elegantis structu-
re in ipso monte sitam, quæ cisternas adhuc integras re-
tinet. Philipporum muri, ferè omnino diruti sunt, qui ex
lateribus & calce constabant, & nonnullis etiā locis qua-
drato lapide, sed neque vallo neque fossa muniti. Huius
urbis

urbis meminit Galenus: nam cum Troia, quae tum Alexandria dicebatur, Romam proficisceretur, ea via, quam ante diximus, incesit. Nam postquam Lemnon reliquisset, per urbem Philippos iter illi faciendum fuit, quae in plano sita est ab Orientali parte, montem verò ab occidente habet, qui illi propugnaculi loco est. Planicies adeò humida est, ut quodammodo palus videatur: istic Althea flauum fert florem, quemadmodum ea quam Theophrastus apud Athenas Orchomeno lacu nasci refert. Cytisus frequens admodum est in Thracia & Macedonia pratis: quae neque Gallia, neque Italia alit. Nullus locus est, ubi maiora marmorea sepulchra conspiciantur per agros sparsa, quam in Philippis: solido enim & puro marmore albo constant. Restant adhuc variis motis locis pleraque inscriptiones rerum à Romanis gestarum in marmore Latinis literis incise. Insula Tassos dimidij diei solum itinere inde distat, ex qua eruebatur candidissimum & elegantissimum totius orbis marmor: atque arbitramur marmorea illa sepulchra per agros secundum publicam viam sparsa, ex Tasso fuisse delata. Inter illa verò nullum restat magis integrum, quam quod medici Alexandri fuit, in quo adhuc eius epitaphium conspicitur inscriptum characteribus Graecis, sed ex parte corruptis Seruianicis; quae causa est ut difficulter legi queat. Quemadmodum verò sepulchra unico constabant lapide excauato binas orgyas longo, dimidiam orgyiam lato, atque humana longitudine alto: sic operculum habebant unico lapide constans. Excellentia & amplitudo urbis aestimari potest magno illo sepulchrorum numero: nam antiquitus opulenti Graeci recundebantur marmoreis sepulchris extra urbem in apertis agris, ne urbis incolae pestilentem cadauerum odorem haurirent: Graeci etenim cadauera non urebant, neque terra sepeliebant ut in Italia, utque nunc in Gallia solemus. Itali porro aliam sepeliendi

cadavera consuetudinem iam habent à nostra diuersam: nam fornicatas criptas variis templorū locis exstruunt, quæ unicū in summo foramen habent, in modū oris putei fabricatū, quod unico orbiculari lapide claudunt: habet verò is lapis ferreum annulum appensum, quo cū opus est, sublenari possit. Cū autem cadaver adfertur, in criptam per foramen demittitur, nulla terra superiniecta: deinde foramen denuo clauditur suo lapide, calceque in circuitu munitur. Pagus est in planicie, quadrante miliaris à Philippis, nomine Bolisce, ubi ingens marmoreum saxū vidimus cū hac inscriptione: Neuiæ musæ in testamento, quo apud puteum aluei loco ad aquam excipiendam vtuntur

Paulo ultra Philippos secundum regiam viam ingens lapis est quadragulus erectus instar supreme partis obelisci cuiusdam, Latinis literis inscriptus, sepulchrum olim C. Vibij Cor. Quarti. Fabulosa quadam de eo incolæ narrant, equæ Alexandri magni præsепium esse existimantes: per equam autem Bucephalus intelligendus est. Ad eum lapidem uti rarum quidpiam conspiciendum nos deduxerunt. Ingens autem & oblongus, erectus & summa parte excavatus. Urbs Bucephala quæ ab Alexandri equo nomen sumpsit, vicina est, de qua postea. Philipporum rudera & ruina non minus sunt admiranda quàm ullius alterius urbis. Sed id lapidum commoditati tribuendum indicamus, cū ipsa marmoris fodina siue latomia ipsius urbis muris sit inclusa. Pulcherrimū istis est Amphitheatrum, quod in hunc vsque diem integrum conseruatum est: possētque in multos adhuc annos perdurare, nisi Turcæ gradus, qui marmorei sunt, auferrent. Ouali forma non est exstructū, ut quod in Otricholi aut Roma conspicitur: sed spherica est figura veluti Nemausense aut Veronense: undique etenim clausum non est. Qua aditum præbet, meridici obiectum est, atque à sum-

mo ad solum usque apertum est, & lumen admittit. Loco admodum commodo exstructum fuit: nam in ipso monte variis locis gradibus marmoreis incisum est. Antiquissima quæ istuc restant vetustatis monimenta sunt quatuor ingentes & crassæ columnæ, quæ templi Divo Claudio dicati sunt reliquæ, in quo conspiciuntur adhuc plurimæ marmoreæ statuae & columnæ Dorici & Ionici operis, insignis structuræ & summi artificij.

Nacti Caloierum e monte Castagna, Philippis discessimus, ut quatuor monasteria in eo monte sita conspiceremus. Alit verò is mons Platanos, Fagos, Arbutos, Andrachnes, Ilices, Ariam, Alaternum, Abietes, Pinastros, & Esculos. Cornus femina veteribus Macedonibus, quam Galli Latinos imitati Sanguineum fruticem appellant, haud minor in eo monte nascitur, quam maiores nastre & Cerni mares.

CAP. LVII.

Bucephalæ urbis, olim Chalastrea, nunc verò la Cavalla nuncupatæ descriptio.

POSTQUAM biduo integro per eum montem iter fecimus, uno die & semisse in urbem Canallam pervenimus, quæ olim, ante quam Alexander Bucephalam eam nuncuparet, Chalastrea dicta fuit: nec Philippos nobis regrediendum fuit, sed ad sinistram reliquimus. Canalla urbs est à Bucephalo Alexandri equo sic denominata.

Canallarum promontorium.

Plerique ex Plinij lectione in dubium venerunt, in qua potissimum provincia exstructa esset Bucephala. Nam cum Indum fluvium describit, Bucephalam ait caput fuisse Aſenorum trium urbium incolarum, Alexandri regis equo (cui fuerat hoc nomen) ibi sepulto conditum. Sed idem Græciam describens, sub finem capitis in quo de Achaia agit, Bucephalum portum esse ait, quæ Anthedoni cæ-
I 4 sedo-

Plin. lib. 4. cap. 8. lib. 6. cap. 20.

Lib. 4. cap. 5.

Lib. 2. cap. 1.

cedoniā describens Anthedonis meminit; & paulo post Pelopōnesi sinus & promōtoria recēsens, Bucephalō ab Oriēte numerat, unde liquet Bucephalon fuisse promontorium vel sinum. Sciendum porro est, Bucephalam Graciæ urbem esse in promontorio sitam, quod in mare prominet, atque à Philippis duobus duntaxat miliaribus distare, & nunc amœnam habitationem præbere, tametsi paulo antè omnino deserta & diruta esset. Nam postquam Turcæ bello Vngarico redeuntes, omnes Iudeos quos Buda, Pesta, & Alba regali inuenerant, abduxissent, & in Cauallam, Tricalam siue Tricam, Ceres siue Cranon colonias deducere inuississent, semper deinde habitata fuit: sic ut plures quàm quingenti viri cum Iudæi tum Græci & Turcæ istic uiuant. Eius situs Lemni urbis situi ferè similis est: nam ita undique mari cingitur præterquam posteriore parte, quæ admodum angusta est. Magnum habet portum, sed malè fidum: eam ob causam biremes & lembi & celoces (si diutius istic hæere debeant) in siccū educi solent, quoniam multis ventis expositus est: in necessitate tamen naues in eo tempestatem etiam ferre possent, sed admodum affligerentur. Plurimæ etiamnum integræ cisternæ supersunt intra urbis ambitum, quæ nobis alias veteres Crætae ruinas in memoriam suggererant, nomine Helenico paillo Castro, in monte sitas paulo supra Quissamus. Eæ cisternæ adeò tenaci rudere sunt exstructæ, ut non minùs marmoreo saxo sint duraturæ. Caualla una est è Macedoniæ clauibus, uti Philippus dicere solebat Magnesiæ Græciæ esse clauem.

CAP. LVIII.

Muros qui supra Cauallam adhuc supersunt, Macedoniam à Thracia dirimere.

EXSTRUCTVS fuit aliquādo validus murus supra Cauallam summo montis vertice, qui etiamnū integer cōspicitur quadrante ferè miliaris longus: certum est eum Thra-

Thraciā à Macedonia diremisse, hoc est, utriusq. prouincia dominiū. Nā Cosmographi Philippos & Philippopolim è Macedonia exclusērunt: quæ tamen vrbes capita erāt territorij Macedonū, licet cis Strymonē amnem sitæ sint. Murus ille qui supra Canallam iter præcludit, in fornices exstructus est, binosque interius meatus habet, illi muro ferè similes qui Romæ à Diui Petri templo ad Diui Hadriani molem siue S. Angeli arcem deambulacri in modum exstructus est. Extremum murum in summo montis vertice claudit crassa turris, quæ propugnaculi vicem præbebat aduersus Thraciam. Pauci sunt anni quòd Abraham Bassa aquæ ductum restituit, qui à Macedonia Regibus aliquādo exstructus fuit, per quē fons decurrit plus quā tribus inde miliaribus ad Canallā urbē vsq;: scaturiginē enim habet in præcelso quodam monte, eiusque semper latera per canalem stringit, donec ad vallem quandam perueniat, quam ut superaret, præaltarū fornicum structura opus fuit, vt in urbem deduci posset: triginta enim orgyiarum altitudinē eæ fornices superant. Ob summam porrò huius aquæ fontanæ commoditatē, admodum populosa reddita est hæc vrbs, quæ ante deserta erat. Tassos insula, in qua olim triremium Alexandri statio fuit, duobus duntaxat miliaribus à Canalla distabat. Idem Bassa urbem etiam nouis mœnibus cinxit, in quibus lapides conspeximus Latinis literis inscriptos, eo quo Romani Graciæ dominabantur tempore. Vnam inscriptionem quæ ad basim crassi cuiusdam muri erat, sic excepimus: P. Hostilius P. S. L. Philadelphus petram inferiorem excidit, titulum fecit, vbi nomina cultor scripsit & sculpsit, Sac. Urbano. S. P.

Nulla apud Turcas esse diuerforia; sed Nosocomia inueniri, ad quæ diuertere liceat.

SIGNIFICATVRI nulla apud Turcas esse diuerforia, de magno quodam edificio agemus, quod *Abraham Bassa* in *Canalla* exstrui curauit, proprio nomine à Turcis *Carbachara* dicto (cui templum sine *Mosquitam* adiunxit) ad omnes qui istac iter faciunt excipiendū, & educandum. In eo, cum effemus solummodo tres numero, cum nostris iumentis per tres dies commorati sumus, & necessaria accepimus, sine vlla eorum qui huic præsunt, molestia, idque gratis. Sapius de hoc vocabulo *Carbachara* agemus: esto itaque hoc exemplar reliquorum. Nos Gallicè alio nomine efferre non possumus quàm *Carbachara*: quoque commodius intelligi queat, statuendum ante omnia est, nulla esse in iis provinciis quæ Turca imperio subsunt diuerforia, aut loca quæ iter facientes excipiant, nisi publica illa edificia *Carbachara* appellata; quæ diuersis rationibus exstructa fuere, inter quas hæc maximè est vsitata. Satrapæ qui in Turcarum Imperatoris aula vel aliqua alia ratione opulenti euaserunt, pium aliquod opus dum adhuc in uinis sunt facere volentes, quod ad ipsorum salutem conferre credant, tales structuras pio quodam zelo fieri curant: nam nemo ex sanguine coniunctis illis notus est, cui beneficium aliquod præstare velint. Eius rei causam alias dicemus. Talibus ergo structuris summum aliquod bonum se facere existimantes, publicæ utilitatis gratia, multas egregias structuras restitunt, veluti elegantem aliquem pontem, vel amplum xenodochium *Carbachara* dictum, cui magnificum aliquod templum *Masquita* appellatum, adiunctum sit, & huic proximum aliquod batneum. Atque ut iis quibus in xenodochiis & templis distributa sunt officia, suppetant necessarij sumtus, ut sunt qui impenduntur in compa-
randis

randis lignis ad focū, stipendia sacerdotibus qui preces faciunt persoluenta, coemendis cera & oleo quorū in templo usus est, aliisq; rebus ad culinam necessariis & in hospitum alimentum cedentibus, annuos census instituere solent. At iis qui hospitio excipiuntur, omnē supellectilem circumferre necesse est, uti culcitrae, lectū, & lineos pannos, aliāque eiusmodi: nihil enim istorum illic praebeatur, praeter cubiculum aliquod exiguum & inane: sed singulos iis quae attulerint uti necesse est. Illico postquam aliquis appulit, supellectilem suam explicat: & si aqua opus habeat, eam eodem quod attulerit vasculo ferre debebit: atque cum ossa in Carbachara cocta est, quisquis ea vesci volet, suam scutellam praeberē debet. Sed datur etiam carnes & panis. Nemo istic excluditur, siue Iudaeus sit, siue Christianus, siue Idololatra siue Turca. Quoniam porrò Turcae suas offas, siue pulres propriis nominibus exprimunt, sigillatim indicare volumus, quid facientibus iter erogare soleant. Imprimis liberaliter pultem praebent ex Trachana, vel Bohourt, vel Afcos, vel oryza cōfectam. Lemni insula incolae ex frumento & oxygala commixtionem facere norunt: primum enim decoquunt frumentum, postea ad solem exsiccant, & ex eo compositionem faciunt ab iis Bohourt nuncupatam, quae inde per uniuersum Turcae dominium transuehitur, quoniam in pultibus parandis plurimum ea utuntur. Aliam praeterea istic ex frumento commixtionem faciunt Trachana dictam, quae minore in usu non est quam superior. Eam esse censemus quam olim Graci & Itali Mazā vocabant. Duarum istarum compositionū Bohourt & Trachana adeo frequens est usus ut nihil supra. Nunquā enim bene epulantur, quin eas in suis pultibus decoquant. Oryza praeterea tantus est usus, ut singulis annis ad minimum sex naues ea plenae ex Aegypto Constantinopolim aduehantur atque exonerentur. Frequenti etiam illis in usu est legu-

leguminis quoddam genus ex Aegypto petitū, quod Graeci corrupto ex *Aphace* vocabulo *Afcos* nominant. Huius copiam commodo tempore sibi comparant, ut postea indifferenter distribuere possint. Culinariae artis apud illos administranda ratio a nostra plurimum differt: carnes enim coctas ex olla eximunt, deinde quod commodum illis videtur, iniiciunt ad insculū inspissandum. Et quoniam eius magnam quantitatem parant, oblonga spatula lignea ad commiscendum utuntur. Mensarum usus apud illos nullus est: propterea humi sedent, deinde orbiculare quoddam corium in terra explicant mappae loco, quod marsupij instar ligulis postea contrahunt. Nullus est Turcarum, etiam si Satrapes siet, qui cultrum e cingulo propendentem non gestet: & singuli cochlear circumferant: hinc fit ut digitos non admodum inquinent: nullus etenim apud eos mantiliū est usus. Magna tamen strophiola gestare solent, quibus etiam digitos abstergunt. Neminem Turcarum, quicumque etiam sit, pudet ad huiusmodi xenodochia diuertere, & alimoniam eo quo diximus modo inde petere: ea enim est regionis consuetudo. Nec peregrinus minus quam primarius quisque accipiet. Id vero intelligendum est de iis locis ubi tales erogationes institutae sunt, ut in *Canalla*. Prater eas structuras quas is *Bassa* in *Canalla* instituit, fontem etiam in summam urbem, ut diximus, per aqueductum supra fornices maximis expensis exstructos non modo deduxit, sed eius aquam etiam in templum, balneum, & per omnia urbis fora distribuit. Tria praterea marmorea sepulchra ex agro quarta miliaris parte ab urbe distante deferri curauit, quae fontibus subiecit, ad aquā alucorū instar excipiendū, qua iter facientium iumenta adaquari queant. Tria haec sepulchra huiusmodi habent inscriptiones. Primum. P. C. Asper, Atriarius Montanus, equo publico honoratus, item ornamentis Decurionatus & Iniuralicis Pontifex

Sex, Flamē Diui Claudi Philippis. An. xxiii. H. S. E.
Alterum, Cornelia P. F. Asprilia sac. Diuæ Aug. Ann.
 xxxv. H. S. E. *Tertium*, Cornelia Longa Aspriliæ ma-
 ter, Ann. lx. H. S. E. *Singula pedes vndecim longa sunt,*
quinque alta, sex lata. Turcicæ interdū feminae quæ opu-
lenta sunt, eiusmodi structuras etiam fieri curant, & suas
facultates militibus testamento legant, ut se magis stre-
nuos in præliis aduersus Christianos præbeant: erroneam
enim hanc opinionem habent, suas animas expiari morte
Christianorum ab iis interfectorum quibus suas facultates
reliquerunt. Medicamentum Splenetico cuidam in
Caualla confecturi, elaterij cogendi rationem inuenimus,
quale veteres conficere solebant, nempe leue & cædidum,
eiusq; substantia, ut igne instar pinguedinis accendatur.
Neminem arbitror nostra ætate gloriari posse, simile ela-
terium venale conspexisse. Plura de eo dicemus, cum pe-
culiarem stirpium historiam describam.

CAP. LX.

Itineris quod è Caualla Constantinopolim
 ducit, descriptio.

E Bucephala Constantinopolim proficiscentes, alios
 in vertice Hemi montis muros inuenimus (iis similes qui
 supra Cauallam sunt) duobus milliaribus à Caualla di-
 stantes, aditum ex Macedonia in Thraciam præcluden-
 tes. Inde in amplam planiciem descendimus, maris litto-
 ri admodum vicinam, insulam Thasson ad dextram ha-
 bentes, & præcelsa Hemi iuga ad sinistram relinquen-
 tes, quæ iam prætergressi eramus, nulla vsquam conspectæ
 Cupresso. Flumen superauimus quod Græci vulgari lin-
 gua Mestro, Turcæ Charason, id est, flumiñs nigrum, no-
 minant. Eius appellatio satis conuenit cum flumine Mela,
 quod sinui nomen imposuit qui Melanicus est cognomi-
 natus: sed id non est. Nos de eo postea agemus. Hoc enim
 flumen Nesus est ex Hæmo monte delabens, uti Stry-
 mon

Nessus
 Plin. lib. 4
 cap. 11.

mon amnis: est autem is mons quasi propugnaculū quod-
dam inter Macedoniam & Thraciam, ab una parte
desinens inter utrumque flumen. Lentus est Nesus ad-
modum, & Strymone paulo minor, multam tamen are-
nam secum trahit, & in mare influit paulo suprā Thas-
son, vicinior ei insule parti quæ Samothraciam spectat,
quàm ei quæ monti Atho obiecta est. Strymon autem in
mare suas undas exonerat inter Athon montē & Thas-
son, & ab illo mare nomen mutuatur, appellatur enim
Strymonicus sinus. Pōs supra Nesum exstructus, ligneus
est, uti qui suprā Strymonem amnem, sed illo breuior.
Ad extremum pontem in pastores incidimus, qui inte-
gros verueces assabant abscisso capite, quos iter istac fa-
cientibus venderent, saligneis perticis infixos, exemptis ta-
men prius intestinis, & consuto ventre. Nemo facilē cre-
dat eiusmodi carnis massam posse cōmodē assando coqui,
qui ipse non vidisset. Turcis autē id nouum nō est: Nam
cū in Asia minore siue Natolia, puer aliquis circunci-
ditur, cuius parentes re mediocriter lauta sunt, integrum
bouem, immisso in eius aluum integro veruece, qui galli-
nam cui ouum insertum sit, etiam in aluo contineat, crassa
sude infigere solent, & luculento magnoq; igne assare, sic
ut omnia ad ouum vsque percoqui queant. Omnia ista sic
assa, à pueri sanguine iunctis in epulo absumuntur. Illi
quos diximus pastores, veruecem assum in frusta conci-
dere solent, & iter facientibus diuendunt. Sub salicibus
ad extremum pontem substitimus, ut nostra iumēta pau-
lulum conquiescerent, & ex his carnibus comparauimus,
quos longē sapidiore indicanimus, quàm si frustatim
concise assate fuissent. Sumpto prandio, satis longum iter
confecimus: nam in urbem Bouron (quæ vetustum nomen
adhuc retinet) peruenimus. Sita est apud eum lacum qui
Bistonis appellatur. Iter fecimus per planiciē admodum
herbosam, Cytiso, Halimo, & Rhamno (qui à Grossula-
ria

ria differt) tectam. Licet autem Halimus natura sua in fruticem ramosum sine spinis attollatur, uti in Creta; in hoc tamen prato Capparis spinose instar humi diffunditur. Scordium herbam inuenimus apud Bouron urbem, quæ cum in magna quadam & humida planicie non procul à lacu salso sita sit, cum Aigues mortes Gallie Narbonensis oppido comparari queat. Lacus Bouron siue Bistonis, magnum ei regioni censum adfert. Nam istic sunt quæstuosæ piscationes. Mare istic nullum æstus habet quemadmodum nec Pötus Euxinus, neque Propötis, neque Hellespontus, nec magna Egæi maris pars. Pisciculorum istic capitur ingens quantitas similium Albiculis, quas Græci in Bouron Lilinga, Constantinopolitani Leucorini appellant, Galenus Leuciscum nominauit, Parisienses Vandoise dicunt, & alie prouinciæ vn Dard. Eadem ratione eos condiunt quæ nos haleces: nam postquam eos paululum sale infectos fumo indurauerunt, iis currus onustos & naues in varia Græciæ loca deuehunt, etiam in Italiam usque. Eadem ratione eos preparant quæ Boianæ incolæ Scurances: Albanie enim siue Epiri Scurances à Leucorinis differre non videntur nisi sola magnitudine. Maxima pars incolarum Bouron piscatoriam exercet: nam cum is lacus piscibus abundet, ad piscationem libenter animum adiiciunt. Græci Asparagi Corrada illis dicti, aculeatum habent folium: at in hortis culti folia obtuso mucrone sunt prædita, adeoque huius planicie solo delectantur, ut sint frequentissimi, nec aliud virere in ea conspiciatur præter Asparagos. In exilem deinde pagum peruenimus nomine Commercina, dimidij diei itinere à Bouron distantem; in eo omnis generis edulia venalia inuenimus. Istic est ruinosa quadam parua arx, in qua Græcorum Christianorum templum est: pagus à Græcis, & paucis Turcis incolitur.

Stagnum
Biston.
Plin. li. 4.
cap. 22.

CAP.

De vetustissimo quodam Thraciæ loco Cypsella nomine, de-
que aluminis conflandi ratione.

POSTQVAM aliquanto tempore apud Commer-
cinam sub Esculi & Ariæ arboribus commorati fuis-
semus, per planitiem denuo progressi relictis ad sinistram
montibus, in alium pagum Cypsella appellatum per-
uenimus. Deindustria autem ad eum pagum diuertimus;
ut Aluminis conficiendi rationem observaremus, tribus-
que diebus cum semisse ad eius fodinā hæsimus. Vbicum-
que alumen conficitur, id semper fit aperta vena, hoc
est eius venam non admodum esse profundam: nonnul-
lis tamen Cypsella locis, eius lapides sex orgyiarum al-
titudine eruuntur. Cypsella in Thracia sita est, & vul-
gariter partim græco, partim turcico nomine Chapsylar
dicitur. Eius incolæ maxima ex parte Turcæ sunt; pauci
autē Græci inveniuntur. Sunt & nonnulli Iudæi, quorum
unus Aluminis censum, persoluto annuatim certo precio,
obtenebat: apud quem diuertimus, ut certiùs eius confi-
ciendi rationē intelligeremus. Cōperimus autē Alumē quod
fit in Tolfa Pontificis Maximi dominio, cum eo cōuenire
quod in Chapsylar fit, ut observare potuimus è Ciuitate
Vetere Romam proficiscentes in creatione Pontificis Iulij
tertij, paululum à regia via declinantes, ut per Tolsam
iter faceremus. Alumen quod in Chapsylar colligitur, fit
& expurgatur eodem quo ipsius vena extrahitur loco, eā-
que ratione minoribus expensis fit, quàm id quod in Tol-
fa, quod vehiculis deportandum est in eum vsque locum
in quo excoquitur. Et tametsi Alumen duntaxat conden-
setur ex lixivio cineribus lapidis è vena eruti, qui primū
vrendus est, conflato: non omnibus tamen qui volunt, id
facere licet: sed iis solū quibus certo precio vena census
traditus est. Prima igitur vena eruitur ad ipsas radices
montis, quem Serrium esse censemus. Oppidulum Cypsella
ad

ad latus regia via est qua à Dyrrhachio Constantino-
polim ducit, qua initium ascensus est in montem: relictis
aliquantulum ad sinistram fodinis, è quibus maxima dif-
ficultate lapides eruuntur: nam cum adeò duri sint, mal-
leo & cuneis perfringendi sunt, deinde vrendi, simili planè
ratione qua calx aut gypsum vritur. Quoniam verò
istic magna lignorum est copia, nec lapides qui eruuntur
longius deferendi sunt, apud ipsam fodinam vrantur,
ad dimensum id facere paciscentibus operis. Nam singula
suum tuguriolum habent, in quo terni aut quaterni al-
uei lignei in terra defossi sunt, in quibus lixiniū infu-
sum relinquitur, donec alumen in glaciem coëat, fiatque
quale vulgo conspici solet. Lapidex ex quibus conflatur
alumen, primū in fornicem siue arcum componuntur,
deinde leni flamma vstulantur, eadem ratione qua gyp-
sum vri solet: nam si nimium vrerentur, omnis aluminis
substantia ignis calore euanesceret: at suam duritiem re-
tinentes, & aëri per binos aut ternos menses expositi,
sponte in puluerem resoluuntur. Quemadmodum enim
Marga, qua agri pinguescere solent, non maceratur,
aut in puluerem resolvitur statim ab initio, vel cum pri-
mum ipsius gleba ex fodina eruta est; sed aliquanto tem-
pore aëri exposita permanens paulatim dissolvitur cum
nocturno rore, tum pluviis diurnis, & hiberno gelu, sic ut
tandem collique scat, & telluri sese commiscens fimi vicem
præbet: eadem ratione hic lapis leni duntaxat flamma
vstulatus, durus permanet, quemadmodum si nullam
ignis iniuriam sensisset; sed aliquot diebus sub dio perma-
nens, nocturno rore & diurna pluvia adeò tenerescit, ut
breui in cineres omnino resoluatur. Lapidex hi è fodina
eruti nec adusti, in fabricis aut muris exstruendis adhi-
biti, durabiles sunt ut ceteri lapides: in cineres autem
reducti siue pluvia naturali, siue artificiali, adfusa aqua
decoquuntur in lixiniū, quod in quadratos alueos ligneos,

K

aut

aut fictiles ollas effusum, decem aut duodecim dierum spacio coit & congelatur. Ea est conficiendi aluminis ratio in Chapsylar, quod in Italiam delatum, Lesbium siue de Metelin cognominatur. Quoniam porro rubrum & album inuenitur, profiteri audeamus ex albi aluminis fodina, rubrum etiam erui posse: colorem etenim duntaxat ex aluminis conficiendi ratione acquirit, prout cineres ab operis diligenter aut negligenter tractati fuere. Alumen spumam quandam reddit, quam plurimae fodinarii opera colligere solent, & ex ea massam rubram pictoribus utilem conficere, quae gallico nomine terra de Macharon dicitur: ea tamen in Chapsylar negligitur: inde fit ut valles hac spuma, quam torrentes cum pluuibus abripiunt, omnino rubere videantur.

CAP. LXII.

De regia via quae olim Roma Constantinopolim ducebat.

CONSTANTINOPOLIM tendentes, montem subire incepimus: aliquantulum in altum progressi, nos obuertimus; ut iter quod à Bistonide lacu emensi eramus, conspiceremus. Eius Aristoteles lib. 8. de Historia animalium cap. 13. in haec verba meminit: Quinetiam maritimis lacubus genera plura piscium marinorum gigni apertum est, &c. statimque addit: Et in Bistonide lacu plurima genera habentur. Pagum Commercinam perspiciebamus in maxima planicie situm. Huius planicie iter, regia via olim fuit quae Roma Byzantium ducebat, magnisque lapidibus excisis strata erat. Nam à Bourō Commercinā usque, & inde porro ad Chapsylar, quoniam solum pingue erat, difficilisque via; eam Romani lapidibus sterni curarunt, quae hodie etiamnum integra restat. Inde probare volumus, Romanos hac via olim Roma in Asiam profectos. huc accedit quod eius via constratae structura tenuis fortunae cuiuspiam hominis opus non sit: nam in directum strata est via: at nunc semita modo ad dextram, modo ad sinistram

stram sunt querenda; quoniam nonnullis locis in silvas
ceduas penetrat, magnæq; arbores inter ipsa constrata sa-
xa postea excreuerunt. Conscendimus suprascriptum mon-
tem Serrium, qui nonnullis locis aditu admodum diffici-
lis est, apparetque multis locis rupes excisa cuneis atque
aliis instrumentis, quod sine magnis sumptibus fieri ne-
quaquam potuit. Sed & ex hoc opere colligere licet, re-
giam viam Roma Byzantium ducentem olim frequenti
hominum multitudine fuisse tritam. Plinius etiam Græ-
ciæ distantias & longitudoines describens, illas semper à
Dyrrhachio (quæ urbs est apud Vallonam, nunc Duras
dicta, portus videlicet in quem appellebant qui ex Italia
discesserant traiecto mari Adriatico) sumit, aitque By-
zantium abesse à Dyrrhachio septingentis undecim mil-
libus passuum, & tantum patere longitudinem terrarum
inter Adriaticum mare & Propontidem vult. Peruenimus
deinde in pagum in vertice montis situm, à Græcis habi-
tatum, ubi nobis sumendi fuerunt pedites via indices, ne
per montem oberraremus; in quo magna est abundantia
eius herbe quam Galli perperam Satureiam hybernæ
appellant, inter saxa sponte nascentis. Eam primum ob-
seruaueramus in Creta insula, & paucis ante diebus in
Amphitheatro quod Philippis est: postea eam in mon-
tibus Spoletæ Italia vicinis eruimus in Marcha An-
conæ. Sed quoniam iam in nostris hortis vulgaris est, eius
vetustum nomen, quale à Creta & Cytharæ insularum
incolis didicimus, proferemus. Id enim vulgo Tragarigani
appellabant, quod nihil aliud est quàm Tragorigarum.

CAP. LXIII.

De flumine Marisa, veteribus Hebrus dicto: & de Turcarum
expilationibus seu rapinis.

N V L L V s est pons supra Marisam amnem extru-
ctus, sed cimba traiciendus. Moris est ut quilibet pro se
& iumento nummum Turcis Aspre dictum, pro traie-

etu persoluat: quindecim tamen pro nobis & itineris duce
 persoluen di fuerunt. Nam Turcarum auaritia eonsequē
 progressa est, ut si numero viatores superēt, ab iis exigant
 quidquid possunt, & ingratis persoluen dū quidquid
 exigunt. Tante enim sunt eorum rapina, ut ne parentibus
 quidem suis parcituri sint, si praeda occasio sese offerat.
 E regione traiectus ad quartam milliariis partem reliqui-
 mus elegans oppidulum nomine Vire, commodo admodum
 loco ad radices collis cuiusdam situm veteribusque muris
 cinctum. Hic amnis nunc ab omnibus vulgò Marissa
 nuncupatus, olim Hebrus dictus fuit. Locorum huic am-
 ni vicinorū incolae, aestate quādo fluminis alueus exiguus
 est, magnos arenae cumulos aggerere solēt, nō ignorātes in
 ea latere nōnulla auri grana, eosq. satis procul à fluminis
 ripa submonēt, ne exūdās flumē arenā secū abripiat. Au-
 rū ab arena separaturi, asseres pertusos simul cōponunt,
 deinde fluminis aqua arenā eluunt: quod si interdū non-
 nullā auri portione inueniūt, id nō fit sine magno labore &
 expēsis, atq. tēporis lōgitudine: sed nec sine argēti vini ad-
 miniculo quidquam efficere possunt. Strymon & Nes-
 sus amnes in mare labuntur eodem ferme loco; vnus vi-
 delicet ad infimam, alter ad summam insulae Thassi par-
 tem. Sed Hebrus ante Samothracen sese exonerat, quod
 Plinius etiam annotauit. Adeo lentus est hic amnis, ut
 in utram partem fluat, indicari non possit: Turbida eius
 est aqua, attamen dulcis, & media etiam aestate adeo fri-
 gida, ut glaciata videatur: multa myrica secundum eius
 ripam proueniunt: frequentes habet maendros, seseque
 incuruat uti Sequana inter Lutetiā & Pontoyse urbem.
 Tantum vero aquae hiberno tempore è montibus delabi-
 tur, ut rapidior fiat, & amplum quoddam inundet pra-
 tum, olim Doriscus nuncupatum, in quo Xerxes in Gra-
 ciam profecturus, exercitum recensuit. Quoniam porro
 amplum illud pratum hieme instar paludū inundatur,
 nulli

lib. 4.
 cap. 12.

nulli in eo pagi edificantur, sed æstate equorum armenta
 aluntur. Ipse Turcarum Imperator plures mille istuc
 alit, neque priuatorum è vicinis pagis minus quingentis eo
 agi arbitramur. Pratum enim adeò repurgatum est, ut
 neque talpæ, neque mures, neque glires, neque aranei
 mures illud suffodiant, neque serpentes in eo inueniantur:
 quoniam inundatio hiberna omnes abigit. Cytisus herba
 pluribus eius locis nasci cõspicitur. Pagi in pratorum circui-
 tu exstructi, ad collium radices siti sunt: nã cū colles & mō-
 tes scaturiginibus prægnantes undiq. prata cingāt, ad cul-
 turā valde idonei sunt, & rebus necessariis abundāt, ru-
 sticorum magna frequētia eò cõfluxit. Amnis ripæ quibus-
 dā locis sunt satis alta, in quib⁹ fluminales alcyones à Gal-
 lis Martinets pescheurs nūcupatæ, & Hirundines quadā
 ab iisdem Martinets simpliciter dictæ, nidos exstruunt;
 quemadmodum & auis Merops siue Apiaster, quam
 Cretenses Melissophagon appellant. Ocium nacti ut eas
 Alcyones obseruaremus, comperimus ipsas ab his non dif-
 ferre quæ nostrorum fluminum ripas incolunt: sed & ea-
 rum nidi ex pisciculorum spinis & squammis sunt confecti,
 uti nostratum. Viciniores amnis Marisa incolæ secun-
 dū fluminis alueū in amplo illo prato hortos conficiunt:
 nam aquæ commoditatem nacti & telluris vbertatem,
 Melones, Angurias, Copous vulgò ab illis dictas, Citrul-
 los, Cucurbitas, Cucumeres, aliosque similes æstiuos fru-
 ctus colunt. Nobis affirmarunt Colocasiam etiam nōnul-
 lis locis nasci: at nihil certi pronunciare possumus. Pratum
 illud egressi, colles & mōtosa loca subire cœpimus, in quibus
 Aceris arboris genus obseruauimus à reliquis quæ hæte-
 nus videramus diuersum. Sextum id genus fuit à nobis
 obseruatum. In arbusculam excrescit; de quo aliàs plura,
 cū arbores describemus. Thermas in continenti reperi-
 mus è regione Imbri insulæ apud amnem Melanem, eius-
 demque nominis sinum, qui Callipolim in Cherroneso in-
 cludit;

130 P. BELLONII OBSERVATIONVM
cludit; in qua deinde Sestos Abydo opposita. In his ther-
mis due sunt calidarum aquarum scaturigines, altera
viris dedicata, altera feminis: atque ut nihil ab iis qui
istic se lauant exigitur, sic nemo est qui eas thermas re-
purget, hinc fit ut sordida admodum sint. His vicina
conspiciuntur vrbes cuiusdam à veteribus Macron-ti-
chos nūcupata ruina, & in longum porrecti muri, qui ho-
stes Thraciam depopulatu-ros excluderant & arcebant.

CAP. LXIIII,

Plurimas nationes certo anni tempore natale solum relinque-
re, deinde domum redire.

IN magnas miserorum Epyrotarum rusticorum, quos
Ergates appellant, turmas in iam dicta planicie incidi-
mus, ex Turcia ab opere redeuntium in natale solum.
Idem illis accidit quod Longobardis & Sabaudis, qui na-
tale solum certo anni tempore relinquentes, postea domum
redeunt. Turmatim suam regionem egrediuntur miseri
isti Epyrote, ob eius sterilitatem, atque aliò proficiſcuntur.
Proficiſcuntur ut operas suas Turcis locent lucri gratia.
Icū in Macedonia, & Thracia, vel etiam Asia mi-
noris plana peruenierunt, à Turcis conducuntur ad sege-
tes ipsorum metendas & frumentum expurgandum. Per-
fecta messe domum redeunt, cum suis vxoribus & liberis
vitam traducturi. Modum secandi segetes magis indu-
strium habent quàm Galli: nam illorum messorie fal-
ces aliquantulum discrepant, suntq; plana, lata, mi-
nusque incurua, & dentibus carē. Dextra manu eas te-
nere solent, atque sinistra lignum quoddam incuruū ex-
trema parte mucronatum, in quo tria sunt foramina, qui-
bus tres sinistra digitos infigunt, minimum videlicet &
duos subsequentes, pollicem & indicem liberos conseruan-
tes, ut tritici manipulos commodius comprehendere queāt:
manum siquidem explicantes, & frumentum comprehen-
dentes, multo maiores manipulos abscindere possunt. Col-
lecta messe, frumentum trituran-; haud flagellis, ut apud
nos,

nos, sed bobus, quemadmodum per uniuersam Graciam:
idq³ facientes, asseres Chalcedonio lapide munitos post se
trahunt, ut stramina & paleas confringant. Sed quoniam
istos Albanos cū Sabaudis & Lōgobardis cōparauimus,
indicare volumus, eos nobis occurrisse gregatim iter fa-
cientes veluti sturnos. Sabaudi in Italiam profiscun-
tur ut ligna secent, veluti populos secundum Padum
amnem, atque ilices apud Foroualenses, & omnis
generis qua duram habent materiam alias arbores,
per Tusciam & agrum Romanum. In hoc autem Sa-
bandi ab Epyrotis differunt, quod aestate abeunt Epy-
rota, & Autumno reuertuntur: Sabaudi contra Au-
tumno abeunt, & nouo vere redeunt. Nam quoniam mon-
tana incolunt, nives illis omnē operarum exercendarum
occasionem adimunt: huc accedit quod in lignis per Ita-
liam secandis ob duritiam multo labore opus sit, quē asti-
uo tempore pręstare nequirent: si verō in patria mane-
rent, totam hiemem in ocio traducerent. At sub aestate
domum regressi, Abietes, Pinaistros, Larices, atque alias
eiusmodi molliores tenerioresq³ arbores habent, qua mino-
re difficultate etiam ipsa aestate & medio aestu secari pos-
sunt. Longobardi porro, gregatim quidem, ut Albani &
Sabaudi, domo egrediuntur, simulq³ue perſistunt, donec e
sua regione exceſſerint: at in Germaniam, Galliam, Bel-
gicā, Daniā, aliasq³ vltiores regiones perueniētes, ab in-
uicē segregantur, singuliq³ loca destinata petentes, cami-
nos hinc inde purgatum eunt per hiemem: domumq³ re-
deuntes, Ciconias imitantur, quę sigillatim adueniunt.
Istinc animaduertere licet varias nationes certo anni tem-
pore, vite sustentanda causa ad alias regiones lustrandas
& obeundas cogi. Albani veteribus Epyrota dicti, Chri-
stiani sunt, peculiaremq³ habent linguam à Græca diuer-
sam: religionem tamen Græcam colunt, & quoniam Græ-
cia vicini sunt, Græcum idioma etiam callent: domum re-

gressi per hiemem sese sustentant, ex ea quam sibi æstate compararunt pecunia. Omnes ferè nudis pedibus incedunt, admodum egeni, frugales, & in laboribus seduli: hinc fit ut facile quod agant per totam æstatem nanciscantur in Turcarum agris & pagis: segnes etenim sunt Turcæ, ad agrorum culturam inepti, lenti, tardi, & qui in suis negociis moras semper nectunt. Reperimus in itinere Iaspides variorum colorum in agris, atque etiã Chalcedonios: immo nonnunquam & ipsi ædificiorum in pagis muri è Iaspidis & Chalcedoniis lapidibus exstructi sunt.

CAP. LXV.

Terebinthos arbores, gallarum quoddam genus producere, quæ apud Turcas magno in usu sunt.

THRACIÆ atque Macedonia rustici, non ignari quantus sit usus gallarum in Terebinthis nascentium, quorum in collibus magna est frequentia, eam quæstus occasionem negligere non solent; at sub finem Iunii, gallas intus concavas nucis ponticæ magnitudinem æquantes, aut sub foliis, aut in Terebinthorum, qui semen in vna modum congestum ferunt, ramulis nascentes sedulo legunt, easq; maturius dum adhuc exigua sunt: quoniam si in arbore diutius relinquerentur, oblongæ tandem instar corniculi cuiusdã euaderet. Harum usus est inficiendis in Prusæ urbe tenuissimis sericeis pannis. Per Thraciam pergentes, Carauannam inuenimus, vel frequentem mulionum turmam è Thessalonica Byzantium proficiscentium, atque in pago quodam Aignegic nomine pernoctauimus. Cæterum quoniã Græci nullis testudinibus* siue marinis siue terrestribus, siue flumiatilibus vescuntur, adeo frequentes sunt per Græciæ agros, præsertim autem Thraciæ, ut secundum vias frequenter magnæ & pingues inueniantur. Et nisi hortulanis plurimum inuisæ essent, quod eorum olera germinare incipientia prærodant; præsertim autem melones, peponesque, xylon & sesamum appetant; nemo eas

eas necaret. At illi in suis hortis inuentas necant, atque palis per sepes affigunt.

*Croata non modò testudinibus, cuiuscumque tandem sint generis, non vescuntur: sed eas etiam abominantur, quod re ipsa comperi. Nam anno 1579. cum Maio mense Illustrē Heroē Dominum Balthasarem de Bathyan, Regni Vngariæ Archidapiferum hæreditarium in Pannoniam interamnem, quæ nunc ex parte Vandalia siue Windischland nuncupatur, comitarer: integro die substitimus in ipsius arce quadam Turnizza, cui cōtiguus est pagus eiusdem nominis, Muræ amni vicinus, supra ipsius & Draui fluminis confluentes. Istic dum fortè circa rusticorum prædia obambulo, multas testudines palis affixas, & è sepibus hortos ambientibus pendentes animaduerto. In arcem regressus, eius rei causam percontor: maximè ab incolis exosas intelligo: ego videre illorum stultitiam: interrogatus an iis vesci cuperem, annuo: sed cum nemo ipsas adparare sustineret, cocus quispiam Gallus Byzantio redux, qui in itinere nobis sese adiunxerat, ferculum ex illis conficit: vescor: ibi omnes summa cum admiratione me intueri, imò plerique non dubitare quin ea nocte extingueret: at postridie, cum me non modò viuum, sed etiam alacrem conspicerent, multo magis mirari, & plerique assere, etiam si Viennensem urbem præmij loco nancisci queant, non tamen degustaturos.

CAP. LXVI.

Turcas viatores admodum frugales esse.

POSTRIDIE, comperimus agros aristolochia longa obritos: obseruauimus etiam veram Hyssopum, binia Polygenera, & Chamedryn. Omnia ad victum necessaria in pagis inuenimus, uti butyrum, oua, aues, panem, caseum, & lacticia. Quicumque in Carauanna erant cum viatores tum agasones, genus quoddam acescentis lactis coemerunt, nomine oxygala, quod lineis sacculis impositum, è suorum iumentorum clitellis suspendere solent: atque licet liquidum admodum sit id lac, lineis tamen sacculis inclusum permanet, nec exstillat. Græci & Turcæ alliorum nucleos in ligneo quodam vasculo confusos oxygala permiscere solent. Magnatum id edulium, adeò palato gratum est: eo non modo viatores, sed etiam ipsi Sarrapæ in Turcica aula vesci solent. Quod si quis adeò esse exquisitum non credat, faciat modo periculum, facilis etenim est experientia. Vulgari admodum est in usu apud Turcas, existimantque eo se per æstatem refrigerari,

K S

gerari,

gerari, atque per hiemem calefieri. Viam qua Callipolim ducit, ad sinistram* reliquimus, & versus Rodosto, qua veteri Perinthus est, perreximus. Interdum substitimus sub inglandibus, ut nostra iumenta aliquantulum quiescerent: deinde sub vesperam in planicie quadam stationem habuimus, Carauannæ impedimentis nos in ambitu muni-
mientes, ut securius istuc pernoctare possemus.

* Imo ad dextram: nam Callipolis in Cherouneso est, ad Hellesponticæ caput, quam ad dextram relinquere oportuit Perinthus petentibus.

CAP. LXVII.

Turcas agilitate & industria reliquas nationes longè præcel-
lere, in imponendis supra iumenta, deponendisve im-
pedimentis.

Hoc loco mentionem facere volumus eius rei quam Turcas pacis & belli tēpore industriè administrare nosse obseruauimus: videlicet rationis qua uti solent in impe-
dimentis supra equos, camelos, aut mulos imponendis aut auferendis. Quinque enim aut sex viri duntaxat ea in-
dustria & agilitate omnia Carauannæ iumenta (quæ cen-
tam & quinquaginta numero erant) vesperi impedi-
mentis liberarunt, atque postridie summo mane rursus ea imposuerunt, ut non animaduertimus. Tres solum
viri vix quadrantem horæ requirent ut centum equos onerent, modo sarcinæ secundum ipsorum consuetudinem
sunt colligatæ. Singulas autem sarcinas decussatim crucis
in modum per utramque extremitatem colligari necesse
est, atque funes sequenti ratione appendi. Cum bini viri
sarcinam subleuarunt supra clitellas, tertius mulio alte-
rius sarcinæ, quæ adhuc humi iacet, funem, per eius sar-
cinæ quæ iam clitellis imposita est, alteram crucem traii-
cit: impositæ verò sarcinæ funem, per alteram eius quæ hu-
mi est sarcinæ crucem traiici oportet, & alterum ex his
qui priorem sarcinam subleuarat, in alia etiā sarcinā sub-
leuanda auxilio esse (sufficit enim vnicus ad sarcinā quæ
clitellis imposita est sustinendam) atque singulos, funis quæ
singula

singula sarcina unicum habent, extremitatē capere, eam-
que denuō traicere per crucis summum caput, funesq;
deinde adstringere aut laxare, prout illis commodum vi-
detur, ut sarcinae pendeant: funes autem parte sarcinarum
exteriore connectuntur, ut facilius vesperi dissolui queāt,
sarcinaeq; decussatim Burgundica crucis in modum supra
clitellas collocantur. Vnicus vir in aduentu omnes totius
Carauanna equos subito suis sarcinis liberare potest, fu-
nium extrema dissoluendo, atque ipsas sarcinas equaliter
quasi ad equilibrium demittendo. Qui sarcinas deponit,
funem manu tenendo, posset etiam uno pede supra solum
utramque sarcinā equaliter suspensam tenere. Imo puer
quadrante horae centum equos exonerare posset, sine ullo
sarcinarum damno.

CAP. LXVIII.

De vrbe veteribus Perinthus dicta, nunc Ro-
dosto, & de Heraclea.

INTER Perinthus & Callipolin ponte amnē quen-
dam traiecimus, quem Arzum esse arbitramur, Turcae
Chiaurlic appellant, in Propontidem labentem inter Ga-
lipoli & Rodosto. Rodosto autem vrbs est in Propontidis
littore sita, olim Perinthus dicta: vetusta admodum est,
nullis tamen muris cincta. Regia via quae Bizantiū du-
cit, gradientes, Heracleam ad sinistram reliquimus: etenim
secundum viam nō est, sed baliste iactu ab ea distat. He-
raclea vetustum nomen retinuit: quae me causa mouit ut
diligenter inquirerem, cur mel cognomine heracleum per-
niciosum esset. (Varie autem Heracleae sunt, sed hac in
in Thracia est.) Nullam aliam rationem inuenimus, nisi
quod ea regio Chamaleone nigra abundat, cuius radici
excrecentia quaedam adnascitur nomine fixia, quae per-
niciosum venenum est, & eos qui degustant illico necat.
Quod si apes mellis substantiam ex eius Chamaleonis flo-
ribus suscipiant; non dubitamus, quin id mel hominibus
admo-

admodum sit perniciosum: non ignoramus autē apes mellis materiam ex ipsis floribus non colligere, sed ex foliis duntaxat, pingui rore calitus delapso obfitis. Deinde transiimus apud urbem Selibriam, olim Selymbria dictam. Duorum dierum itinere à Byzantio, atque dimidio miliari à Selymbria distantes, in ipsa via & maris litore metalli cuiusdā recrementa inuenimus (indiciū istuc olim fodinas fuisse) quæ licet diligenter à nobis considerata, cuius tamen metalli ea essent, dignoscere nō potuimus. Aedificiorum vestigia & rudera quæ istuc adhuc supersunt, fidem faciunt metallicas fornaces istuc aliquando existitisse: multis etiam locis conspiciuntur magni cumuli scorie, quam Galli Merde de metal, hoc est, metallicū recrementū appellant. Olim cū metalli liquarentur, non aquæ adminiculo, ut nunc sit, folles inflabantur, sed hominum viribus: sunt tamen vicini quidam riuus, quorum vsus esse potuisset, nostra opinione, si tum temporis consuetudinem habuissent aquæ adminiculo rotas impellēdi, quæ folles subleuarent & deprimerent, quemadmodum iam habemus. Dum agro Selymbriano plantas perquiro, lacte manantem quandam inueni Nery folius, & flore simili, sed longe per omnia minorem: procul aspicienti Tragio Cretico persimilis videbatur; at propius intuenti ad Lysimachiam purpuream magis accedere videbatur. Cytisum etiam inuenimus, cuius semen abundanter collegimus. A veteribus illis fodinis discendentes, Selymbriam peruenimus, quæ elegans habet castellū in edito situm. Vrbis commodè nominari nō potest Selymbria, quoniam muris cincta non est. Aedificia, balnea, & templa supra arcem sunt: oppidulum ipsum in accliu est, multumq; repræsentat Ryam Angliæ urbem, quemadmodum etiam Calipolis. Selymbria volenti in regiam viam quæ Byzantium ducit, peruenire, collis superadus est; deinde per plantiæm iter faciendum. Maxima aedificiorum Selymbriæ
pars

pars longiusculè à portu abest. Onerariae naues Selymbriam magna ex parte appellant, ut merces excipiant quæ ex Adrianopoli, Thraciæ continenti, & Bulgaria aduehuntur. In cuius rei exemplum cum istac iter faceremus, Veneta naus ià oneris expletionē accipiebat ex iis mercibus quæ non modò aduectæ erant ex iis quæ modò enumeravi locis, sed etiam ex Anatolia vulgò dicta, veluti, lana, coriis, xylo. Anatolia siue Natolia ex altera Hellesponti parte est: Turcæ dictione Græca Anatoli appellant, quæ Orientem significat: sed vulgò eæ regiones Asiæ quibus Turcæ dominatur, Anatolia nomine nuncupantur. Nam separatione Europæ abs Asiæ facta Bosphori freto, Propontide & Hellesponto, omnes regiones quæ ultra sunt, Anatolia nomine continetur. Sic cū Græci Anatoliæ mentionē faciunt, varias alias provincias intelligunt, nempe Phrygiam, Galatiam, Bithyniam, Pontum, Lydiam, Cariam, Paphlagoniam, Lyciam, Magnesiā, Cappadociam, & Comagenen. Atque si illis sermo est de preciosis quibusdam mercibus ex aliqua istarum provinciarum, illas ex Anatolia delatas dixisse satis erit.

CAP. LXIX.

De insigni silentio & modestia Turcarum iter facientium.

QVO tempore Selymbriam peruenimus, exercitus istic circiter quatuor milia Turcarum fuit, quibus hospitia designata fuerant cum in Carabachara, aliisque urbis locis, tum extra urbem sub arboribus. Omnes erant equites, atque in Turcarum Imperatoris, qui bellum aduersus Persas gerebat, castra proficiscebantur: ij autem diu ante lucem tanto silentio discesserunt, ut nos, qui etiam ante lucem discedere constitueramus, minimè animaduertimus, tametsi essemus illis vicini. Hæc res nobis visa est digna relatu, tantam hominum multitudinem sine ullo strepitu discedere potuisse. Selymbria vnus diei itinere à Byzantio solum distat, per aperta regione, & nullis arboribus

bus confita. Bini pontes lignei superandi sunt tribus cis Constantinopolim miliaribus, quorum primus admodum brevis est, alter verò longior multo, Buyckchemeghy nūcupatus. Vniuersa Thracia Picardiae comparari posset: etenim arboribus eodem modo caret, magnasq; habet planicies, quas nonnullis locis colliculi interfecant. Pagus est inter utrumque pontem: in quo, quoniam frequens est admodum via, res ad victum necessariae, omni anni tempore pecunia comparanda inueniuntur. Uterque pons ligneus est, supra falsae aquae stagna exstructus, quae à mari in continentem ingrediuntur, & veluti sinum efficiunt: istic multae sunt scaphae, ad homines ex vno pago in aliū transfuehentos, tum etiam ad piscationē necessariae. Secundum eius stagni quod ad sinistram reliquimus ripas multae sunt mola, octo alis siue brachiis praeditae, quales sunt omnes in Turcarum ditione, quae venti beneficio versantur, non quatuor vt nostrae. Quemadmodum autem bini pontes superandi sunt; sic etiam bini sunt lacus qui in vnum coeunt; quorum census è pisciū captura, quae istic fit, magno aestimatur. Turcarum Imperatoris edes quasdam delectationis causa exstructas supra pagum Buyckchemeghy videre licet in colle quodā cincto silua arboribus confita, quae muro undique clausa est. Eius arbores sunt Coryli, Quercus, Vlm, Fraxini, Salices, Platani, Loti, quae Gallis Micacouliers dicuntur. Tandem secundo Constantinopolim peruenimus, & nostrae peregrinationi finem imposuimus sub initium Augusti mensis.

CAP. LXX.

De vrbe Pera & Constantinopoli.

ANTE quàm de Constantinopoli agamus, de vrbe Pera primum scribere commodū videtur, quae sinu quodam vel canali à Constantinopoli seiuncta est, quemadmodum plurimas interdum vrbes sibi inuicem oppositas videmus ad fluminis alicuius ripas, vt Ciuitas &

Carp.

Carcasso, Beaucaire & Tarraasco: eadem ratione iis qui
Cōstantinopoli Perā adire volunt, portus traiciendus est.
Propterea eam appellationem adquisiuit: nam Pera nihil
aliud significat, quā trans aut ultra; in collis autem ac-
clivi sita est. Quisquis peregrinus Constantinopolim aut
Peram maritimo aut terrestri itinere aduenit, nullū ho-
spitium quò diuertat reperit: itaque per Turcarum re-
giones iter facturos, impedimenta in quibus recumbat, se-
cum deferre necesse est. Fieri tamen nequit, quin aliqua
ratione tandem hospitium nanciscatur, præsertim cū Ca-
rabachara (quæ publica sunt Turcarum hospitia) in vr-
bibus nunquā desint: præterea nemo est, cuiuscunq. tandē
nationis sit, qui nō magna ex parte ades aliquas nancisca-
tur, sub quarum tectum se recipere queat: quoniam ple-
runque singuli ad eos confugiunt, quos ex sua provincia
esse sciunt. Hinc fit, ut cū singuli sciant, omnes Europæ
Principes & Respublicas, suos Oratores Constantinopoli
habere, præsertim cū pax inter Principes est, eosq. Ora-
tores Rerū publicæ & Christianorū Principum, veluti
Gallicum, Venetum, Ragusanum siue Epidaurensem,
Chium, Florentinum, Transiluanum, Hungarum, atq.
alios (præter Casareum qui in urbe Constantinopolitana
degit) Pera maxima ex parte habitationem suam habe-
re, ad ipsos confluere soleant. At Gallorum peculiariter
præ reliquis nationibus, felicior est fortuna: quoniam à no-
stro Legato semper melius excipiuntur, eorumq. gravior
est aduentus, quā reliquorum apud suæ nationis Ora-
tores: huc accedit quod Galli in exteris regionibus inter se
melius conueniunt, & magis mutuo se diligunt, quā re-
liquæ nationes. Domini Aramontij, Regij ad Turcarū
Imperatorem Legati liberalitas ea quæ diximus maxi-
mè confirmat: nam adeò gaudebat beneficia conferre in
Gallos aut Gallorum partes fouentes, ut nemo unquam
Constantinopolim adueniens, cuiuscunq. tandem con-
ditionis

ditionis fuerit, ipsum adierit, quin ab eo humaniter exceptus, & in eius contubernium admissus fuerit. Eius etiam liberalitas ex eo apparet, quod magnum Christianorum mancipiorum numerum priuatis pecuniis à Turcarum potestate liberarit. Imò quibuscunque Gallis Constantinopolim aduenientibus, non modò necessaria ad victum subministrabat, sed etiam vestes largiebatur, si iis carerent: omnibusq; patebāt eius aedes. Quod si quem Gallum taderet diutina istic morā, illi pecunias tribuebat pro conditionis ipsius ratione, quantum sufficerent ut in Galliam rediret. Si verò nobili stemmate prognatum intelligebat, illo honorificè excepto, iumenta & alias res necessarias etiam subministrabat. Atque uti nunquā molesta illi fuerunt expensæ in gratiam eorum qui illustri genere nati erant factæ; nunquam similiter tenuis fortuna hominibus gratificari dedignatus est. Cū id porrò in nobis ipsi experti fuerimus, non immeritò ingrati censermur, nisi eius rei testimonium præberemus: certi enim sumus neminem nos mendacij arguere posse in his quæ recitauimus, nisi parum equū, & veritati assentiri nolentem.

CAP. LXXI.

Ruinarum Nicomediæ, & eorum quæ istic nunc
conspiciuntur descriptio.

CONSTANTINOPOLI aliquamdiu commorati, ad conspiciendas Nicomediæ, quæ vetustum adhuc nomen retinet, ruinas profecti sumus. Est Nicomedia in edito sita: murorum ambitus admodum amplius fuit: namque à portu incipiens, etiam collis verticem comprehendebat. Ipsa vrbs omnino corruit, sed arcis ambitus in ipso colle situs, adhuc integer est, vrbsque muris includitur: muri arcem ambientes ex coctis tegulis tenaci rudere iunctis constant; quorū turres dūtaxat tribus orgiis aut sex vlnis inter se distanti; adeò validus fuit. Amœnus eius situs est, cum in collis vertice exstructa sit, magnamq; scaturiginē aquæ

aqua commoditatem habeat : quæ causa est ut frequen-
 tioribus habitetur incolis cum Turcis tum Græcis. Epi-
 stylia & fragmenta columnarum, magnæque huius arcis
 columnæ, indicio sunt, Nicomediam aliquando potentem
 urbem fuisse. Istic etiam nacti sumus elegantia numismata
 vetera, cum Græca tum Latina. Nauigantibus secun-
 dum oram maritimam, & circa littus sub aquam intuen-
 tibus, eos pisces quos Latini Pinnae appellant, humi ordi-
 ne & serie quadam conspiciere licet, quasi pernas suillas
 in terra defixas : eam ob causam Latino etiam nomine
 Perna dicuntur. Cum aliquandiu versaremur in insulis
 veteribus * Demoneses nuncupatis, quæ sunt in sinu Nico-
 media, in ipsa Propontide, quæq. ex urbe Constantinopolita-
 na aperte conspici possunt, eas non esse numero deprehen-
 dimus. Illarum prima nunc à Græcis Proto appellatur,
 Altera Bergus, Tertia Isula del Corbo. Reliquæ exiguæ
 sunt, & proprio nomine carent. Aliæ etiam sunt inferio-
 res & viciniores Hellesponto: sed earum plurimæ nomina
 mutarunt. Nam quæ olim Proconesus vocabatur, nunc
 Marmora; & Besbicus olim quæ fuit, nunc Calomino
 dicitur.

* De Demoneso consule Ortelij Thesaurum geographicum.

CAP. LXXII.

Orientalis nationes malle piscibus vesci quam carnibus.

ANTE quam à Propontidis diuitiarum narratio-
 ne recedamus, quandoquidem ea omnis generis piscibus
 abundat, non minorem censum illam reddere asserimus,
 quam Continētis aliqua regio, pascuis & armentis abun-
 dans: hinc fit, ut omnes Turcæ & Græci piscibus magis
 delectentur quam carnibus. Continentis in nostra Gallia
 incolæ, qui à piscium esu adeo abhorrent, persuasionem po-
 tius id facere videntur, quam rationem. Eos verò intelli-
 gimus qui pertinacia quadam carnibus in abdito vescun-
 tur pisculētis diebus, & diebus Dominicis vix pisces ha-
 bens

bent quos vorent. Ex veterum præterea monumentis ob-
servare non licet, carnes ab illis tãti fuisse æstimatas, quin
piscibus inferiores perpetuò sint habitæ. Egypti mona-
chi toto vitæ cursu piscibus abstinnerunt quidem, quasi
inferre vellent se eiusmodi deliciis privatos, quemadmo-
dum qui apud nos carnibus abstinent. Carnium ille con-
temptus & piscium æstimatio, effecit, ut veteres, cum
Græci tum Latini, avium genera minus nouerint quàm
piscium. Medici insuper in suis de alimentis libris varij
generis piscium sæpius meminerunt quàm avium & qua-
drupedum: neque legimus Imperatores atque Primates
Romanos aues in suis conuiuiis ita expetisse, ut nunc fa-
cimus, præter turdos & attagenes. Nam omnis generis
pisces in deliciis habebant & præferebant omni aucupio:
sic ut perdices, phasiani, ascolopaces Gallis Becasses, & il-
lorum Pluuiers, atque aliæ quæ primum tenent gradum
in Gallorum deliciis, in veterum Imperatorum Romano-
rum etiam profusissimorum, vel ut Pliniano verbo utar,
Gula procerū conuiuiis, in precio non fuerint habitæ. Illud
præterea addemus, ipsum Turcarum Imperatorem, eius-
que maiores, atque etiam aulicos, pisces magis appetere
quàm carnes: propterea rarò conspiciuntur in foro By-
zantino venales aucupio capte aues. Quoniam cum pi-
scibus abundant, ad eos variis modis capiendos animum
applicant, ut postea apparebit.

CAP. LXXIII.

Piscationis in Propontide rationem magnum
quæstum adferre.

QUANDOQV IDEM in piscationis mentionem
incidimus, nunc de eius ratione agemus quæ in Propon-
tide fit, atque primum de ea quæ maiorem quæstum ad-
fert. Mare Constantinopoli vicinum magis piscibus
abundat quàm reliqua maria: idcirco incole ad eos ca-
piendos magis industrij. Aqua dulcis è fluminibus in
Pon-

Pontum delabens, & marinis undis sese commiscens, alendis in Ponto & Propontide piscibus admodum accommoda est. Ea porro aqua in mediterraneum mare effluunt, sed per Propontidem delabentes, nunquam augentur vel minuantur, utpote nullum refluxum aut reciprocationem habentes. Pisces certo anni tempore ex uno mari in aliud transmeant, suasque habent quietis & motus horas: quod non ignorantes Propontidis incole, quorum plerique frequentius piscibus vescuntur quam carnibus, ea loca maris observant, in quibus pisces, eorum iudicio, frequentius versari soliti sunt, praesertim circa littora ubi aqua non admodum alta & profunda est. Istic binas trabes longitudinis mali navium rectas, & circiter quadraginta aut quinquaginta passus inter se distantes infigunt, in quarum summis tuguriola exstruunt unius aut duorum hominum capacia, qui istic à solis ardoribus & imbribus tuti, pisces observare queant. Trabes ligneis palis hinc & inde transfixae sunt, quo ascensum & descensum facile præbere possint. In edito istic stantes, vinetorum custodes imitantur: nam si piscium gregem oberrantem animadvertunt, alter alterum ad diligentem piscium observationem adhortatur; ut simulatque eos in aream ingressos animadverterint, singuli funem ad se trahant reti adnexum; quod tali artificio dispositum est in imo fundo sub aqua, ut reti subleuato, pisces qui in area sunt, concludantur. Ut doceamus porro qua ratione rete dispositum sit; intelligendum est, rete quadratum esse, & singulis angulis annexum funibus, binosque retis angulos, qui a praetitis trabibus longius absunt, longius etiam in mare proterendi, atque summitati duorum palorum in mari defixorum, vix tamen supra summas undas apparentium affigi, ut immobiles permaneant. Alios item binos angulos funibus alligari necesse est, qui ad tuguriola illa in editis trabibus sita respondeant. Reti in eum modum quatuor

L 2

angulis

angulis extenso, eiusque medio ad imam aquam propendente: simulatque piscatores qui excubant, pisces ad se aduenientes animaduertunt, sese inuicem admonent, atque illico postquam eos in aream ingressos vident, funes attrahunt, piscesque in reti concludunt. Tum alter piscator, funem suum colligat, ut rete suspensum maneat, perque fibulas trabi utrinque infixas delabens, scapham suam ad trabem alligatam ingreditur, eamque solutam ad comitis sui trabem dirigit, qui funem suum paululum laxans, eum cum scapha in aream ingredi permittit: at ille ingressus, rete ab uno capite colligere incipit, & ita pergit, donec omnes pisces in unum angulum coegerit, atque illos in scapham recipiens, ad speculam suam regreditur, alios pisces expectans. Tali instrumento varia piscium genera indifferenter capiunt, uti Sphyrenas quas Galli Narbonenses Pesescomé appellât, Melanuros, Lampugnes, Palamides, Cholios, Auratas, Synodotes, Salpas, Sargos, Mullos, Cuculos, Percas, Saurides, Manas, Saurides aliosque similes, pro diuerso anni tempore: sed praesertim aestate quando malacia est, nec venti mare turbant. Nam per tempestates, excubiae pisces adnatantes adeo commodè obseruare non possunt, ut cum mare placidum est & minimè turbatum.

CAP. LXXIII.

De aliis piscandi in Propontide rationibus.

MULTAE sunt praeterea aliae piscandi rationes in Propontide, quae omnibus etiam nationibus communes sunt, ut sagena, quam Galli Traine vocant, quae omnium est securissima sine facilima, & aliis nationibus etiam nota. Sed quoniam nulli huius maris piscatores subere vtuntur, ut in Oceano & mari Tyrrheno; nonnulli vulgo cortices quosdam leues suberis vice usurpant, uti ex pino & pinastro, quos ex Ponto aduehant: plerisque alius cucurbita in usu sunt, ut in Macedonia lacubus. Saepenumero de industria Constantinopoli egressi, Pisc-

Piscatorum Perensium scaphas ingressi sumus, eosque comitati, ut pisces qui ad littus insularum Proconesi & Besbici, atque in Montanea sinu capiuntur, observaremus: nam simulatque multos pisces ceperunt, domum redeunt, & eos Constantinopoli diuendunt. Piscandi per Tratte vel Traine, hoc est, sagenā, ratio eiusmodi est: Binis scaphis opus est, & multis funibus ad rete necessariis: littus praterea in quo piscari volunt, aequale sit, & a scopulis liberū: deinde rete explicantes in mare abiciunt, singularum deinde scapharum funes extremis retis partibus alligantur; tum piscatores cymbas suas ad littus dirigunt, rete versus continentem post se trahentes. Quod si funes breuiores sint, quā ut ad terram pertingere possint, remis cymbas impellūt, donec ad littus perueniant: funes autem eiusdem longitudinis esse, eosque equaliter trahi necesse est. Cū iam ad littus peruenerant, cymbis suis, quae circiter viginti passus ab inuicem distant, egrediuntur, atque rete equaliter trahere incipiunt; ex nodis enim qui in funibus sunt, intelligunt utram in partem rete sit magis adductum; hoc sibi mutuo indicant, ut equaliter trahere queant. Cū rete vicinius sit, tum piscatores etiam paulatim contra gradiuntur: cūque iam ad extremos funes peruenerant, tum omnes rete trahunt equaliter illud ad terram ducendo: deinde cū ad retis imum sine sacculū peruenerunt, diligenter animaduertunt ne pisces sub rete elabantur. Si polypos ceperint, illorum brachia diducunt & explicant, atque dentibus eorum rostrum, quod psittaco simile habent, confringunt; nisi enim occiderent, e cymba effugerent. Captis murenis, illarum cervicem ferreis forcipibus apprehendunt, atque fusto os & maxillas confringunt, totūque corpus contundunt: nam si manū eas apprehenderent, morsu ab illis appeterentur, quoniam oblongum habent rostrum, magnasque dentes instar

aculeorum. Captis pastinacis, illico caudas præcidunt, quod nostri Oceani piscatores haudquaquam faciunt, qui illas cum suis aculeis Lutetiam & Rotomagum transportari curant. Licet autem hæ pastinacæ nullum nomen Gallicum adhuc inuenerint, Parisienses tamen Raias appellant, quod Ratis similes sint. Omnia ferè piscium genera denique capiunt præter Scarum, quem ab illis minimè capi scimus. Alia est præterea cū quadrāgulo reticulo piscandi ratio, quæ iis duntaxat qui littora Constantinopoli vicina accolunt, in usu est, illisque præsertim qui ad sinistram habitant, versus Hariadeni siue Anobarbi sepulchrum. Nā omnia Hispanica mancipia, quæ libertate donata, Turcicam religionem amplexa sunt, ad Propontidis littora sese contulerunt, atque istic elegantia ædificia exstruxerunt, atque hortos instituerunt: quoniā Turcarum Imperator quasdam immunitates & priuilegia concessit iis qui in ora maritima ædificarēt. Eā ob causam supra tigna terræ infixæ, atque saxa usque ad marinam aquam aggregata ædificia exstruxerunt: nam, ut antè diximus, Ponticum mare, Propontis & Hellepontus, magnāq; Aegi maris pars, nullum penitus habent refluxū, sed perpetuum profluentem. Rete porrò illud cuius modò meminimus ad minutulos pisces capiendos duntaxat utile est, veluti Atherinas, & Cabassons Massiliensibus dictos, Romanis Lanarona, aliosq; minutos pisces qui littorè gaudent, quique maiores non euadunt: quæ de causâ eius macule sunt admodum exiguae. Simile esset Truble, nisi longè maior esset ipsius tela quàm illius cuius in fluminibus usus esse solet. Eius quatuor anguli affixi sunt lignis incuruis, & crucis instar transuersim dispositis, quorum medio affixum est manubrium siue pertica, quæ trabi erectæ, & in summo, furcæ instar cauæ, incumbit, & quasi in æquilibrio pendet, sic ut reti in mari demisso, extrema altera manubrij pars sursum attollatur: huic verò appen-

sus

sus est funiculus, quo deorsum tracto, rete ex marinis aquis subleuetur: tum pisces reticulo comprehensi, in aëre pendentes manent. Piscationis in Propontide commoditas & questus adeo Constantinopolim auxit, ut undique in circuitu pagi exstruantur. Congri istic minus frequentes sunt, quam in Oceano: sic etiā eorū capiēdorū ratio diversa est. Nam quoniam Oceanus defluit, piscatores scopulos accedunt, ibiq; pisciculos sub lapidibus latitantes reperiunt, quos maris fluxus in sicco reliquit, nomine Exocetos: hos hamis infigunt e gemino funiculo appensis, funiculos scopulis alligant ante quā marine aque restuant. Cū deinde marina unda scopulos contexerunt, congrī, taie, caniculeq; marine, hanc pisciculorum escam inuenientes, eā cū hamis torāt, eaq; ratione scopulis alligati remanēt. Marinis postea undis recedentibus, piscatores ad escam reuertuntur, piscesq; in sicco relictos reperiunt. Natura hunc pisciculum exocetum in eiusmodi escae usum commodē formauit: nam ut in sicco herere, & sub lapidibus sine aqua latitare gaudet, sic piscatores eum inuenire norunt & in suum usum capere. Eam ob causam veteres Græci Exocetum nominarunt: recentiores Glinos appellant, quorum nonnulli in Propontide sunt, cristam in capite galli gallinacei instar ferentes. Quoniam verò magnis dentibus præditi sunt, & acriter mordent, Comasco incole ad Padi ostia, Vulpē nominant, Massilienses Bauecque: at noster Oceanus nullum illi vulgare nomen adhuc indidit. Altera piscandi rationantis vulgaris, eorū præsertim qui in triremibus & onerariis nauib; versantur, est quod nunquam sine retibus nauigent: quorum duo sunt genera. Alia enim in aqua explicantur atque ex subere suspensa manent, nulli rei affixa: alia gemina sunt atque duplicia, in quorum maculis pisces per marinas aquas oberrantes, sæpissimè sese implicant, atque capiuntur.

De ratione piscandi noctu ad lumen cum tridente: de quæ va-
riis aliis in Propontide pisces capiendi rationibus.

PONTVS Euxinus, Bosphorus, & Propontis semper
in eadem undarum altitudine permanent; quorum ac-
cola piscandi rationem quandam noctu ad lumen obser-
vant, admodum quæstuosam, quæ eiusmodi est. Bini viri
cymbam siue nauigiolum leue & exiguum occupant: al-
ter binis remis hinc inde dispositis cymbam impellit: al-
ter in extrema cymba genubus innititur, tedamq; accen-
sam habet, ex cymba ora prominentem; quæ quoniam pi-
scatoribus vulgari in usu est, per fora venalis inuenitur,
atque vulgo Dadi appellatur. Qui huiusmodi piscatio-
nem instituunt, Luna splendorem non desiderant: nam
quò obscurior est nox, eò piscatori commodior. Is porrò qui
genubus innititur, fuscina quinque aut sex furculis con-
stantem manu tenet, & sedulo in aquam oculos intentos
habet: si piscem quiescentem observat, manum subleuat,
comiti, ut cymbam aliquantulum promoveat, aut retro
impellat, manu aperta aut clausa innuēs: eius etenim co-
mes huiusmodi signis intelligit quò cymbam impellere de-
beat. Sermones inter se cōmiscere illis non licet: nam æ-
ris in aquam repercussio, ad dormientium piscium aures
penetraret, illiq; excitati fugerent: etenim nonnulli pisces
alijs alijs facilius audiunt. Eapropter adeò lentè cym-
bam impellunt, & leniter remos aqua imponunt, ut pisces
non exaudiant. Necesse est etiam deligere tempus nullo
flante vento turbatum, placidum mare, & locum non ad-
modum altum: pisces enim non libenter quiescunt alto
gurgite, tamen si quiescendo terram attingant, aut alicui
saxo incumbant. Eos autem non minus quàm terrestria
animalia dormiturire certū est: nec desunt qui eos rōchos
ducentes exaudierint. Nam quandoquidem nulla ani-
malia cerebro pradita, sine somno vitā traducere queunt:

sic

sic pisces cerebro präditos somno refici necesse est. Quod
 Plinius Aristotelis auctoritate fretus scriptum reliquit:
 tametsi Actuarius Auctor Græcus dormiendi appeti-
 tum in ventriculo collocet. Piscator igitur dormientem
 piscem animaduertens, magno impetu tridentem siue fu-
 scinam in eius dorsum vibrat, prout videt piscem vel sibi
 rectè oppositum, vel obliquum: tridens qui hamis recur-
 nis constat, piscem figit, atq. in cymbā attrahit. Ea piscan-
 di ratio ad lumen cū tridete, ad polypos, loligines magnas
 & paruas capiendas maximè est accommodata, tñetia ad alios
 omnis generis pisces squāmis präditos, veluti lupos, um-
 bras, mugiles, synodotides, erythrinos. Hamo etiam piscā-
 tur in hunc modum: Ducentos aut trecentos hamos longa
 quadam serie ex fune quem cucurbitæ sustinent, penden-
 tes disponunt, quibus escam è carnibus aut piscibus con-
 stantem affigunt: eum deinde funem noctu ad integrū vel
 dimidiū milliare in mare deferunt, isticq. tota nocte relin-
 quunt, ut pisces qui cibum querunt, quales sunt murena,
 squatina, canicula, raia, atq. alij similes, hamis capti hæ-
 reant. Postridie mane, nisi tempestas impediat, hamos,
 quos è longinquo propter adnexas ingentes cucurbitas sta-
 tim agnoscunt, repetitum eunt, & prædam domum refe-
 runt. Quædam vrbes Italiae sunt, in quibus unicus vir
 quinque aut sex lineis eodem tempore piscatur, quas
 in pontium ligneorum rimis infigunt: nam dum escam
 ad unam apponendo occupatus est, reliquæ trabium
 rimis infixæ, tantundem præstant, atque si ipse pesca-
 tor eas manu teneret: nam interea dum piscis in una
 capitur, reliquis escam apponendi ocium habet. Scom-
 bros in Propontide capiendi ratio plurimum ab ea
 differt quam in Oceano usurpant. Nam qui Scom-
 bros in Oceano capere vult, lineas pendentes per tem-
 pestatem ducere debet: quanto etenim vehementior est
 tempestas, atque navis maiore impetu vehitur, tanto

L s

vberior.

170 P. BELLONII OBSERVATIONVM
uberior erit captura. At Græciam rationē non sequun-
tur, sed sagena duntaxat aut reti eos capiunt. Nullus pi-
scis frequentior in foro Constantinopolitano conspicitur.
Glanide: verū Indæi illo non vescuntur, quoniā squam-
mis caret. Vulgò etiam conspicitur Xiphias siue Gla-
dius. Turcæ, Græci, Indæi, & reliquæ Orientales natio-
nes Delphino non vescuntur, quem tamen Galli eo tempo-
re quo carnes interdictæ sunt, in delicijs habent, & vulgò
Marsoin appellant. Duorum verò est generum: nam
quem Oye appellant Galli, legitimus est Delphinus, uti in
libro 1. de Piscibus abundè demonstrauimus. Certum est
nostros Celerinos eos esse quos reliquæ nationes Sardinas
& Sardellas appellant: omnes enim notas cū in Propon-
tide tum in Oceano examinauimus, nec ullam inter eos
differentiam inuenimus, præterquam in sola magnitudi-
ne. Olim liquor quidam nomine Garū non minore in vsu
fuit apud Romanos, quàm nunc Acetum apud nos. Eum
liquorem etiamnum tam frequenti in vsu apud Turcas
esse deprehendimus, quàm unquam antea fuerit. Nulla
enim piscatorum officina Constantinopoli est, quæ eum ve-
nalem non habeat. Ij olim Cetarij appellabantur: at nul-
lum adhuc nomē Gallicum adepti sunt, nisi quis Haren-
niers illos dicere vellet: vulgarem tamen apud Italos ap-
pellationem inuenerunt: Romani enim Piscigaroli nomi-
nant, voce ex piscibus & garo formata. Piscigaroli Con-
stantinopolitani, magna ex parte in Pera habitant, & re-
centes pisces singulis diebus apparant, eosque frixos di-
uendunt, quos exemptis intestinis & auribus, muria ma-
cerant, & in garum resoluunt. Plurimum tamen inter-
est ex quo pisce garum fiat: nam ex solo ferè Trachuro,
quem Veneti Sura nominant, & Scombris, commodè fieri
potest. Garum veteribus tanti estimatum fuit, ut Plinius
exquisitum liquorem id vocarit, nec ullum penè maiore
in precio esse Romæ dixerit. Præterea ait, varij generis id
esse.

esse. Credimus quidem etiam ex piscibus squammatis parari posse. Vt autem demonstremus Iudæos ab omni antiquitate in victus ratione summa abstinentia vsos esse, ipsius Pliny de hoc garo scribentis verba in medium proferemus. Aliud verò ad castimoniarum superstitionem, inquit, etiam sacris Iudæis dicatum, quod fit è piscibus squāma carentibus. Nisi nobis constitisset, illos adhuc superstitiosè observare ne garo vulgari utantur, hæc non protulissemus. Peculiares etenim habent apparatus in eorum gratiam factos, quemadmodum confectum illud ex sturionum ovis, quod omnes Caniar appellant, adeò vulgare in Græcorum & Turcarum mensis, ut nemo sit qui eo non vescatur, exceptis Iudæis, quoniam sciunt Sturionem squamis carere. Sed qui Tana incolunt, quum magnam Cyprinorum quantitatem capiunt, eorū ova adempta ita salire norunt, ut optimè sapiant, atque ex iis Caniar rubrum conficiunt in Iudæorum vsum, quod Constantinopoli venundatur. Hæc omnia peculiariter descripta sunt binis libris, in quibus omnium piscium icones exhibuimus.

CAP. LXXVI.

De vetustis monumentis, & variis singularibus rebus quæ Constantinopoli conspiciuntur.

CONSTANTINOPOLITANA vrbs eo loco sita est, ut illa commodior ad Monarchæ alicuius magnificentiam in uniuerso orbe inueniri non possit: nam cam habet maris commoditatem, ut maior ab ullo mortalium requiri nequeat. Nihil illic antiquius conspicitur, quàm id quod Romani Imperatores, & deinde Græci istuc erigi curarunt. Atque hoc addimus, vnum Constantinum pluribus Antiquitatis ornamentis Romam spoliasse, ut Constantinopolim ornaret, quàm viginti alij Imperatores centum annorum spatio exstruxerint. Quidquid etiam istic elegantis atque vetusti operis conspicitur, olim è Roma

ma transuectum fuit. Inter alia columna est ex porphyritico lapide, non procul à D. Sophia templo. Est præter hac Hippodromus, opus magnificum & sumptuosum, in quo duo sunt obelisci; quorum alter marmoreis lapidibus ferro & plumbo colligatis constans, olim arcis laminis inauratis tectus fuit: alter, nec is integer, ex Ægypto est aduectus. In eo etiam est aeneus serpens, opere fusili, ingentis magnitudinis, columna instar erectus. Constantinopolis septem montes murorum ambitu non minus claudit, quam Roma. Triplici muro cincta est, sed eodem tempore eos non fuisse exstructos apparet: nam pleraque marmorearum columnarum fragmenta interiecta conspiciuntur, quæ indicant id festinanter factum fuisse. Diua Sophia templum pulcerrima est omnium structura, quæ adhuc permaneat, longèque superat Romani Pantheonis structuram: nam tota templi interior pars in fornices exstructa est, easque superiore parte patentes, & lucem admittentes, quæ columnis è selectissimo marmore variorum colorum confectis sustinentur, suntque in eo templo (si licet dicere) tot portæ quot in anno dies. Quoniã verò in Turcarum phanum siue Mesquitam cessit, Christianis id ingredi non licet: iis tamen & Iudeis toto corpore in templum prolato ex ipsis portis interiora spectare permissum est. Quisquis id templum viderit, Romanum Pantheon, vulgo S. Maria Rotunda appellatum, admirari desinet. Imo miramur Pantheon adeo extolli, tametsi eius structura tanto quæ prædicant artificio non constet: nam quilibet vilis etiam murarius faber facile & ex tempore eius structuram animo concipere potest, quandoquidem eius basis adeo firma, atque muri adeo densi sunt, ut difficile nobis non videatur fornices peruiam superedificasse. At D. Sophia templi alia est sanè structura: foris quidem cocto latere uti Pantheon exstructum, & interius marmore incrustatum: Pantheon verò ex omni parte solidum cum sit

& crassum: Sophia contra templum amplum est & late patens, & tenui materia undique exstructum. Turca ad eius exemplum suas Mesquitas edificarunt; nam circiter sex admodum splendide & magnifice quae intra centesimum annum exstructae sunt, omnes ad D. Sophiae templi exemplar sunt factae. Vetusti cuiusdam palatii rudera conspiciuntur, quod vulgus Constantini palatium appellat. Turcarum Imperator in eo suos elephantos atque alia mitia animantia alit. Vicinus Hippodromo locus est, qui vetustum templum fuit, in quo Imperatoris Turcici fera animalia adseruantur: ad huius singulas columnas, leones alligati sunt, quod profecto sine admiratione conspiciere haud potuimus; quandoquidem illos soluunt, manibus tractant, denuo alligant, atque nonnunquam per urbem etiam circunducunt. Quandoquidem porro omnes Turcarum Imperatores, quantumvis etiam barbari fuerint, singularibus & raris animalibus delectati sunt: sic etiam omnes provinciae quibus Turca imperat, si ferum aliquod animal capiant, Constantinopolim id mittunt, quod Turcarum Imperator ali & sedulo curari praecipit. Istic catenis alligatos vidi Lupos, Onagros, Erinaceos, Histricos, Ursos, Lupos cernuarios, & Lynces: imo minuta animalia istic etiam sedulo aluntur, qualia sunt Pontici mures Latinis, Ermines Gallis dicti. Erant praeterea bina animalcula, felibus adeo similia, ut ab his differre nisi magnitudine non viderentur, his tamen veterem appellationem adaptare nullam potuimus: Aliquando Lynces esse existimauius, quoniam pantheram pro lynce sumebamus, tandem imaginari nequimus, quenam essent animalia. Mirum sane est eos adeo leniter omnia haec animalia curare, ut ea maxime domestica reddant: imo ipsas etiam Genettes Gallis nuncupatas, quas libere per



per ades vagari non minus quàm feles permittunt.

Quoniam autem Pera & Constantinopolis unica fere urbs sunt, soloque portu diuisa, saepe idcirco traiciendum est. Eam ob causam frequentissimi inueniuntur nauticularij, qui homines hinc inde transuehant, uique magna ex parte misera sunt mancipia. Qui verò e nauibus in officinas onera transportant, omnes fere sunt Aegyptij, octoni aut deni simul coniuncti proficiscentes: nam cum plerumque magnas grauesque sarcinas, quales sunt quae nauibus vehi solent, educere, atque etiam vasa vino plena portare debeant, illa gestare solent pendula, eandem vocem & similes accentus personantes simulque equo passu gradientes. Multi sunt Constantinopoli opifices, varias artes mechanicas exercentes nobis ignotas: cum enim typographica careant, omnes in papyro expolita & leuigata scribere solent, quae apud illos non conficitur, sed ex Italia aduehitur. Qui papyrum leuigant, asserem sibi comparant ex buxi fragmentis simul glutinatis constantem, nonnihil interiore parte concavum, cui papyrum leuigandam

dam imponunt; deinde chalcedonium lapidem siue iaspidem per medium baculum cubitalis longitudinis traiciunt, cuius extremitatibus manu apprehensis, papyrum buxco asseri impositam lapide confricant, atque expoliunt. Turcæ suos enses, quos Cimeterres appellant, gestare gaudent, non lucidos ut nos, sed damasquinatos ut vocant, hoc est, utrinque subcaruleos: eam ob causam armorum expolitores ammoniacum salem cum erugine aris in aceto macerant in vase aliquo, cui ensis mucronem imponunt, eumque rectum tenentes, illam mixturam integro die per eum destuere sinunt; nonnihil etenim exedit ferrum siue chalybē radiatim secundum ensis longitudinem, cui magna venustas postea accedit cum expolitus fuerit. Qui cultorum & ensium vaginas conficiunt, magna industria corium quasi granis quibusdam obstitum parare norunt, ut alias dicemus. Apud Turcas, nobiles gemmæ non minore, imo etiam maiore sunt in precio, quam apud nos: atque plura genera apud illos inveniuntur, quam apud nostros gemmarios; è quarum numero ea est quam spurio nomine Lachrymam cerui nominant, & alia Sultan Meheurre dicta: sed de his alias plura. Plurimæ sunt officinæ, quarum domini solis lineis telis vario colore depingendis sese & familiam alunt: qui quoniam suum opus subito & magna facilitate peragunt, eius modum hic declarabimus. Primum omnium telam vel xylinam vel lineam, pulte ex amylo facta inducunt, eamque siue ea flavi, siue cerulei, siue alterius coloris sit, validè extendunt, & lenigant atque expoliunt: ligneam deinde formam elegantibus aliquot flosculis insculptam, colore inducunt, (quemadmodum opera typographica solent) quam lineam telam ita tensam imponunt, atque premunt & fricant, atque hac ratione pergentes, elegantes operas sine molesto labore absolunt. Musicum instrumentum apud Turcas inuenitur ex arundinum calamis confectum, quod inflatum, non minus elegantem reddit harmonio-

harmoniam quā Germanica fistula. Turcā quendā ante Domini Aramontij ades transeuntē, & hoc instrumentū inflantē semel audientes ego & reliqui qui in legati triclinio erant, Germanica fistula ludere existimauimus: sed ē fenestra prospiciētes, obseruauimus instrumentū id, eadē ratione confectū, qua fistula eorū qui animantia castrare solēt, sed viginti quatuor calamis constare, cū illa decē & octo solūmodo habeāt. Qui ipse nō audiuisset, vix credere posset ex tā vili & sordido instrumēto, adeo suauē harmoniam prodire posse. Qui visitare volet eorum officinas quę Constantinopoli cultellis manubria adaptant, magnam varietatem dentiū & cornuū animantiū conspiciet: nos enim istic bubalidis, & gazellarū & aliorū variorū animalū cornua obseruauimus ex Pōti Euxini littori vicinis locis delata: duo pręter hæc dentium, Elephantis videlicet, & Mors, Gallis Rohard vocata belluę genera; aliorum etiam animantium, quę vulgare nomen nondū inuenerunt. Qui legitimum Calamum odoratum desiderabit, in mercatorum officinis Cassabou serire requirere debet, & pro Acacia, Akakia pronunciare; Acacalis Kesmesen; Amomum Amama; ammi Ameos; Napellus Bisch; Saccharū Alhasos, Tigala; Harmel Armala; Ben albi & rubri radices Beben amer & Beben abias: nam quas Ben album & rubeum esse arbitramur, plurimum absunt à veterum descriptione. Hebulben semina venalia habent, quę nobis in usu non sunt, quemadmodum nec nux quadam gemini pugni magnitudine, paruis granis esui aptis atque ut auellane instar dulcibus plena, quam Coulcoul, hoc est, nucem de Coulcoul nominant. Qui Calamum aromaticum nostrarum officinarum expeteret, Acorum ab illis petendum esset. Colocynthide cui cortex sit ademptus, non vtuntur, sed integra, magno errore. Vbique venale reperitur Terebinthi granum viride, & eius resina dura. Bryon istic etiam venale est, à nostro

nostro arborum musco longè diuersum. Fallimur etenim qui nostrum muscum *Vsneam* esse arbitramur, eam ipsi *Vsnech* nominant. Auctores Ponticum Absinthium commendant: id in Constantinopolitanis officinis nō modo venale, sed et.ā usurpatum vidimus: sed omnibus notis cum eo conuenit quod in hortis alimus, in hoc sōlo differens quod Ponticum sponte nascens inuenitur. Quod nobis admirationis causam non lenem praeuit, plerosque in nostra Europa, id Absinthium in dubium vocātes, ineptam quandam herbulam *Abrotoni* potiùs genus, & nullius efficacia ei substituere maluisse, quàm vulgari uti, quod legitimum est Ponticum; simili errore implicati quo *Veneti*, qui legitimi *Hyssopi* loco, herbulam quandam, magna quantitate in *Foroiuliensis* prouincia montanis crescentem, in usum receperunt, potiùs quàm domestica & culta vterentur, leui & tenui errore in multo grauiorem commutato. Constantinopolitani, qui tam diuersis aromatum & simplicium medicamentorū generibus in suis officinis abundant, ut mera sit cōfusio, neq. siluestri neq. domestica *Hyssopo* vtuntur, nisi in penuria; *Thymū* etenim eā appellāt, sed eius loco inutilem quandam herbulam veteribus ignotam usurpant. Sic *Thymo Cretico* nō vtuntur, sed veram & legitimam *Hyssopum* colligunt, eiq. aliam substituunt. *Rhaponticum* nancisci qui volet, *Rhabarbarum* sibi demonstrari curet (nam id distinguere non norunt, sed vtrumque *Rhabarbarum* nuncupant) atq. radices oblongas & foris nigras, interius verò *Centaurij* maioris radicibus similes seligat. Certum etenim est, satis magnam esse inter *Rhabarbarum* & *Rhaponticum* differentia. Quoniā autem de vtroque, tum etiam de omnibus animalibus, plantis, & medicamentis in Commentariis quos Gallica lingua in *Dioscoridē* scripsimus, agemus; hīc subsistemus, atq. sinē priori libro imponemus.

M

PETRI

PETRI BELLONII CENOMANI

*Singularium & memorabilium Rerum, per
varias exterarūq; Regionēs obseruatarum,*
LIBER SECVNDVS,

LECTORI.



VT plurimas Narrationes Peregrinationū legimusvariorū hominum cū recentiorū, tum veterū, qui terrestria & maritima itinera confecerunt: sic etiam deprehendimus eos qui de his agere voluerunt quæ ignorabant planeq; illis erant incognita, sæpenumero vanitatis & mendacij argui. Exemplum proponemus eius rei quam nunc Mumiam vocant: de qua nonnulli nimium sibi tribuentes, bonarūq; literarum, & naturalium rerum ignari, prodere non sunt veriti, eam conflare ex humanis cadaueribus, arena submersis in Africæ & Arabiæ desertis. At cū singulas res quas in Ægypto obseruauimus, describemus, Mumiam lōgè aliud esse quàm quod vulgus censeret, demonstrabimus, eamq; nec Græcis nec Latinis ignotam fuisse. Itaque hunc secundum Librum scripturi, nihil nos in eum relatuos profitemur,
præter

179
præter ea quæ nostris oculis obseruauimus,
aut veterum auctorum testimoniis pleraque
eorum de quibus acturi sumus, confirmatu-
ros. Et liberum nobis esse existimâtes, ea quæ
nobis sese obtulerunt examinanda, plenè de-
scribere; nihil dissimulâtes, liberè nostrâ sen-
rentiam protulimus. Ceterùm quoniam fa-
uor & auctoritas Domini de Fumet, nobilis
Cubicularij Regis Galliaë, in istarum rerum
obseruatione plurimū me luuerunt; ingrati-
tudinis notam nullo modo effugere possem,
nisi liberè faterer, multū me ipsi debere: nam
multarum rerū notitiā adeptus sum in ipsius
peregrinationibus, in quibus magna humani-
tate erga me usus est. Ipsum Constantinopoli
inueni, cū istic Regis Henrici I. ad Turca-
rum Imperatorem Legati munere fungere-
tur; qui magno fauore illum prosequutus est:
nam illi aliquot ex suis Aulicis adiunxit, qui
illius curam haberent, atque securè deduce-
rent per omnes quas vellet adire prouincias
ipsius Imperio subiectas. Itaq. comitibus ma-
gni nominis Nobilibus Gallis, atque etiam
lanissaris, Chaous, & interpretibus, honorifi-
cè absoluit longas & difficiles peregrinatio-
nes per Turcicas prouincias, vt postea vide-
re licebit.

M 2

CAPVT

CAPVT I.

Peregrinationum quæ mari peraguntur, incertum
tempus esse; atque de Constantinopolita-
no itinere in Alexandriam.



QUO *marino itinere peregrinationem susci-
pere volunt, nullum certum tempus præscri-
bere possunt: quoniã, cùm nauigationes ven-
tis sint obnoxia, sæpenumero contingit, naues
magnas vel paruas, quæ velorum vel remorum beneficio
aguntur, triremes, vel onerarias, quæ vento secundo, octo
dierum spacio iter absoluerint; aduerso tempore, vix bi-
mestri illud conficere posse. Verum quidem est, nauitã qui
nauigationem instituit, eius tempus posse computare; at il-
lud certò constituere non potest: quoniã si secundi sint vèti
ad nauigandum quo iter institutum est, breui illud confi-
cere poterit. Nobis contigit ut triam & decem dierum
spatio, è Propontidis freto Venetias perlati fuerimus, in
quod iter nonnunquam sex menses sunt impendèdi. Nunc
autem descripturi iter è Constantinopoli in Alexandriã
Egypti, nostrum est demonstrare, Arabum naues &
præsertim Aegyptiacas, certum anni tempus habere, quo
è Constantinopoli in Alexandriam nauigare solèt: id au-
tem fit circa Augusti finem; nam Septentrionales, venti
diutius in eadem statione permanent Septēbri, quàm vl-
to alio anni tempore. Ne igitur tam commodã nauigandi
occasionē negligant, pleraq; naues Constantinopoli tunc sol-
uere solent in Aegyptum nauigatura. Qui verò ex Ale-
xandria Cōstantinopolim proficisci cupiunt, sub vernum
tempus discedunt: nam Australes venti constantius flant
vere, quàm reliquis anni partibus. Vela igitur explican-
tes solnimus cùm iam aduersperasceret, totaq; ea nocte &
sequenti die nauigantes, secundo vento boreali vecti su-
mus, vnius diei & noctis spacio totam Propontidē emensi:*

eo nomine appellatur illud mare Constantinopoli vicinū, quod binis Bosphoris clauditur, binosq; Sinus habet; unū Montania, olim Nicopolitani dictum; alterum Nicomedia, veteribus Astacenus appellatum. Sequenti igitur primam noctē die, plano aequore vecti, Phrygiam ad sinistram & Thraciam ad dextrā relinquētes, Propontidem emēsi sumus, quae montibus undiq; cingitur, nec admodum lata est: nam si quis in media Propontide navigaret, facile continentem circumquaque conspiciere posset, atque multas insulas quas supra enumeravimus. Tercio die manē Callipolim appulimus, ubi constitimus & anchoras in Sinu fiximus.

CAP. II.

De veteribus urbibus in Propontidis littore sitis in Thracia: & de Callipoli.

CALLIPOLIS à Byzantio distat quatuor dierum itinere, hoc est, circiter triginta sex miliaribus, nec ullum pro magnis naubus portū habet. Verum quidem est, Sinum habere satis capacem: sed & tota Propontis & Hellespontus, ut verum fateamur, Sinus propemodū dici possent: nam ubique fundus inuenitur. Terrestri itinere Constantinopoli Callipolim proficiscentibus, & orā maritimam Thraciae legentibus, quatuor veteres urbes accedende sunt, vetus nomen etiam hodie retinētes, nullo tamen muro clausae; ut nec reliquae urbes per eas provincias quibus Turca imperat. Prima est Selymbria, nunc Selibria dicta, ubi portus est nauticarum capax, & sinus pro maioribus nauigiis. Secunda est * Heraclea olim Perinthus, elegantem & capacem portum habēs pro onerariis naubus & triremibus. Tercia est Rodosto. Quarta est Callipolis, nunc Galipoli, oppidulum nullis mœnibus cinctum, isticque Propontis desinit, & Hellespontus incipit: nam uniuersum illud fretum à Callipoli ad Aegaeum mare usque, Hellespontus appellatur. Turca

eam nunc consuetudinem obseruant, quod omnes naues cum magna tum parua, cuiuscunque regionis, fretum egredi volentes, sisti hic debent, & earum naucleri Callipolitana praesidia conuenire, & licentiae diploma ab eis petere, quod in Bosphori alterutro castello representent. Verum quidem est, eam quae Constantinopoli licentiam acceperit, non debere Callipoli aliam expetere: sed fretum egredi volenti, illius licentiae diploma in alterutro earum castellorum praebere necesse est. Quaecunque oneraria naues ex Turcarum Imperio per fretum hoc egressurae, integro triduo anchoris fixis haerere debent, ut Turcae ocium habeant perlustrandi uniuersam nauem: nulla etenim ab hac visitatione immunis est. Veneti, Anconitani, Genuenses, Neapolitani, & Ragusaei id fretum nauigare solent. Et quoniam istuc clauis est, & primarius ex Turcarum dominio egressus quo mancipia effugere possent, eam ob causam adeo diligens istuc sit perquisitio. Extera nanis hoc fretum ingrediens, si secundo vento feratur, hic sistere necesse non habet, ut licentiam petat: quod omnibus nauibus liberè ingredi liceat, at egredi minimè: nam si forte fugitiuum mancipium in navi aliqua latens, aut aliud quidpiam ex Turcia efferri prohibitum deprehenderetur, grani pecuniae summa mulctaretur. Biduo Callipoli haesim⁹, & Augustiniani monachi monasterium accessimus, templum adhuc retinens iuxta Christianorum Latinorum normam, apud quem vidimus vitem fructu suo semper onustam, & ipse nobis affirmabat septies in anno fructum, eumque maturum praebere. Apud Callipolim in planicie, vetera quaedam Regum & Imperatorum Thraciae sepulchra in crasse cuiusdam & orbicularis metae formam exstructa conspiciuntur; quae colles quosdam referunt, quibus uniuersa Thracia abundat & inaequalis est. Procul proximam adhuc alia ipsis montibus imminet, apparet, sic ut colliculi montibus humana opera impositi videantur,

ut reuera etiam sunt. Callipolitanus portus admodum angustus est pro onerariis nauibus: at pro cataſcopiis, biremibus, myoparonibus, & Maonnis (nauigy genere quod Latinis Græca voce Hippago dicitur, quodq; transuehēdis ex Europa in Aſiam equis & Camelis uſurpatur) ſatis capax eſt. Huiusmodi generis nauium Maonne appellatarum, frequens numerus ſingulis diebus mane Conſtantinopolim appellit, quæ maxima ex parte à Turcarū Imperatoris prætorianis Ianiffaris ducuntur. Poſteriore parte aperte ſunt: eā ob cauſam equi & cameli ſine difficultate in eas tanquā in ſtabula ingrediuntur. Secundum portus oram triremes in ſiccum pertractæ ſuprà trabes ligneas impoſitæ, & aſſeribus tectæ, armamentarij marini in modum. Omnia eduliorum genera iſtic in foro uenalia non minus quàm Conſtantinopoli reperiuntur. Vrbs à Græcis, Iudeis & Turcis incolitur. Frequēs eſt iſtic traiectus ex Europa in Aſiam. Cūm Callipoli biduum hæſiſſemus, vela explicuimus, ut noſtrum iter proſequeremur: ad Caſtella perueniētes, ſecundo anchoras fiximus: namque (ut diximus) nulli navi, ſine extera ſine Turcica ea ſit, per fretum hoc egredi licet, quin primū Callipoli, deinde iterum ad Caſtellarum anguſtias anchoras figat. Si nauis ſue triremis mercibus onuſta, extera eſt, tri-duo integro iſtic herendum illi eſt, ut expeditionem exſpectet: at ſi Turcica eſt nauis, & ventus ſecundus adſet, hac prærogatina gaudet: (ne tempus illi effluat) ut primo die expediatur.

*Reſtius hīc Bellonius quàm ſuperioris libri cap. 68. ubi Perinthum nunc Rhodoſto dici contendit: nam Rhodoſto olim Ptolomæo. *Ῥόδω* & *Ῥαϊſſος* dicta fuit. Conſule Ortelij Theſaurū geographicum.

CAP. III.

Bosphori Thracici, Caſtellarum Seſti & Abydi, atque rudenum Scamandriæ deſcriptio.


CASTELLORVM fretum circiter quadrantem milliaris in latitudinem patet: in eo olim, ut & nunc, Seſtus

M 4

&

& Abydus sita fuere. Ex hoc Poeta fabulam de Leandro & Hero scribendi occasionem sumpserunt. Abydus in Asia est, paludoso loco sita, & quadrangula forma reparata. Muri castelli ambitus præaltam turrin quadratam antiqui operis adhuc permanentem comprehendit, quam Turcæ summa parte extulerunt atque bellicis tormentis munierunt. Ea non sunt rotis imposita, at humi iacent, validoque muro posteriore parte nituntur, ut nec introrsum ferri, nec antrosum progredi queant, eaque septem & viginti numero, omnia serie quadam disposita maris planiciem spectant. Quatuor propugnaculis admodum infirmis prædita est in quatuor angulis muri quadranguli: & licet hæc arx una ex clauibus Turcarum domini est, admodum infirma videtur; firmior tamen est quam Sestos: cumque maioris sit momenti, eam ob causam maiore quam Sestos cura & diligentia adseruatur. Saxa è quibus reparata est, è ruderibus vicine cuiusdam urbis desumpta sunt, quam antiquitus Scamandriam nuncupatam fuisse arbitramur in Asiæ continenti sitam; etenim dimidio duntaxat miliari abest à mari, & dimidij diei itinere à Castellis. Istic magnificarum quarundam structurarum eleganti candido marmore constantium rudera conspiciuntur, & columna omnis generis opere elaborata, tum plurima quadrangula & ampla epistylia. Sita fuit in colle, quem utrinque ambiunt maxima latæque planicies & elegantia prata, quæ hieme restagnant, at æstate sicca sunt. Istic vidimus ingens saxum summo artificio sculptum, viri armati effigiem referens, thorace secundum veterem consuetudinem vestiti, galeamque plumis exornatam in capite gerentis, quæ sub mento fibulis constringeretur, oblongum & erectum clypeum manutinentis, atque acinacem siue ensen falcatum gestantis, non corpori alligatum, sed è collo propendentem sub ala sinistra. Hanc structuram quod-
 dā

dam magnificum templum fuisse existimamus, alicui Deorum consecratum, cuius saxa, ut diximus, Turcae nunc ad mare deferunt, ad supra dictam arcem munendam deuehenda. Altera arx Sestos in Thracia Cherroneso sita est, ingenti & amplo pago à Gracis habitato, nomine Maito, vicina, in collis cuiusdam acclini, trifolij propemodum forma. Huius prima turris mediam arcem



occupans, tres hemicyclos simul coniunctos refert. Altera primam simili forma ambit. Murorum ambitus triangulari

laris est: primusque eius angulus monti oppositus, turrim in summo obtinens, quæ arcem ea parte propugnat. Ab hac turri mare versus progrediendo, protenduntur utrinque muri ad ipsum usque mare, mediam turrim comprehendentes: deinde secundum maris litus progredientes clauduntur; validisq; tormētis bellicis egregie muniti sunt, quæ explodantur (si necesse sit) in eas naues quæ sine licentia effugere, vel in Hellespontum vi percurrere vellent. Infirmior est Abydos, ob montem qui illi imminet. Qui per Hellespontum nauigant, montes pinorum siluestrium siluis obsitos conspiciere possunt, quarum tedam incolæ legunt, atque accendunt, quoniam instar candele ardet. Ex hac etiam picem nigram conficiunt, atque cedriam, à Gallis voce Arabica Quodra sine Quotram nuncupatam, ab Auenionensibus verò Cadecerbin. Quonia autem vilis istic est precij, exteræ naues eo appellentes, magnam eius quantitatem auerunt, atque interdum etiam ea sese onerant. Turcæ, cum admodum sit liquida, eam ouinis aut caprinis utribus excipere solent: precium in singulos utres dimidijs aureis. Multo autem liquidior est quæ in ligneis dolijs ex mortib⁹ Burdegala vicinis aduehitur. Ea olim Aegyptij sua cadauera conseruare solebant, unde id medicamentum conficiebatur quod Mumia vulgo appellatur, de qua postea plura. Nautæ nunc nauticos fines ea cedria illinunt, atque cum pice fossili Pissasphaltos nuncupata (ea supra Epidaurum nascitur) miscentes, simul colligunt, ut Pissasphaltos mollior & liquidior reddatur, cum sua natura exsucca sit, nec usui esse possit, nisi cedria in Phrygia parata commisceatur. Vt autem intelligi queat, quam nam arborem per Pinum siluestrem intelligamus, eius picturam hic exhibemus, licet eius luculentam historiam libro de coniferis arboribus dederimus.

Hellesponti & Propontidis littora, magnam Algæ latifolia quantitatem proiectam habent, quæ in marina-
scitur,

citur, ut in prato scenum. In-
ola eam in littore legunt, atq.
in pingui terra commiscen-
tes, suas ades illa contegunt:
cū enim oblonga, lata molliā-
que habeat folia, facile contor-
queri potest & terra misceri:
quandoquidē adium tecta pla-
na habent. Mare per has an-
gustias magno impetu fertur.

Hinc fit ut multa excrementa
in littus eiiciat non prorsus in-
utilia, veluti Alcioni quina-
tum genus à Dioscoride descri-
ptum, quod Samothracos, Im-
bri, & Lemni incolæ vulgari
lingua Arkeilli vocant. Huius



tanta quantitas in Besbico Propontidis insula paululum
sub Marmara sita inuenitur, ut naues eo onerari queant:
cū tamen admodū magno ematur in Venetis, aliarum-
que nationum officinis: at illud veteri nomine non appel-
lant; sed quoniam leue est, & spumam refert, Spu-
mam maris nuncupant. Nos istuc etiam Antipathos
inuenimus.

CAP. IIII.

De iis quæ apud Abydum obseruauimus.

ABYDO adiacet pagus, eo amplior qui Sesta vicinus
est: in eo cū effemus die martis, Augusti vigesima octa-
ua, magnam ciconiarum prateruolantium turmam vi-
dimus, quæ multorum iudicio trium aut quatuor millium
numerum explere poterant. Ex Russia & Tartaria ad-
uenire credebantur; nam Hellespontū decussatim trans-
uolabant. Hæ cū supra Tenedon insulam quasi perue-
nissent, diu in gyrum sese vertentes alie alias subsequen-
bantur.

bantur, atq. quodammodo in orbem sese composuerunt: & inde, antè quàm à Propontidis ostiis longius abscederent, plus quàm viginti minoribus turmis distributa; alia alias praecefferunt, omnes tamen versus meridiem tendentes. Abydenus ager Chamaleone nigro, uti Hellesponti litto-
ra, abundat. Incole ex Iberide, quam Graeci vulgari appellatione Serapidi nominant, scopas conficiunt. Plures quàm centum Turcae in nostra navi erant, qui è Constantinopoli in Aegyptum proficiscebantur: longè etenim bre-
uius est iter marinum terrestri, ut postea demonstrabi-
mus. Singuli viatores aureum pro vectura pendunt. Aegyptij mercatores diuenditis Constantinopoli merci-
bus, ne inanes naues in patriam reuehant, magnum via-
torum numerum Memphim aut alia Aegypti loca adire
volentium, recipere solèt. Nostra naue in Abydeno portu
harète, & donec omnia expedita essent expectàte, secundùm
riuulos quosdam aquae salae deambulantes, terrestris cu-
iusdã serpentis genus inuenimus, quod magna ex parte in-
terdiu in mari viuit, uti coluber in aqua dulci: sed nocte
in continentē quietis causa progreditur. Rubro colore quo-
dammodo praditus est, sed cui cinereus permistus sit.

CAP. V.

Troia rudera è mari esse conspicua.

AB arcibus mane secundo vento, quem nautae Maestromontano nominare solent, vecti, ex Hellesponti angu-
stis egredi cœpimus, & in Mediterraneum mare, quod
trium milliarium duntaxat spacio ab Abydo abest, in-
gredientes, Cherronesum ad dextram reliquimus; in qua
Promontorium est veteribus Mastusia dictum, ubi He-
cuba tumulus, & Protefilai sepulchrum erat: deinde
Imbrum insulam, quae Lesbos paulo minor est, celsiores ta-
men montes habet; valde etenim Thraciae littori vicina
est. Longius porro in mare progressi Lemnon insulam vl-
tra Imbrum sitam conspeximus; quae quoniam humilis
est,

est, nec altos habet montes, vix nobis apparebat. Secundo vento longius in mare delati, ad sinistram secundum Asia littora defleximus: nam si ad dextram nauigassemus, ab insula Chio canali, ad quem tendere oportebat, aberrassemus. Continentis Promontorio Capo de Ianizzari, quod veteres Sigæum nominarunt, viciniores facti, satis aperte cuiusdam vetusta arcis olim Caput Gymnesium nuncupata, rudera conspeximus, quæ eius vetustatem demonstrant. Eam è longinquo videre potuimus, quoniam in summo Promontorio exstabat. Huius arcis muri ex latere & tenaci intrita exstructi fuere. Ingentes istic sunt cisternæ, atque ampla penuria, quæ Troiam profecturi conspectum inimus: nostra navis cursum tenebat inter Tenedon insulam, quam ad dextram, & Troiæ rudera quæ ad sinistram habebamus.

CAP. VI.

Ruderum Troiæ descriptio.

TROIANA rudera procul aspicientibus satis apparent: nam urbis muri nonnullis locis adhuc supersunt. Quoniam verò ea terrestri itinere spectatū inimus; quid istic sit reliqui dicemus: deinde nostram navigationem prosequētes, quid etiā è mari cōspici possit, declarabimus. Qui Constantinopoli maritimo itinere illuc tendere vellet, ad Abydi angustias illi appellendum esset: nam dimidi diei itinere solummodo inde distant. His conspectis, cui cordi esset amœnam regionem videre, per montē idam in Phrygia, deinde per Olympum & Orminium regia via quæ Prusam urbem ducit, progrediendum foret. Mons Olympus pari propemodum cum monte Senis est altitudine, aditu tamen nequaquam adeò difficilis. Qui istac proficisci nollet, Calliopolim redire posset, deinde terrestri per Thraciam itinere Constantinopolim. Troia in collis cuiusdam acclivi sita est, qui è mari facile perspicitur: etenim secundum litus extenditur. Inter Tenedon
insu-

insulam & Troia rudera, inter bina promontoria transfimus: alterum infra Troiam, in conspectu Lesbi insulae, quod nunc Cabo Sancta Maria, olim Iarganum nominabant: alterum est in extrema insula Tenedo, isticq; ventus nostram nauem deseruit. Ad radices collis siue Promontoriij, quasdam fornices antiqui operis adhuc restantes vidimus, ex arenato & latere constantes: vidimus insuper duarum Promontoriij arcium rudera paulo infra, secundum littus maris, quae in vrbe incluse fuerant. Qui Troianum agrum incolunt, partim Graci sunt, partim Turcae, partim Arabes: omnesq; eam regionem Troada vulgò nuncupant. Non abs re Troiana urbis magnificentia (quandoquidē adeo ampla est) à veteribus Poetis fuit celebrata. Aedificiorum enim quae adhuc conspiciuntur rudera tam admiranda videntur intuentibus, ut eorum maiestas nō nisi longa oratione explicari queat. Murorum ambitus de urbis amplitudine satis amplum testimonium praebent: constabant autem ex magnis saxis, raris, & valde spogiosis, nigris & duris, forma quadrangula incis, quae ex vicini Promontoriij Assos nomine, latomii exempta fuerant, à quo Salpetra olim Flos Asiae petra dictum est. Exstant adhuc turrium quae in muris erant rudera. Itaque minimè credendum est iis qui omnia rudera interiisse referunt. Murorum qui urbem cingebant fundamenta adhuc apparent nonnullis locis suffulta columnis & fulcris binas orgyas latis. Quatuor horas in iis circumeundis insumimus. nūc equites, modò pedites. Extra murorum ambitum secundum regias vias videre licet magna marmorea sepulcra operis antiqui, ex unico lapide instar cistae excavata, quorum opercula adhuc integra sunt. Apparent & praedictarum duarū arcium rudera ex marmoreis lapidibus constantia, quae omnino corrumpi nequeunt. Quae infimo urbis Troiae loco est, secundum maris littus in longitudinem, duorum propugna-

pugnaculorum instar, extenditur: eius muri ex marmore
 cū albo tum rubro tessellatim composito constant. Altera
 arx in summo colle sita, ab altera muri parte in ipso urbis
 ambitu continetur. Ex hac uniuersa fere urbs, atq. etiam
 vicinus ager conspici potest: illius muri paulum extra ur-
 bis mœnia eminent. Postquam mœniorum ambitum cir-
 cumiissemus, interiora urbis obseruare cœpimus: sed ni-
 hil nisi rudерum confusa moles conspicitur: inter quæ tur-
 ris cuiusdam quadrilateræ basis occurrit ex quadrato
 lapide structa, magni operis, quam Phari cuiusdam quæ
 noctu nauigantibus lucem præberet, basim fuisse credimus.
 Inueniuntur insuper multæ cisternæ integræ, quibus aqua
 pluuia adseruabatur; quoniam toto illo tractu rari essent
 fontes, imo unicus duntaxat loco inferiore apud portum.
 Conspectiuntur etiam templorum quæ habitantibus istic
 Christianis exstructa fuerant, rudera, & magna adhuc
 murorum pars: in quibus marmorea sœxa, crucem scul-
 ptam habentia. Toties excisa fuit hæc urbs, ut nulla inte-
 gra remanserint ædificia: eam ob causam omnino deserta
 est, nec quisquam ibi habitare potest ob agri sterilitatem,
 & aquæ penuriam. Intra primum milliare in circuitu
 nullus est vicus, nullæ ædes, adeo sterile & arenosum est
 solum, quod raras admodum arbores fructiferas alit. Pro
 loci tamen natura Esculi arborum præsentis satis qua-
 stuosus est: nam vicini incolæ eius glandes adhuc teneras
 cum suis calycibus perticis decutiunt, ut apud nos inglan-
 des decutere solent, quas sub ipsis arboribus exsiccari sinunt,
 nihil sibi à suis, cum nullas alant, metuentes. Glandes
 deinde siccas colligunt, & in saccis reponunt, quibus ca-
 melos onerant, atque in proximas urbes uehant & ven-
 dunt, ut in Præsa & Callipoli. His coria parant, quem-
 admodum nos querno cortice comminuo, Aegyptij Aca-
 cie filiquis, Itali Myrti, Græci Rhois foliis. In hoc ca-
 paci rudерum ambitu, ampla est planicies, quæ nunc Xylo
 &

& Sefamo conferitur, quod Sefamum magnum censum
 adfert, quoniam Turca ex eo oleum exprimunt. Istic etiam
 Melonum genus serunt, quod rigatione non indiget: imò
 eius naturæ est, ut per integram hiemem sine corruptione
 conservari possit. Veri tamen sunt melones, & simul atq.
 à sua planta reuulsi sunt, aliorum melonum modo edi pos-
 sunt: in eo tamen differunt, quòd tota hieme, totaq; ferè
 proxima æstate conservari queant. Legitimos autem esse
 Melones asserimus, quoniã tota planta à nostratibus non
 differt, nec eorum sapor ab his quos apud nos alimus, ad-
 modum dissimilis est: non desunt etiam illis alij nostrati-
 bus similes. Aliud fructus genus istic serunt, quod Turca
 & Græci Arabica appellatione vulgò Copous nominant:
 Græci tamen antiquitatis studiosi, Chimonicha vocant:
 Latini verò, certa quadã Græca appellatione Anguria:
 Arabes, Napeca. Anguria tamẽ nomẽ improprie illi at-
 tributum est: nam Anguria nihil aliud est nisi cucumis
 nobis notus. Magni colossi Troiæ humi prostrati adhuc
 iacent operis antiqui; estq; locus non procul ab arce mari
 vicina, in quo magna marmoreorum saxorum copia est,
 quæ istic de industria congesta esse arbitramur, quoniam
 sine magno sumptu id fieri nequivit. Restant adhuc in
 mœniorum ambitu nonnullæ portæ ferè integræ, præser-
 tim ea quæ in colle ab arcis latere est, qua in planiciem
 egressus erat. Protenditur etiam oblongus & præaltus
 murus, quem antevides foris fulciunt, ex ambitu pro-
 grediens ad planiciem versus montem Idam. Altera por-
 ta per quã ad prata aditus erat, & descensus ad thermas,
 integra etiam est. Reliquæ portæ mare spectantes admo-
 dum corruerunt, paucæque restant earum vestigia. Co-
 lumnæ candido marmore inuenimus terræ quidem in-
 fixam, sed media ex parte procumbentem: quæ ab uno la-
 tere hanc inscriptionem habuit; sed vetustate adeo corru-
 ptam ut vix legi posset. Imp. Cæsar Mar. Aur. Anto-
 ninus

ninus Pius Felix Parthicus Maximus, Germanicus Maximus, Trib. P. I. Imp. xv. Cos. III. prouinciam Asiā per viā & flumina pontibus subiugauit. *Ab altero latere alia fuit inscriptio, cuius initium duntaxat legere potuimus.* Imp. Cæsar. Aug. Diocletiano regnāte. *De fluminibus Simoide & Xantho adeò à Poëtis celebratis, quæ Troiana prata rigabant, nihil aliud referre possumus; quàm adeò exiguos riuulos nunc esse, ut vix minurulos pisces, Loche Gallorū aut Phorinum alere queant: nam æstate omnino exsiccantur; hieme verò vix tantum aquæ ferunt, ut anser in iis natare possit. Nec mirum videri debet si hanc dubitationem de iis fluminibus mouerimus: nam nec Aristotelis tempore inueniri poterant: inquit enim cap. 12. lib. 3. historia Animalium: Scamander etiam amnis flauas reddere oues creditur: quam obrē Xanthū pro Scamandro nuncupatū ab Homero autumant. Disquirendū ergo an Scamāder & Xanthus idē flumē sint. Via quæ à Troia ad Thermas ducit, ad occidentē vergit; quīq. eò profisciscuntur, faciē versus Lesbō insulā obuertere necesse habent: ea autem à calidis aquis vix binis miliaribus abest. Tenedos etiā admodum vicina est: canalis etenim dūtaxat traiciendus est. Therma verò dimidio miliari à Troia tantū absunt: adeo frequentia sunt secundū eā viā sepulcra, ut iis quodammodò septa videatur; nā plura adhuc istic conspiciuntur quàm secundū viā quæ à Philippis Cauallam ducit. Græcorum autem esse videntur, quoniā Græcis literis inscripta sunt: licet etiā quedam Latinis, videlicet quæ Latinorum sunt. Viciniores Thermis facti, superbas structuras antiqui operis conspeximus, in quarum una Iulio legebamus, in alia Magistratus. Muxum illum quem ex murorum ambitu progredientem in tangum produci diximus, secundum urbem duntaxat sequuti sumus: eum tamen ad viginti passuum millia extendi, nostri itineris duces affirmant.*

N

bant.

bant. *Ut ut sit, praclarum quidpiam est, & propugnaculum aliquod fuisse aduersus continentē credimus. Versus Idam montem, qui binis solum tribusve milliaribus à Troia abest, protenditur, atque ad sinum Satelia peruenire referebant. Verum quidem est, cōtinuam haud quamquam esse eius altitudinem, sed quarta milliaris à Troia parte disiectum perruptumq; conspici: deinde tamen eandem quam apud Troiam habet altitudinem obtinere aiunt. Thermae porro tres aquae salae scaturigines habent, è quibus sal excoqui posset, quemadmodum ex aliis salis scaturiginibus. Quod facile ex eorum rinulis deprehenditur, quos solis calor aestate sale concretos reddit. De his intellexit Plinius libro 31. cap. 6. cum ait Larissa, Troade: nam locus ubi illae sunt, Larissa appellatur. Veteres fornices ex arenato & latere constructae adhuc istae restant: sed in earum una non lauantur; quoniam murus collapsus fontem obstruxit: leue tamen & temporarium tugurium exaedicatum est apud scaturiginem alteram ubi lauantur. Fornices autem illae non adeo magnifice constructae sunt, ut ad calidas aquas Tauri montis.*

CAP. VII.

De insula Lesbos, atque de Promontorio Sygax.

UT porro nostram navigationem prosequamur: cum è regione Promontorii Caeno Santa Maria nuncupati, olim Iarganum dicti, essemus; rudera vidimus veteris arcis, quam Achillis fuisse suspicamur: nam ingens terra tumulus instar collis cuiusdam adhuc est, & Achillis forsitan, quem Lesbii illi construxerunt. Nos eo die longius progressi non fuimus ab arcium angustiis, quam donec insulam Lesbos ante nos haberemus; lento etenim vento ferebamur. Subsequens ciuitas tranquilla fuit. Altero die nostrae nauis adhuc haec è regione arcis urbis Metelin totius insulae Lesbi primaria, à qua insula denominata est. Eius incolae Turcae sunt: sed qui rari inhabitant, eaque & vineta colunt, fere omnes Graeci sunt. Lesbium vinum ceteris
pra-

præfertur Constantinopoli, idque magna ex parte beluolum est. Ut verò saturatioris coloris reddant, ex Iudæorum doctrina ebuli baccas admiscere norunt. Alia vini genera quæ ex Chio & Cycladibus insulis Cōstantinopolim inuehuntur viliori precio venduntur quàm Lesbium, quòd etiā gustu ab aliis discerni potest. Lesbos Phrygia opposita est insula, quæ validos & robustos alit equos, licet humiles, Multi istic fiunt casei, atq. optimū frumentum nascitur. Ex hoc materia duorū generū abundè paratur, qua in pultribus suis Turca utuntur, Trachana & Bouhoirt, olim Crimnon & Maza appellata. Apud Turcas horū vsus est cum pacis tū belli tempore: quemadmodum in Romanis exercitibus Maza. eo die longè non sumus progressi: sed è regione eius scopuli hæsimus inter Chion & Tenedon, qui ob capræ similitudinem, quàm procul inuentibus repræsentat, vniuerso huic mari Aeginomen dedit: æi enim Græcis Capræm significat.

Tertio die thracias ventus nobis secundus esse cœpit: at quoniam lenis erat, Lesbi insula quam ad sinistram relinquebamus luttus duntaxat legebamus: eius castellum è longinquo prospicere potuimus, tum quoniam recens dealbatum fuerat, tum etiam quòd in edito situm sit: in insula occidentali parte situm est, * Tenedo insula aduersum, veteri more fabricatum, eamque ob causam infirmum. Vrbis portui adiacet eleganti & amplo, qui fidam omnibus nantium generibus stationem præbet. Is ventus toto die nobis secundus fuit, & longius à Lesbo progressis apparuit Psara siue Psyra insula, quam ad dextram reliquimus. Exigua insula est, Promontorio Phanae vicina, quæ onagros siue asinos feros alit, ab his qui in campestribus Assyriae aluntur diuersos, & alium aërem non ferentes; namque aliò transuelli pereunt. Promontorio Mastichi veteribus Phanaa nuncupato desinente nobis apparere, idem ventus sub vesperam paulo vehe-

mentior factus est, qui sub noctis crepusculum non procul à Chio nos impulit. Per fretum vecti sumus inter Chion & Magnesia cuneum, cui adeò vicini facti fuimus, ut facile lapidem è nostra navi in continentem conicere potuissemus. Ea verò Magnesia, minime illa est quæ in Thes-salia Meandro amne alluitur, quindecim miliaribus ab Epheso distans: sed Chio vicina, nobisq; ad sinistram sita, Chios autem ad dextram. Præcelsum Chii montem nomine Pellenæum infra nos reliquimus, peruenimusq; Chion, in cuius canali noctu hæsimus, diem expectantes.

*Bellonius hallucinari videtur hoc loco: cum Lesbi occidentalis pars, Tenedos, quæ ad eius Septentrionem spectat, aduersa esse non possit, secundum geographicas tabulas.

CAP. VIII.

Brevis descriptio eorum quæ in insula & urbe Chio obseruauimus: solaque in ea Insula Mastichen inueniri.

Ex superius enumeratis diebus liquet, bidui duntaxat navigatione opus esse, ex Hellesponti freto in Chion insulam, si secundus ventus aspiret: quandoquidem tertio die nos eo appulimus. Simul atque illuxisset, ex nave descendimus, ut urbem conspiceremus, quæ exigua est, & in littore maris sita ad montis radices, Orienti exposita & Natoliam spectans. Turcico Imperatori tributaria est, eique in singulos annos duodena aureorum ducatorum millia pendit, ut in suis immunitatibus eam conseruet. Angustum habet portum, sed satis commodum pro triremibus, aliisque generibus naviu minoru, & leuib. Maiores naues anchoras in ipso canali figere solent, nec portum ingrediuntur. Sola insula Chios inter reliquas Mastichen generat, tametsi Galenus lib. 2. ad Glauconem, Aegyptiacam mastichen commendat: hoc autem tempore scimus in sola Chio reperiri, ubi Lentisci arbores tali diligentia & cura excoluntur, ut non minores in eam resumptus fiant, quam apud nos in vinetorum cultura. Cum verò potiores incolarum huius insulae opes in Mastiche consistant: eam ob causam in Lentisci arboribus curandis maiorem adhibet diligentiam. Quemadmo-

duna

dū enim Olea & fructifera alia arbores curā & culturā expetūt: sic Lentisci, nisi necessaria cura adhiberetur, exigū gūmi prouentū darēt. Lētisci per Galliā Narbonensem, Prouinciā & Italiā nascētes, iis quæ in Chio crescunt sunt similes: attamen nullā Mastichē præbēt. Eruitur ex ea insula peculiare genus terræ virētis, æruginis æris colorem admodum referens, quam in Turcæ dominio terram Chiam nuncupant: attamen veterum terra Chia non est, sed Vitruuij Theodotion. Nulla urbs est in qua humaniores sint incolæ quàm in Chio. Nec locum aliquem sci- mus ubi suauior vitæ ratio haberi queat nostro iudicio, & in quo femina suauioribus moribus & elegantiore forma sint prædita. Celebrata olim pulchritudinis adhuc amplum testimonium præbent. Vt enim quadam nymphea huius insulæ ob insignem candorem vocata est Chione à vocabulo Græcæ χίων quod niuem significat: sic insula ab eadem nymphea χιος vocata est. Sed & viri in ea insula admodum humani sunt: licet quæ Græca insula sit: magna tamen ex parte Franko more, hoc est, Latino viuunt. Plurimi incolarū, Græci cū sint, & Græca viuendi consuetudine vti velint, cuiuslibet tamen viuendi rationem deligere permittunt quæ magis arridet. Vtriusq; religionis observatio plurimum differt. Nā qui veri sunt Græci, si quempiā ē suis Quadragesimali tempore piscibus sanguine præditis vesci videant, plurimū offenduntur. Quid illud est (inquier) an nō Romeos es? quasi dicerent, Nōne tu Græcus es? Nam qui Græcam religionem sectantur, Romei appellantur: qui verò Latinam, hoc est, Pontificem Romanum agnoscunt, Franki. Quoniam verò Græcis prohibitus est esus piscium sanguine præditorum in Quadragesima: si quis eiusdem religionis his vescatur, offenduntur, adeo suæ religionis observantes sunt. Chij autem cū partim Genuenses & Itali, partim Græci, & Turcæ tributarij sint, in solita libertate viuunt, quam il-

lis Turca conseruat. Ante quàm hæc insula in Turcæ potestatem veniret, Genuensibus omnino parebat. At postquam Turca eam occupauit, Genuensibus non adeò subiecta est, quin administrationem Reipublica pro sua voluntate gubernet, haudquaquam ex Genuensium arbitrio. Quemadmodum & Respublica Epidaurica, quæ similiter Turcæ tributaria est. Insulani partim lingua Græca, partim corrupta Italica, qualis est Genuensis, utuntur. Vestium autem forma & victus ratio Genuensium est. Mastiches proventus in ea insula tantus est, ut singulis annis Turcico Imperatori pro quaternis vel quinis millibus ducatorum pendant in deductione eius summe quam illi tributi nomine dare debet: & singulas centenas libras centenis quinis ducatis æstimant. Quidquid eius superest, sibi reseruant. Galli mercatores Mastiches precium idem perpetuò esse considerantes, existimant atque etiam referunt incolas, collecta eius certa quantitate, reliquam abiicere. Sed id veritati minimè consentaneum est: nam, uti diximus, magnas impensas in Lentisci fructibus colendis & curandis faciunt. Sed quoniam Turcico Imperatori singulis annis pro quatuor aut plurium millium ducatorum æstimatione pendunt, eius precium vel augere vel imminuere non licet.

Cessante Austro, qui nobis aliquamdiu aduersus fuerat, vela explicuimus, atque thracia satis secundo versus Alexandriam nauigauimus. Prima quæ è longinquo prope eximus insula, Icaria fuit, nunc Nicaria appellata, quam ad dextram reliquimus.* Exigua est insula, Reipub. Chia subdita, minimè lata, sed in longitudinem protensa, non admodum magnis montibus prædita, atque raris siluis, sed frumeto, & optimis pascuis pro ouibus abundat, è quibus ingentem caseorum numerum colligunt. Turcos portus habet hæc insula: atq. nisi pyrata huic (quemadmodum & plurimis aliis paruis & desertis insulis) negotium

gorium facerent, longè melius coleretur. Nā vilis etiam quisque pyrata eò appellens, atque in incolas impetum faciens, eos comprehensos, & in triremem coniectos, vi abducit. Paulo post procul admodum intuentibus Samos apparuit, quoniam præaltos montes habet. Deinde longius progressi, Ion inter Icariam & Naxon vidimus, in qua Homerum sepultum ferunt.

* Quæ hoc loco de Samo insula in Gallico exemplari inspersa fuere, sustuli, atque sub capitis finem reposui: alioqui non constabat sibi Bello-nius. Sed & Ion insulam malè collocare videtur inter Icariam & Naxon, si topographica tabulæ veræ sunt, quæ Ion longè infra Naxon reponunt.

CAP. IX.

De Insula Samo.

TAMETSI insula Samos ampla sit, utpote quæ quingenta & octoginta octo passuum millia in ambitu habeat: deserta tamen est. Mirumq; est eam ita negligi; quandoquidem olim adeò celebrata potensq; fuit, ut cum Atheniensibus decertare auderet: pyratarum metus eam adeò desertam reddidit, ut ne pagus quidem unicus supersit, eamque ob causam nulla pecora in ea aluntur. Orbicularis potius est quàm longa aut in latum extensa, & solo canali siue angustis ab Asia continenti separata est. Ea insula pars quæ Septentrioni & Occideti obiecta est, celsissimum præruptumque & scopulosum habet montem, qui olim Cercetius dictus fuit: suntque eius scopuli penè inaccessibiles. Nauta Græcus in nostra navi vectus, qui eam insulam perlustraverat, multos istuc conspexisse riuos referebat: nos enim (tametsi non procul à nobis esset) è navi duntaxat conspeximus. Præaltarum arborum nemoribus abundat, è quibus brevi temporis spatio pyratae naues sibi fabricare possunt, ad prædas in mari agendum.

CAP. X.

Disceptatio de pyratæ, eorumque definitio.

QUONIAM quid sibi hoc vocabulum pyrata velit, Mediterraneæ regiones non satis intelligunt, atque in

N 4

ipsum

ipsorum potestate fuimus; quid Pyrata sit, edocere volumus.
 Ut id porrò paucis demonstremus, quomodo sese sustenta-
 re queat, atque unde originem sumat; imaginandum est,
 tres aut quatuor viros nauigandi peritos, atque audaces,
 fortuna sese exponere; qui cum initio egeni sint, unicamq;
 nauiculam prädatoriam aut vilem dromadem habeant,
 pyxide tamen nauigatoria siue quadrante quod Bussolo
 vocant, präditos esse, atque bellico apparatu, videlicet le-
 uibus quibusdam armis ad eminus ferendum. Pro sua
 alimonia saccum farina secum vehunt, atq. nonnihil pa-
 nis biscocti, utrem olei, mel, aliquot alliorum & ceparum
 simul colligatorum fasciculos, & salis modicum, quæ in
 menstruum spacium sufficiant. Rebus ita cōparatis, mari
 sese exponunt, eò nauem dirigentes ubi quæstum facere
 sperant. Si ventus aduersus terram petere eos cogit, navi-
 culam in continentem trahunt, eamq; arborum ramis te-
 gunt: tum ligna securibus cadentes ignem struunt, placen-
 tiamque ex farina conficiunt, quam eadem ratione co-
 quunt, qua olim Romani milites in bello facere solebant,
 qui aream aut ferream laminam gestabant, qua binis la-
 pidibus imposita, ignem substruebant, sed supra extensa
 prius placenta, quæ ignis ardore incalescente lamina, per-
 coquebatur. Cum igitur ita parata omnia habeant, fieri
 non potest, quin uno aut altero mense optimam aliquam
 prædam nanciscantur. Quam si fauente fortuna adepti
 sint, breui opulenti fiunt. Vt ut sit, nulla adeò exigua præ-
 da illis contingere potest, quæ ad maiora illos aspirare non
 faciat. Quoniam verò hæc pestis adeò contagiosa est, ut
 vno die ex Asia in Africam transvolet; nemo est qui
 non magnoperè eam metuat, sibi que, quantum possit, ab il-
 la caueat. Id malum publicum est, quod continentis inco-
 las cogit ipsos in mari observare ea qua dicemus ratione.
 Nulla sunt in insulis siue in continentis littore montium
 inga, in quibus interdum non constituentur excubitores,

quæ

qui obseruent an aliquos pyratas in mari nauigantes conspiciant. Quod si nauem aliquam viderint, facile discernent sitne pyrata alicuius necne: nam tam dextrè dissimulare non poterunt, quin suspectos sese reddant. Semper enim latibula quæritant, hinc inde obseruantes, ut aliquem inopinatum opprimant. Si excubie eiusmodi naues in mari conspexerint, subito ignem accendunt; qui quoniam interdum conspici non posset, de industria materiam aliquam preparatam habent, quæ ingentem fumum excitet. Si plures naues conspexerint, variis locis fumum excitabunt: nam multi fumi plures naues conspectas esse indicant. His signis omnes vicinorum portuum incolæ admonentur ut sibi caveant. Reliquæ quæ in aliis montium ingis sunt excubie, priorum exemplum sequuntur, tametsi nihil aliud quam fumos viderint. Sub noctis verò crepusculum, luculentum ignem excitant, qui ab omnibus conspici queat. Nam ea nautarum est consuetudo, ut sub noctis crepusculum omnes ad ea loca ubi collocatæ sunt excubie, oculos conuertant, scientes excubias singulis noctibus lucidum ignem excitare, in securitatis indicium: idque appellant, littus marinum atque ipsum etiam mare nitidum & purum esse; ut contra cum multi ignes conspiciuntur, maritimam oram nebulosam esse. Quod si speculator binos ignes excitarit, duas hostium naues conspectas esse indicium est: idem fit de tribus, quatuor, aut pluribus. Quod si plures ignes excitarit quam ut eorum numerus supputari queat, indicium est tot eum conspexisse naues, ut eas numerare non valuerit. Illud ignis indicium omnibus locis tam in pace quam in bello obseruatur. Istud inuentum inter cetera Reipublicæ maximè utile est. Nam unius duntaxat speculæ exploratore opus est, ut uniuersam provinciam commonefaciat. Speculatoribus enim sibi inuicem respondentibus, is qui procul abest, non minus admonet eum qui longius adhuc abest, quam si ipsemet vidisset: idque unica eiusdem diei hora, ad plura quam centum quinquaginta

N S millia-

milliaria. Sed non est recens inuentum. Herodotus enim refert, Scyri incolas admonere potuisse Gracos plusquam triginta milliariis inde distantes, de tribus triremibus quas illis Xerxes ademerat. Similis ignis ratio non minus in Anglia observatur, praesertim belli tempore, quam in maris Aeger insulis. Nam ad unicum ignis signum in proximo monte editum, minus trium horarum spacio omnes vicina regionis incolae cum armis congregabuntur, cumq; singulae tribus sciant quò illis proficiscendum sit ad hostes reprimendos, eos à suis litoribus arcent, nec in litus descendere patiuntur. Hac omnia pyratae non ignorant: eam ob causam noctu plerumque navigant, atq; ad litus appellant loco is maximè opportuno, ut suū myoparonem in litus pertractum ramis tegere queant. Interea ocium habent insidiari iis qui è pagis adveniunt, sine pasceendi pecoris gratia, sine aquandi, sine quidpiam aliud agendi; quos statim comprehendunt, iisq; compedes iniicientes ad remos impellendos utuntur. Si industrii fuerint, & bimestri solummodo spacio pyratice exercuerint, seges admodum fuisse eos necesse est, nisi duodena mancipia nacti fuerint: quorum numerum ea ratione augendo, sensim maiores naues sibi comparant, donec triremis alienius fiat domini. Quod si forte fortuna bina Pyratum turma simul societatem ineant: tum liberius grassantur; non minus enim hostes sunt sanguine iunctorum quam quorumlibet exterorum, nec ullo modo iis parcunt. Bini duntaxat pyratae impetum facere audebunt in Squirasse, Marciliane, Luc, & eius generis minuta navigia. At onerariam nauem adgredi non audebunt, modo aliquot tormentis bellicis praedita sit. Hac igitur ratione pyratae in mari grassantur, sensimq; potentiores facti, omnibus insularis sunt formidini, sic ut miseri rustici perpetuò in maiore metu versentur, quam auicula cui anceps insidiatur: nam dum quispiam maximè securum se putat,

putat, ab illis opprimitur: ipsique adeò piscatores. Atque ut huius rei exemplum adferamus. Cum in Paxo, olim Ericusa dicta insula essemus, nò procul à Corcyra, & cum itineris duce stirpes aliquas perquirerem, pirata eam nauem quæ nos eò aduexerat, cum ipsis nautis abduxerunt. Item alio tempore magna nauis oneraria Veneta Priola appellata, in portu cuiusdam insula maris Aegei fixerat anchoras, cui nomē Zia, olim verò Cia, comodū ventū expectans ut Constantinopolim proficisceretur: lembus quidā ex Andri insula portu soluens, secundo vento in nostrum portum delatus est, quo admodum serò peruenit. Hunc alius pyratarum lembus insequabatur; atq. in portum simul etiam ingressus fuisset, nisi pirata nostram istic nauem conspexissent: eam ob causam sese subdixerunt in alium portum, qui post insulam erat, quoniam iam tenebrae obortæ erant. Sed postridie ante lucem pyrata octo numero inter harundines sese abditum venerunt, auroram expectaturi, & lembum qui in littore erat, occupare sperantes, quem vi cum his qui inerant abducerent. Idque sine dubio fecissent nisi auxilium aliis tulissemus. Simulatq. vero qui in lembo erāt sese oppressos a pyratæ animaduertent, robustiores qui erāt viri, in mare sese abiecerunt, ut natando salui suæ consulerent: at reliqui cum feminis & paruulis qui in lembo remanserant, in piratarum potestatem venerunt. Adeò temerarij erant hi pyratæ, ut in nostro conspectu, qui multi eramus, miseros captos e portu abducere velle auderēt. At noster nauclerus tormentum bellicum in illos explosit, & sclopetarios per nauis feros disposuit; aliud deinde tormentum in ipsos emisit, sic ut lembum deferere cogerentur. Sed & cum e portu egredi voluissent, proximè nostram nauem illos navigare necesse fuisset: hac ratione ad suum lembum redire coacti sunt. Miseri isti qui ex Andro soluerant, haud dubiè Turcis venditi fuissent, nisi opem illis tulissemus.

Nun-

Nunquam Turca eosingulant quos capiunt siue in mari, siue in continenti, sed vendunt. Formosa & iuencula mulier octoginta aut centum ducatis, vetula triginta aut quadraginta, puer aliquis bene habito corpore, quadraginta aut quinquaginta ducatis aestimabitur, vir autem robustus & quadratus sexaginta. Hæc causa est cur naues semper armis bellicis instructæ nauigent: & cur illa quæ armis caret, perpetuo in metu versentur. Sed hæc satis de pyratis: nunc ad nostram navigationem reuertamur.

Aquilo, qui nobis secundus erat, tota ea nocte constans fuit, sic ut Samon insulam ad sinistram relinqueremus, atque per angustias quæ inter Samon & Icariam sunt, nauigaremus. Alto adhuc sole apud binos illos paruos scopulos transuimus, nautis omnibus adeo celebratos, & fornaces nominatos; quoniam periculi plena est secundum eos nauigatio: appellationem vulgarem sumpserunt à Grecis, quibus olim ἱπποὶ, hoc est, furni dicti sunt: at veteres hos non intellexerunt, sed alios qui sunt ad ostia Penei amnis apud Thessaliâ. Hi sunt admodum metuedi, præsertim quando noctu istac nauigandum est. Marina tabula eos fornacum nomine indiget. Quoniam verò nobis istac iter faciendum erat, vel aliâs magno ambitu mare nauigandum; plurimum metuebamus: sæpenumero etenim accidit, naues tempestate istic perire. Nostrum iter prosequentes, transuimus apud aliam insulam appellatâ Gaideroniso, hoc est, Asinorum insulam: nullius autem nominis est, quod deserta sit.

CAP. XI.

De Insula Patmo.

PATMON insulam (in qua Diuus Iohannes Evangelista relegatus fuit, & Apocalypsin scripsit) ad sinistram reliquimus, cuius montes adeo celsi sunt, ut procul etiam conspici possint. Vulgò Palmosa nuncupatur, atque à Christianis Grecis incolitur. Longè infra Icariam sita est.

Eius

Eius incolæ in omni libertate Christiana secundum Græcorum consuetudinem viuunt, quemadmodum & reliquæ Græcorum insulæ quæ tributum Turcico Imperatori pendunt. Magistratus tamen & urbium Præfeti magna ex parte Turcæ sunt. Patmi portus satis capax est pro paronibus, triremibus, & minoribus nauigiis. Vniuersa insula tritici ferax est, & omni leguminum genere abundat: in ea est monasterium Caloierorum Græcorum, in quo cadaveris manus ostenditur, cui ungues succrescunt, ut in viventis hominis manu; & tamen si rescentur, post aliquod tempus denuo succrescunt. Vnde Turcæ occasionem sumserunt dicendi manum esse alicuius ex ipsorum prophetis. At Græci Diui Ioannis manum esse asserunt, quæ istic Apocalypsim exarauit. Aquilone, perseverante, ad dextram Lipson insulam vidimus procul in mari dissitam, quæ parua est & deserta: paulo post insulam Pharmaco, quam veteres Pharmacusam nominabant, omnino etiam desertam superauimus. Apud hanc insulam olim Cæsar à pyratis captus fuit, cum Rhodon proficisceretur, Apollonij Molonis audiendi causa. Pharmacusa superata, in insulam peruenimus quæ olim Ireon [Leria Sophiani tabula habet] dicta fuit, nunc Lero adamussim obiecta. Asia continentis cuneo longè in mare protenso, quem marina tabula Cortolo appellat. Veteres istic arces conspiciuntur collibus impositæ. Leria montes iis qui in Samo sunt, longè celsiores sunt, probèque exculta est ea insula cum à Turcis tum à Christianis Græcæ religionis. Longius progressi, in aliam magnam insulam peruenimus Calimno nuncupatam, à Græcis Christianis habitatam: inde in aliam nomine Psermo, in qua bina aut terna sunt oppida, & multipagi. Græcorum Christianorum industria & labore exculta est. Urbem ad sinistram habebamus Lesmirne appellatam, unam ex opulentissimis, & maxime mercurialibus totius Anatoliæ sine Asiæ minoris, quæ veteribus Smyr-

*Smyrna** dicta fuit. E regione Patmi insula superandis nobis fuit cuneus Anatolia, longè in mare prominens, quem marina tabula Caporosso, veteres Erythram dixerunt; hoc est, Promontorium rubrum. Magna difficultate eum superavimus: nam nebulosus erat aer, & intempesta nox. Ventus etiam aduersus nos occupavit, sic ut dimidiato velo in latus obuerso uteremur: Thracias is erat, adeò vehemens, ut mare mirum in modum cõcitaret & turbaret. Postride mane canalem Co insula ingredi cœpimus, apud continentem qui Halicarnassi nomen habet; is quinque solum milliaribus in latitudinem patet. Mare inter Samon & Con tam multis parvis insulis abundat, ut eas vix numerare liceat: ex omnes veteribus Sporades sunt dictæ.

* Si topographica Castaldi & Sophiani Græcia tabulæ veræ sunt: Bellonium non toto (quod aiunt) celo, sed toto mari errare necesse est, aut suam nauigationem confuso admodum ordine describere. Nam quid fieri potest ut in Patmi insula conspectu sit promontorium Erythræ, atque ad Plerma sinistra Smyrna, quæ in Ionia apud Clazomenas ad Sinum quendam in tabulis reponuntur? Sed id ego Lectoris iudicio relinquo.

CAP. XII.

De Co insula, Hippocratis patria.

CUM iam illuxisset, canalis bonam partem emensi, vniuersam insulam Con apertè conspiciere poteramus, quæ Hippocratis patria est, Turcæ Stancon nominant. Eius montes nobis celsiores videbantur quàm reliquarum insularum quas adhuc conspexissemus: nam Creta montibus inferiores non apparebant. Ipsa vrbs Cos à solis Turcis habitatur, & in vniuersa insula duo duntaxat sunt pagi quos Græci incolant. Ipsa vrbs & arx etiam Stancon appellantur. Hæc in edito sita est, turreſque orbiculares habet maiores, quàm arces quæ in Lesbos & Tenedo sunt: illa autem humili loco sub arce ad maris littus, insula animantibus abundat, longiorque est quàm lata. Nos illius oram diu legimus, secundo vento delati, atque omnibus velis expansis (nam tempestas

iam

iam defierat) & additamentis etiā adhibitis. Ea porro ad dextram relictā Rhodicum mare ingressi sumus. Procul ab urbe Rhodo adhuc aberamus, cum illam supra collem exiguum qui in mare protenditur, sitam conspiceremus: & quoniam præaltas habet turres, & pharos in quibus lumen reponitur, cuius conspectu naues dirigantur ne à portu aberrent, procul nobis intuentibus apparuit. Viciniores autem facti, comperimus veterem quam referunt fuisse urbem colliculo rotundo impositam iuxta litus maris, binis milliaribus distare ab hodierna urbe: aiuntque istuc cœnobium fuisse equitum Rhodiorum: & præter splendida quæ istuc sunt ædificia, munitum esse locum, qui etiam diligenter à Turcis adseruatur. Tandem ante insulam appellentes, anchoris iactis è navibus descendimus, atque urbem perlustratum inimus.

CAP. XIII.

Singularia quædam Rhodi observata.

URBS Rhodus partim in acclivi collis molliter descendens sita est; altera pars litus occupat. Maxima eorum qui pagos totius insule incolunt pars, Græci sunt: his urbem interdum ingredi ad operas faciendas & annonam comportandā, atque in ea toto die commorari licet: at ut nocte istuc hæreāt, nō concedūt Turcæ, ob seditionis atq. prodicionis metū. Inferre tamē ideo nolum⁹, quin noctu Christiani aliqui istuc permaneant: nam pleraque eorū mancipia Christiani sunt. Senatus item Venetus istuc negotiorum Procuratorem, siue, ut vocant, Factorem, qui noctem in urbe ducit, alunt, tametsi omnes eius famuli Christiani sint. Turcharum Imperator perpetuò quinque irremes bene instructas habet, quarum Præfecti cura est, liberū reddere mare ab incursionibus quas pyrata in Cycladibus & Sporadibus insulis, aliisque Græcia locis Turcico dominio subiectis facere solent: tum etiam ut Mediterraneum mare sibi subiectum habeat, atque reliquam Græciam tuam præstes. Nam plerumque cum

finis

suis triremibus excurrit: & si quem pyrata in mari vagari intelligat, eum persequi non cessat, donec eum inueniat. Omnia equitum Rhodiorum cum Gallorum tum aliarum nationum edifica integra adhuc permanet. Turca etenim nulla insignia, nullas picturas, sculpturas, aut inscriptiones quas istic inuenerunt, abstulerunt. Sed & hodie plurimas inscriptiones cum Gallicas tum Italicas legere licet. Afferimus insuper Turcas hanc consuetudinem perpetuo obseruasse, ut omnes arces & propugnacula que occuparint, uti ea inuenerunt conseruari; nihil enim unquam structurarum aut sculpturarum diruunt. Postridie vrbe egressi, vicinos quosdam pagos adiimus, sacrisque Caloierorum Gracorum intersuimus, & eorum hortos perlustrauimus, punicorum, aurcorumque malorum, zyzipharum & sebesten arboribus, quibus abundant, probe instructorum: cuius sebesten fructu viscum conficiunt. Aderant etiam ficus, amygdale & olea. Pagorum Rhodi incole Gracam religionem obseruant, & rerum propria nomina habentium vocabula adhuc retinent. Nocturne Turcarum excubie cum Rhodi, tum aliis Turca dominio subiectis arcibus alta voce sunt (non autem campanarum sonitu, ut in Italiae urbibus & Epidauri) respondentibus sibi inuicem excubitoribus. Rhodi moenia in eodem adhuc statu permanent quo fuerunt cum vrbs Equitibus adempta fuit: nec quidquam ab eo tempore ademptum aut additum est. Istic inueniuntur venales elegantes ac uicta merces, praesertim vero lektorum tentoria: eas variis coloribus pingunt, sericeis staminibus crucis in formam decussatim consutis. Ipsa pictura frondes representat, differtque a Turcica & ea que in Chio & Cypro fit.

Qui mos
apud Vn-
garos etiam
obserua-
tur.

GAP.


De aue Onocrotalo, & serpente Iaculo; deque Turcicorum militum modestia.

ISTIC Onocrotalum cicurem vidimus per urbem deambulantem; cuius magnitudine observata; Cigno minorem esse deprehendimus. Ominno albus est, & Anser longe crassior. Crura & pedes, Cigni pedibus similes habet, sed crassiore cute praeditos, coloris cinerei. Excitata est avis, capite sublimi & elato, rostro lato & caniculato, per extremum mucronato & unco, plumarum cristam in occipite gerens, ut Vannellus siue Aex, & in volatu Cignorum more alas verberat. Victum quaritat cum in salis tum in dulcibus aquis. In eo quem de avibus conscripsimus libro, hunc Pellicanum esse demonstrabimus, de quo brevitatis causa plura nunc non dicemus. Inter huius Insulae singularia, serpentem Iaculum vidimus, parvis maculis oculorum instar in dorso varium, iis quibus Torpedo in dorso praedita est similibus. Nos extra urbem sub spinosa cappari reperimus, quo loco Turca sua tormenta collocarat dum Rhodum obsideret. Graeci nunc vulgari voce Saetta, hoc est; Sagitta, Turca Ochilanne appellat, veteres Aconciam dixere. Trium palmorum longitudinem habet, & minoris digiti crassitudinem non superat: color eius cinereus ad lacteum tendens, venter autem omnino candidus, squammas in dorso, tabellas vero sub ventre habens, reliquorum more. Cervicem nigram habet, & binas albas lineas ab ea per dorsi longitudinem usque ad caudam excurrentes. Maculae quas insperfas habet, lenticula maiores non sunt, coloris nigri, albo orbe cinctae. Nos alias eius anatonem describemus, cum peculiarem de omnibus serpentibus sermonem instituemus. Eius tamen effigiem ad vivum expressam nacti, eam hoc loco inserere libuit.

Vidimus praeterea myoparonem, Styrace rubra, quam Graeci huius seculi Maurocapno appellant, onustam, in

O

por-



portus litore exonerari. Nobisque relatum est, in ipsa insula nasci: sed quoniam iis qui navigationem instituunt, longius a suis naubus progredi non licet, enagari non potuimus ut eius arborem observaremus: nam cum nauta commodum tempus habet, nullius gratia navigatione retardare solent. Ex quo inferre volumus, illos qui in triremibus aut aliis nauigiis peregrinationem instituunt, parum in continente observare posse; quoniam perpetuo nauem qua vehuntur, praestolari necesse est. Diligentius observantes Turcas milites qui ad Rhodi urbis portas excubant, occasione sumpsimus scribendi quam ingens sit Turcarum militum continentia & obedientia: nam licet viginti aut triginta viri diligenter portas observarent, id tanto silentio & modestia faciebant, ut non plus turba exandiretur, quam si nemo istuc adfuisset, videbanturque potius opifices aliqui quam milites, nihilominus senatoriam quandam gravitatem praeseferentes. In omnibus sane actionibus adeo modesti erant, ut nemo eorum arma, imo ne acinacem quidem haberet. Bina duntaxat nunc Rhodi patent portae, una ad portum spectans, altera ad continentem; deinde ianua ad Praefecti ordinis qui solebat esse hortum. Rustici qui in urbem capreolos, caseos, butyrum, aliamque annonam inferunt, eodem quo Cretenses rustici modo amicti sunt, fuscam & corrugatam faciem habentes, prolixamque & ad scapulas usque propensam comam gestantes, atque crasso duplicique pileo caput tegentes. Thoracem coriaceum sine manicis, lineam interulam anteriore & posteriore parte propendentem induti, coriacea quoque oblongas ocreas, quas thoraci ligulis adnectunt,

Et sunt, & supra interulam lineas braccas inducunt. Qui eos antea non conspexisset, larvatos esse homines censeret iis omnino similes qui mimos siue maticinos agunt: nam simili modo compti sunt, quo larvati illi qui mimos Romæ & Venetiis in Bacchanalibus agunt. Turca eorum merces presenti pecunia & bona fide redimere solent. Ex ruderibus quæ extra urbem sunt, facile colligere licet, magna olim istic fuisse suburbia, quæ omnino diruta fuere cum Turca Rhodum obsideret, nec postea restituta. vicini tamen urbi sunt aliqui pagi, non longius à portis distantes quàm ad balistæ iactum, quos Græci & Turca incolunt, ibique Caloieri monasterium habent.

CAP. XV.

Profectio à Rhodo in Alexandriam.

ALIQUOT diebus Rhodi exactis, & expeditis negotiis, nostram navigationem prosequuti sumus aquilone flante, navemque in alterum latus impellente; superandum enim nobis erat promontorium quod Cano del Bo vulgò dicitur, longè supra Rhodum urbem. Eò primum appulerunt Turcicæ triremes, cum continente occupato urbem obsederunt. Superato promontorio, tum Aquilo nobis secundus adflavit, & proram recta versus Alexandriam dirigentes omnia vela expandimus, additis etiam appendicibus, recta nostrum cursum tenentes. Id Itali Gallico velo navigare appellant: videnturque hanc differentiam fecisse respectu Latini veli quod triangulum est, cum Gallicum quadrangulum sit: tum etiam quod Bourdon nuncupatum vulgò, Latinum velum nominetur. Tota nocte nobis fuit ventus secundus, atque sub solis exortum eò progressi cum essemus, ut insula amplius non conspiceretur, ipsa meridie nos deseruit is ventus, & maris tranquillitas atque malacia subsequuta est: ubinam autem locorum essemus, cognoscere cupientes, ex marina tabula deprehendimus dimidum iter nos con-

fecisse: nam vento secundo navigationē à Rhodo in Alexandriam minus triduo totidēq; noctibus absoluerē licet. Quando malacia pleno æquore nauem occupat, non magis agitatur quàm si in portu esset. Tum singuli nautæ colludunt inter se, piscantur, & natandi & lauandi grasse in mare abiciunt, nec, sese sub aquam mergentes, ab uno nanis latere in aliud transire verentur. Tum ple-rumque pyratas metuere solent: nam in malacia, nulla est exigua naus longa, hoc est, quæ remis impelli solet, quæ in magna navi rotunda nauigantibus metum non incutiat. At flante vento, ne minore quidem rotunda vecti, à trireme sibi metuant: quoniam velorum beneficio effugere possunt. Euroaustro paulatim flare incipiente, sub vesperam intendi cœpit, & tandē nimium vehemens fieri, sic ut omnia vela contrahenda fuerint, dolore excepto, quem ad dimidium vsque malum deprimere, atque funibus validè constringere necesse fuit. Huic successit Auster, siue Notus, nobis satis secundus qui tota nocte flauit. At sub auroram Aquilo nobis denuo aspirauit: tū demum magnum iter peregimus, singulis horis quaterna ad minimum vel quina milliaria conficientes: qua nauigatione nulla expeditior esse potest, nisi tempestate naus feratur. Hæc autē eius nauigationis ratio est, ut à bosphoro eā rectā instituentibus, nostra naus pappis Septentrioni obuersa esset, & prora Meridiei: nam Constantinopoli in Alexandriam recta linea contendentibus, à Septentrione in Meridiem nauigandum est. Quoniam porrò in nauigationis narratione nostra oratio adeò progressa est, ab ea abstinere commodum non videtur, quin prius de veterū nauigatione aliquid dicamus, quæ longè difficilior & minus comoda erat quàm nunc sit, ut in sequenti capite apparebit.

CAP.

Veteres navigationem sine pyxide nautica instituisse, & magnetis vsum ignorasse

VETERES longè difficilius suas navigationes instituebāt, quàm nunc sit: nam vel Orientis vel Occidentis, vel Septentrionis vel Meridiei coniectura vi eos necesse erat: vel ex stellarum & Solis quæ noctu & interdum illis apparebāt fulgore; atque magna ex parte nō longius in mari progrediebantur, quin continentem perpetuò conspiciere possent. Nunc autem cū magnetis facultates omnibus sint perspectæ; navigatio adeò facilis reddita est, ut bini viri cū leui naucula, omni momento, omnibus periculis, vehementissimisque ventis sese committere, & mare traicere non vereantur: quod veteres ipsa meridio tentare non fuissent ausi, cū nauticam pyxidem non haberent cuius acus magneti adfricata esset. Hic lapis alio nomine Heracleus & Sideritis dicitur; Itali Calamita, Galli Aimant vocant; in quo diuersæ facultates reperiuntur. Comperimus eum qui primus huius lapidis vsum inuenerit, Flaviū fuisse nuncupatum. At Albertus magnus primus omnium eius facultates scriptis tradidit: quæ cū suo tempore in vsum iā esse animaduerneret, veteribus non ignoratum fuisse credidit, atque Aristoteli eius facultates fuisse perspectas. Attamen & ipse Aristoteles, & qui aliquot sæculis eum subsequuti sunt, planè ignorauerunt hunc lapidem talibus facultatibus esse præditum, ut altera eius pars ferrum ad Septentrionem cōuertere faciat, altera ad Meridem. Aristoteles quidem non ignorauit ferri attrahendi facultatem habere: at quod navigationibus utilis esset, planè nesciuit. Huius lapidis Gallicæ apellationis affinitas ansam præbuit nonnullis Chymicis imposturas excogitandi de ipsius efficacia in rebus amatoriis, ut etiam polliceri atque persuadere ausi sint, non minus hominum amorem pellicere, quàm ferrum attrahat, quod tamen falsum

sum est; atque ad eam rem candidum magnetem longè prætulerunt, nō ignorantes difficilius & rariùs inueniri, quàm eum qui ferruginei coloris sit. Huius magnetis ingens copia nunc inuenitur in quadam Tyrrheni maris insula Elba, olim Ilua nuncupata, è regione Plombini, quod in Florentino agro est, sita, ubi vili emitur. Sed de eo plura in Mahumetis vita.

CAP. XVII.

Duo duntaxat esse magna Nili ostia quæ nauigari queant, & maioribus siue onerariis nauibus aditum præbeant.

INTER Rhodum & Alexandriã, Hierax siue Sacer, Falconis genus, volando defatigatus, nostra nauis antennæ insedit, atq. per binas ferè horas istic hæsit. Plurima coturnices à Septentrione versus Meridiem tendentes, in nostra etiam nane capta fuere. Unde certiores redditi sumus, illas esse peregrinas: nam & antè alias inuere obseruaueramus, cum è Zacyntho insula in Peloponnesum nauigaremus. Istic enim coturnices vidimus à Meridie in Septentrionem tendentes ut istic tota æstate commorarentur: harum tum temporis plurimæ etiam captae fuere, cum aliis auium aduenarum generibus, quæ in nostram nauem sese coniecerant. Vidimus præterea aliud auis genus, omnibus qui in navi vehebantur ignotum: cuculi magnitudo erat, merula color quodammodo. Vidimus etiam onocrotalos volantes, atque à Septentrione versus Meridiem tendentes: aues hæ sunt in Gallia aut Italia minimè notæ, nisi quòd interdum in lacu Mantuana conspiciuntur, at in hieme aberant. Toto eo die nullus flauit ventus, ut neque magna subsequens noctis parte. Postride satis secundo nobis aspirante Aquilone, nostram nauigationem prosequentes, in locum quendam maris peruenimus, quem Nili aqua per ostium Mendesium siue Damiatæ sese exonerans, alio colore quàm natino infecerat, ut omnino canescere videretur. Ex quo indicio nauta intellexerunt sese non procul ab Aegy-

Aegypti continenti abesse, tametsi nondum nobis appareret: nam uniuersa Aegypti regio humilis est, neque montes habet qui è mari conspici queant. Jam aduersperascebat, cum in hanc turbidam aquam peruenimus, remissiorg, ventus erat: eam ob causam anchoras pleno equore fiximus ad nonaginta orgiarum altitudinem. Mauritanorum sive Aegyptiorum Constantinopoli aduenientium consuetudo est, quando sub noctem ad turbidam illam aquam adueniunt, atque ignorant suprane an infra Alexandrinum portum sive Nili ostium longius sint progressi, ut anchoras in mari figant, in proximum usque diem, ut iam lucido die locum dignoscere queant, quo nauem in portum sint deducturi. Quod si altius progressos se agnoscant, cum tempore regredi possunt ut portum occupent. Nos istic nocte traducta cum tranquillitate maris, anchorisque postiridie ex imo mari subductis, vela explicuimus, & ex hac turbida aqua egressi, non diu nauigauimus, quin in aliam Nili aquam ex ostio canopico sive heracleotico prolabentem inciderimus. Hac sunt duo maxima Nili ostia, cuius postremi aqua marinã ex viridi pallecente colore infecerat. Eam cum per dimidi fortassis milliariis latitudinẽ emensi essemus, iterum in ceruleam maris aquam peruenimus. Omnium primum nobis in Aegypto apparuit Rosettae arx quae sesquidiei itinere supra Alexandriam est. Cum autem pleno equore veheremur, & obseruantes quid nostris oculis primum obiceretur, nihil aliud quam Palmas, Sicomoros, & Pompeij, praeterea columnam conspeximus, quae in Promontorio est supra Alexandriam. Cum enim adeo humilis & motum expers sit regio, procul intuitibus apparere nequit. Nos sub noctem in portum appulimus, eam ob causam illo die nauem minime sumus egressi.

Ex dierum quibus hanc navigationē absoluiamus obseruatione, cognosci potest, commode quindecim dierum spatio navigationem eiusmodi perfici posse, modo prosper, ut nobis, adflet ventus. Atque ut dietum nostrum iter repetamus, nisi Callipoli in Bosphoro ad Arcium angustias, tum in Chio, tum Rhodi substitissemus, octiduo eam absoluissemus. Nam à Rhodo in Alexandriam tres duntaxat dies & totidem noctes impendimus; è Chio Rhodum, binos solum dies & binas noctes; & è Constantino- poli Chion duorum dierum & trium noctium spatio perueniri potest. Ea ratione magnum iter breui tempore conficitur, vento adstante secundo.

CAP. XIX.


De duabus Alexandriae urbibus, vna in Aegypto, altera (quæ Romanorum erat Colonia) in Phrygia.

POSTRIDIE mane naui egressi in urbem Alexandriam profecti sumus. Sed antè quàm de ea sermonem instituamus, primùm nobis dicendum est, huius nominis varias esse vrbes: sed duas maximè celebres. Etenim latè imperium obtinentibus Romanis, Troia ab iisdē restaurata, & colonis Romanorum in eam missis, Alexandria nominata est, cuius Plinius meminit, atque etiam Annæus Seneca in morte Claudijs Cesaris: Quæro, inquit, sororem suam stultè studere Athenis dimidiū, licet Alexandria totum annum: nam tum temporis Latinorum istic erat Academia, eaque est cuius Galenus sæpè meminit, non de Alexandria Egypti: quod ex eius lucubrationibus facile deprehendere licet. Nunc porrò de singularibus rebus à nobis obseruatis, breuiter agere sufficiet: nam sigillatim de Alexandria scribere post tam multos magni nominis viros, actum, quod aiunt, ageremus. Are-
noso

noſo ſolo ſita eſt in promontorio quodā: ab una enim parte mediterraneo mari alluitur; ab altera, mareoti lacu amplo & in longum extenſo. Perſtant adhuc mœnia quæ Alexander Macedo exſtrui iuſſit: at urbs interior, ex veterum adificiorum ruinis magna ex parte conſtat. Diruta autem fuit ea urbs, quando Gallie & Cypri Reges Sultanum ex ea expulerunt. Is etenim illam minimè poſſe retinere animaduertens, prius diruit, quàm in hoſtium poteſtatē veniret. Poſtea tamen paulatim ades exſtrui cœperunt pro incolarum ratione. Sed & nunc, niſi Chriſtiani mercatores ſuos iſtic inſtitores alerent ob mercis permutationē, admodū celebris non eſſet. In eam inuehitur omnis generis commeatus cū ex Aegypto, tum ex Cyprio, aliis que vicinis locis. Panis qui iſtic pinſitur, in placentas efformatur planas, quibus inſpergitur legitimi melanthij ſemen. Eam ob cauſam huius ſeminis magni ſacci per fora & mercatorum officinas inueniuntur venales. Omnis generis vina iſtic etiam reperiuntur ex variis locis inuecta. Sed nec Cyprus longè inde abeſt. Sapida admodum iſtic eſt caro veruecina & hædina, cū vitulina tum bubula. Magna iſtic eſt abundantia generis cuiusdam caprarum quæ Gazellæ vocantur, veteres Græci Oryges nuncupabant, quas in agris Sclopetis petunt: turmatim enim incedere ſolent. Inueniuntur iſtic & gallinæ & oua. Alexandria ſita eſt loco piſcibus abundante; iſtic enim obſeruamus cantharos, lupos, umbras, ſynodontides, mugiles, raïas, ſquatinas, caniculas, linam priorem Rondeletij. Sed & multi alij cū ſaliti tum recentes ex Nilo inuehuntur. Iſtic naſcuntur punica mala, muſæ, limones, aurea citriæque mala, ficus, ſycomori, cera-ria, & pleraque alia fructuum genera, quæ nos non habemus. Abundant etiam omnis generis leguminibus (è quibus quaſtus magnus ſit) atque omni frugū genere, veluti oryza, hordeo, farre, alias ſpelta nuncupato. Dolicos Græcis

cis nuncupatus, florem fert istic flauum. Copiosum etiam
istic pisi genus est, quod Græci Lathyri, Veneti Manere-
re, Romani Cicerchie, Galli des Cerres appellant. Quid
potissimum in urbe aliqua abundet, scire volentes, adeo
fora diebus quibus venales inferri solent aues, pisces, ole-

- | | | | | | |
|----|------------------------------|-----|-------------------|-----|---------------------|
| 1. | Ingressus Nilii
in urbem. | 6. | Porta Memphitana. | 12. | Palatium Alexandri. |
| 2. | Porta del Pere. | 7. | Silva Palmarum. | 13. | Pharus. |
| 3. | Colona Pöpes. | 8. | Obeliscus. | 14. | Castello. |
| 4. | Lacus Marcotis. | 9. | Arx noua. | 15. | Garophilo. |
| 5. | Moluea. | 10. | Arx vetus. | 16. | Portus vetus. |
| | | 11. | Porta maritima. | | |



Africæ contrinens.

ra, fructus, & reliqua victui necessaria: breui enim de-
prehendent quibus rebus incole magis abundant: quod
in Alexandria nos obseruauimus. Aegypti rarò cibum
sumunt, quin addatur radicis genus Colocasia nuncupa-
ta,

ta, quam cum carnibus decoquere solent. Magnū est eius vectigal per vniuersam Aegyptum: nam vix quidpiam frequentius in urbem & pagorum foris emitur. Cū porro de Alexandria institutus nobis est sermo, illius typum uti eam obseruauimus ad vium expressam hic inferere volumus.

CAP. XX.

De animali veteribus Hyæna nuncupato, nunc autem Ciuetta.

QVI tum Alexandria Florentinorum Consulē agebat, Ciuettam habuit adeo cicurem, ut cum hominibus colludēs, illis nasum, aures, & labra sine noxa morsu prehenderet: ab ineunte etenim etate humano lacte educata fuerat. Rarum profecto ita cicurari posse animal adeo ferum & indomitum. Ciuetta veteribus probe fuit cognita: ipsorumque auctoritate demonstrabimus, Hyenam ubi ipsis fuisse nuncupatam, tametsi nunquam obseruauerint adeo odoratum excrementum eam reddere: meminerunt tamen generis cuiusdam Pantheræ odoriferi. Auctores verba fecerunt de Hyæna tanquā de fero animali Africano; quod nobis suspicionem mouet, Ciuettam eo tempore in caueis minime fuisse obseruatam. Hodierno autem die, cicur reddita, maiorem questum prabet quā olim. Illius etiam nomen quo eam nuncupare solemus, ex Arabibus auctoribus mutuatum est, relicto veteri. Compacto ut Taxus est corpore, at maior: cū autem alium præter muliebrem naturam habeat meatū, ex quo Ciuetta emanat, plurimi Hyænæ historiam legentes, existimarunt illam esse Taxum, qui veteribus & Aristoreli Trochus dictus est. In ceruice & per darsi spinam pilos habet nigros, quos surrigit cū indignatur, non minus quā suos. Inde factum, ut Glanis piscis etiam Hyæna nuncupata sit. Os habet magis mucronatum quā felis, sed barba

barba pilos illi similes; oculis est splendens & subrubentibus: sub quibus binis maculis nigris insignita est. Eius aures orbiculares sunt, ad Taxi aurium formam accedentes. Corpus habet maculis aspersum nigris, cum alias eius color albicet: eius crura & pedes pilo nigro obsiti sunt, quemadmodum in Ichneumone: cauda oblonga, superius nigra, infima vero parte albis maculis aspersa. Agilis est, & carne vescitur. Hæc est Cuette historia, quæ si cum Hyenæ descriptione cõferatur, apparebit id animal quod nunc Cuettam vocamus, veterum Hyenam esse.



CAP. XXI.

De variis rebus in Alexandria conspiciendis, atque de obeliscis & magnis Aegyptiorum colossis.

POSTRIDIE vrbe egressi, præaltâ Pompeij columnam spectatum inimus, in exiguo quodam promontorio sitam, octava miliaris ab vrbe parte. Ea columna est immensa altitudinis, & crassitie reliquas quas vnquam viderimus, superat. Colūne Agrippæ quæ in Pantheo Romano sunt, nihil ad eius crassitiem accedunt. Uniuersa eius materies, cum epistylj, tum formæ cubicæ ex Thebaico marmore est; ex eodem videlicet, ex quo omnes obelisci ex Aegypto delati constant. Eam Cæsaris iussu, ob victoriam aduersus Pompeium partam, istic erectam aiunt. Adeo crassa est hæc columna, ut impossibile indicetur,

nunc

nunc quenquam artificem reperiri posse, qui ullis instrumentis eam alio transferre queat. Ex summo hoc promontorio longus in mare patet prospectus, atque etiā in Continentem. Si quis ad meridiem faciem obuertat, Mareotim lacum amplum & spaciosum cōspicere potest, palmarū silvis in ambitu obfitū, qui vix dimidio milliari ab Alexādria distat. Ager vicinus magna ex parte arena mobili cōstat; planeq; sterilis esset, nisi Harmala, & Capparū nō spinosas stirpes aleret, quæ crassas illas Cappares proferunt, nobisq. inde adferuntur: minores etenim in Capparum stirpibus spinosis nascuntur, quæ hieme folia abiciunt: cum non spinosa Aegypti, & quæ arborescunt in Arabia, filia retineant. Mirica arenosis locis plurimum istic delectantur: cum tamen aliis locis humidum solum ament. Harmala admodum similis est Moly: Rutaque genus est, quod Arabibus, Aegyptiis & Turcis nunc vario in usu est. Ea etenim sese suffiunt singulis diebus mane, sibi persuadentes noxios spiritus se hac ratione abigere. Ea res huic herbae atque eius semini tantam celebritatem peperit & conciliauit, ut nulla sint adeo exigua & viles officina, quæ eam non habeant, tamquam preciosum aliquod medicamentum. Apollodorus antiquus auctor, cypero easdem facultates tribuit, cum ait Barbaros domo egredi non solere, quin primum Cypero suffiantur: quod occasionem aliquando praeiungit cogitandi, eius usum vetustum esse. Inter singularia quæ Alexandriae conspeximus, bini sunt obelisci, qui apud eius urbis palatium sunt: alter rectus & integer, alter humi procumbēs & confractus. Qui rectus perstat, altero longē maior est: cuius crassities comparari posset cum eo qui Romæ est ad D. Petri. Cum de obeliscis verba facimus, de re inter reliquas maximè admiranda facimus, quæque magnā dubitationem parit, cur adeo mirabiliter sint incisi. Si terni aut quaterni duntaxat inuenirentur, conici posset, eos

Regis

Regis cuiuspiam cura excisos esse: sed cum multi sint, quorum alij exigui, ut qui pone Minervam, in foro apud Pantheon, & apud Aram celi Romæ conspiciuntur; alij ingentes admodum, ut qui apud Populo, & Pontificis palatium sunt, atque omnes Egyptiacis characteribus siue hieroglyphicis characteribus insculpi; statuere possumus eos olim excisos fuisse ut tumulis quibus in Egypto corpora condita reposita erant, imponerentur, minime autem ut templis dicati essent. Plurimi videntes solidum lapidem, tam ingentem, tam longum, & crassum, adeoque expositum, fusilem esse credunt (quoniam omnes obelisci ex lapide Thebaico sunt excisi, multis granis distincto duorum aut trium colorum, ut sturni avis collum: inde factum est, ut veteres Græci hunc lapidem Psaronium cognominarent: ἄσπερος enim Græcis, sturnum significat) sed hallucinantur, nam eius varietas & granorum distinctio ex rupis natura, quæ huiusmodi coloris est, procedit. Tanto magis admirandi obelisci videntur, quod ex solido lapide constant; quemadmodum si quis imaginaretur, se quadrangulam aliquam turrem intueri ex unico lapide constructam. Omnes qui nunc sunt Romæ obelisci, iam in Aegypto insculpti fuere antè quàm Romulus unquam pedem Romæ figeret. Rupes siue Latomia, unde excisi sunt, adeò solida est, nec ullis venis distincta, ut excindere istic liceret solidam turrin, & unico lapide constantem, crassiorem atque altiore, quàm binæ illæ sunt turres ad Divæ Virginis phanum Luteriæ, si humana industria moveri posset: nam montem integrum duorū miliarium longitudine, solido eoquæ sine ullis venis lapide constantem, videre istic est, ex quo colossi vel obelisci excindi queant quanta quis voluerit crassitudinis & altitudinis. Tres colles murorum Alexandriae ambitu continentur, qui scoparij siue sordium montes cognominantur, ut ea loca quæ Luteriæ Les voiries [in quæ videlicet omnes

nes sordes & animalium cadauera abiiciuntur] nuncupantur. Elegantes aqueductus, ingentes cisternae, atque putei qui Nilum aquam excipiunt, observatione profecto digni sunt: adeo enim proba materiei, atque tam magnifico opere constructi sunt, ut adhuc integri persistant: necessary etiam omnino erant. Alexandria incolae semel in anno eos implere solent, cum Nilus inundat, ad totius anni usum. Per ingentem canalem primum universas urbis cisternas replet, in quibus depuratur & limpida redditur. Tota autem urbs supra eiusmodi cisternas & puteos constructa fuit olim firmo lapideum & laterum opere, quoniam rara per Aegyptum nascuntur ligna, praeter frequentes Palmas, quae ad edificandum prorsus sunt inutiles. Aegyptii rustici per agros palmas abortivas & quae vitium fecerunt, requirere solent, quarum cacuminibus excisis, candidam medullam eximunt, quam in foro venalem proponunt: ea cruda vescuntur, cinara etenim saporem refert. Eam veteres Palmae medullam siue cerebrum nuncuparunt, & Graeci ἐγκεφάλου. Aduertendum tamen est, Variam esse Palmarum genera: spinosum enim in Creta observauimus genus, ab eo differens quod nautae ex Hispania aduehant & Cephaloni [Hispani Palmitos] vocant, palmilam videlicet illam Palmam quam Rotomagenses & Lutetiani Aromatarii in suis officinis recentem venalem proponunt, & quaternos vel quinos asses aestimant.


CAP. XXII.

Ichneumonem hodie rino adhuc tempore in multis Aegypti aedibus cicurem adseruari: & alterius Ichneumonis velpae aduersus Phalangium certamen.

ALEXANDRIAE incolae Ichneumonem Aegypti peculiare animal alunt: cicurari etenim possunt, non secus atque feles & canes. Vulgus antiquo nomine appellare desit, & vernaculo sermone Pharaonis murem nuncupat. Observauimus porro eius catellos à rusticis Alexandriam venales inferri, atque ab oppidanis auide emi,

ut

ut illos domi alant, quoniam mures venantur non secius atque mustela, & serpentes insuper insequuntur, quibus indifferenter vescuntur. Exiguum est animal, & admodum mundum. Qui id ex ingenio duntaxat depinxerant non conspectum, rectè exprimere nequiverunt, ut ex presenti pictura deprehendere licet; quoniam illa nihil naturale referunt: in nostra autem, reliquo corpori coniungenda est cauda.



Primus quem Alexandria conspeximus, inter arcis rudera fuit, gallinam quam ceperat vorans. Vaser est in praeda aucupanda: nam posterioribus pedibus sese subleuat, & observata praeda, summa tellure adrepens, magno impetu sese in pradam vibrat, indifferenter vescens omnibus vivis corporibus, uti scarabeis, lacertis, chameleone, & omni serpentum genere, atque ranis, muribus maioribus & minoribus, aliisque similibus. Auculas etiam maximè appetit, praesertim gallinas atque earum pullos: & cum indignatur, pilos surrigit, qui duorum sunt per intervalla colorum, nempe exalbidi vel flavescentes, & cinerei, duri & asperi instar pilorum lupi. Maiore est robustioreque corporis mole quam felis, rostrumque nigrum & mucronatum habet instar viuerre, sine ullis tamen barba pilis: breves & orbiculares habet aures, coloremque cinereum ad flavescentem accedentem, qualis in cercopithecis conspicitur: eius crura nigrescunt.

scunt, & quinq. articulis posteriores pedes sunt praditi, quorum calcar interius breue est: eius cauda oblonga est, & superiore qua spina adheret parte, crassa: linguā verò & dentes felinos habet. Peculiari praditus est nota, qua reliqua quadrupedes animātes carēt; qua suspiciōe Auctoris praeuit, ut existimarēt mares nō minus vterū gestare quā feminas: habet enim prater muliebris sexus meatū, aliū quē piā ingentē illi contiguū, pilis obsitū, non admodū dissimilē pudēdo mulieris, quē per magnos aestus aperit (clauso nihilominus permanente quo excrementa reddit foramine) ut cavitās in eo appareat. Testiculos felis habet, & ventum magnopere formidat. Tamen si hoc animal exigū sit, adeo tamen industriū & agile est, ut aduersus magnum canem configere non vereatur: atque si felem obseruet, eam statim strangulet. Quoniam verò os adeo mucronatum habet, cum difficultate crassiorem carnis molem morſu apprehendere potest, imo ne humanā quidē manū in pugnū contractā mordere. Auctores de eo multa alia scripserunt, praesertim eum bellum aduersus aspidem gerere, & crocodili onā confringere, admodūque vigilantem esse, illi multas singulares facultates tribuentes, quas breuitatis causa hic praetermittimus; existimantes nos satis fecisse, si eius descriptionem daremus. Sed & aliud animalculū est, ē vesparum genere quod Ichneumon vespa appellatur, & bellum internecinum habet cum phalangio: quoniam verò eorum pugnam vidimus, ipsam hoc loco comemorare libuit. Insecti genus est sanguinis expers, forma api siue vespa, vel magnae formicae alatae perquam simili, vespa tamen minus; in terra etiam suū latibulum quemadmodum phalangium faciens. Superat phalangium quāduocūque id extra suū latibulum inuenire potest: at si in latibulo id adoriatur, saepenumero re infecta redit. Accidit ut ichneumon vespa phalangion ē suo latibulo egressum

P

corri-

corriperet, atque post se traheret, quemadmodum formica tritici granum, idque quò volebat impelleret, tametsi non sine magna difficultate: nam phalangium pedum uncis obuia quæq. apprehendens, quantum poterat renitebatur. Ichneumon verò, suo aculeo, quod instar apis exerit, variis in locis ipsum prungebat. Defessus autem ista pertractione, anolant hac illac oberrans ad balistæ ferè iactum; deinde suum phalangium requirens, nec quo reliquerat loco inueniens, eius vestigia sequebatur, quasi illa odoraretur, non minus quàm canes leporum vestigia. Deinde inuentum plus quàm quinquagies aculeo pupugit, rursusq. pertrahens, quò voluit perduxit, isticque planè confecit. Merces quæ in Alexandrinis officinis reconditæ adseruantur perlustrantes, inter eas obseruauimus struthionum pelles cum suis plumis maxima copia: solent enim Aethiopes illis confectis pellem detrahere: carnibus quidem vescentes, at pelles cum suis plumis, aliis mercibus permutantes. Has deinde mercatores in Alexandriam inuehunt, quæ istinc in varias Turcarum provincias distribuuntur: nam apud Turcas non minus inualuit usus, suas tiaras his plumis exornandi, quàm apud nos galearum cristas conficere & adornare. Hortorum cultura apud Alexandriam & per uniuersam Aegyptum præterquam secundum Nilî ripas, admodum difficilis est: quoniam perpetuò instrumentis à bobus uersatis haurienda est aqua ad rigandum solum. Illorum iaseminum à nostrate differt: flavo etenim est flore, admodum odorifera. Inueniuntur etiam istic flauæ rosæ, sed odoris expertes.

CAP. XXIII.

De Turcarum Alexandriam incolentium moribus, & Diui Macarij solitudinibus, variisq. aliis Alexandria rebus.

QUINQUE dierum ultra Alexandriam itinere versus Africam tendentibus, solitudines occurrunt, quæ Dini Macarij cognominantur, D. Antoni solitudinibus

con-

contermina, quas Caloieri Arabes inhabitant, eiusdem cum Græcis religionis: plurimæque istic sunt Arabum monasteria Græcis permixta. Incidimus Alexandria in Nobiles quosdam Venetos, qui nuper inde reuenterunt: quorum nonnulli curiositate quadam Tamarindorum, qui istic crescunt, ramulos cum suis floribus retulerunt. Istic etiam tanta lapidis aëtitis abundantia reperitur, ut eo naues onerari queant: illum olim mercatores Romanam inde deuehebant. Plinius enim aëtitem lapidem, cognomine Cissitem, in Aegypto sponte nasci circa Copton tradit. Inter reliquas lapidis aëtitis facultates, veteres nobis scriptum reliquerunt, eo furem deprehendi, quæ etiamnum apud Græcos in usu est; cuius etiam Dioscorides meminit, sed plenè eam non describit. Furem igitur deprehendere volentes Græci, omnes furti suspectos simul euocare solent: se enim adfuturos pollicentur. Multis autem id ceremoniis peragitur: admurmurant enim Caloieri multa verba, dum massam pinsunt sine fermento, è qua paruos panes conficiunt oui magnitudine: horum, singulis qui conuenerunt, terni deuorandi totidem bolis, nullo potu addito, deglutiendi præbentur. Id experimentum nos fieri vidimus: atque qui furtum commiserat, nunquã tertium panem deuorare potuit, quinimo dum deglutire nititur, parum absuit quin suffocaretur, propterea reiicere coactus est. Monachi Græci id observant tanquam peculiare secretum, nec cuiquam communicare volunt. Intelleximus tamen illos lapidis aëtitis pollinem suæ massæ, dñ panes hos conficiunt, inspergere. Locus ille quem Cæsar Pharum nuncupauit, quiq; tum insula erat, nunc continenti iunctus est, arcemque habet admodum incommodam: nam singulis diebus aqua è Cisternis Alexandriae hausta camelis in eam deuehenda est. Omniũ Alexandriae edificiorũ tecta plana sunt & constrata, quemadmodũ vulgò apud Turcas, Arabes & Græcos,

228 P. BELLONII OBSERVATIONVM
cos, ubi incolae noctu dormiunt, ad frigidiorē auram
captandam, omni anni tempore, cū astate, tum hieme.
Aegyptij autem & Arabes supra reliquas nationes
sub dio quoniam tempore pernoctare delectantur, nullo etiam
lecto substrato; modo enim chlamydem aliquam ha-
beant qua se tegere queant, lectos negligunt; non igno-
rantes, plumis confarctos lectos plurimum illis nocitu-
ros. Mirum igitur videri non debet, si eius regionis homi-
nes adeo exacte stellarū cursum observare potuerunt: illis
enim omni noctis tempore conspicua sunt, & cū oriuntur, &
cū occidunt: huc adde quod aer istic non sit nubilus. Ale-
xandrini Arabicè vel Mauritanicè natura loquuntur:
at Turcae illis permixti, sermone ab iis admodū differente
utuntur. Et quandoquidem istic multi Iudaei, Itali &
Graeci versantur, variorum idiomatum inualuit usus.
Olim Graecè loquuti sunt: nam cū Alexander Aegy-
pto subacta Alexandriam condidit, verisimile est, relictis
illic Macedonum coloniis, linguam Graecā admixtā fuisse.
Sed & Caloierei Iacobitae & Graeci edificium istic ha-
bent pro Patriarchatu cum suo templo, eo loco in quo re-
conditum erat D. Marci cadauer, antè quàm Veneti il-
lud Venetias transferrent. Latini & Iudaei, sua istic pe-
culiaria templa habent. Inter singularia quae nobis Flo-
rentinus Consul ostendit, cū aromata nos requirere anim-
aduertisset, degustandam dedit radicem quae Arabi-
bus Bisch nominatur: ea nobis tantum calorem in ore
per integrum biduum excitauit, ut flagrare videretur.
Plurimi recentiores huius radicis gratia Auctores Ara-
bes ferè confecerunt, eos toties mendaciy arguentes, & in-
iuria afficientes, ut referre pudeat: cū tamen ipsis nun-
quam nota fuerit. Exigua est, parui napi instar, alij Na-
pellum vocant, & adeo vulgaris Turcicis aromatariis,
ut nullus eorum venalem non habeat.

C A P.

Ex Alexandria in Cairum profectio.

POSTQVAM Alexandria aliquot dies commorati fuimus, ad iter Memphiticum nos accinximus. Duobus diuersis itineribus eò tendi potest; altero longiore, aduersa videlicet Nilo, altero terrestri breuiore. At quoniam Nilus Aegyptum inundauerat, Rosettam profecti sumus, ut nauigio Nilum subiremus. Dimidio milliari ab Alexandria progressi, in amplā planiciem arenosam peruenimus, in qua varia stirpes nascuntur, inter quas Anthillis Græcorum est, quam Arabes Kali appellant: hanc incolæ lectam desiccant, ignis struendi causa (quoniam ligni magna istic est penuria) atque calcem cum ea adurentes, geminum quæstum faciunt: calcem enim Alexandriam deportant, atque herbae cineres diligenter adseruant quos Soldam nuncupamus. Indurantur saxi modo, eosq; tāta copia colligunt, ut mercatorū naues onerare possint; qui eos istic coëmētes, Venetias deinde deuehūt, vitro-rū cristallinorū fundendorum gratia. Vitrarij Veneti in Muran eos cōmīscēt saxis quæ per Ticinū amnē ex Papiæ aduehi iubent, quæ cum cineribus aequaliter commixta, materiam reddunt ad selectissima cristallina vitra fundenda. Galli autem nuper admodum Cristallina vitra conflare edocti, Stampanum fabulum saxorum Ticinensium loco usurpant: id enim opifices commodius esse deprehenderunt, quàm Papiæ saxa. Nondum tamen quidquā excogitare potuerunt, quod cinerū vicē supplere queat: eāq; ob causam ex Provincia Narbonensi vsq; eos petere necesse est. Quæ res nobis fidē facit, illos cineres his similes esse quos ex Syria mari inuehūt. Gallis tamen De la Soule appellantur, denominationē sumētes ab altera stirpe Soldanella * nuncupata, quæ adusta, similiū facultatū cineres reddit, quorū sit vsus in Syriacorū defectu.

* Plurimum hallucinatur meo iudicio Bellonius, qui in Gallia Narbonensi Sodæ cineres induratos ex Soldanella adusta conflare autumat. Maris etenim & stagnorum in ea accollæ, Soldanellam non vrunt: sed Anthilli-

thillidem domesticam, quam ipsi vitrariam ab effectu, & quod instar vitri pellucida sit, nominant, magna cura & diligentia ferere solent (eius etenim maior commodiorque est usus quam sponte nascentis) quam sub æstatis finem succidere solent; deinde reficcatam in scrobes, de industria in eum usum paratos, congerere, atque ignem subiicere: huius adustæ cineres imum petentes indurantur, atque massam eam præbent quam Sodam appellant, non modò ad vitra conficienda vtilem, sed qua etiam Saponarii artifices plurimum uti solent: uti ego dum in Mompelio viuerem, obseruaui: Sed de ea re Quinquerani libellum quem de Laudibus Prouinciæ inscripsit, consulendum iudico. Existimo enim non viliorem sodam in Gallia Narbonensis ora maritima fieri, quam in Syria & Aegypto.

CAP. XXV.

De singularibus quibusdam in Alexandria & Rosetta repertis.

*B*INIS ab Alexandria miliaribus per agros reperimus pastores, caprarum greges pascentes, quæ aures ad terram usque promissas habent, per extremitatē quatuor aut amplius digitis sursum recuruas. Hi pastores ne tempus in ocio terant, arenam ventilantes, vetera numismata perquirunt. Sæpe numero etenim accidit, ut ea cum aurea tum argentea inueniant. Ad dextram nobis erant ingentes planicies arenosæ, in quibus præter paucas capræ, atque atq. iam dicta Kali & Harmala, nihil crescebat. Regio ad sinistram paulo sublimior erat, ingentesq. pagos hinc inde inter palmarum siluas sparsos habebat. Tribus circiter miliaribus emensis, aquam dulcē & potabilem inuenimus, quæ fontana videbatur, cum duntaxat hydria esset Nili aqua plena, utribus à Camelis eò elata, quam repleri perpetuò curabat Turca quispiam gratis: nam magnam eleemosynam esse censent & meritum, si secundum regias vias aquam reponi curent ad aquados viatores. Tantum etenim abest, ut istuc reperiat vinum, ut in ipsis etiam vrbibus agrè aquam recentem inuenias. Palmæ istic, ut & per reliquā ferè Aegyptum, celsissimæ sunt: inter quas nonnullæ reperiuntur quæ ex unico trunco eadēmq. origine viginti magnas arbores ab inuicē separatas proferat. Nox in itinere nos oppressit, eāq. ob causam in tenebris diu nobis faciendū fuit iter

iter secundū littus maris Mediterranei quod ad sinistram habebamus: neque substitimus, donec ad unum ex primariis Nili riuis perueniremus, quem iuxta littus maris vado transiimus, ibique solum piscatoris tuguriolum inuenimus, in quo sal erat ad saliendoſ pisces, atque etiam Botargues Gallorum, siue ὠὰ τάριχα, quæ fiunt ex Mugilum, quos veteres Cephalos nuncupabāt, onis. Istic hæsimus, & noctem sub dio duximus cum camelis & iumentis. Primus ille Nili riuis, ostium Canopicum non est: eius tamen antiquum nomen ignoramus. Altum alueum non habet, quandoquidem, ut diximus, vado eum transiimus, ipſomet quo Nilus Aegyptum inundauerat tempore. Postridie a riuo illo digressi, per arenosa loca iter fecimus, in quibus nullæ arbores crescunt præter Myricas, quæ in ingentem magnitudinem attolluntur, gallasq. ferunt, quas huius tēporis Arabes Chermasel proprio nomine appellant. Hæ olim admodum in medico vſu fuerūt, & non poenitendum mercimonium. Secundum maris littus iter facientes, premulas myrtos nigras obseruamus, quæ nō attolluntur, eo quod perpetuō a vētis marinis affligantur. Maritimis gaudent Myrti, eā ob causam Veneri dicatæ sunt, quam Poëtarū fabula mari natam referunt. Diu littus marinum sequuti, planiciem arenæ mobilis ingressi sumus, ubi tenuissima arenæ tumulos conspeximus, quos ventus accumularat. Planities hæc adeo sterilis erat, ut nihil in illa nasceretur. Eo die sub vesperam peruenimus Rosettam, quam Mauritanii Raschit nomināt, ad littus sitam circa magnum quoddam Nili ostiū. Eius urbis incolæ diligentes sunt in curandis hortis, in quibus Musæ arbores nascuntur, Papyri planta, Sacchari harūdines, Colocasias, Sycomori. Adeo exquisito virore præditi sunt Sycomori, ut omnes reliquas arbores sine controuersia superēt. Colitur etiam istic radix quam Itali Dolceguini nuncupant. Chamaleones frequentes reperiuntur

232. P. BELLONII OBSERVATIONVM
in fruticibus qui *Rhamnus* altera dicuntur, & in varios
colores sese commutant. Magna ex parte ex viridi pal-
lent, interdum ex caruleo virescunt. Inde fit vt non faci-
le observari queant: nam ramo insidentes simili virore
pedito, etiam à diligenter requirentibus vix inueniri
queunt. Vescuntur muscis, erucis, scarabeis, & locustis,
serpentum more, qui omnis generis parua insecta deuo-
rant, quae saepenumero in eorum ventriculis inuenimus,
dum illorum anatomen faceremus. Nonnulli memoria
prodiderunt Chamaleones vento vesci. Verum quidem
est eos integro anno sine esca perdurare posse; quod credi-
tu difficile non est: nam varij generis serpentes vidimus
per decem mensium spacium viuere nullo administrato
illis cibo: interdum tamen nonnihil aquae dandum est,
quam bibant.

CAP. XXVI.

De vrbe Rosetta ad Canopicum Nili ostium sita.

ROSETTA elegans est oppidum, nullis tamen mœ-
nibus cincta. Veneti istic Consulem alunt, quem alio no-
mine Bailum appellant; qui res ad mercaturam perti-
nentes curat. Oneraria naues per Nilum ad oppidi vs-
que adificia appellere possunt. Nullum est adeo exiguum
oppidum per vniversum Turcae dominium, vbi Veneti
quempiam non alant, qui eos de aduectis mercibus siue
in amnium & maris portus, siue in continentem adue-
ctis admoneat: quod magna illis cedit vtilitati, quoniam
ex omnibus orbis partibus noua intelligunt, atque mer-
cium in remotissimis etiam regionibus precia; unde fit
vt reliquas Respublicas, in mercium negotio superent.
Quod si quaspiam merces in aliquo portu venales in-
telligant, illico per suos illas occupant, vt primi quæstum
habeant. Rosetta vicina est parua quadam arx non pro-
cul à Nilo, quæ Alexandriam iter est. Vix binis mil-
liaribus ab ostio quo se Nilus in mare exonerat, Rosetta
distat.

distat. Arabicus istic sermo in usu est, quemadmodum per uniuersam Aegyptum. Plurimi istic viuunt Iudei qui per uniuersum Turcae dominium adeo multiplicati sunt, ut nullum oppidum sit aut pagus, in quo non inueniantur frequentes; callentque varias linguas: qua in re plurimum nobis contulerunt, non modò interpretandi officio, sed etiam in illius prouinciae rerum memoratu dignarum explicatione. Eiusmodi generis cibos in Rosettano foro inuenimus, quales in Alexandria. Palmarum siluæ oppidum inumbrant. Aedificiorum structura similis est iis quæ in Cairo sunt: ad quam rem maxime accommoda sunt ligna quæ nauibus Constantinopoli inuehuntur. Qui inde Constantinopolim nauigant, semper inueniunt quo suas naues onerent: nam potius quàm inanes redeant, naues lignis onerant, ad edificia instruenda, cum nulla ad eam rem utilia in Aegypto inueniantur. Aegypti animantia ob pabuli abundantiam, stirpium à Nilo rigatarum probum alimentum, atq. aeris temperiæ, in magnâ molè euadunt, uti Bubali, Boues, Cameli, Equi, Asini, Arietes & Capræ. Arietes autem, qui admodum pingues & crassi sunt, amplam & densam atque ad terram usq. propendentem caudam habent, & palaria insuper è collo dependentia ut in bobus, nigraque lana vestiuntur.

CAP. XXVII.

De Nili piscatoribus.

PLVRIMI Rosette sunt qui ex quæstu è piscium in Nilo captura factò duntaxat vitam sustentant. Peculiare autem est his piscatoribus, in suis cymbis uti ingluuie illa quæ sub earum anium quas Plinius Onocrotalos appellat, rostro propendet ad aquam eiciendam. Eiusmodi rostra, ea parte quæ capiti adhaesit, colligata, orbem quodammodo exprimunt: uina autem anis illo sacco seu ingluuie utitur, tanquam altero vetriculo, ut multis denoratis conchis & mytilis eas (dum sese tepore aper-
P s riunt)

riunt) deinde reiiciat, atque carnes à testis separatas demoret. Eius porro natura est hac ingluuies, ut humiditate corrumpi nequeat: quā ob causam multo tempore piscatoribus utilis est. Per onocrotalum autem non intelligimus ardeas stellares, quas nostri Bonae tauros nominant, quod bonis mugientis instar sonitum edant, neque nostras Pellas, hoc est, ardeolas, quae rostri extremam partem latam habent: sed eas aues quas Aristoteles *αετῶνες* Pelecanes nominat. Aquis innatant ut cygni & anseres; his maiores, illis autem minores, omnino albi, pedibusque latis praediti coloris inter cinereum & nigrum medij.

CAP. XXVIII.

De nauigatione à Rosetta in Cairum: atque de multis quae secundum Nilum sunt rebus.

PHASELO conscensa, ut aduerso Nilo. Cairum peteremus, & Aquilone nobis fauente (Nilus enim à Meridie in Septentrionem vergit) breui nostrum iter absoluiimus. Longius paulo progressi, & ad alteram ripam appellētes, omnes descendimus, ut terrestri itinere secundum Nilum pergeremus. Magna autem voluptate afficiebamur, solum adeo herbidum conspicientes. Qui verò Nili alueum sequuntur, Cairum profecturi, compediunt non querunt; multos etenim habet meandros. Maxima elegantiorum Aegypti pagorum pars secundum Nilum exstructa est, cum ob aquae commoditatem quae agrum inundat, tum ad hortos rigandos. Conspiciuntur tamen & alij procul à Nilo seiuncti, qui maxima anni parte aquae penuria laborant. In pagum nomine Anguidie peruenimus, deinde in alium maiorem Mahatelimie nuncupatum, postea in Dibi, inde porro in oppidulum dimidij diei itinere à Rosetta distans, Nantubes appellatum, quod utraq. Nili ripam occupat, ut Beaucaire & Tarascon ad Rhodanum sita. Nilus istic alueum maiorem non habet, quam Rhodanus Lugduni. Post modum inuenimus pa-

gum

gū Elminie. Magnū iter cōfecimus eo die: prosperū etenim ventū habebamus. Eius loci horti & agri vicini, à Nilo inundati iam erant, & undiquaq. Palmarū siluæ appa- rebāt. Agri istic ab inuicem separātur ex Rhamno con- stantibus sepibus, qui à nostra Grossularia differt. Inue- nimus etiam Tamarices suis Gallis onustas. Agri pluri- mis locis oryza, papyro, & musis erant consiti, inter- dum etiam colocasia. Quoniam autem colocasia (quam etiam ad Cretæ insulæ riuos nasci asserimus; istic enim sponte prouenientem inuenimus; Aegyptij autem dili- genter colunt) Lotus & Faba Aegyptia etiam nomina- tur, & frustra eius semina magna diligētia perquirentes, Cairi incolis ridendos nos præbuerimus, quasi innuere vellent nulla reperiri: occasionem habuimus inquirendi cūr veteres Auctores Fabam Aegyptiam nominarint, cū nullas proferat fabas. Erroris tandem originem animaduertimus, quæ ita habet. Herodotus vetustissi- mus scriptor de duabus stirpibus in Nilo nascentibus verba fecit; quarum altera orbicularem radicem habe- bat, quæ est colocasia; altera verò quidpiam oliuarum nucleis simile in capite profert. Reliqui qui illū subsequen- ti sunt auctores, alij aliarum vestigis insistentes, pro arbitrio de his loquuti sunt. Nam cū Theophrastus ait eius radicem spinosam; aliter rem se habere experien- tia docet. Dioscorides de Fabā Aegyptia agens, Theo- phraستي verba fere expressit. Plinius verò ex illis ipsis mutuatus, similia omnino scribit. In ea itaque opinione facile essemus, ut per fabam Aegyptiam intelligenda sit edulis faba quæ in Aegypto nascitur, Ipse Galenus de vulgaribus fabis intellexisse videtur libro de Alimen- tis, cū de Aegypti fabis agit. Vt verò elucidemus quod Plinius refert Aegyptios varij generis vasa ex eius fo- liis facere: animaduertendum est ea admodum ampla esse, eamque ob causam complicari & conuolui instar corni-

corniculorum posse, quibus aquam è Nilo hauriant & bibant; deinde abiici. Tandem in amplum quendam pagum peruenimus, nomine Berimbal. Aegypti regio nobis apparebat omninò aqua submersa, prater quosdam aggeres nonnullis locis eminentes, per quos ex uno pago in aliū pateat iter. Incolae ut securi sint ab inundationibus Nili, pagorum adificia sublimioribus locis substruere coguntur, quorum maxima conspicitur quantitas: etenim plana est regio, & adificia ex tenaci pinguiq; limo constructa, tectoq; operta acuminato, alueariorū instar, procul admodū apparēt: nonnulla etiā tegūt plana forma, propugnaculi instar, quod vulgare est per vniuersum Turca dominiū & Graciam. Tanta apud illos est lignorū & lapidum penuria, ut eorum adificia humiles duntaxat sint casa: etenim ampliores non sunt quàm pusilla tecta, recipiendis anseribus idonea. Eam videlicet ob causam, quòd magna ex parte cubent, bibant & edāt sub arboribus; vel insectorum vitandorum causā, vel ut frigidiorē auram excipiant; etenim hieme istic non pluit. Aestate autem sub tecto frigidiorē auram non requirunt sed sub Palmis. Amarices in Aegypto indifferenter nascuntur cum humidis tum siccioribus locis, ut illarum siluula perinde in aridioribus locis reperiantur atq; in humidis litoribus. Ea autem illa exerescentia quā Gallā nominauimus adeò onusta sunt, ut parū absit quin rami præ pōdere rumpantur. Nouum quidpiam nobis fuit mense Septembri conspiciere aquaticam anem, quam Galli (quoniam in stagnis non minus damnum infert quàm Castor) un Bieure, hoc est, fibrū vocāt, Latini Vulp-anserem, pullos recens exclusos in Nilo ducentem. Aquaticae aues quae sub hiemem à Septentrionalibus regionibus loca commutant, in Aegyptum adueniunt, isticque pullos excludunt, deinde aestate reuertuntur, solis immesum & intolerabilem ardorem fugientes.

CAP.

De magnis Aegypti urbibus & pagis ad Nili ripas sitis ob
aquæ commoditatem.

PER Berimbal transeuntibus nobis, plurimi Aegy-
ptiaci pueri sese in Nili profluente abiiciebant, ut panem
exciperent, quem de industria è navi abiiciebamus, ut ex
illis adeò peritè natantibus voluptatem caperemus: ipsi
etenim in aquam sese abiicere non magis reformidant,
quàm anatù pulli. Nostrum iter secundo Aquilone pro-
sequentes, in pagum nomine Sindou peruenimus, ad cu-
ius dextram est * Diuruth, eaque nocte in oppidum ap-
pulimus Fona nuncupatum, amplam olim urbem ut
Cairum: sed & hodie nullū est in continenti Aegypti op-
pidū, excepto Cairo, amplius quàm sit Fona: multo etenim
maior est Rosetta, atque è regione magnam Insulam
habet, Sacchari arundinibus, Sycomoris, Palmis, Co-
locasiis, omnisque generis leguminibus excultam, at-
que oryza, quæ præ reliquis magni est census per uni-
uersam Aegyptum. In Fona pernoctauimus: nam li-
cet nobis secundus adspiraret ventus, nauta tamen no-
ctu nauigare reformidabant, quòd Nilus iis locis multos
inflexus habet, atque admodum rapidus est. Non minus
etenim velocè habet cursum quàm Ligeris. Nonnullis lo-
cis rectū tenet cursum, in quibus etiam noctu velis expli-
catis (modò secundus sit ventus) sine metu nauigare li-
ceat: lentius enim fluit, quàm ubi sese contorquet.

* Secundum geographicam tabulam, Diuruth longè infra Sindou est,
ut Deruthi infra Berimbal aduersa esse potius cèseri queat, quàm Sindou.

CAP. XXX.

Nilum, si quis cum alio flumine comparare velit,
Pado fere similem esse.

VIX in nostra Europa annè inuenire liceat magis ad
Nilum accedentem quàm sit Padus, præsertim à Fer-
raria mare vsque: nam facile velis expansis subiri po-
test,

test, aduersus ipsius etiam profluentem: quod non minus in Ligeri fieri potest quàm in Nilo & Pado. Ligeris autem alueus non est adeò profundus. Omnia Cymbarum siue nauicularum quarum in Nilo vsus est genera, ab aliorum amnium nauiculis differunt: vulgare etenim est cymbas singulis locis pro amnium natura variare. Nam homines ad loci naturam nauigia accommodare volentes, fluminũ cursum obseruare coguntur. Nisi enim in Tiberi, qui rapidus est, profundumque alueum & altas ripas habet, cymbarum utraque extremitas, siue prora & puppis præalta essent, & riparum altitudini responderent, quandocumque appellunt, ad egrediendum scala perpetuò opus foret: eam ob causam angustis scaphis in Luna crescentis formam fabricatis, proramque & puppim præaltas habentibus & in mucronem desinentibus utendum est: quarum gubernacula longis perticis alligata sint, & gubernator in summa puppi stet, ut quò agenda sit nauis, conspiciere queat. At Nilus cum ripas humiles, & summa aqua duntaxat eminentes habeat; nauiculas exiguas, humiles, planasque, & latas fert. Padi scaphæ breues sunt, profundæ, constratæ, subrotundæque, & gubernaculum ad latus habent, possuntque mare subire, & Venetias vsque nauigare. Oblongæ nauiculae, quarum vsus est in fluminibus haud profundi aluei, ut sunt Ligeris & Sequana, extrema puppi gubernaculum seu temonem habent. Nonnulli persuadere voluerunt, amnes inueniri qui maiores naues grauioribusque oneribus plenas ferre queant aliis simili alueo & profunditate præditis: at in exemplum adducentes flumini Aise, qui licet Ligeri angustior sit, triplo grauiora tamen fert onera, tribuentisque id aque nature, haud eius profunditati, solido argumento niti non videntur. Sed quoniam eius rei elucidatio in experientia consistit, facile veritas adquiri potest. Cum Nilus vniversam regionem inundat,

ingens

ingens tum est, magnâque & capacia fert navigia, quorum duntaxat usus est inundationis tempore: at cū inundatio cessavit, certa loca ostenduntur ubi ab equite vado trāsiri potest. Expansis etiam velis navigare in eo licet, quoniam neque montes neque silvarum frequentia ventum adimere vel impedire queunt, perinde ut neque in Pado. Et quemadmodum populi in ripa Padi nascentes quibusdam locis ventum navigantibus infringunt: sic etiam Palmæ ad Nilum nascentes. Nili piscatores cū Padi piscatoribus in hoc cōveniunt, quod utriq. aquā in cymbarū alneo vehūt, quā cratibus vimineis superimpositis tegūt: nā istac ratione pisces viuos adseruat, & per crates incedētibus pedes nō mader. Nostrū iter persequētes, & paulo suprapagū* Sindon progressi, alvei caput cōspeximus, quē Alexāder fodi curavit, ut aquā in Alexandriam deduceret implendis urbis cisternis & puteis & siphonibus, eumque ad sinistram reliquimus. Terra quæ exempta fuit, adhuc superest utrinque proiecta secundum canalē ripas, cuius caput à magno illo pago Sindon quadrante miliaris dūtaxat distat. Regio quam ad dextram relinquebamus, paulo sublimior erat ea quam ad sinistram habebamus, atque magis arenosa, idcoq; (nā Nilus eō non pertingit) sterilior. At quæ ad sinistram est, quoniam humilis & plana, atque Nilo irrigatur, fertilior est & magis herbida; in quam aquaticæ aves hieme commeant tanta copia ut agri & prata iis albescant; præsertim autem ciconiis, quas Aegyptij non ab re magni faciunt, cū rane tanta abundantia istic generētur, ut nisi ciconiæ eas vorarent, nihil illis esset frequentius; tū etiam quod serpentes capiant, & integros deuorent. In arenosa altera parte, vultures conspiciuntur, accipitres Aegyptij, miluij, aliæque aves carniuoræ: sed Aegyptius accipiter omnium frequentissimè, corpore corui, capite miluij, rostro inter coruinum & aquilinum medio, nam

micro-

mucronem paulo magis incuruum habet, crura verò & pedes inter cornū & aues rapaces. Similis nominis auem in Herodoti aliorūque veterum scriptis inuenimus: videturque ea esse quam accipitrem Aegyptium nominant. Colore est accipitris: interdum tamen color variat. Eius iconem libro de Anibus exhibebimus. Buffali tempore inundationis in aqua ad alium vsque versantur, caput ad armos vsq. in aquam demittentes, vt gramina depascāt, quibus depastis, id eximunt, & in aërem tollūt, vt herbam dentibus atterant & ruminent, atque in alium demittant: nullum etenim animal pulmonibus praeditum, siue aues sint, siue quadrupedes, siue etiam cete & delphini, & reliqui qui masticant, escam in aqua deglutire queunt. Hac itaque ratione aluntur Buffali inundationis tempore. Fieri nequit vt peritiores natatores reperiātur quā Aegyptij, eosque tales esse necessitas cogit: nam inundationis tempore subinde ex vno pago in alium tranare necesse est, ad sua expedienda negotia: eāque ob causam vestes ad natationem aptas gestant, promissam videlicet interulam albam, leuiter elaboratam, deinde chlamydis genus inconsutile laneum, vilis cuiusdam tapetis instar, qua humeros & corporis aliquam partem obuoluunt: neque alias vestes gestant peregrè profecturi. Si profundū amnem transire necesse est, chlamydē cum interula capiti obuoluunt diadematis instar, atque sic natantes ad alteram amnis ripam perueniunt. Si verò longiore spacio illis natandum est, scirpos post se trahunt, donec terram pedibus attingere amplius nequeunt: tum demum scirpeis fascibus incumbentes, natationem leuiorem & minus operosam habent. Aquilone adhuc nobis prospero, magnum iter conficiebamus, & licet plus quadraginta passuum millibus à Pyramidibus, adeò à veteribus celebratis, abessemus, nobis tamen apparere

reret inciperet: edito etenim sunt loco eorum qui Nilo vehuntur oculis exposito: quod Plinius his verbis intellexit: sanè conspicua undique adnauigantibus. Aegyptij Pyramidum nomine appellare non norunt, sed Pharaones nuncupant. Magis adhuc admiranda videntur propè insipientibus, quàm ab auctoribus descripta sunt, ut postea demonstrabimus.

* Cum Bellonius superiore capite ad Foua usque progressus sit, hoc capite, quasi sui oblitus, in Sindou regreditur, supra què aluei illius Alexandriam fluentis caput ponit, qui tamen in Geographica tabula paulo supra Berimbai, infra autem Sindou constituitur. Præterea non potuit eum canalem ad sinistram relinquere cum à Rosetta Cairum nauigaret, sed ad dextram potius: ad Nili quidem profluentis sinistram est.

CAP. XXXI.

Singularia quædam de Aegypto & Aegyptiis.

NULLA est natio quæ magis antiquitatis vestigia retineat, quàm Aegyptiorum: nam etiamnum illos in urbibus videmus similibus vestibus uti, quales descripserunt veteres. Per uniuersam Aegyptum, pulli gallinacei à matre excludi non solent: sed fornaces artificiosè, ut vidimus, exstructas habent, in quibus tria aut quatuor ouorum millia reponunt; quarum calorem ita temperare norunt, ut omnia oua simul excludantur: quod recens inuentum non est. Nam Aristoteles lib. 6. historia animalium cap. 2. iam scripserat: Incubitu auium, fœtum excludi naturæ ratio est: non tamen ita solum oua aperiuntur, sed etiam sponte in terra, ut in Aegypto, obruta fimo pullicem procreant. Hi furni communes sunt plurimis rusticis, qui è diuersis locis sua oua inferentes istuc excludi curant. Aggeres exstruunt, ad continendum in suo alueo Nilum, quos straminis, sacchari harundinum, Halimi, Rhamni & Tamaricis fasciculis muniant. Postridie nostram nauigationem vento maximè prospero prosequentes, quibusdam locis Nilum sæpenu-
mero se contorquentem & Meandros facientem inue-

Q

nimus,

nimus: interdum etiam Palmarum arbores nostrae cuius velis flatum adimebant, sic ut nautae phaselo egredi, eamque vi pertrahere cogerentur. Remissiore autem vento, Nilique profluente admodum rapido, ad alteram ripam appellere nos oportuit, atque in terram descendere. Sed cum istuc parumper haessemus, secundus ventus nobis denno adspiravit.

CAP. XXXII.

Plurimarum avium atque aliorum animalium secundum Nilum observatorum descriptio.

CVM Aegypti regio hieme adeo tepida sit, & palustris; plurimas aquaticas aves alit, atque inter reliquas illam quae Graecis & Aristoteli Crex dicta fuit. Eam ex voce agnoscimus, strepera etenim est, & ut Vannellus Aex, sic haec dum volat Crex, Crex pronunciat: ipsam vero sequentibus verbis descripsimus. Crex corpore est inter elorium & calidrim, media inter illas crura etiam habens, quae cum pedibus & capite nigra sunt: cervix, pectus, & hameri albescunt: corporis superior pars ad cinereum tendit colorem, candidam lineam oblique alas secantem habens. Humi & in aere victum quaritat, ut Vannellus, qui veteribus Aex appellatus fuit, atque simili modo strepitum volando excitat. Inter aves quae Gallico nomine cognitae sunt, minimè recensendam existimamus, tametsi antea existimauerimus Gallorum Barge, hoc est, Aegocephalum Crecem esse, quoniam Herodotus eius magnitudinem cum Ibis genere comparat. Antea ibidem nigram pro Hematopode habueramus: sed observatis eius moribus, non Hematopodè sed, Ibin nigram esse deprehendimus, cuius Herodotus primus meminit, deinde Aristoteles. Corpore est elory, aut paulo minor, omnino niger, capite corui aquatici, rostro, quod capiti iungitur, pollicis crassitiem superante, sed per extremitatem mucronato & incurvo nonnihil, atque fornicato, &
omni-

omnino rubente, ut etiam cruribus, quæ oblonga sunt, similia cruribus illius avis quæ Plinius Bonem taurum, Aristoteles Ardeam stellarem nominant, collum vero oblongum ardeola instar habet: sic ut cum primum Ibi- dem nigram conspiceremus, Boni tauro corporis habitu similis nobis videretur. Aegyptij, Mauritani, vel Ara- bes, suæ religionis ceremonias strictius & diligentius obser- uant quam Turcæ: & licet utrique eandem religionem, quæ Mahumetana est, amplectantur, eiusdemque Do- mini imperio subsint; Turcæ tamen maiorem sanctimo- niam Arabibus, quam sibiipsis tribuunt. Eam putant esse causam, quod Alcoranus lingua Arabica primum con- scriptus sit, & deinde in Turcicum idioma conuersus. Sed & ipsi doctiores Turcæ, non Turcicè, sed Arabicè lo- quuntur. Characteres quidem similes sunt, sed lingua diuersa est: Turcæ etenim suos Characteres ab Arabi- bus mutuati sunt. Ad Nili ripas appellentes, & nauim egredientes ut pagos perlustraremus, Mauritanos in suis Moscheis, hoc est, suis templis canentes, & sibi alter- natim respondentes audiebamus, Latinorum sacerdo- tum more, & iisdem accentibus pausisque fere utentes ut ij qui Latinos Psalmos canunt: quod minimè faciunt Turcæ, quorum idioma rude est Arabici comparatione, quod facile est, & ad rhythmos cõponendos aptum. Sed & Alchoranus rhythmicis versibus conscriptus est. Quatuor sub Cairo miliaribus Nili alueus in binos ramos sese diuidit, quorum alter ad sinistram tendens, Rosettam, vnde veniebamur, delabitur, quæ est Ostium Canopicum: alter ad dextram profluens, apud Damiatam se exone- rat, ubi est Ostium Pelusiacum. Inde affirmare possumus, Nilum bina duntaxat primaria & nauigabilia habere Ostia, per quæ magnæ naues subire possint, aut ad summâ tria. Non inficias imus, quin in multos riuos diducatur, sed duos tantum illos alueos nauigabiles esse dicimus: aut si

Q 2

alio-

244 P. BELLONII OBSERVATIONVM
 aliorum quipia nonnullis locis nauigabiles sunt, id inun-
 dationis tempore fieri: aliàs etiam qua in mare sese exo-
 nerant vado transiri possunt, quemadmodum canalem
 illum inter Alexandriam & Rosettam superauimus.
 Ventus ad Cairã vsq. nobis secundus fuit, isticq. nauiga-
 tionē absoluiimus. Descēdimus autem ad magnum quen-
 dam pagum nomine Boulac, territory Cairini, in Nili
 ripa situm. Porro antè quàm de Nilo sermonē finiamus;
 de nonnullis animalibus, qua in eo reperiuntur, nobis agen-
 dum est, atque inter cetera de Crocodilo, cuius hæc est
 effigies.



Nos illum suspensum in multis templis & foris publi-
 cis admiramur: inueniuntur tamen & terrestres. Hip-
 popotamus etiã Gracis & Latinis dictus, istic inuenitur;
 Latini enim Græcorum vestigia sequuti, appellationem
 Græcam, quæ equum flumiatilem significat, non immuta-
 runt, sed eam retinuerunt: videnturque id fecisse ob eam
 quam referemus causam; nempe cùm id animal nulla ra-
 tione equum referre animaduertent, sua lingua id in-
 terpretari noluerunt, sed Græcam dictionem seruauerunt.
 Alterum tamen horum ut fuerit, necesse est; vel Roma-
 nos Græcorum Hippopotamum non nouisse: aut id ani-
 mal quod Hippopotamum censebant, diuersum à Græ-
 corum Hippopotamo fuisse. Nam si is qui Romam ad-
 uectus

nectus fuit cum Augustus de Cleopatra triumphauit, ut scribit Dio, & alij qui in M. Scauri ludis, & Pompeij triumphis exhibiti fuerunt, Hippopotami erant: dubium non est, quin veram eorum effigiem in eo libro quem de omnis generis piscibus conscripsimus, dederimus: nam id animal quod è Nilo delatum Constantinopoli vinum conspeximus, omnibus notis conueniebat cum iis qui in variis Imperatorum numis expressi sunt. Ad eius historiam quod attinet, cum eam alibi Gallicè & Latinè dederimus, hoc loco nihil amplius addemus. Nilus plurimos alios pisces admodum celebres alit, quos tamen sigillatim enumerare hoc loco non volumus: nisi quod Lucium qui istic frequens est, & veterem appellationem ei applicare difficile est, Oxyrinum veteribus nominatum asserimus. Capiuntur etiam piscium orbicularium duo genera humani capitis magnitudine, quorum pelles tomento vel fœno repleta à mercatoribus ad nos perferuntur: Græcis vulgo Elascopsari (Latinis Orbis, vel Græco nomine Orchis, dicuntur) lagenæ etenim instar rotundi sunt. Alius est qui squammarum vice totus osseo cortice tectus est: eam ob causam ut præcedens adseruatur.

CAP. XXXIII.

Nauigiorum quorum in Nilo vsus est, differentia, atque arborum quæ in Cairi hortis vulgariter aluntur, nomina.

NOSTRA per Nilum nauigatione peracta, & in pagum Boulac, quo omnia in Nilo commæantia nauigia appellere solent, ut merces quas in Cairum conuehant exonerent, cum descendissemus: eorum nauigiorum (Gerbes ipsi vocant) formam obseruare volumus, atque compedimus eorum quatuor esse differentias. Etenim alia humilia, plana, latæque sunt, sed admodum breuia si ad latitudinis proportionem conferantur. Alia maiora latioræque, sed in orbem ferè contracta. Maiora non multum absimilia essent Sequanæ nauibus, nisi longè breuiora

essent: maiora onera ferunt quàm reliqua, præsertim autem Sacchari harundines pro Turcarum Imperatore: sed illa inundationis duntaxat tempore navigant, neque infra pagum Fona descendunt, Latinòque velo utuntur. Omnium minima, plana, humilia & lata sunt, velòque quadrangulo utuntur, neq. longius à Boulac euagatur, ad traiciendum Nilum duntaxat apta, & ad annonam ex proximis pagis in Cairum deuehendum, atque armenta ex una ripa in aduersam traducenda. Que Damiatam & Alexandriam vsque descendunt Gerbes, Latino velo utuntur, marèque, si malacia sit, ingredi possunt: at si tempestas suboritur, diu obsistere nequeunt. Eam ob causam in iis navigaturi mitem mollioremque auram observant, & ventum admodum fauentem. Hortorù etiam arbores istic observauimus, nempe Sicomoros, Palmas, Cassias solutinas, Punicas malos, & Aureas, Acaciam, & Tamaricem.

CAP. XXXIIII.

Plurimos hallucinatos esse, qui Chamæleones solo aëre victitare crediderunt.

CUM nullas caduas siluas in Aegypto conspiceremus, ad fundenda tamen metalla (quibus perpetuo ea regio abundauit) plurimis lignis opus fuerit: quæ ligna istic frequentiora essent, observauimus (utuntur autem & Cassia Tamaricis, Rhamni, Sycomori, Napeca, Palmarumq. ramis & arundinibus) nihil tãdem istic frequentius Sacchari arundinibus: idque veterum auctoritati consentaneum est, qui materia, ad colliquandum aurum, opus esse non ignorantes, dixerunt, & inter ceteros Plinius, Pineis optimè lignis æs ferrumq. funditur. sed & Aegyptia papyro: paleis aurum. Nã primariũ Aegypti metallum, aurum semper fuit. Sepes Cairi hortos ambientes, Chamæleonibus obfiti sunt, præsertim secundum Nili ripas: sic ut breui spacio ingentem eorum numerum cõspiceremus. At uò
abs

abs re in dometis versantur: nam Vipera & Ceraſta, cum eos apprehendere poſſunt, integros deuorant. Chamaeleones pradam capere cupientes, linguam ſemipeda-lem exerunt, rotundam inſtar linguae Pici martij, lumbrico terreſtri ſimilem, in cuius extremo ſpongioſus quidam & glutinoſus nodus eſt, quo inſecta, ut locuſtas, eru- cas, muſcāſque capiunt, & in os attrahunt. Ipſas autem exerentes, tā validè tantāq. velocitate vibrant, quā ſa- gitta ab arcu emitti poſſit. Natura fruſtra huic animali linguam, ventriculum & inteſtina tribuiſſet, ſi edendi uſum illi ademiſſet, ut plerique arbitrati ſunt.

CAP. XXXV.

De noſtro in Cairum appulſu, quidque iſtic viderimus.

DUM in Boulac iumenta exſpectabamus qua Cai- rum nos ueherent, noui quidpiam & memoratu dignum audiui- mus: Denique enim vel duodena mulieres per pla- team ſimul tranſeunt, Egyptiaco more ſalutationem dicentes, ſimul vocem emiſerunt, cui ſimilem antè in qui- buſdam pagis ad Nilum ſitis audieramus quidem: ſed quidnā eſſet, imaginari nequiuimus. Mulieres etenim nunquam in publicum prodeunt, quin teſtam faciē ha- beant, non ob ſingularem formam qua praeſtitae ſint, ſed quia Mahumetes ſic praecepit. Immo Aethiopes quae car- bone ſunt atriores, faciē larua contegunt, non ſecus atq. formoſiſſima totius Aſiae Turcica mulier. Difficile itaq. nobis erat, qua ratione cuiusmodi vox efformari poſſet, imaginari: ſed cuiusmodi acclamationem ſapius repetitam, & conſuſam quandam harmoniam referentem audien- tes, intelleximus, ipſas aperto & hianti, quantum fieri po- teſt, ore, vocem acutam emittere, volutata inter dentes lingua, & verſus palatum contracta, accentūque acuto terminare, quemadmodum ruſticae mulieres ſub accla- mationis finem facere ſolent, quando lac venale Eutetiae proclamant. Faciē autem obuelant pro regionum va-

rio more. Sed ea qua Arabica & Aegyptiaca rustica
 utuntur faciem tegendi ratio, omnium est inelegantissi-
 ma: nam xylinam telam nigri vel alterius coloris ante
 oculos ponunt, qua ante faciem propendens, in cuspidem
 versus mentum desinit, quemadmodum qua nostrae nobi-
 les mulieres utuntur, quam barbutam appellant: ut au-
 tem per hanc telam prospicere queant, bina foramina ex
 oculorum aduerso faciunt, sicque instructa, iis similes
 sunt qui die Veneris ante Pascha Romae & Auenioni
 flagris semet cadunt. At in amplioribus urbibus Tur-
 cicarum mulierum morem sequuntur, quae exiguum
 quoddam velum ex cauda equina pilis contextum ante
 faciem gestant: quae verò splendidiores sunt, tenuissimam
 lineam telam. Itaque si quis earum vestimenta singula-
 tim describere vellet; non minus laborandum illi esset,
 quam huic qui pictura omnes omnium quae in Gallia, Ita-
 lia, & Germania sunt mulierum habitus, exprimere cu-
 peret: etenim in eadem provincia animaduerneret orna-
 tum capitis plurimum inter se differre, atque vicina-
 rum ornatui planè dissimilem esse: sic etiam Aegyptia-
 cae mulieres ornatu à Turcicis plurimum differunt. In
 Aegypto (ut neque apud Turcas, neque Gracos) mu-
 lierum aut virorum vestes dissecare moris non est. Nullus
 praeterea est praescriptus ordo, quo homines diuersae reli-
 gionis dignosci queant ex vestium coloris varietate; nam
 ut diximus, in solo pileo consistit. Christiani variis colori-
 bus distincti gestant, nunc caruleo, nunc rubro: Iudaei lutei
 ferunt: nam solis Turcis albo aut viridi uti conceditur,
 atque viridi quidem his qui ex Mahumetis sanguine
 prognatos se iactitant. Capitis porro ornamentum quo
 Aegyptiaca mulieres utuntur, consideratione dignum
 est: vetustum enim est, quale in variis numis expressum
 conspicitur. Auctores turritum capitis ornamentum,
 aut turritam coronam, seu vittam turritam nuncuparunt,
 quasi

quasi dicas capitis ornamentum in turris formam suble-
uatum. Harum alia sandalia gestant eduiore solo, alia
cothurnos ferrato calcaneo, Turcicarum mulierum mo-
re. Cum autem talis capitis ornatus vetustatem adeo
respiat, ad eum diligentius observandum nos commouit,
praesertim cum Latini poeta eius meminerint. Ceterum
ut facilius demonstraremus quomodo amicta incedant,
earum icones hic exhibere volumus, Turcicarum ami-
ctum postea exhibituri.



Illo ipso die Cairum profecti sumus, quò peregrino
equiti ingredi non licet, nisi illustris vir & Satrapas fiet,
aut ex eius sit comitatu: at incolis sine peregrinis, asinis
insidere indecorum non est. Nobiles inquilini, & Turca-
rum Imperatoris milites, ostentationis gratia equitant
ephippio insidentes, breui instrato tecto, non minus quàm
in Gallia, equorumque usum sibi reseruarunt, tenuioris

Qs

forin-



fortune hominibus eos inuidentes. Mulieres etiam asinis elitellatis superimposito gauſape inſident. Non ignorantes autem ſingulas nationes retinere ſue regionis conſuetudinem, ne Aegyptiorū naturalem habitum cum Turcico confunderemus, Cinem Cairinum equo inſidentem, eum uxore aſino inſidenti ſecundum regionis conſuetudinem animi gratia deambulatum profiſcentes, hic expri-
mi curauimus.

Boulac à Cairo dimidio duntaxat milliari abeſt. Per hortos iter facientes multas elegantes arbores fructiferas vidimus. Nulli Tamarindi in Aegypto niſi ſati proueniunt. Unicam arborem inter Cairi rudera apud Boulac inuenimus, & limones quosdam ſilueſtres, quarum fructus columbino ouo maior nō eſt. Caſſia, Sebeſten, Palmarūmq. arbores & Sycomori in ſummam altitudinem excreſcunt. In Cairum cū perueniſſemus, noſtrum uni-
cuſque



cuique licuit sine duce per urbem deambulare : nam quocunque diei tempore vel intra urbem, vel foras prodeambulare libuit, nemo nobis obstitit, nec damnum à quoquam metuimus. Imò asserimus, quod si quis peregrinus oblonga veste amictus, per singulas Turcarum Imperatori subiectas urbes ire vellet, neminem ei magis nociturum quam inquilino. Sub noctem conspicitur exiguus quidam lacertus secundum muros reptans, qui muscas venatur; Graeci vulgari lingua Samiamitos, Itali Tarentola appellant, veteribus Chalcidica lacerta dicta fuit. Quoniam verò recentiores hoc nomen Tarantola cum Phalangio confundunt, nec vocabulum Italicum Tarentola sine Terantula vetustum est, sed à terra denominatione desumptum videtur: longa oratione opus esset ad explicandum exiguum illum lacertum, nomine Chalcidica lacerta, de quo alio loco pluribus agemus. Plerisque accidit, ut de externa regionis rebus scribes, primos earum inventores sese existiment: attamen si veteres auctores legant, in iis eadem ferè his quae observarunt, inueniant. Idem nobis contigit: nam cum nostrum singuli noctu inter dormiendum à culicibus ita afflicti fuisset, ut postridie exanth-

the-

thematis laborare videremur, id adnotaueramus, atque etiam adieceramus, noctu regendam esse faciem dormiendo sub tentoriis, aut in summis edibus sub dio. Legentes tamen postea Herodorum, eum similia scripsisse deprehendimus. Aegyptij, inquit, noctu suis retibus tentoriorum vice utuntur ob culicum metum, quæ illis interdum vsui sunt ad capiendos pisces. Aegyptij coriaperantes, quercus corticibus, uti in Gallia, non utuntur; neque æsculi calycibus, ut in Asia; neque Lentisci, Terebinthina & Rhois foliis, ut in Græcia; sed arboris Acaciæ siliquis, quarum ingentes sacci pleni in Cairo venales reperiuntur: sic herba Kali sine Anthillis tingendi vicem illis præstat. Cum istic essemus, plurima aromata diligenter requisimus, quorum veteres Auctores meminere, atq. comperimus multa illic in vsu esse, quæ mercatores ad nos non aduehant, veluti Nitrum, Acacia, Calamus odoratus, Amomum, Costus, Ben album, & pleraque alia similia.

CAP. XXXVI.

De Cairi ædificiis & hortis: de quæ turre quæ Nili incrementum designat, ex qua eius anni fertilitas cognoscitur.

ARCIS Cairina structura, cubicula, atria, & pictura quæ supersunt, Circassiorum qui nuper admodum Aegypto dominabantur, ante quam Turca in suam potestatem eos redigeret, magnificentiam satis declarant. Muri ad humanam altitudinem, fimbria quadam marmorea pedem lata, in ambitu circa ianuam & fenestras incrustati sunt, cui opere vermiculato inserta sunt unionum conchilia, ebenus, cristallum, marmor, corallium, & vitrum coloribus infectum. Similia etiam ornamenta in priuatis quibusdam Cairi ædificiis conspiciuntur. Maxima ædificiorum pars gemino pavimento subdiali tecta est. Aedificiorum iannas adeo angustas & humiles fieri curant, ut equus ingredi nequat: eam ob causam inclinare se ingredi cupientibus necesse est. Sere vulgariter
ex lignea

ex lignea materia fabricata sunt non minore artificio quam quæ ex ferro fiunt. Vulgare est per uniuersum Turcæ dominium (ut belli tempore immunes sint ab excipiendis equis) edificiorum ianuas humiles exstruere. Satraparum tamē ades, ianuas Europæis similes habent. Aegyptij quos nominauimus accipiores per Aegyptum admodum frequentes sunt, & raro ex ea abscedunt. Miluij etiam istic nidulantur eo tempore quo à nobis absunt; adeoque cicures fiunt, ut ad ædium usque fenestras conuolent, * dactylis victitantes: æstate autem in Europam auolant ut immensum solis ardorem fugiant. Cairi urbs ampla admodum & laxa est, non tamen ab omni parte mœnibus cincta, quoniam maior eius pars à Nili riuo aluitur, qui mœniorum vicem illi præbet, ut etiam magna ex parte ipse Nilus. Hic riuus humano artificio ductus est, curantibus Romanis Imperatoribus, cum Aegypto dominarentur. Ex huius aduerso conspicitur structura quedam solidae turris instar, ex qua Aegypti fertilitas singulis annis æstimatur. Cum enim non ignorent Nilum Aegyptiacæ fertilitatis auctorem esse; qui eius rei curam habent, certo anni die conueniunt, ut obseruent quantum Nilus excreuerit. Quod si ad supremum usque foramen quod in turri est, pertingat: planè agnoscunt vberem futurum subsequēte anno Aegypti prouentum. Quoniam verò singulis annis in eandem altitudinem non excrescit, variae sunt in ea turre notæ, quibus futuri anni vbertatem deprehendant. Scriptis proditum est, Aegypti censum ingentem admodum fuisse, dum Romani huic prouinciæ dominarentur, qui postea admodum imminutus est: sed etiam considerandum, Romanos nullis sumtibus pepercisse, ut eam fertiliorē redderent. Admodum admirati sumus, tantam Cassiæ solutinae arborum quantitatē in Cairi hortis & per Aegyptū conspicientes, cum tamen veteres nullam eius mentionem fecerint: sed neque
Theo-

Theophrastus, qui ferè de reliquis Aegypti stirpibus scripsit, eius meminit. Sed censendum est Theophrastum de plantis scripsisse, quemadmodum Aristoteles de animalibus. Nam quemadmodum variae nationes Alexandri mandatis obsequentes, varia animalium genera Aristoteli adferrebant, cum eorum historiam describeret: sic necesse fuit, ut de plantis earumque natura diuersae nationes similiter Theophrasto referrent, cum illarum historiam scriptis proderet. Ex eius etenim historia apparet, non sine ingentibus sumptibus missos esse in varias regiones viros, qui stirpes quas descripsit, obseruarent. Itaque nullum in uniuersa eius historia locum inuenientes qui Cassiae conueniat, statuimus nullam eius mentionem fecisse: nisi forte tertio capite libri quarti, ubi scribit, ipsi relatum, arborem circa Memphim tanta magnitudine esse, ut tres homines nequeant eius amplecti caudicem. Nam Cassiae arbores istic minores non sunt nostris iuglandibus, foliaque similia habent, ut ex eius icone, quae ipsam ad viuum exprimit, videre licet.

Mirum non est si Aegyptus oleraceis stirpibus abundat: nam cum vehementes istic sint calores, plantasque summa facilitate rigare queant; diligentes sunt incolae in conferendis opportuno tempore seminibus. Nilo inundante, rigatione non opus est: sed ante & post ipsam, diligenti opus est cura. Cum autem aluei ex Nilo ducti alti non sint, instrumenta habent hauriende a qua idonea, variis modis fabricata. Inter cetera verò unum est quod illis duntaxat vsui esse potest cum alta est aqua, nec difficilis est ratio: binos etenim palos terrae insigunt summa parte bifurcos, ut tignum sustineant patibuli instar, huic palam utrinque ansatam, vel lancem ligneam binis funibus propendebus alligatam adfigunt, quam bini homines, hinc & inde in aqua ad umbilicum usque stantes, manibus tenent, eamque validè agitando aquam
hau-



hauriūt, quam in hortum magna vi vibrant, & in horti solum spargunt.

* Vix maiorem in Cairo miluorum frequentiam conspici existimo, quàm Londini Trenobantum in Britannia, qui nullo non anni tempore frequentissimi istis apparent: cū enim eos interficere vetitum sit, ut spurcitiam in plateas, vel etiam ipsum flumen Thamesim qui urbem aluit, ab incolis eiectam legant & deuorent, maxima quantitate eo confluant, adeoque cicures redduntur, ut per confertos etiam homines, prædam ab ipsis in alto volantibus conspectam, corripere non vereantur: quod sæpenumero, dum istic essem, admiratus sum.

CAP. XXXVII.

Urbis Cairi, atque eius arcis descriptio.


CAIRI urbs in longitudinem magis protensa est, quàm in latitudinem laxa, solique homines (ut in vniuerso Turcæ dominio) mercimonia exercent. Femine, earum filie, & infantes rarissimè in publicum prodeunt. Atque arbitramur quòd si populi sex per urbem excurrendi consuetudinem haberet, femineq; necessaria emerent & venderent, quemadmodum apud nos, urbs longè populosior appareret: adeò tamen frequens non est, ut vulgò fertur. Triangularem est forma: nam arx que in colle sita, supremam urbis partem occupat, unum angulum constituit. Itaque qui ab arce egressus secundum mœnia ad meridiem descenderet, in alterum urbis angulum perueniret: inde autem versus Septentrionem progressus, in alium, qui tertius est, angulum pertingeret: inde porro ad arcem conscendens, urbis circuitum absolueret in Δ Graciformam. Totidem ferè sunt extra mœniorum ambitum adificia, quot in ipso ambitu; unde plurimi hallucinati sunt, urbem mœnibus minimè cinctam esse existimantes. Arx in solida rupe exstructa est, in qua gradus incisi sunt, ut facilius sit in eam ascensus, iis ferè similes qui in arce Ambrosiana ad Ligerim sunt: nam eius situs similiter, ut diximus, in edito est, orbiculari ferè figura, multasque crassas rotundas habet operis antiqui turres, quæ tamen imbecillæ sunt. Quoniam verò in sublimi est, quadrangula est facta cochlea versus hortum gradibus instru-

instructa, ut ea quae in Palatio Diui Petri Romae est, per quam equi, cameli, atque asini onusti facile subire possunt. Huius arcis area magna & laxa est, incundaque istic & sana est habitatio: nam ex fenestris undiquaque quantum oculorum acies ferre potest, circumspectiando, vniuersa ferè Aegypti regio apparet, non minus quam si quis in summo pyramidis alicuius fastigio esset. Hae arx si cum propugnaculis comparetur, infirma admodum estimari debet. Nonnulli Lutetiam cum Cairo comparare volentes, Cairum antiquitus Is dictum asserunt, & quod ob parem amplitudinem, dicta sit Par Is, quasi similis urbi Is. Verum quidem est, celebrem urbem fuisse Is, cuius Herodotus meminit, sed Cairum non est: nam ipsius In Clis
sive li. 2. testimonio Is octidui itinere à Babylonia aberat, à fluxio qui eam perluit, deinde in Euphratem sese exonerat, nomen mutuata. Cauri incole solis ardoribus admodum vexati, ad arborum perpetuò virentium umbram confugere coguntur: eam ob causam multis urbis locis, & per compita, & publica fora Sycomoros alunt & colunt: de qua plura diceremus, nisi eius amplam descriptionem inter arbores perpetua fronde virentes dedissemus; eius tamen iconem hic exhibere volumus.

Plurimae etiam herbulae per parietes serpentes istic observari queunt, quae in nostra Europa non nascuntur, praesertim autem conuoluoli genus lacteo succo pregnans, semine in oblonga siliqua ferens, ut Smilax siluestris, Scammonea admodum similis: nam ex eadem radice plurima producit sarmenta, quibus saepenumero sepes (quae magna ex parte Tamarice, Oenoplia & Rhamno constant) atque parietes ex pingui argilla factos, vestiunt, quemadmodum apud nos hedera, quae in Aegypto non crescit. Peculiarem etiam istic habent herbulam, quae sursum rependo pergulas tegere solet, ideoque perticis adpositis eius ascensum usque ad aedificiorum fenestras procurant.

R

Nihil



Nihil in Cairo magis æstimatione dignum ipso Baste-
 stan, hoc est, loco illo muris cincto, in quo argentaria au-
 reâque opera tum ex sericeis staminibus contexta, &
 nonnulla rariora exoticâque aromata venduntur; quò
 plerumque frequens hominum turba confluere solet: istis
 enim negociandi gratia conueniunt, quemadmodum Lu-
 tetiæ in Palatium, Antuerpiæ in Bursam, vel Lugduni
 in eum locum quem Change appellant. Si quid enim ele-
 gantis & rari in totâ urbe est, istic requirendum. Ex no-
 stro comitatu quispiam quæstionem mouit, utrum plures
 Meschitæ in Cairo essent, quàm primaria templa Lute-
 tiæ. Sed parum abesse, plurimis diligenter obseruantibus
 deprehensum est.

CAP. XXXVIII.

De magno aquæductu, qui inter Babylonis rudera &
 urbem Cairum est, per quem Nili aqua in
 arcem decurrit.

CAIRO discessimus, ut veterem Cairi urbem paulò
 suprâ sitam, videremus, quæ priscis Babylon dicta fuit,
 iametsi alia Babylon sit in Assyria quæ nunc Bagadet
 dicitur, in Mesopotamia. Nos istic multorum vetusto-
 rum ædificiorum ex latere & calce constructorum rude-
 ra vidimus, quæ splendida fuisse apparebāt: nunc exiguus
 istic est pagus, quem Christiani Armeni & Græci incol-
 unt, qui elegans & satis splendide structum sacellum no-
 bis ostenderunt, à Christiano quodam Medico D. Virgi-
 ni consecratum. Fornix est in eodem templo subterranea,
 in qua ipsa cum infante Christo latuisse fertur, cum ob
 Herodis tyrannidem ex Indea profugissent. Paulo su-
 pra Cairum in itinere reperimus ingentem aquæductum
 plus quàm trecentis fornicibus constantē, ad Nili aquam
 in Cairi arcem deuehendam: quibusdam etenim machi-
 nis, hoc est, magnis rotis, bouum labore in orbem versatis,
 aqua è Nilo hauritur, atque in aquæductum iniicitur.

R 2

Man-

Mauritani & Aegyptij pra reliquis nationibus sunt hilares & faceti: nam siue ad saltationem, siue ad choreas ducendas, siue ad totum corpus in aerem vibrandū semper parati; quod illis ab omni antiquitate innatum est. Flavius enim Vopiscus scribit Aegyptios magnos poetas fuisse, & comædos, semperq; ad saltandum paratos. Quae in re plurimum à Turcis differunt, qui natura morosi, lenti & desides sunt. Maurutana mulieres Cai-ri incola instrumentum quoddam pulsare norunt Cinghi appellatum, quod etiam Constantinopoli non est incognitum: non minus harmonicum est cithara; & licet adeo suauem concentū non edat, auribus tamē placet; eius harmonia, modo humana vocis modulatio addatur. Mauritani & Aegyptij maiorem Masices usum habent quàm Turca, praesertim fistularum & lyrarum: imo asferere audemus, eius si quē usum habent Turca, à Mauritanis didicisse.*

* Hæc vox Cinghi abluere non videtur à Gingrina, quæ γίγγας Pol-
luci, γίγγης Eustath. dicitur, tibia breuior, exilem luctuosum quē sonum
edens, nomen habens à Gingri, hoc, est Adonide (ita enim Phrygica lin-
gua dicebatur) defleto, talibusque ribiis funerato: vel. ut Festo placet, à
gingritu fœtitia anserum voce, vel quod ex anserum ossibus ex tibia con-
cinarentur. Consule Hadriani Iunij Nomenclatorem.

CAP. XXXIX.

Balsami descriptio.

*IN quodam pago spectatum inimus hortum Balsami fruticibus consitū, qui à Cairo longius haud abest, quàm Lendit à Lutetia. Quoniam porro Balsami planta admodum celebris, preciosa, raraque est; hic scribere libuit, quidquid ad eius historiam pertinere arbitrati sumus. Quosdam esse scimus, qui Materea Balsamum ex Iudæa delatum esse putent: rem autem haud ita sese habere, postea demonstrabimus. In magno quodam horto sunt, sed angusto loco muris conclusæ, quos exstructos fuisse aiunt postquam Turca Aegyptum Sultano ademit: Bacha autem à Turcarum Imperatore huic regioni praefectum, ea
arbusa*

arbuta digna existimasse quæ peculiari loco cõcluderentur. Cum istic essemus, nonem aut decem duntaxat frutices eius aderant, qui nullum liquorem præbebant. Inter notas à veteribus proditas, quibus Balsamum dignosci possit, una est, ut perpetuo vireat: illud tamen in Materea, apud Cairum, paucæ admodum folia Septembri mense habebat: quod nobis insolens visum est. Nam reliquæ arbores quæ hieme virere solent, folia solum nouo vere abiiciunt, cum videlicet noua germina produxerint: solent quæ autumno magis virere, quam nouo vere. At reliquæ quæ folia abiiciunt, id sub hiemem facere solent, ut æstate, noua adquirant. Ideoque nobis præter naturam videbatur, Balsamum æstate folia abucere, ut hieme, noua germina produceret: nobis enim id obseruantibus, quacunque habuit folia, recens nata erant. Eius iustam magnitudinem tradere nequimus; nam quotquot eius frutices in horto aderant, stipitem solum habebant pedis longitudine & pollicari crassitie, tenuibus ramulis præditis, raris foliis obsitis. Ubicunque autem tandem nascantur, duorum aut trium cubitorum altitudinem non superant; & pedali altitudine cum sunt, in multos graciles ramulos anserina pœna caule haud crassiores finduntur. Balsami frutices Materea iam recens putati fuerant, sic ut soli stipites superessent, qui ramulorum rudimenta producebant. Eiusdem etenim est Balsamum cum vite natura, quam singulis annis putare necesse est, alioqui degenerat. Noua illa Balsami germina subrubente cortice erant recta, foliaque viridia habebant, lentiscinorum foliorum modo formata, hoc est, utrinque in nerno nata, ut in rosarum, vel fraxini, vel inglandis foliis videre est; ciceris tamen foliorum magnitudinem non excedebant, sicque contracta erat eorum series, ut postremum foliolum extimam alam occupans, imparem numerum efficeret: nam totius alæ foliolis numeratis, terna, quina, aut septena in-

R 3

nennium.

veniuntur, septenarium certè numerum superare vix animaduertimus: extremum autem foliolū reliquis maius est, factō etenim ab illo progressu, reliqua sensim miniora sunt, uti in Ruta foliis. Plinius in eius historia Theophrastum per omnia sequutus est, quemadmodum etiam Dioscorides, eiusque vestigiis insistentes, Balsami folia Ruta foliis compararunt: quod veritati consonum esse deprehendimus. Quoniam autem primum in Materea illud exactè nō observaueramus, denuò illud spectatum inimus; eiusque ramulum nacti, ipsum atque illius folia degustauimus, quæ facultatis nonnihil adstrictoria esse comperimus, pinguisque aliquantulum saporis atque aromatici: ramulorū autem cortex his odoratior est. Geminio cortice præditi sunt ramuli, extimo foris subrubente, qui ut membrana intimum viridem operit. Is gustatus, inter Thui & Terebinthi folium sapit, Satureiæ siluestri sapore simili admodum grato, atq. digitis tritus Cardamomum olet: ipsum lignum candicat, odorisque & saporis expers est, non secus atque aliud inutile lignum. Ipsius virgæ rectæ sunt & graciles, rarisque foliorum alis sparsim & confuso ordine nascentibus obseptæ, quæ (ut diximus) ternis, quinis, aut septenis foliolis constant. Variæ sunt auctorum qui de Balsamo scripserunt opiniones: & nisi nos ipsi plantam conspexissemus, nihil post illos de eo scribere ausi fuisset: atque in eam ferè opinionem inclinarem, illud in Hierico planis nunquam cultum fuisse. Quia autē ipsum fruticē vidimus, diligenterq. observauimus, de eo, tãquā de re quæ diligenti observatione digna, differere libuit. Experientia autem didicimus, lignum illud vulgo Xylobalsamum nuncupatum, quod ex felici Arabia delatum, à mercatoribus veditur, cum Aegypcio quod in Materea colitur, conuenire: nam deficcatum nostrum Balsami ramum cum eo quod in officinis venale reperitur contulimus, atque omnibus notis respondere depre-

deprehendimus: estque ex duobus alterum necessarium, aut Xylobalsamum & Carpobalsamum, quale in officinis uāditur, adulterinū esse, aut illud Aegyptium, quod colitur in Materea horto, legitimūque Balsamum esse censetur. Nam cum in omnibus conueniant, certi que simus idem esse, asserimus & concludimus, id quod hoc nomine venale reperitur, simile ei esse quod ab omni antiquitate in usu fuit. Balsamū nūc temporis in sola Aegypto colitur apud Cairō. Et licet Theophrastus in ea opinione sit, id silvestre & sponte nascens non inueniri: asserere tamen audemus ab omni quo in felici Arabia fuisse, atque etiam nunc nasci, cuius lignum & fructus etiam olim ad nos perlata fuerint cum aliis Arabia mercibus. Atque demonstrare volumus ea nō minus cognita fuisse mercatoribus, quam reliqua aromata, ut ex medicamentorum, quibus perpetuū iniici solita sunt, compositionibus apparet. An non Mithridates in suum medicamentū intulit? An nō in officinis venalia nō reperiēbantur? Id ex sola Dioscoridis auctoritate probari potest, qui sua aetate Carpobalsamum adulterari conqueritur. Carpobalsamū (inquit) adulteratur semine hyperico simili, quod & Petra oppido defertur: (per Petram oppidum Mecam intelligimus) atque de Xylobalsamo: E ligni genere quod Xylobalsamū vocant, probatur recēs, sarmento tenui, fuluum, odoratū, quadātenus Opobalsamū spirans. Ex his liquido apparet vulgaris usus inter reliqua aromata fuisse. Sed & ex Diodori Siculi vetustissimi scriptoris Arabia felicis opes enumerantis verbis manifestū liquet: maritimis enim locis Balsamum producere ait. Cultum igitur id esse non intelligit, sed sponte nascens. Pausanias etiam tradit Balsamum Arabia fruticem esse. Plerique tamen auctores de Balsamo agentes inter se non conueniunt: nam Strabo prodit in Syria nasci apud lacum Genē Zarcē, inter montem Libanum & Antilibanum. Reliqui volunt

solam Iudeam regionem id producere, eiusq. ramos osseo cultro, aut vitro duntaxat vulnerandos esse ad liquorem eliciendum; alioqui si ferro cadantur, statim emori. Cornelius Tacitus scribit, ferro iuxta adposito metu exhorrescere, idcirco alius quam ferreis instrumentis vulnerandum, si liquorem elicere quis cupiat. Percotantes à mercatoribus Cairi, de Balsamo, cum nostrum ramulum conferremus, nobis affirmarunt, quidquid Xylobalsami vel Carpobalsami unquā vendidissent, id omne ex Meca cum aliis aromatibus accepisse; atque meminisse, suo tempore, Balsami fratices qui nunc in Materea coluntur, ex Arabia felici delatos esse, magnis sumtibus Sultani. Quoniam verò id nobis tam multi affirmarunt, existimamus sine ullo scrupulo aut dissimulatione nobis licere id scribere.

CAP. XL.

De magno Obelisco qui erectus est apud Cairum, & arboribus in Materea horto nascentibus.

IN Materea horto multa Sebesten arbores & Sycomori quas Ficus Pharaonis nominant, aluntur. Illius ficus nostris similes essent, nisi putamen rubrum haberent, omni essent magnitudine, & perpetuò fissæ & hiantes. Siccatae sunt inutiles: nam aridae sunt & durae, granuli plene, atque ingrati insipidiq. gustus, iis praesertim qui iis vesci non sunt assueti. Recentes paulo sunt meliores: attamen, ut maximè celebrem, parum grati saporis sunt: licet magni census sint uniuersæ Aegypto. Ocimi siue Basilici planta istic in agris feritur, atque in triplo maiorem amplitudinem excrescit quàm apud nos. Ea vescuntur, quemadmodum nos aliis oleribus. Mala insana, quæ nos Poma amoris dicimus, magna frequentia in arenosis agris sponte proueniunt, duorum aut trium generum, alba, rubra, oblonga & rotunda. Theophrastus nostro iudicio * Malinathalam
nomin-

nominat: nam de Aegypti plantis scribens, ait, Locis autem arenosis, haud procul a fluvio, nascitur terrenum, quod Malinathalam appellant. Omnibus ferè mensis adponuntur, aut sub cineribus cocta, aut elixa, aut frixa. In hoc Matereae horto demonstratus est nobis locus in quo Christus cum virgine Matre diu habitavit cum in Aegyptum venissent, ex Iudaea Herodis metu fugientes: sed & istuc est fenestra, in qua D. Virginem reposuisse ad quiescendum ferunt. Istuc etiam fons est, Balsalmi hortum irrigans, in quo D. Virgo Christum saepius lavasse, atque eius fascias pannosque eluisse creditur. Certissimum est Obeliscos excisos, ut Regum Aegypti tumulis imponentur, uti Pyramides atque magni Colossi. Ex his Obeliscis unus ingens est erectus in agro quodam paulo supra Mateream, longè maior & crassior his qui Alexandriae sunt, aut eo qui Constantinopoli in Hippodromo conspicitur. Eo conspecto, versus Cairum regressi sumus, ad dextram declinantes, ut alium hortum spectaremus, uno milliari à Cairo distantem, in quo amplum & laxum est atrium à Circaësis extractum cum Sultanus Aegypto dominaretur. Hac structura, amplius & capax locus est, magnis lapidibus quadris stratus, tectusq. ad solem arcendum, tectum sustentibus pilis. Nilus inundationis tempore proximè ad eius parietes accedit. Ad huius structurae Orientalem plagam, elegans hortulus est, in quo multa Cassiae arbores, Cypri sine Alcenne, Rose, & Iasminum flavum: ad Septentrionalem verò & Meridionalē, parvi gemini lacus ad aquam portabilem adservandam idonei. Univerſa hac structura superiore parte picturis ornata est. Eius trabes & asseres ex Palma sunt. Postquam autem Aegyptus in Turcarum Imperatoris potestatem venit, sensim collabi coepit.

* Sed meo iudicio Bellonius fallitur: nam si Theophrasti locum, qui est lib. Plant. hist. 4. cap. 10. totamque Malinathalae historiam diligen-

ter perpendas: eius Malinathalla quæ Mespili magnitudine est, sineque semine & cortice, & folia Cypero similia habet, plurimum à Malo infano differre deprehenderetur. Sed Bellonio fortè vocabulorum affinitas imposuit.

CAP. XLII.

Errones illos quos vulgo Aegyptios appellamus, periade in Aegypto inueniri atque in aliis regionibus.

NVLAM regionem in vniuerso orbe immunem esse existimo ab erronibus illis turmatim incedentibus, quos falso nomine Aegyptios & Bohemos appellamus: nam cum in Mauea & Cairo essemus, atque secundum Nilum, in plurimis Nili pagis magnas istorum turmas inuenimus, sub Palmis desidentes, qui non minus in Aegypto exteri habentur quàm apud nos. Quoniam autem ex Wallachia aut Bulgaria oriundi sunt, Christiani sunt, atque plurimas linguas callent. Itali eos Singani appellant. Istorum vxoribus, privilegio à Turcis impetrato, sese prostituere publicè licet, cum Christianis tunc Turcis: adèsque habent in Pera, multis cubiculis instructas, quò quilibet liberè ingredi potest, sine vllò Turcici magistratus metu; ubi continnò duodena ad minimum mulieres versantur. Hi errones per Graciam, Aegyptum, & reliquum Turcarum dominium, ferrariam artem exercent; atque inter ipsos excellentes inueniuntur in ea re artifices. Ipsimet suos carbones excoquunt; at eos, ut intelleximus, qui ex erice stipitibus & radicibus parantur, ad eiusmodi opera omnium aptissimos esse censent; ferrum enim indurare creduntur. Postquam aliquot diebus in Cairo hassemus, & Pyramides spectatù ire constituissemus; rebus necessariis paratis, ex vrbe per meridionalem portam egressi, cymbas inuenimus quæ trans Nilum nos vexerunt. Magno comitatu eò proficiscendum est, alioqui spoliationis periculum incurrendum esset. Eam ob causam quidam Sangiac cum multis Spahi Domino de Fumet sese adiunxit, qui ipsi totique eius comitatus praesidia essent.

CAP.

ROMANORVM fabricæ & antiqua opera (cum
 uenia id dictum sit) nihil accedunt ad Pyramidum splen-
 dorem & superbiam. Aegyptij mortuorum resurrectio-
 nem expectantes corpora condire solebāt, ut ad eternita-
 tem perdurarent, ea comburere nolentes, ut Latini; neque
 terra sepelire ut, Greci: ignem etenim animal esse exi-
 stimabant, quod omnia deuorat & absomit, quodque
 iam satur, cum his quæ deuorauit, perit: minime autem
 sepeliebant, quod, ne à vermibus absumerentur, metue-
 rent. Itaque ad ista incommoda euitanda, olim corpora
 condiebant cedria & nitro (quæ nunc nobis in usu sunt sub
 Mumie appellatione) eaque condita, sepulcris conde-
 bant, sub ingentem aliquam lapidum molem: eamque
 ad rem, maxime sterilia loca deligebant. Pyramidum
 etiam locus admodum desertus est, quatuor milliaribus à
 Cairo distans ultra Nilum, quem cum ueli tum remo-
 rum adminiculo sub ea insula quæ Cairo opposita est,
 transiimus: sed neque satis fuit fluminis alueum semel
 transiisse: nam postquam in alteram ripam peruenisse-
 mus, longus agger nobis sequendus fuit, multas lapideas
 fornices, & quibusdam etiam locis ligneos ponticulos ha-
 bens, per quos incedendum nobis fuit. Tandem cum pro-
 pe Busyrim pagum peruenissemus, ubi Nili aqua pontis
 lapidei fornices euertierat, cymba eum superare oportuit:
 deinde à Busyri pago, alius est oblongus agger, qui in
 Pyramidum solitudinibus desinit. Nili alueus primum
 diuiditur longè supra Cairum, canalem promens qui in
 Mareotim lacum perpetuò secundum desertam illam
 Africa partem decurrens effunditur. Propterea nobis
 dubitationem intulit, an hic Nili ramus Aegyptum ab
 Africa separaret: nam iuxta Pyramidum basim labi-
 tur, Aegypti fertilem regionem à sterili diuidens. Nilus
 itaque

itaque Cairum alluens integer non est: nam iam longè
 supra, suas undas in canalem distribuit, qui in Mareo-
 tidem lacum decurrit. Superato Nilo, ad alteram eius ri-
 pam, in quo latere sunt Pyramides, delati, illum inte-
 grum inter nos & Cairum habuimus. Quacunque igitur
 parte Aegyptus spectetur, non potest non figuram
 Delta exprimere. Nam si quis eam circumueat, & a Ma-
 reoti lacu incipiens recta linea sursum supra Pyramides
 tendat, & inde Damiatam, quæ ad ostium Pelusiacum est,
 descendat, nonne angulum fecerit? inde porro in Alexan-
 driam pergat, an non duos alios absoluerit, qui triangula-
 rem formam veluti Δ expriment? Cum per Bufiridis ag-
 gerem iter faceremus, qui quodam loco, ubi Nilus lacum
 facit (quod occasionem Græcis præbuit, fabularum suas de
 Lethe & Stige comminiscendi, quoniam condita corpora
 per eum lacum, ad eum ubi recondi debebant locum, de-
 uhebantur) ab exundante lacu perruptus erat: qui vali-
 dos & firmos habebant equos, præeuntibus itineris du-
 cibus sine difficultate transierunt, at qui debiles equos
 habebant, cymbam, quæ eos traiceret, expectare necesse
 fuit. Nonnulli tamen exutis vestibus, & suos equos loris
 trahentes, transierunt, pertingente sub axillas usque aqua.
 Proximi pagi Mauri, comites se nobis præbuerunt, & iti-
 neris duces ad conscendendas Pyramides, quæ procul ad-
 modum à mari absunt, sed à Nilo duntaxat tertio lapi-
 dis iactu. Pyramides videntur esse montes immensa ma-
 gnitudinis: sed earum etiam moles magno hominum la-
 bore eo congesta fuere. Locus ubi sitæ sunt, admodum are-
 nosus, & sterilis est, cuius Plinius, Herodotum sequutus,
 in hæc verba meminit: Arena late pura circum, lentis
 2^a magnitudine. Maxima Pyramis, procul aspicientibus
 2^a minor secunda esse videtur, quod humiliore loco sita sit: sed
 si quis prope adsistat, sine comparatione multo maior ap-
 paret. Ceterum magis admiranda reuera sunt, quam Hi-
 storici

Lib. 36.
cap. 12.

Historici eas descripserunt. Amplissima exstructa est gra-
 dibus foris prominētibus. Nos eius basim dimensi sumus,
 qua quatuor angulorum paribus interuallis cū sit, tre-
 cētos viginti quatuor passus habet in singula latera, pas-
 sulum extensis cruribus, gradiendo singulos passus nume-
 rantes. A basi autem ad cacumen ipsius supputationem
 facientes, comperimus circiter ducentos quinquaginta
 gradus, quorum singuli altitudinem habent quinque so-
 learum. Calcei nouem pollicū longitudinis. In eius fasti-
 gio cū essemus, aperte Cairum ex aduersa parte Nili
 situm, qua Arabiam desertam spectat, conspiciere potui-
 mus; ad Septentrionem verò conuersi, uniuersam Aegy-
 pti regionem veluti submersam, maris alicuius instar vi-
 debamus: inde porrò ad Meridiem obuertentes faciem,
 qua Africa est, arena sterilis nostris oculis duntaxat ap-
 parebat. Considerata autem ea Pyramidis parte qua Se-
 ptentrionem spectat, eam comperimus magis corruptam
 quàm reliquis partibus; quoniā cū nocturni roris, tum
 Nili humiditas ventis aquilonaribus agitata, plurimum
 illam absumit; manentibus aliis, quæ vel Orienti vel Se-
 ptentrioni obiecta sunt, attamen ab humore non asper-
 guntur, integris. Nam Aquilo in Aegypto humidus
 est, cū in aliis regionibus deficcet. Et hæc quidem de ex-
 teriore amplissimæ primæq; Pyramidis parte. Nunc de
 interioribus partibus sermonem instituere volumus. Nos
 eam ingressi sumus per quadratum foramen, quod sibi re
 non licet nisi incuruato corpore: nam transuersim fabri-
 catum est, hoc est, ex alto in imum descendendo. Sine au-
 tem probabili ratione illud ita exstruxisse non videtur
 artifex: nam si obliquum fecisset, nullū in Pyramidis ca-
 uitatem lamen recipi potuisset. Singuli autem cereum ac-
 censum in manu habentes, in id foramen descendimus,
 (pluribus enim simul non licet) nam cū ad, imum per-
 uenissemus, ut in cavitatem ingrederemur, in ventrem
 pre-

procumbendum fuit, & serpentum more perreptandum, nec adhuc sine difficultate ingressi sumus. In ipsa Pyramide vacuum quendam locum inuenimus: inde ad sinistram progressi, alium meatum pergula quadre satis affabrè excisa, per quem ad superiora ascensus est, quà vir erectus gradiri potest: nam satis amplius & altius est, magnis latissq. & perpolitis splendētibúsq. lapidibus constratus, nullis tamen gradibus. Sed podia, quæ utrinque exstant, manu apprehendenda sunt, quo facilius ascendi possit. Confectis igitur hac ratione quindecim aut sedecim passibus, peruenitur in elegans cubiculum quadrangulum, sex passus longum, & quatuor latum; quatuor verò vel sex orgiis altum; in quo marmor nigrum solidum, in cistæ formam excisum inuenimus, duodecim pedes longum, quinque altum, & totidem latum, sine operculo. Sepulcrum Regis cuiuspiam Aegyptij id fuisse certum est, in cuius gratiam Pyramidis illius moles exstructa fuit: id autem sepulcrum istuc repositum fuisse ante Pyramidis substructionem, non dubium est. Inde regredientes, & per spatiosum illum meatum descendentes, ad Septentrionem vergebamus. Egressi ad sinistram nos conuertimus, ubi puteum inuenimus, sed lapidibus nunc ferè plenum. Hec Pyramidum historia ab Herodoto, Diodoro, multisque aliis Græcis est prodita. Plinius verò inter Latinos scribit puteum admodum profundū esse; nihilque certius est, ex eo aquam haustam ad fabricam substruendam, & operas potandum: nam interior Pyramidis pars opere signino ex calce & arena constructa est, quod indicium est aqua opus fuisse. Cū in primam cauitatem regressi, longius progredieremur, exiguam aliquam eius partem ad sinistram reperimus con fractam: nam alioqui solida est substructio. Istic vespertiliones erant à nostris diuersi, & ab his quos antea in Creteni Labyrintho conspexeramus: nostri etenim caudam alis longiorem

non

non habent; at his oblonga est canda instar murum, quatuor digitis alas superans longitudine. Pyramide tandem egressi, ad secundam nos contulimus. Amplissimam porro hanc pyramidem primò descripsimus, eo quòd reliquarum magnitudine & præstantia superet, eaque ipsa sit, quam omnes veteres auctores aspectu admirabilem esse scripserunt. Peritissimus atque validissimus sagittarius in eius fastigio existens, atque sagittam in aërem emittens, tam validè eam eiaculari non poterit, ut extra molis basim decidat, sed in ipsos gradus cadet, adeò vastæ latitudinis, uti diximus, est hæc moles.

Qui plura de huius, reliquarumque Pyramidum, & similium operum Ægyptiacorum magnificètia intelligere volet, eiusdem, Bellonij libellum consulat, cui titulum fecit, De admirabili operum antiquorum & rerum suspiciendarum præstantia.

CAP. XLIII.

Alterius Pyramidis observatio.

ALTERA Pyramis, quæ magnitudine secunda est, nullis gradibus foris prominentibus est instructa; eam ob rem scandi non potest: ea, quoniam editiore quàm prior loco est, procul aspicientibus maior esse videtur, propius autè contemplanti contrariù deprehenditur. Eius forma quadrangula est, uti superior, sed usq. ad fastigiū solida. Prima fastigiū in planitiē desinit, duos passus in diametro patentem, in qua quinquaginta homines consistere queant: hæc autè in cuspide desinit minus capacē quàm ut homo in ea stare possit. Foris intrita incrustata est, atq. ei pars quæ ad Septentrionē vergit, perinde ab humore quē aquilones ex aqua Nili & nocturno rore illi inspergunt, corrupta est, atq. prior. Stelliones Græcis Colitis nūcupati, circum has Pyramides admodum frequentes sunt, & in sepulcrorum cauis, quæ per eam planitiē passim sparsæ sunt. Inter lapidum interstitia domicilium habet, muscæque venantur, uti nos observavimus. Tarentolis quæ adificia incolunt, similes essent, nisi cōpactiore essent corpore,

272 P. BELLONII OBSERVATIONVM
pore, crassiorēque & planiore capite. Hi sunt qui excrementum illud excernunt, quod veteres Crocodileam appellarunt, nostra verò officina stercus lacerti. Turcice mulieres faciem illo fucant, atque in omnibus Turcicorum aromatariorum officinis venale prostat: sed & in nostra Europa satis magnus eius est usus.

CAP. XLIIII.

De tertia siue minore Aegyptiaca Pyramide.

TERTIA Pyramis duabus superioribus longè minor, tertia est autem parte maior ea quæ apud Testaceum montem est Romæ qua ad D. Pauli eundum est, itinere Ostiensi. Adhuc integra est, nec magis rimis corrupta, quàm si iam recē exstructa esset: Marmoris enim genere constat, quod Basaltes nuncupatur, vel lapis Aethiopicus, ipso ferro durior. Ex eo lapide magna ex parte excisa sunt omnes Sphinges Aegyptiæ, quales Romæ in Capitolio conspiciuntur, ab Aegyptiis aliquando sculptæ. Hæc tertia Pyramis sagitta iactu longius distat quàm secunda. Minimam illam appellamus, comparatione ad duas priores facta: nam licet Romana quinquaginta candidi marmoris perpoliti ordinibus incrustata sit, Aegyptiæ in morem; eius tamen artifex magna solertia usus fuisse non videtur, si etiam cum minima Aegyptiaca conferatur, quarum plus quàm centum per eam planiciem hinc inde sparse conspiciuntur: nam ne unica quidem ex illarum numero adeo vitiata reperietur, uti Romana. Eam ob causam illarum comparatione novam appellare licebit: etenim eius interior pars rudere ex tegulis arena & calce conflato dunxtaxat constat, quod subsidens, marmoris incrustationem dissolvit; sic ut singula latera iam rimas agentia & fatiscientia Terebinthis, Capparibus, Genistis, Rubis, Tinis, Teucris, Absinthio, alijsq. stirpibus locum dederint, in quo radices agerent: & nisi lapides ferro & plumbo firmati essent, iam dudum corruissent.

CAP.

De plurimis aliis Aegyptiis Pyramidibus.

PRÆTER superiores tres, plurimas alias minores hinc inde per arenosam illam Africa solitudinem sparsas vidimus: quarum pleraque etiam parva & rudioris operis, tum varij generis sepulchra, ad corporum cedria & nitro conditorum sepulturas in Aegypto destinata, quemadmodum bitumine in Iudæa. Historici prodiderunt, Aegyptios pro facultatum ratione sepulchra sibi condidisse. Opulentiores aliquod opus magnificentius & præstantius fabricari curabant, ut Obeliscos, Colossos, Pyramides: mediocris fortune homines, alia mediocria opera: neminem autem adeo tenuis fortune fuisse, qui non aliquot lapides in cumulum congestos pro sepulchro habuerit. Locus in quo sunt sepulchra exstructa, adeo incommodus & desertus est, ut nemo istic habitare aut quidquam ferere possit. Inde Plato occasionem sumsit, leges sancienti, ut sterilia loca, defunctorum sepultura dicarentur: quod & Græci & Turcæ nunc etiam observant, Arabum imitatione: nam mortuos sepeliunt salubrosos locis, ad colles aliquos alioqui natura steriles. Quoniam autem Sphinx, siue Androsphinx, cuius veteres adeo meminerunt, integra adhuc est in arenoso illo campo cum Pyramidibus; facere non potuimus quin hoc loco de ea nonnihil ageremus.

CAP. XLVI.

De ingenti Colosso, ab Herodoto Androsphinx nuncupato, & à Plinio Sphinx, ante Pyramides exciso.

DILIGENTER consideratum ingens saxum caput Nili alneo vicinum, paululum infra amplissimam Pyramidem, occasionem dedit ut Aegyptia opera admiraremur. Ut autem Plinius modum excessit in Pyramidum mensura: sic æquior fuit in describendo Sphingis Colosso ad amplissimæ pyramidis dextrâ sito, qua Orientem spectat. Nos in Sphingum descriptione diutius immorari nolumus: nam quacunque de hoc animali picta &

S

scripta

scripta sunt cum ab Aethiopibus tum ab Aegyptiis, mera reuera sunt fabulae. Sed Diodorus ipse cum eas describeret, nihil aliud adferre potuit, nisi picturis, quibus expressae sunt, similes esse, paulo tamen pinguiore, atque miti natura praeclatas. Haec Diodorus, qui Sphinges earum pictura nos agnoscere cupit, uti Herodotus Phoenicem. Iam vero Sphingum & Phoenicis picturas exhiberi solitas à vetustissimis temporibus necesse est: quandoquidem eorum tempore ex picturis agnoscebantur. Sphinges itaque ex picturis cognoscere volentes, diligenter quibuscunque exstant vel caese vel sculptae locis, observauimus quae earum esset forma. Sed cum in diuersis sculpturis, & veteribus numis adeo variè expressas deprehenderimus, ut ex denis aut duodenis vetustis quae Romae sunt, cum in Capitolio ex marmore Basalte, siue Aethiopico lapide sculptae, tum in peristyllo Pontificij Palatii horto Belueder ex Thebaico lapide, vti sunt Obelisci, nulla sit quae cum altera conueniat; quaeq; in Augusti & Hadriani numis expressae sunt, à sculptis differant: libertatem nobis concessam arbitramur statuendi, meram esse fabulam quidquid de iis scriptum est, ut postea demonstrabimus. Rex Franciscus, litterarum restaurator, & omnis virtutis parens, binas satis obscuras fundi iussit, ad Romanarum imitationem, quas adhuc in Fontainebelleau Palatio cum aliis eiusdem Regis vetustatis monumentis videre licet: sed nec illae cum Augusti numis aliquam similitudinem habent. Imo nullam adhuc conficere nobis licuit, cui notae à Plinio illis attributae conueniant. Etenim aliae vbera in pectore habent, ut quae sub brachio magni illius Colossi marmorei Nilum exprimentis conspiciuntur, cum in Hadriani numis, tum ea quae Romae est in horto Belueder. Aliae in aluo habent, ut quae in Augusti numis expressae sunt. Aliae his omnino carere, ut quae Romae ex Basalte & Thebaico lapide sunt.

Nunc

Nunc porro de Aegyptia Sphinge, quam Herodotus Androsphingem nominavit, cuiusque Strabo, Plinius, & plerique alij Auctores meminerunt, dicemus. Plinius de Pyramidibus & hac Sphinge agens, ait: Ante has est Sphinx, vel magis miranda, qua siluestria sunt accolentium. Cum tamen Sphingem nominat, caput immense magnitudinis duntaxat intelligit, ut ex ipsiusmet verbis apparet: Est autem saxo naturali elaborata (inquit) & lubrica: Capitis monstri ambitus per frontem centum duos pedes colligit: longitudo pedum centum quadraginta trium est: altitudo à ventre ad summum apicem in capite, sexaginta duorum. Hoc saxum forma cubica insidet, nihilque aliud est quam ingens quaedam facies sculpta, Cairum spectans. Cuius faciei vel omnium eius partium, veluti nasi, oculorum, oris, frontis, menti, & ceterarum proportio adeò diligenter observata est, ut negari non possit, quin insigni artificio sit facta: attamen nullam habet cum aliarum Sphingum sculpturis similitudinem. Rex Franciscus, rerum suspiciendarum summus admirator, Herculem ex ære fuso conflare decreverat: quod hand dubie effectum curasset, nisi morte praeventus fuisset: nam eius typus diu asservatus fuit Lutetia in Regia de Nelle, quinquagenos binos vel ternos pedes altus. Hunc si absolvere licuisset, credibile est hoc opus reliquas cum Romanorum Imperatorum, tum Aegyptiorum substructiones superaturum. Nonnulli existimant Martem eum conflare voluisse: nam & Veneris typus eiusdem magnitudinis iam factus erat: quique eum viderunt, plurimum admirati sunt. Sed aliud opus illis proponere volumus: nempe Mercurium quem Lenodorus architectus in Aruernia erexerat, quique postea Romanum evocatus, Solis Colossus excidit, quem Nero Imperator Rhodi erigi iussit, ex solido marmore, qui exactè duplo maior erat quam Hercules Regis fuisset: nam quemad-

276 P. BELLONII OBSERVATIONVM
modum Regius quinquaginta duorum & semis pedum
altitudinem habere debebat. Rhodius centenos quinos al-
tus fuit. Sed hoc saxum de quo nobis sermo institutus est,
magis adhuc admirandum: nam cum sit solidum, sexa-
ginta & trium pedum est altitudine. Plinius centum
quadraginta trium pedum longitudinem illi tribuit. Sed
Sphinges in hac oratione nos non detinent: at huius Colossi
magnitudo & sublimitas, qui non minus admirandus est quam
ingens aliquis obeliscus. Afferere non dubitamus, Romanos
ex solido saxo nunquam quidpiam confici curasse, quod
operis prestantia & sublimitate cum Pyramide, aut
Obelisco, aut hac de qua agimus Sphinge comparari possit:
imo quidquid prestant unquam fecerunt, ad Aegyptio-
rum imitationem id peregrisse; sed & Sphingum effigies, quae nunc
in Capitolio cernuntur, ex Aegypto delatae sunt, idque post
Plinii tempora: nam ne unicam quidem notam obtinet eorum quae
Plinius Sphingi tribuit, neque ulla illarum ubera vel alas
habet: quaecumque etenim alas gestare videntur, Chimera-
rum & Harpyiarum sunt picturae (de quibus in libro de
anibus) nequaquam autem Sphingum. Romanorum sta-
tuas, veterum Aegyptiacarum comparatione, veteres
nuncupare indecorum existimarem: nam inter reli-
qua vetustatis monumenta quae Roma conspiciuntur, ni-
hil vetustius conspiciamus, quam quod ex Aegypti re-
gione translatum est. Nunc superest ut dicamus unde haec
Sphinx suam originem apud Aegyptios habeat. Sole in Leo-
nis & Virginis signis existere, Nilus Aegypti regionem ir-
rigat: itaque Aegyptii suas opes significare volentes, mon-
strum sculptura expresserunt, anteriore parte virginis
formam, posteriore leonis referens, Sphingemque appella-
runt: & quoniam pro hominis arbitrio sculptae sunt, ideo
earum forma adeo est varia. Certissimum autem est, in-
gentem hanc capitis molem, sepulchrum fuisse, uti & Py-
ramides & Obelisci: nam Plinius ait, Amasim Regem
putant

putant in ea conditum. Quoniam porro funus conditum id est quod falso *Mumiam* vocamus, eius conficiendi rationem hic demonstrare volumus.

De hoc ingenti Colosso consule ipsius Bellonij libellum De admirabili operum antiquorum & rerum suspiciendarum præstantia. Sed an Sphinx & Satyrorum genus apud Plinium lib. 10. cap. 71 nostræ Simiæ & Cercopitechi sint? quos cibum in thesauros maxillarum condere ait.

CAP. XLVII.

De Mumia, & veteri condiendorum & sepeliendorum corporum in Aegypto ratione.

ÆGYPTII mortuorum resurrectionem sperantes, corpora humana ab elementis aëre, terra, aqua, vel igne absumi, flagitium esse cōsebant. Nam, uti retulimus, Zoroastes Philosophus eos docuerat ignem animatam quandam beluam esse, quæ omnia deuoret; & iam deuorando saturam unā cum ipsa re deuorata emori. Eam ob causam corpora in Aegypto cremari vetuit, pro aliarum nationum consuetudine, neque humari, sed condiri, ut à vermibus præseruarentur. Pomponius itē Mela de conditis Aegyptiorum corporibus agens, Medicata funera Latine ea appellat, Plinius seruata corpora. Ea etenim ad aternitatem ita condiebant, ut adhuc incorrupta maneant, atque in æternum sint duratura. Corporum autem condiendorum apud Aegyptios ratio varia fuit: nam qui maiores sumptus impendere potuit, accuratius condiebatur, atque ei splendidior sepultura curabatur: nemo tamen moriebatur, cuius funus quocunque tandem modo non condiretur. Ea corpora seruata, nos *Mumiam* appellamus: Arabes tamen Auctores *Mumiam* describentes, medicamentū illud intelligebant à Græcis Pissasphaltion nuncupatum, cuius priore libro meminimus. Corporum in Aegypto conditorum, hoc est, nostræ Mumie vsus tantus est in Gallia, ut Rex Franciscus, litterarum restitutor, nusquam proficisceretur, quin penui eius præfeti semper cum Rhabarbaro illud in pyxide deferret, at-

que etiam ipsemet gestare solitus esset. Qui, ut sua mendacia de hac Mumia stabilirent, arenosum mare finxerunt, quod ventis agitatū, eorū qui per Libyā aut Arabiā solitudines iter faciūt, corpora absorbeat, multis imposuerūt: nā licet nonnulli in his arenis pereant, cū tamen putredini obnoxii sint, non possunt eorum corpora non putrescere. Qui Tabulas topographicas fecerūt, & loca unde Mumia sumeretur adscripserunt, quā iudicio carerent, & istarum rerum ignari essent, aperte declararunt. Eos autem minimè veraces esse, ex Theophrasto, Dioscoride, Galeno, Herodoto, Hippocrate, Diodoro, Strabone, & Plinio demonstrare volumus: qui de Aegypto agentes, expresse scripserunt corpora istic conservari medicamento cedria: quorum, cū in Cairo essemus, tria delata sunt, in iam dictis sepulchris recens inuenta. Nos in plurima sepulchra ingressi sumus, quorum alia concaemerata sunt, alia in cubiculi formam exstructa; eorum enim infinitus per arenosa illa loca inter Pyramides numerus est. Muscarum apud Pyramides tam magna est frequentia, ut aer illarum murmure (dum nobis transcurrentibus auolarent) resonaret. Istic Tithymalum platiphylon observauimus. Prandium autē sumpturi ad Nili ripam sub Pyramidibus descendimus: eò enim illati fuerant cibi, eodemq; quo veneramus itinere regressi sumus. Cū ad Nili alueum peruenissemus, istic nobiles quosdam Arabes sub tentoriis inuenimus, qui Dominum de Fumet expresse expectabāt, ut illi gratificarentur; qui-que prandium illi apparauerāt. Quoniam verò binos fidicines habebant, qui fidibus ludentes simul accinebant; ea harmonia delectati sumus, eamque hoc loco describere volumus.

CAP.

ÆGYPTIORVM Lyrae siue Violæ vulgo dictæ, singulis, aut ad summum binis fidibus sunt præditæ, quæ ex singularibus equine cande pilis constant non contortis: sic ut Lyra tum plectri fides similes sint. Cervix oblonga est, itaque dinaricatis admodum digitis tactus sunt faciendi. Magas siue pōticulus huius Lyrae, vel eorum testudinis, non sustinetur à Chely lignea, siue assere, ut in nostris, sed à piscis in Nilo capti pelle, qui Glanis nominatur, sub ligno adglutinata. Ipsa concava testæ, pyxidis planæ in morem formata est, quam oblongo ferro ex ipsa prominente humique innixio sustinent: etenim eam humero nō applicant. Simul accinebant voce pari siue consonante, quæ delectationem adferebat: nam rhythmici erant numeri quos canebant. Eodem die Cairum peruenimus, ubi multo tempore hæsimus. Mercatores qui istic officinas instructas habent, è variis nationibus sunt, veluti Iudæi, Turcæ, Græci, & Arabes. Sed Iudæi maiore ex parte Hispanica, Italica, Turcica, Græca & Arabica lingua utuntur.

AB omni vetustate Sarrapæ & Principes viri beluas exterarum regionū sibi dono mitti delectati sunt. Huiusmodi plurimas in Cairo vidimus undique eò aduectas: inter quas erat quam vulgo Zurnapa vocant, veteres Latini Camelopardalin appellarūt, nomine à Pardo & Camelo desumpto: Pardi enim variis maculis infecta est, oblongūque instar Cameli habet collū. Elegans est animal, & mitis admodum præ reliquis feris naturæ, ferè uti ouis, Ceruinum fermè caput habet, excepta magnitudine, exiguis obtusisque cornibus præditum, sex digitos longis, & pilosis: longiora marem à femina distinguunt:

alioqui uterque sexus magnas aures habet, Bubulis ferè pares, bubulamque linguam & nigram, dentibus molaribus, in superiore mandibula carens: collum oblongum, rectum, & gracile, iubam tenuē in & orbem inflexā, gracilia crura, anteriora oblonga, posteriora autem adeò breuia habens, vt quodammodo erecta stare videatur; Bubulis pedes similes habet: cauda ad poplites promissa, orbiculata, pilis obsita, equinis triplo crassioribus: medio corpore gracili: moribusq; Camelo perquam similibus. Cum currit, anteriores pedes simul glomerat: prona iacet, collumq; in pectore & femoribus habet, Cameli instar. Stans gramen depasci nequit, nisi admodum diuariçatis



anterioribus cruribus, nec id sine summa difficultate. Itaque credendum est, eam in solitudinibus vesci duntaxat arborum foliis, cum oblongum adeò habeat collum, vt capite ad dimidia læcea siue sarissæ Germanicæ altitudinem pertingere queat. Cum autem eius iconem ad vinū expressam uacti simus, illam hic exhibere libuit.

* Camelopardalis meminit etiā Strabo lib. 16. in hæc verba: Camelo-
pardalis nullam cum Pardali similitudinem habet: coloris enim varieta-

re Hinnulo similima est, virgaus pilis distincto: posteriora etiam humiliora sunt anterioribus, ut à cauda sedere videatur ad Bovis altitudinem. Anteriora verò crura Cameli cruribus nō sunt humiliora: collum rectum est, & in altum exurgit, verticem paulo sublimiorem Camelo habet, propter quam partium inconcinnitatem (ἀσυμμετρίαν) nec tantam celeritatem habere puto, quantam dixit Artemidorus, insuperabilem affirmans. At nec fera quidem est, sed pecus; nullam enim feritatem præ se fert. Meminit & Plinius lib. 8. cap. 18.

CAP. L.


De eleganti exiguoque Africano Boue, quem veteres
Græci Bubalum appellant.

SUMMA voluptas est homini studioso, & rerum antiquarum scrutatori, si in peregrinum aliquod & rarum animal incidit, ut illud veteri nomine exprimere norit: nam qui describere aliquam rem adgreditur non expressa propria appellatione, ne is operā ludere videtur. Itaque cum exiguum Africanum Bouem primum conspiceremus quadrato & bene habito corpore & expolito; subito nobis suspicio incidit, id animal esse quod veteres Græci Bubalon nuncuparunt: animadvertendum tamen est ne vocabulorum affinitas nobis imponat, nec pro hoc animali vulgarem Buffalum intelligamus. Nos porro in eo omnes Bubali notas reperimus: sed & ex Asamia in Cairum deuectus fuerat, licet in Africa etiam inueniantur. Iam etate gravis erat, corpore minor Cervo, sed habitiore & maiore quam caprea, tam quadrato & bene formato corpore, ut oculis gratus esset eius aspectus: nam eius pilus flavus, adeo splendens & levis erat, ut expolitus videretur. Aluum magis rufum ad flavum colorem tendentem habet quam dorsum, quod ad fuscum accedit: Bubuli pedes, breviaque & firma sunt illi crura: collum crassum & breve, exiguis præditum palearibus: Caput Bubulo simile, cuius vertici insidet cornua nigra, & admodum incurva, ut Gazelle, lunaque crescentis in modum inflexa, quibus hand multum se tueri potest, cum in sese sint recurva: Bubulis auribus præditus est, armos suble-

S s

natos

atos & plenos habet : caudam ut in Camelopardali, usque ad poplites promissam, nigris pilis fultam, duplo quam equini crassioribus: Bovis mugitum habet, sed non adeo sonorum. Breuiter, si quis imaginetur se conspiciere pusillum Bouem, quadrato corpore, pilo fuluo & splendente, cornibusq. lunatis, surrectis, & in se recuruis, Bubali ideam habebit. Quoniam autem Bubalum eū nuncupauimus, nomine Buffalo vulgariter adaptato, ingenuè fatemur vetustam Buffali appellationem nos ignorare: nam licet in Gallia nullos habeamus, adeo tamē frequentes sunt per Italiam, Graciam, & Asiam, ut nullum animal frequentius conspiciatur. Itaque mirum videretur, si Aristoteles, qui in animalium perquisitione septiescentena quinquaginta coronatorum millia, expensas faciente Alexandro, insumsit, illius non meminisset. Non negamus eum Bubali pluribus locis meminisse, & concedimus Buffalum intelligere voluisse: sed reliqui Aucto-



res nos in dubium rapiunt, an pusillum istum Bouem de quo egimus, intelligere non voluerit. Nam Plinius ait:
 Insignia tamen Bouum ferorum genera, Bubalos, Bisontes
 excel-

excellentique & vi & velocitate Uros, quibus imperi-
tum vulgus Bubalorum nomen imponit, cum id gignat
Africa, Vituli potius Cervi ve quadam similitudine. Soli-
nus eadem dicit. Omnes autem notae quas Plinius suo
Bubalo tribuit, huic pusillo quem descripsimus Boni con-
veniunt. Itaque facile asserimus, Plinium & Solinum
per Bubalum minimè Buffalum intellexisse. Quoniam
autem Bubalum in Cairo ad vinum exprimi curavi-
mus, eius iconem Lectoris oculis subiicere volumus.

CAP. LI.

De alio Cerui genere Damæ simili, olim Axis nuncupato: &
de Gazella, quæ veteribus Orix dicta fuit.

ADERAT etiam utriusque sexus Cerui vel Damæ
quoddam genus in illius arcis area, quod agnoscere ne-
quimus, sed suspitione ducti, Axin esse arbitramur, de
qua Plin. lib. 8. cap. 20. in hac verba scripsit: In India
& BONES solidis ungulis, unicornes: & fera nomine Axin,
Hinnuli pelle, pluribus candidioribusq. maculis; sacram
Liberi patri. Vterque cornibus carebat, caudamq. Da-
ma instar longam, ad poplites usque propendentem ha-
bebat, quæ Ceruum non esse arguebat. Et sanè cum initio
videremus, Damas esse existimavimus: sed diligentius
deinde considerantes, & Damas notas non ignorantes, opi-
nionem mutavimus. Femina mare minor est: atq. utrius-
que corium orbicularibus maculis albis rutilum ad fla-
vum tendentem colorem distinguuntibus aspersum erat,
& sub ventre albo colore insigne: in hoc à Camelopardali
differunt, quod in Camelopardali phœniceæ maculae satis
ample album colorem distinguunt, non autem rutilum, ut
in hoc animali Axi. Vocem magis argutam habent, &
aëream quàm Ceruus; mugientes etenim audiui. Permut-
tis igitur manifestis notis, eas feras neque cernos esse, neq.
Damas, nobis occurrentibus, facile inducti fuimus ut il-
las Axis nomine vocaremus. Aderant etiam cicures
Gazelle

Gazella è siluestribus locis eò deducta, quæ omninò *Capreae* similes sunt, corpore & colore *Rupicapras* referentes, anterioribus pedibus brevioribus, posterioribus longioribus, *Leporis* modo: nigram lineam supra oculos ductam habent ut *Rupicapra*: atque *Capella* instar balant: at barba carent. Pilus rutilus est, ad pallidum tendens, lenis & splendens: pectus & nates albescent, ut in *Dama*: cauda subtus candicat, atque superiore parte fusca est, ad poplitum usque suffragines propendens, ut in *Dama*. *Gazella* multò leuiore cursu mōtes conscendit, quàm in valles descendit, atque in plano satis veloci impetu fertur. Aures arrigit ut *Cervus*, graciliâque crura habet & bisulcos pedes: collum oblongum & gracile uti *Rupicapra*. Maris cornua maiora sunt quàm feminarum, quæ omninò recta essent, nisi circa summum nonnihil incuruarentur, longiorâque quàm *Rupicapra*, & luna crescentis in modum inflexa. Cicurari debent: nam aliqui loca campestria, sterilia, & sicca inhabitant.

CAP. LII.

De gesticulationibus quæ in Cairo fiunt: atque de Simiarum genere *Callitriches* nuncupato.

ARABES multas gesticulationes in Cairo faciunt, quæ Constantinopoli non conspiciuntur: petauristæ verò gesticulando tympanum digitis pulsant, vocemque ad tympani strepitum pro arbitrio accommodant: tympanum enim ab altera duntaxat parte membrana clausum est, atque ipsum lignum sex digitorum latitudine, multa aenea fragmenta appensa habet quæ sonitum simul edunt: sinistra autem tympanum tenentes, dextra digitis complodunt. Varias gesticulationes multa animalia imitari magna facilitate edocent, atque inter reliqua, capras ipsas ephippium gestare, subsultareque, & calcibus ferire equorum instar docent, quibus deinde simias sessorum imponunt. Asinos item concidere, humi sese volutare, atque

que mortuos se simulare docent, Simias quæ in illos insiliunt, se petere fingentes. Atque, quod rarum est, Cercopithecus similiter instructos habent, cum tamen animal admodum inconstans sit. Magnas præterea Simias illas quas veteres Cynocephalos appellarunt, adeo instructas habent, ut in orbem singulos spectatores adeant, manumque protensa ut in illam nummi reponantur innuunt, quos deinde suo hero perferre norunt. Hac ratione varii generis Simias instituunt: inter quas nonnullæ à nostris differunt. Ex harum numero est quæ Plinio ob pilorum venustatem Callitriches nominatur. Rutilat ut aurea pensa, & è Cercopithecorum genere est, quod Aristoteli Cepus dictus fuit: nam oblongam caudam habet ut Cercopithecus.

CAP. LIII.

De apparatu qui ab his qui Cairo Mecham proficisci volunt, fieri solet.

QUONIAM singulis annis Carauanna ex Cairo Mecham iter conficit, plurimi Turcæ Cairum conueniunt, ut sese comites addant huic profectiōi, quam religionis causâ in Mahometi gratiâ, tametsi istic sepultus non sit, suscipiunt. Cum verò per ingentes solitudines, in quibus neque oppida neque ædificia inueniuntur, iter faciendum sit: res ad integram profectiōem necessarias comparare solent. atque inter reliquas cicer non elixum sed in sartagine tostum. Multæ sunt in Cairo officinæ, quæ ciceris tosti quæstu sese sustentant: magna etenim copia illud vendunt, cum nemo sit qui non emat, quantum illi in totam profectiōem sufficiat. Turcæ Mecham proficiscentes, simul duo itinera absoluunt: alterum in Almedina, ubi Mahometi cadaver reconditum est, alterum in Mecham negociandi causâ. Nam inde magnam vim Aromatum & aliarum mercium referunt: Mecha autem ea est quam veteres Petram nominarunt, de qua plura libro tertio.

CAP.

Profectionis nostræ ex Cairo in montem Sinai descriptio : & de singulari carnis præparandæ ratione his qui longinquam profectionem suscipiunt.


NECESSARIIS omnibus rebus ad longam illam è Cairo in Montem Sinai profectionem comparatis, per eam portam egressi sumus quæ ad Septentrionem vergit, atque Caranannam inuenimus, quæ non procul ab urbe secundum Moscheam quandam constiterat, & donec omnes qui profecturi erant aduenissent, expectabat. Nam per Arabiam iter facere non est tutum, nisi magno comitatu. Dominus itaque de Fumet viginti fanitzeros corporis custodes habens, iuxta Nilum castra posuit, ubi vasa atque utres fluminis aqua impleuimus, quæ nobis & nostris equis in triduum sufficeret: siquidem per solitudines nobis erat transeundum, in quibus nulli fontes, neque rivi reperiuntur. Annonam insuper habebamus, quæ nobis in profectionem & reditum sufficeret: videlicet camelum biscocto pane onustum in Domini de Fumet, eorumque qui illum comitabantur (qui plurimi erant) usum. Camelum item carnibus onerauimus in sequentem modum præparatis. Multi arietes iugulati & in frusta secti elixantur; deinde abiectis ossibus, in minuta frusta extremi pollicis articuli magnitudine conciduntur; quæ cum cepis & pinguedine porro ad totius aquei humoris absorptionem elixata, sale & aromatibus asperguntur, & vasculis reconduntur. Hæ carnes sic paratæ diu conservari possunt: nam post etiam quindecim dies, addita cepa calefactæ, videntur illo ipso die apparatus, nobisque in solitudinibus optimè sapuerunt. Eo die ingentem perpepsi sumus æstû, quod nulla aura spiraret. Noctem sequentem sub tentoriis ad Nili ripam fixis, duximus: atque media nocte digressi, ut æstû effugeremus, per steriles arenas pedibus cedentes iter faciebamus, in quibus nihil aliud crescit quàm Hyoscyami nigri genus, sed tanta abundantia, ut agri duntaxat illo

virs-

virescerent. Huius semine Aegyptij oleum conficiunt, non modo ad lucernas, sed ad alia pleraque illis utile. Postridie subortus est lenis ventus, qui totius diei aestum temperavit nobis ad Orientem tendentibus. In arenoso autem isto solo muris genus inuenimus quod iam dicti Hyoscyami semine solummodo victitat. Dorsum cinerei est coloris, candida aluus, satis oblongum corpus, prolixaque cauda, & mucronatus os: ut nobis facile observare licuit; quoniam quocunque profecti fuimus, ferreum lignum semper circumtulimus, quo effossa terra, & hunc murem, & varij generis serpentes eduximus. Nos meridie sub tentoriis substitimus, ut cameli & equi nonnihil quiescerent: noctu autem eis aqua ex utribus deprompta bibenda dedimus; Cameli autem non biberunt, quoniam triduo aut quatrduo integro sine potu persistere possunt. Qui prodiderunt Arabes per solitudines iter facientes camelis accinere solere, ut illos gradientes excitet, verum dixerunt: nam qui camelos agunt, illorum passus observantes, simulque gradientes, cantum ad ipsorum passus accomodant. Istic usque ad mediam noctem substitimus, qua frigidiuscula fuit, ob aerem nebulosum & frigidum (nebula enim istic Septembri mense non minus humectant, quam in Europa rores Maio) interdum tamen vehementissimus est aestus. Deinde ad iter nos accinximus, ut frigidiuscula noctis aura fruere mur, diu in tenebris iter facientes, donec iam diluculo ad Suez puteum perveniremus, quod tribus castris siue stationibus factum est: prior enim a Cairo ad Nili ripam, fuit sub Palmarum arboribus, altera in ampla planicie, tertia ad puteum Suez. Omnibus enim istac iter facientibus constitutas mansiones, quas stationes appellavimus, sequi necesse est: distat autem hic puteus dumtaxat sesquimillari, hoc est, sesquihorae spacio ab oppido Suez, & castello includitur, in quo toto die substitimus. Eius aqua salsa est, quam tamen viatores

& Sues incolae potare coguntur, alterius penuria, nisi e
 Nilo importetur, licet in arce Sues ingēs & elegans sit ci-
 sterna, quae semel vel bis in anno aqua pluuia impletur:
 nam tametsi rarò istic pluat, ingētes tamē istic decidunt
 imbres. Putei aqua ut cameli & equi potent, duntaxat
 vsui est: nā viatores aliā in suū vsum deferre solēt. Per-
 quirēs in ea regione stirpes, atq. atiquantulū per. plani-
 ciē progressus, Ambrosiam, Senam, Hiericuntinā quam
 vocant rosam, Colocynthidem, Acaciam, Palurum
 Agatochtis, à Theophrasto descriptū, Genista peculiare
 genus, Rhamni duo genera, atque arborem à Grecis Cai-
 ri incolis Oenoplia dictā inueni. Istic viperam cepi atque
 binos Cerastras, marem & feminam, quorum anatonem fe-
 cimus, & sigillatim descripsimus, eorūque exunias to-
 mento expleuimus. Licet porrò plura de hoc Ceraсте cum
 aliis serpentibus egerimus, hic tamen etiam meminisse li-
 bet cum bina tubercula instar hordei granorum supra
 oculos habere, quae bina minuta cornua videntur, quorum
 Aristoteles meminit, qui Colubros Thebanos eos nūcupa-
 uit. At quemadmodū omnes auctores, alter alterius ve-
 stigia sequentes, in eundem errorem incidunt, in quem
 prior: sic Solinus Plinij verba sequutus hallucinatus est,
 cūm Cerasten octonis cornibus esse prae ditum scripsit; et-
 enim rem ita non se habere comperimus. Dentes viperi-
 nis similes, similiq. ordine dispositos habet. Haud igna-
 ri sumus magnam esse inter viperas differentiam, pro re-
 gionum in quibus viuunt, diuersitate: nam diligens cura
 quam in iis cognoscendis adhibuimus, effecit, ut in An-
 glia, Gallia, Italia, Graecia, Asia, & Aegypto obser-
 nauerimus, corpore colorēque inter se differentes, etiam in
 variis Gallie prouinciis. Viperam autem eam intelli-
 gimus quam Turonenses & Cenomanni Aspic nominant.
 Sed & in Aruernia inueniri, testes habemus. Nam
 cūm apud Fratrum minimorum Monasterium, ab Epi-
 scope

scopo Claremontano Dn. Guilelmo du Prat apud Beauregard exstructum, essemus, Renatus des prez, Episcopi familiae pharmacopœus, Cenomannus, Foletourte municipis, nuda manu unam coram Episcopo eiusque uniuersa familia apprehendit, colubrum esse existimans: at premorso ab ea illius pollice, totum brachium, illico inflammatum fuit cum eiusmodi symptomatibus, ut toto octiduo de eius salute perquam exigua spes relinqueretur, postea tamen sanitati restitutus est. Ceraastes non minus quam Vipera omnis & Salamandra, viuum animal parit. Quoniam verò Aristoteles ultimo cap. lib. 5. de Historia animalium de Vipera scribit in hunc modum: Parit catulos obuolutos membranarum, quæ tertia die rumpuntur. Euenit interdum, ut qui in utero adhuc sunt, abrosis membranis percurrant: parit enim diebus singulis singulos, & plures quàm viginti. Id nos impulit ut admiranda Dei opera, viperas scilicet prægnantes, videre cuperemus. At tamen pace illius dixerim, sine tunicis illos parere nobis visa est. Quod propterea hic adiungere libuit, ut alij nostræ dubitatione admoniti, etiam obseruent, & istam dubitationem nobis adimant.



Plurimas alias insuper stirpes eo agro inuenimus quas neque veteri neque recenti nomine exprimere possumus.

T


CAP.

Altissimi in Arabia deserta putei descriptio.

PUTEVS porro cuius meminimus, ut ipsius formam describamus meretur: nam reuera admirabilis est. Magnis sumptibus exstructus olim fuit, cum Sultanus Aegyptio imperaret, ut urbis Sues incola faciliorem aquationem haberent, utque viatores istac transeuntes suis iumentis aquam potandam præbere possent. Aedificium est non admodum amplum, muris cinctum, & arcis instar quadrangulare, in quo machina est ad hauriendam ex puteo, qui altissimus est, aquam exstructa, cum rota, quæ à bobus circumagitur: supra rotam bini sunt funes simul colligari ad pedis distantiam, secundum quorum longitudinem multi vrcei adnexi sunt, qui, versata à bobus rota, aquam ex puteo educunt, atque in alueum sub rota collocatum effundunt, quæ deinde per canalem extra arcem in cisternam fluit: hæc arx aliquantulum munita est, ut homines cum suis iumentis tutiores esse queant. Huius machina descriptio, sit tanquam typus omnium reliquarum quæ in Aegyptiis hortis sunt: nam ad huius exemplar omnes ferè fabricatæ.

De Stirpibus quæ arenosis circa Sues locis nascuntur.

CUM apud eum puteum toto, ut diximus, die substitissemus, diu ante intempestam noctem discessimus, nec urbem ingredi volumus, nisi in reditu. Lucescente die, ad Arabici sinus litus pervenimus, Sues ad quartam miliaris partem post nos relictæ: atque per sterilem solitudinē itinere factæ, ubi nullæ stirpes nascebantur præter Acaciam, cuius gummi diligenter ab Arabibus colligitur, idq. est quo in Europa in atramento & coloribus conficiendis utuntur; licet recentiorum nonnulli aliter existiment. Demonstrabimus tamen in libro de Arboribus perpetuò virentibus, id esse quod veteres Gummi Arabicum nuncuparunt. Eius folia adeò tenuia sunt, ut eorum



T 2

rum ala pollice contegi queat; quæ si numerentur, trecenta & quinquaginta reperies. Incolæ eius ramos lōgis per-
ticis flagellant, ut folia decutiāt à pecore deuoranda. Eius
iconem ad vinum expressam hīc adposuimus.

Superato Sues, latam planiciem ingressi sumus Sena
virente obsitam, quæ istic sponte nascitur, qualis ad nos à
mercatoribus adfertur. Sena autem quæ in officinis ve-
nalis est, duorum est generum, ut ex eius delectu appa-
ret: altera enim planas habet siliquas, falcis in modum
incuruas, foliâque mucronata: altera etiam planas ha-
bet siliquas, ut prior, at multo latiores, & minus incur-
uas, foliâq. obtuso mucrone prædita. Prior præfertur, atq.
Orientalis cognominatur: altera quâ mediam vocant, nō
est adco efficax. Regiones vnde deuehūtur, hanc differen-
tiam pariunt. Rerum sibi similitudinem affinitas facit ut er-
rores nonnunquam committantur, quemadmodum in
Sena & Colutea nostris hortis vulgari accidit. Plurimi
Sena genus esse affirmarunt: attamen falluntur; nam nul-
las facultates cum Sena (quæ perpetuō viret) communes
habet.

CAP. LVII.

De duodecim amaris fontibus Moſis, quorum
Plinius meminit.

LICET satis maturè ad duodecim fontes peruenisse-
mus, istic tamen substitimus. Horum aqua admodum
falsa est & amara, feruntque duodecim fontes illos esse,
quorum in Bibliis sit mentio: etenim Moſis fontes adhuc
nominantur: Solo sterili, arenoso nitrosoq. in amplissima
planicie siti sunt, quinquaginta passibus forſitan inter se
distantes, non quod omnium equalis sit distantia, sed
vnius centum, alterius quinquaginta, reliquorum plus
vel minus. Omnes è terra scaturiunt ad tumuli vel col-
liculi radices, atque in varios riuos sese diffundunt, fon-
tium perennium instar, qui paulo poſt in arena se con-
dunt & euaneſcunt. Aestus tantam sitim nobis concilia-
uerat,

uerat, ut salſam illam aquam ſinguli bibere cogeremur: quæ licet ob nitrum amara eſſet, ab omnibus tamen ob ſummam ſitim grati ſaporis fuit reperta.

CAP. LVIII.

De Rubri maris ſive Sinus Arabici canali.

ARABICVS ſinus ad oppidum Sues deſinit, ubi ſtatio eſt triremium Turcicarum, quæ in continentem hieme pertrahuntur, quoniam portus ille à ventis malè fidus eſt. Hoc mare, canalis ſive ſinus duntaxat eſt, hand latior Sequana inter Haure-fleur, & Honde-fleur, qui ſine difficultate & periculo nanigari nō poteſt, ob ſcopulorū frequentia. Nonnulli huius maris aquā, ſolūmve aut arenam rubere exiſtimant: ſed falluntur. Eius canalis à Septentrione verſus meridiē vergit, atque à Sues ortum habens, per triginta fere milliaria recta linea extenditur, ſed paulo infra duodecim fontes, nonnihil ad occaſum ſeſe conuertit. Planicies in qua verſabamur, fere equalens cum Sinus Arabici littore altitudinē habebat: at ab altera parte celſiſſimi montes & rupes ipſum cingunt. Fontes à mari gemino baliſte iactu duntaxat abſunt, à montibus verò quos ad ſiniſtram conſpiciebamus, integro circiter miliari. Poſtquam æſtus maris reſceſſiſſet, varia minorum piſciculorum genera obſeruauimus, tum etiam conchiliorū & aliorū excrementorū marinorū, & in hiſ erinacei marini quintum genus nuſquam alibi nobis conſpectum, licet iam alia quatuor inter ſe differentia obſeruāſſemus. Omnes conchæ in ingentē magnitudinē excreſcūt, vel climatis vel tēperati aëris, vel alimenti ratione.

CAP. LIX.

De Rhamni frutice ad ſinus Arabici littus naſcente.

SECUNDVM littus eius maris, fruticem inuenimus Rhamno alteri ſimilē, foliis craſſis admodum ſalſis & candicantibus, rami ſpinis horrent, ſed obtuſioribus, ut in Europæo rhāno. Origū etiā veſtigia obſeruauimus, cordis figura in arenis impreſſa, equabilis etenim eſt arena. Ex

T 3

proxi-

proximis montibus descendant, ut ex dictis fontibus bibant & Rhamni folia depascantur. Plinius de his fontibus abundè meminit, & Fôtes amaros vocat, ubi ait Ptolemeu fossâ duxisse latitudine pedu centu, altitudine triginta, in longitudinè triginta septè milliũ & quingentoru passuũ usq. ad fontes amaros. Utrâ deterruit inundationis metus, excelsiore tribus cubitis Rubro mari cõperito quàm terra Aegypti; vel ne immissò mari corrũperetur aqua Nili, quæ sola potũ præbet. Nos istic quartâ à Cairo stationem, & à Nilo tertiam habuimus. Impletis istic vtribus, progressi sumus per saxosa & arida loca, nullisq. fruticibus prædita, exceptis quibusdam genistis. Summus toto illo die nos vssit calor: nam Borcalis, qui superioribus diebus nos recteauerat, ventus planè desierat. Et licet aqua quàm è fontibus hauseramus, salsâ, fœtida, & solis ardore quodammodo feruida esset, vix tamen ad extinguendam in itinere sitim suffecit: quod sic calida hausta, sitim potius augetet quàm sedaret.

CAP. LX.

De multis Arabiæ arboribus, de quæ laniferis,
& Chamæleonibus.

Nos istic Chamæleones inuenimus multis notis ab Aegyptiis differentes: minores enim sunt, colorisq. planè diuersi, videlicet albi, cui ruber admixtus sit: licet autem utrumque genus libro de Serpentibus describemus: eius tamè iconem hoc loco exhibere libuit, ut eius forma agnoscat, tum etiam quod antè sepius eius meminimus.

Origum greges per agros pascentes & currentes vidimus. Circiter autem meridiem substitimus, ut iumenta quiescerent; & sub tentoriis ob summum calorem delitimus. Noctu denuò iumentis oneratis discessimus, ut nocturno frigore frueremur; tum colles & tumulos innuere cepimus; atque ad exiguum fontem progressi, quintam stationem habuimus; comparata istic vna animalia, quæ hinc inde à pastoribus quibusdam agebantur,
macta-



maſtanimus, atque exſtructo igne è Tamaricis, arborisq.
lanifera, & Acaciae Oenopliaeque lignis, eorū carnes de-
coxiſimus. Per iſtos colles oberrantes, Cappares inueni-
mus, quae in pumilarum ficuum altitudinem excreue-
rant, adeo ut nobis conſcendenda fuerint ad earum fru-
ctus colligendos, qui gallinaceorum magnitudine aequāt,
& ſemina intus continēt: ipſae Cappares uiglandibus ma-
gnitudine non cedunt, & cū ſuo ſemine piperis inſtar ca-
lide ſunt. Ut verò Inſubres album ſinapi in vinum ver-
nachiam iniiciunt, ne ſerueat, ſed diutius dulce perma-
neat: ſic Arabes iſtarum Capparum ſemina in ſua vina
immittere ſolent, ut dulcia ea conſeruent, quemadmo-
dum etiam Auicenna annotauit. Herodotus primus me-
minit iſtius arboris lanigera: quem ſequuti ſunt Theo-
phraſtus, Plinius, & plerique alij. Ex earum arborū al-
bo eſt, quae perpetua fronde virent. Eius lana bombycinis
ſtaminibus tenuior eſt, ex qua Arabes elegantes pannos
texunt, longè tenuiores ſericeis, & ex goſſipio conſectis can-
didiores. Quod facile colligere licet ex eius fructu quem
retulimus lana plenum. Per montana deinde, ſtirpibus-
que carentia & ſteriliora loca iter ſecimus, quā ſolitu-
dines quas ſuperaueramus: atque à mari digreſſi, tento-
ria fiximus eo veſpere in quadam planicie Amphi-
theatrum quoddam eminenti: nam undique montibus

T 4

cingi-

cingitur, unico excepto loco. Istic fuit sexta nostra mansio. Refectis quiete corporibus, & temperato calore, per reliquam diei partem cum subsequente nocte iter fecimus, atque sub diluculum denuo ad mare peruenimus: nam ubi digressi eramus, in arcū se quodammodo incuruabat. Ad irium ferè sagittarum iactum per aquam secundum littus gradiendum nobis fuit; deinde eo relicto, in magnas angustias concedendum inter arenosos montes, in quibus etiam lanigeras arbores & Cappares arborecentes inuenimus. Superatis iis montibus, in planiciem peruenimus, in qua magnos Origum greges vidimus, tā procul ab aquis viuentes, ut occasionem nacti simus affirmandi ipsas non bibere; vel si bibāt, rariùs id facere: quod difficile creditu non est, & veteres etiam scriptum reliquerunt: huc adde pleraque alia animalia etiam sine potu viuere; imò Anglicana Oues nunquam bibūt, & Cerastes atque Vipera inter reliqua serpentū genera à potu abstinent. Quemadmodum Chamaleones sine alimento plus quàm integrum annum viuere queunt. Confecto magno itinere, & calore iam ingrauescente, eius vitæ causa substitimus: aestu autem mitigato, iumentisque illico oneratis, tota nocte iter fecimus, atque inter difficiles rupes ingressi sumus, quæ Arabiam Petream à deserta diuidunt.

CAP. LXI.

De primo pago quem in montem Sinai tendentes inuenimus.

IAM ipsa luce perueneramus in apertum locum, dextra & sinistra celsis montibus obsitum, ubi riuum aquæ fontana dulcis limpidaque inuenimus, ex monte procul inde diffuso delabentem. Ea prima aqua dulcis toto itinere à Cairo vsq. nobis obtigit. Insignis pagus ad huius loci ingressum ab Arabibus habitatus nomine Pharagor erat, licet terna aut quaterna adificia exstructa duntaxat

taxat haberet: nam eius regionis pagi in aedum structura non consistunt, sed hominum numero, qui sub palmarum arboribus habitant, aut sub rupibus: suas enim edes subterraneas condunt, ut apud Turones & Lodunenses, atque multis aliis nostrae Galliae locis secundum amnes. Iannissarus cornicem pyxide tormentaria istuc deturbavit, quam Domino de Fumet obtulit. Pharagon locus nobis elegans visus est, eius regionis quam emensi eramus respectu: nam punica mali, palma, olea, ficus, pyri, & aliae arbores fructiferae egregiam praebet umbram: atque is primus pagus fuit, excepto Sues, quem à nostro ex Cairo discessu inuenimus. Refectis corporibus huius aqua dulcis potu, utriusque ea expletis, atque necessariis rebus comparatis, ut gallinis, capris, veruecibus, atque pomis, pyris, granatis, unisque recentibus, denuò iumenta onerauimus, atque nostrum iter prosequuti sumus. Eius regionis incolae cum istuc rara sint pluuia, alia, ut dixi, tecta non expetunt, quam Palmarum ramos, earum truncis subnixos, quo se aliquantulum à Solis ardore tueantur: ideoque fusci sunt coloris. Huius regionis asini, equi, cameli, verueces, boedi, boves, vaccae, caprae, gallinae, ceteraque animalia, multo sunt minora quam Aegyptiaca. In rupem deinde conscendimus, in qua Balani myrsice arbores inter saxa proueniētes cōspiciebantur, Betula magnitudine, similibusque ramis: candice etiam candido, ut procul intuentes, Betulam esse existimaremus, Pharagon incolae, eius fructus diligenter legunt, è quibus multum olei exprimunt. Ut autem istam arborem obseruaremus, occasionem nobis praebuit eius semen cum suis siliquis trigonis, quod incolae Arabs in acervum congesserat apud pagum. In riuo autē similes plantas animaduertimus, quae ad Europae riuos nasci solent, ut Sysimbrium, Pulegium, Conyzam, Anagallidem aquaticam, Cardaminem, & Scirpos. Aduerso riuo ascendentes, sub Palmarum siluis to-

rum illum diem per continuas valles iter faciendo in sum-
 missis, parumper tamen subsistentes, nostrorum iumento-
 rum recreandorum causa: inde porro tota nocte equitan-
 tes, ad radices præaltorum montium Sinai, cum illu-
 cesceret, peruenimus, isticquæ aliquantulum quieui-
 mus: paulo post nostrum iter prosequentes, per difficilem ascen-
 sum nobis subeundum fuit, ut in summum montem Sinai
 perueniremus. Humana etenim arte gradus ex solido sa-
 xo parati sunt, & interdum in ipsa rupe excisi, quo faci-
 lius cameli atque alia animantia in montem traduci
 queant: raro autem equi, quod iter nimium sit difficile.
 Is ascensus per dimidium miliare durat. Cum ad sum-
 mum peruenissemus, plus quàm binis adhuc miliaribus
 nobis progrediendum fuit inter montes instar tumulorum
 rotundorū hinc inde dispersos, & ab inuicem dissitos, alios
 aliis maiores. Tum demum à meridie ad monasterium
 peruenimus: cum tamen summo diluculo montem con-
 scendere incepissemus.

CAP. LXII.

De monte Sinai.

DE Sinai monte agere volentibus, nihilq̃ celebrius cūn-
 istic sit ipso monasterio; operæ precium visum est, primū si-
 gnificare, monachos qui istic habu-āt, Christianos Maro-
 nitas esse, atque Græco ritu viuere: qui iam dudum de no-
 stro aduentu præmoniti, nos, obuiam progressi, humani-
 ter exceperunt. Eorum monasterium exstructum est ut
 ea quæ in monte Atho sunt, illi quod Agias Laura dicitur
 admodum simile. Templum humili loco structum est,
 quemadmodum & monasterium Iuero. Circiter sexa-
 ginta Caloieri Maronita ut plurimum in eo monasterio
 versantur, quorum nonnulli Græci, alij Syri, alij Ara-
 bes sunt, omnes tamen Caloieri nomē retinentes, & Græ-
 co ritu viuentes. Perinde ac si monachi Germani, Itali &
 H:spa-

Hispani Gallis essent permixti; qui licet diuerso uterentur sermone, eiusdem tamen professionis essent. Peregrini montem Sinai accedentes, in monasterio excipiuntur: nullum etenim aliud est diuersorium. In valle sita non est ad radices montis Oreb, magnamque habet aquarum commoditatem: nam riuus e monte delabens eo perfluit, cisternamque implet aqua limpida, frigida, dulci, atque omnibus dotibus praeclata. Praealtis muris cingitur, ut etiam aduersus hostes qui impetum in illos facere vellent, sese tueri queant. Iste & Moschea est pro Arabibus & Turcis, atque hospitium illis deputatum: nam Christianis montem accedere non licet, nisi comitantibus Turcis Arabibus. Per montis Sinai valles, amoenissimi conspiciuntur horti, in quibus vites & legumina colunt, tam etiam brassicas, lactucas, betas, cepas, allia, porrum, & similes vulgares herbas; arbores item fructiferas varij generis, praesertim vero Amygdalas.

CAP. LXIII.

Montis Oreb descriptio.

SUMTO prandio in monasterio, remissioque solis ardore, montem Oreb conscendere institimus, itineris indicibus Caloieris, qui quae singularia in hoc monte obseruanda essent, nos docerent, riuum qui in monasterium defluit, ducem sequuti. Ex Caloieris itineris indicibus unus septuagenarius aequè agilis in ascensu erat atque quispiam alius in vniuerso comitatu: magnum sanè bonae valetudinis indicium in huius montis incolis: omnes enim eramus pedites. Montem conscendentibus Oriens obiectus erat: paulo altius progressi, sub montis Oreb vertice vallem inuenimus, in qua templum exstructum loco quo Helias commoratus esse dicitur: altius porro, gradus lapide solido excisus, atque portam quae olim ad graduum initium claudi solebat, ut id latus scinderet, ut qui praesidium

300 P. BELLONII OBSERVATIONVM
fidium istuc collocare velit, descensu ex monte in eum lo-
cum facile arceat. Ad summum montis Oreb verticem
perducti, aliud templum inuenimus: fuit autem iste mons
habitus ob fontis commoditatem, minimè verò mons Si-
nai, qui aridus est. Diodorus de Iudeorum regione agēs,
huius montis meminit, Abbatæorum regionem appellans.
Scribit enim saxum istuc esse munitissimum, quod à pau-
cis defendi queat, quoniam unicus est & perdifficilis adi-
tus. Hunc locum velle illum intelligere nobis videtur:
nullus etenim alius tota ea regione reperitur, cui hæ notæ
conuenire possint quàm monti Oreb. Itineris Indices si-
gillatim nobis sacra loca demonstrabant, præsertim au-
tem ea quorum in Bibliis fit mentio. Plurimorum Gallo-
rum nomina sacelli montis Oreb muris inscripta legimus,
qui se istuc peruenisse hac ratione testari voluerunt. De-
scendentes porro, magnam cisternam inter binas rupes
exstructam vidimus, non procul à sacello iam dicto, &
Agiasma nuncupato, in qua pluuia aqua adseruatur,
de qua bibimus: nam unus ex indicibus de industria le-
betè cum fune ad aquā hauriendā detulerat. Montē con-
scendimus quā ad Orientem vergit, descendimus verò
quā ad Occidentem spectat: ad cuius radices exiguū mo-
nasterium Saranda Pateres nuncupatum situm est,
in quo ea nocte pernoctauimus.

CAP. LXIII.

De alio monasterio ad radices montis Oreb sito: deque
saxo, ex quo aqua effluxit filiis Israël.

Hoc angustum monasterium ex altero dependens,
templo præditum est, & à quadraginta Patribus nomen
habet, in quo panem, vinum, & oliuas cōditas inuenimus.
Istic sunt horti, varij generis fructibus exculi. Postridie
inde discessimus, motem Sinai cōscensuri, quā ad Orien-
tem vergit, nos autem ad Meridiem spectantes. Sinai
mons, Oreb longè celsior est: quemadmodum autē Athos
mons, Sole ad occasum tendente, insulam Lemnon inum-
brat;

brat; sic mons Sinai, Sole Oriente, monti Oreb umbram facit. Cum ad montis verticē peruenissemus, durissimum saxum esse deprehendimus ferrei coloris, quod tamē plantis non caret: nam Absinthiū feriphium, cuius semē Barbotina Gallis, vel contra vermes nuncupatur, frequens istuc nascitur, Panaxitem asclepiū, Conyza, Eupatorium Arabum. undiq. montibus cingitur, & celsitudine superat montem Oetam in Gracia, vel Idam in Creta: at nostra opinione Olympo Phrygia humilior est. Adcō tamen celsus est, ut cum faciem ad Meridiem obuerteremus, facile utrumque litus sinus Arabici, aliter Mare rubrum nuncupati, conspiceremus, quod in Britannici arcus formam incuruari videbamus: montes præterea, in quibus situm est monasteriū Dini Antonij aut D. Macary in solitudinibus Aethiopiæ finitimis supra mare rubrum, ubi etiam habitant Caloieri Christiani, & Armenij, aliter Maronitæ nuncupati. Deinde ad Orientem nos obuertentes, quousque acies ocalorum penetrare potuit, nil nisi montes & celsissima asperrimæq. rupes oculis nostris obiectæ erāt Arabiæ Petrææ ad montem Sinai pertringentes. Inde porro ad Septentrionem conuersi, & supra montem Oreb, qui sesquimiliari duntaxat inde abest, regionem frequentibus rupibus & montibus obsitam videbamus, ad Orientalem usque plagam extensam, in qua Hierusalem, in montanis Monti Sinai cōtiguis sita. Cum ad Occidentem spectabamus, nihil aliud oculis nostris se obiciebat præter Arabiam desertam, sterilem & arenosam, quam, ex Cairo venientes, emensi eramus. Deinde inter Occidentem & Septentrionem nos obuertentes, sereno aëre, regionem in qua mare Mediterraneū, quod quinque dierum itinere inde abest, discernere potuimus, non ipsum mare conspicerē. Istuc etiam fons est ex eodem montis latere scaturiens, qui in monasterium Quadraginta Patrum, Quarenta Padri, defluit, vallemque & Caloie-

Nota in
Pyrami-
dum de-
scriptio-
ne supra
cap. 43.
a. patium
est am-
plitudo
fastigij.

Caloierorum hortos irrigat. Planicies in summo montis vertice non multo amplior est quam maxime Pyramidis fastigiū, hoc est, quatuor passuum: sed paulo inferius multo est amplior: neque eo perueniri potest sine summa difficultate, quoniam nulli istic adsunt gradus, & rupes est admodum praeceps. Descendimus deinde in monasterium Quarenta-Padri dictum, ubi cana sumta pernoctauimus: deinde ad D. Catharina monasterium, unde pridie discesseramus, regressi sumus. Otenfa est nobis in itinere rupes unde effluxit aqua quae filius Israel sitim sedauit, Mose eam virga feriente: solidū est saxū, rectum, eiusdem qualitatis & coloris cum Thebaico lapide, ex quo cum Obelisci sunt exstructi, tum Pompeij columna in Alexandria. Etenim variorum colorū granulis distinctum est, ut Thebaicus lapis; hinc nata occasio, ut plurimi cogitarint lapidem esse arte humana conglutinatum & paratum: attamen falluntur; quandoquidem nullus lapis qui adeo ferro resisteret ut iste. Cum autem vicinus sit riuus qui ex summo montis Sinai vertice delabitur; nobis dubitationem mouit, eam rupem quam Moses ferisset, esse non posse, aut nullum istic tum temporis fuisse riuum: vel, quod omnium pace dictum volo, Caloieri rupem (unde fontis scaturigo emanat) supra montem demonstrare potius debuerant.

CAP. LXV.

De locis sacris quae in Monte Sinai sunt.

PRÆCEDENTIBVS diebus per supremum montis Oreb verticem iter feceramus: at hoc die secundum radices eum circumuimus, atque per eum locum transiimus in quo filij Israël fusilem vitulum constantes postea adorarunt. Huius monasterij atque aliarum solitudinum cum D. Antony, tum D. Macarij Caloieri nullum frumentum colligunt: at Patriarcha qui in Cai-

LIBER II. 303
ro habitat, singulis annis illis id mittit, & Aegyptiaca
legumina: oppidi Tor ad Rubri maris littus incola siccos
etiam pisces, inter quos Salpas, Sargos, Sparos, &
Cantharos exsiccatos observauimus. Reconditas item
habent colymbades oliuas & legumina. Pecus in val-
libus alunt, non ut eius carnibus vescantur, sed ut
venundent, & questum ex eius lana faciant, ad
alenda sua mancipia: qui verò in vallibus habitant,
ut lac excipiant & caseos conficiant: nam Caloieri
Graci neque caseo, neque butyro, neque carnibus ve-
suntur. Vites colunt, & nonnulla legumina fe-
runt: solum enim in vallibus situm cum riguum sit &
humidum, satis temperatum est. Nam praealtus licet sit
hic mons, adeo tamen frigidus non est ut Europa Alpes:
neque adeo calidus ut Europa plana & humilia. Adeo
autem sterilia & arida sunt haec montana, ut nihil istic
coli possit, nisi paucula quadam in humidioribus locis. Ea
nocte in D. Catharina monasterio quieuius. Postridie
demonstrata nobis est capsula in qua D. Catharina ossa
adseruantur, quae in templo pensilis est. Sacra Graco ritu
celebrant, multisque elegantibus picturis & Dinorum
reliquiis templum ornatum est. Turcae qui montem Si-
nai accedunt, istic etiam Mesgedam habent, sed in
Christianorum templo non comprehensam: etenim ipsi
etiam religionis gratia eo proficiuntur. Caloieri exteris
cibum administrare solent tam Turcis quam Christia-
nis; sed vilem admodum & exigui precij: orizam quippe,
frumentum, fabas, aut pisa decocta in lignea paropside
in media area proponere solent, quam cochlearibus coro-
nant, & modicum panis sine mantili addunt: singuli
deinde eo aduenientes Arabum ritu se componunt, nem-
pe ut pedibus extremis inflexis ipsorum calcaneis insi-
deant. Hoc enim sedendi genus ab omnibus Ara-
bibus

304 P. BELLONII OBSERVATIONVM
 bibus usurpatur. Turca verò aliter sedent, nempe more
 sartorum Gallorum. Ipse Schecarab qui D. de Fumet à
 Cairo huc usque conduxerat, atque ipsius Nobiles eadē
 cum Arabibus ratione federunt. Caloieri liquidam
 Mannam in suis montibus colligunt, quam Tere-
 niabin, ad durioris & concreta differentiam, nomi-
 nant. Nam quæ Tereniabin ab Arabicis Auctori-
 bus appellatur, fœtilibus adseruatur ut mel, atque in
 Cairum venalis defertur: Hippocrates cedrium mel,
 reliqui Græci Libani rorem dixerunt. Quam in Gal-
 lia habemus ex Briançon delatam, atque in Laricibus
 collectam in summis montibus, dura est, atque à iam di-
 eta differt. Cùm autem Manna duorum generum sit,
 utramque genus in Cairi officinis venale reperitur: unū
 quod solidum est, Manna appellatione, aliud liquidum
 Tereniabin nomine: de quibus hoc loco nihil dicemus,
 cùm in libro de Arboribus perpetua fronde virentibus,
 satis superque de eis egerimus.

CAP. LXVI.

E' monte Sinai in Taurum iter.

I AM discessuros Caloieri nos baculis donarunt oblōgis,
 teretibus, laugatis & satis granibus, quos ex eadē arbore
 reuulsos aiebant, ex qua Moysis virga confecta erat, qua
 percusso saxo, aquam filiis Israel elicit. Videretur hæc
 arbor Acacia, nisi enodis esset. Nos, relicto quod emensi-
 eramus itinere, id quod Taurum ducit, ingressi sumus, quod
 duorum duntaxat est dierum. Magnos Origum greges
 discurretes per Sinai montes & rupes obseruamus, quæ
 instar ouilium gregum multiplicatur, quod nemo eas ve-
 netur. Noctem in planicie duximus: postridie summo ma-
 ne ad eum montem profecti sumus, qui unico die superan-
 dus erat, inter Taurum & montem Sinai admodum
 difficilem. Omnes magna ex parte Absinthio Seriphio
 & Pontico, Ambrosia Arabum, Eupatorio, Papanere
 cormiculato, Balani myrepfica arbore, atq. Genista Ara-
 bica

bica genere à nostra diuersa obfiti sunt. Nascuntur etiam in saxorum fissuris Cappares, plurimum ab his quæ in arbores adolefcunt, & quæ in Gracia proueniunt, differentes. Monte tandem superato, eius descensum longè difficiliorem inuenimus: etenim cum è celfo loco veniremus, ascensus non adeò arduus visus est uti descensus. Paululum in descensu progressi, amœnum fontem reperimus, qui secundum nostrum iter decurrebat, cuius riuum diu fequuti sumus. Acaciæ nonnullæ stirpes, & Heliotropij maioris, quod in fruticem trium cubitorum altitudinis excrescit, sese obtulerunt. Hyoscyami præterea genus, in fruticem quodammodo affurgens, admodum odoratum & pingue. Conspiciuntur etiã istic Colocynthides & Cucumeres siluestres ab Asiaticis & Europæis differentes. Paulo post meridiem, monte omninò supergresso, & amplam laxâque planiciem inter montem & sinum Arabicum sitâ ingressi, quietis causâ tentoria fiximus quatuor ferè à Tauro milliaribus. Paulo post mediam noctem institutum iter prosequuti, ante diluculum in Taurum peruenimus. Colocynthides per hanc planiciem maxima abundantia spontè nascuntur.

CAP. LXVII.

De oppido & arce Tauro: tum de singularibus ad rubri maris littus obseruatis.

TAURVM perducti, tētoria extra oppidum quidem fiximus, at in oppidum ingressi sumus: oppidum autem nuncupamus, licet tenuis duntaxat sit pagus: sed quia celebris est istac transitus, marisq. Erythrai portus, oppidi appellationem obtinet: cumque regio ad inhabitandum sit incommoda, magnum quidpiam est, talem pagum in adeò sterili loco conspiciere. Dimidio à Tauro milliari, in planicie, quadraginta palme nobis ostensa sunt, quarum in Bibliis fit mentio: apud has sunt aquæ calidæ, quarum scaturigo haud multo maior est exili fonte: harum riuus
ali-

aliquantulum decurrens, breui per arenas euanescit. Summa loci incommoditas in qua Taurus situs est, facit ut pauci sint incolae: nam lignis & aqua dulci carent, cogunturque procul inde ea petere: ad haec portus non admodum fidam stationem nauibus praebet, cum omnibus ventis valde sit expositus. Atque equidem haud proprie dicendus est portus, sed marina potius plaga. Pagus editior e nonnihil loco situs est, quonia intumescens interdum mare, totam planiciem inundat, & pagum ambit, cui contigua est arx, arenoso loco sita, exigua, quadrato lapide constructa, singularibus turriculis in quatuor angulis praedita, leniter fabricatis, & fossis aut aqua dulci carent: vicinum tamen habet puteum, cuius aqua salsa est, quaeque alterius penuria bibi possit. Huius arcis latitudo intra muros sexaginta duntaxat passuum, longitudo octoginta, quales celeriter gradiendo fieri solent: eam itaque eiusdem longitudinis & latitudinis deprehendimus cum coenaculo illo Palatii Lutetiani, Sala nuncupato. Magna Tauri pars à Iudeis incolitur & Christianis Graecis, Arabibus, & Armenis. Templum etiam est Caloierorum Maronitarum, quorum sacra adumus, partim Arabica, partim Armeniaca, partim Graeca lingua decantata: quae dum celebratur, sedere non solent; at cum longo tempore in templo sint, singulis scipiones praeberere solent, quibus sub alis impositis innitatur. Magnus est istic siccatorum piscium prouentus, quos, ubi capti sunt, per alium aperiunt, atque exenteratos saliunt & sole resiccant: eo etenim modo parati diu conservari possunt. Inter reliquos agnouimus Bars Gallorum, quos Latini Lupos nominant, & umbras, quas nostri Maigres appellant, tum Cantharos, Gallis Brèmes de mer dictos, & Synodontides. Capiunt etiam plurimos Sargos, Sparos & Auratas, Dorades Massiliensibus dictas, à Gallorum Dorades differetes, quae in Oceano capiuntur, quaeque Faber Latinorum sunt.

Salpa

Salpe istic longè maiores & frequentiores quàm in mediterraneo mari. Coralli genus istic nascitur, Arabibus Chanein nomine cognitum, interiore parte concavum, numerosisq; tubulis præditum: quoniam verò elegans est, eoque abundant, eius fragmenta ad Mesgedarum & Carabaschara valuas appendere solent. Sunt verò ea fragmenta binorum cubitorum longitudine, coxæq; humanæ crassitie, colore partim albo, partim rubro. Lapidis etiam genus istic conspeximus, à veteribus Arabici cognomine insignitum: nec agnouissemus, nisi à Caloiero quopiam admoniti, qui eius globos nobis ostendit à D. Macariophano, quod ab altera sinus Arabici parte, è Tauri regione est, à sese (vt asserbat) delatos: ubi non minor eius est copia quàm in aliis regionibus silicum. Orbicularis est, granis, Pyriti similis, granis constans quadrangulis, Andro-adamantis instar. Taurus Carauannarum est statio, quæ aromata ex Mecha & Arabia felici aduehunt. Scimus autem piper, gingiber, myristicas nuces, caryophyllos, laccam, sanguinem draconis, atque macin eò inuehi: etenim his omnibus Carauannâ onerari conspeximus, quæ nobiscum inde discessit, in qua etiam viginti cameli solum onusti fuerunt his conchylis rotundis, quibus claves in Europa appèdi solent. At Cairi incole iis utuntur ad leuigandam & expoliendam papyrum, atq. telas coloribus permixto gummæ infectas, quibus amittuntur, vt olim solebāt

CAP. LXVIII.

De nauibus & cymbis rubri maris.

CYMBÆ, linteresque & alia nauigiorum genera miserorum & egenorum incolarum earum urbium quæ ad mare rubrum & Taurum sitæ sunt, funibus è foliis palme contextis duntaxat consuta sunt. Quæ licet non adeo firmiter stipata sint, atq. si ferreis clavis cōiuncta forent, iis tamen se mari concredere non formidant: nam ligneis clavis ea adeo probe compingere, picæque stipare norunt,

Vide Cat
tiam ab
Orta.

runt, ut tutò nauigare queant. Hallucinantur qui
naues in quibusdam regionibus ferreis clauis non com-
pingi ob magnetis metum existimant: nam licet ma-
gnes ferri ad se trahendi facultatem habeat; minimè
tamen credendum est, eum tanta vi pollere, ut na-
uem ferreis clauis coniunctam, vel è longinquo pertra-
here possit. Huiusmodi verò naues fabricant incolæ, quòd
magnis arboribus, quarum asseres ferreos clauos ferre
queant, reliquaque materia necessaria destituantur,
adeoque egeni sint, ut aliunde comparare non possint:
cùmque præterea naues ferro aut ære veterum more
coniungere vsus apud eos iam desierit, funibus cymbas
consuentes, lenibus expensis eas construunt. Huc acce-
dit quòd magnis nauigiis opus non habent; exigua
enim illis sufficiunt cùm ad piscationem, tum ad merces
hinc inde per canalem, & æstate per mare rubrũ trans-
vehendas. Verum quidem est magnas onerarias naues,
triremes, aliæque varij generis nauigia istic conspici; sed
aliunde advecta. Ut sit, nauigatio in mari rubro peri-
culosa, ob scopulorum frequentiam. Ad Tauri littus
ostrei genus inuenimus Tridachna à Veteribus Græcis
nuncupatum, nunc autem à vulgo Aganon vel Aga-
no. Maius est Illyricis & Mediterraneis, differtq. ab
his quæ à Lemni & Eubœæ incolis Gaideropoda vel
Acynopoda appellantur. Non minus istic in litore fre-
quens est, quàm nostrum in Oceano, eoque Caloieri ve-
suntur. Generosum istic vinum inuenimus (nam Chri-
stiani Arabes, Armenij, Græciq. incolæ vineta colunt)
eoque vtres & lagenas impleuimus. Aqua quam Tauri
incolæ bibunt, dimidio inde miliari aduehenda est, eaque
non admodum salubris: nam nitrosa & salsa est. Vicus
est in eo pago, aliorum locorum per Aegyptum more con-
tectus, sub tectum enim incolæ concedunt, ut ab insigni
solis ardore sese tueantur. Palmae per planiciem nascen-
tes,

res, dactylos ferunt pingues, ruffos, molles, & admodum
humidos, atque ab aliarum provinciarum dactylis diffe-
rentes. Eam ob causam incolæ in sportis è foliis Palma-
rum contextis eos reponunt & comprimunt caricarum
more, massamque conficiunt, quæ longo tempore cōservari
potest, ut tamarindorum massa; isque est vulgaris &
primarius incolarum cibus. Ingentes marinas testudines
capiunt, quarum integumentum siue corium non minus
amplum est quam adificij alicuius ianua. Olim Christia-
ni iis vesci non audebant, quoniam Patriarcha Alexan-
drinus omnes qui vescerentur, anathematis fulmine pe-
tuit: sed postea ab eo soluti, iis nunc vescuntur. E Taurō
deinde discedētes, Cairum redituri, per planiciē iter feci-
mus, montem Sinai ad dextram relinquentes, & mare
rubrum ad sinistram, ad Septentrionem verò tendentes.
Polaris stella iuxta vrsam minorem adeò nobis humilis
erat, ut vix quidpiam vrsæ appareret cū sub horiZon-
tem mergeretur. Conspectimus in ea planicie elegantes
hortos apud fontem parietibus ex luto paleato constanti-
bus cinctos, ad quos nullus nisi per ianuas aditus patet:
tum etiam lacerti quoddam exiguum genus, scincorum
magnitudine per planiciem excurrēs, Arabes Dhab no-
minant. Conspecti sunt etiam nobis stelliones, quorum ex-
crementa Arabes diligenter legunt, Græco nomine Cro-
codilea dicta, atque in Cairum venalia deferunt; unde
ad nos porro aduehūtur. Inter steriles & calculosas are-
nas, exiguum animal inuenimus phalangio simile, octo-
nis pedibus præditum, hoc est, utrinque quaternis, quod
equorum crura conscendens, eos mirum in modum diue-
xat: at camelorum ductores simulatque id animaduer-
tunt, scopis ad eam rem paratis, ea illicò deturbant. Non-
nihil à maris sinu deflētentes, ad fontem pervenimus, cu-
ius aqua subdulcis quidem erat, sed nonnihil etiam salsa,
qua adaquati sunt cameli. Istic substitimus, postridie an-

re lucem secundum maris litus iter fecimus: atque ob montis in mare prominentiam per aquam equitare necesse fuit. Deinde planiciem denuò ingredientibus, ad pugnam nos comparauimus, ab Arabibus metuentes: eos enim praeda causa adoriri nos velle intellexeramus. Vingtini Janizari, Secbarab cum suis Arabibus, & qui Dn. de Fumet comitabantur, cum reliquis sese comparauerant ad latrones Arabes excipiendos, si aduenissent. Idcirco seruatis ordinibus iter diu fecimus, & ob eorum metum maturius castra fiximus. At licet eo die magnum iter cōfecissemus; vtriusque aqua repletis, & camelis rursus oneratis per binas adhuc horas progressi sumus, donec tenebrae orirentur: tum in planicie substitimus & pernoctauimus. Postridie per molles & aridas arenas gradientes, sub noctem in humidum locum peruenimus, atq. istic inter montes quieuius, ubi tamarix, genista, acacia, holoschaenos & cyperus rotundus nascebantur. Auiculas in tamarice haerentes conspiciens, diligenter obseruauimus: an aliquas agnoscere possem (mirū enim videbatur, aues adeò sterili loco vivere) inter has, passeris, anthi & agithi à nobis fuerunt agniti. Vidimus etiā eodem die vulgures & coruos praternolantes.

CAP. LXIX.

Itineris à Tauro in Cairum dictum confecti
supputatio.

Ex eo loco digressi, in eandem viam rediimus, quam in montem Sinai proficiscentes reliqueramus, atque peruenimus ubi mare rubrum in planum litus se explicat. Secundo per aquam nobis gradiendum fuit camelorum ventre tenus. In littore lapidem inuenimus orbicularem, magnitudine & crassitie cum argenteo nummo quem Galli Testonem appellant, respondentem, quem numisma (ferrei etenim coloris erat) esse arbitrabamur,
quod

quod Hebraicos quosdam characteres natura expressos haberet: is nobis in memoriam renocavit alios quosdam lapides in Britannia etiam à nobis observatos, in quibus tribuli aquatici, Domini de Roban insignia, erant expressi. Sub noctem dimidio militeri à fontibus amaris substitimus, eo enim propter iumentorum lassitudinem & noctem vicinam pervenire nequimus. Postridie ante lucem digressi, cum ad fontes pervenissemus, vires aqua implevimus, & ad Sues defleximus, quò meridie venimus. Finire igitur diem, ut ex Tauro in Sues conficimus, supputato, quinque dierum cum semisse iter comperimus, etiam properanter confectum. Huius sinus siue canalis aqua vel arena non rubent, ut plerique existimant: sed id nomen alia de causa ei est inditum. Nam Rex quidam, Græco nomine Erythra dictus, Egypto imperans, huic mari appellationem dedit, eam ob causam Erythraeum, hoc est, rubrum mare appellatum est. Aestus reciprocationem habet ut Oceanus: sinus enim solymmoda est ex Oceano in continentem Arabie protensus, quena veteres Arabicum cognominarunt: at successores Erythraeum dixerunt ab eo quem dixi Erythra, qui naues fabricandi artem inuenit: cum antè ratibus duntaxat veherentur, ut solent nunc in Druentia, & aliis rapacibus fluminibus.

CAP. LXX.

De Portu Sues ad Maris rubri litus.

RECENTIORVM plerique Sues olim Arsinoe fuisse nuncupatū volunt, quod verisimile videtur, quandoquidem primus rubri maris portus est, & Cairo vicinus. Alexandro è viuis sublato id nomen adeptum fuit: Ptolomeum enim Lagum, cum Egypto imperaret, filiam suam Arsinoen insignis formæ Lysimacho Macedonia Regi matrimonio collocasse legimus, in cuius honorem hanc urbem Ptolomeus Philadelphus extrui iussit, &


V 4

ipsius

ipsius nomine illam appellauit. Magna istic est omnium
 rerum difficultas, eam ob causam à paucis incolitur: nul-
 la etenim est aqua potabilis ad duo milliaria in circuitu.
 Istic duntaxat conspicitur exigua quedam arx, veteri
 more exstructa, infirma, in tumulto sita. Et licet Tur-
 carum Imperator ingentes sumptus fecerit, ut ma-
 gis excultum eum locum redderet, ne hilum tamen profe-
 cit: tanta enim omnium rerum, uti dixi, est difficul-
 tas, ut vix quisquam habitare queat. Circiter trigin-
 ta vel quadraginta triremes istic conspeximus in sicco re-
 positas, quas Turcarum Imperator Constantinopoli in
 Nilum vsque transuehi curauit, deinde aduerso Nilo
 Cairum pertrahi, atque ibi dissolutas, camelis & curri-
 bus in Sues deportari, atque denuò concinnari. Nauium
 statio illic malè tuta est; quoniam plaga marina omnibus
 ferè ventis est exposita. Difficilis est in mari rubro, ob sco-
 pulorum, qui sub aqua latent, frequentiam, navigatio: at-
 tamè omnis classis quæ à Turca aduersus Indos mittitur,
 in Sues instruitur. Atque cùm istic versaremur, incidi-
 mus in quadraginta vel quinquaginta camelos, Cairo il-
 luc missos, qui aquam è puteo Sues haustam, coriaceis
 utribus deferrent in triremium vsum, quas Bassa siue
 Pro-rex Egyptiacus in Indiam ablegabat, ut oppidum
 nomine Zibit, quod paulo antè defecerat, denuò sub pote-
 statè redigeret. Tametsi autem ea aqua salsa sit & ama-
 ra, nante alterius dulcioris penuria eam bibunt. Cairum
 repetentes, medio inter Sues & puteum itinere, specula-
 tores conspeximus, tabulatis quibusdam hinc inde sparsis
 insistentes, eorum more qui apud nos vineta, ne vna decer-
 pantur, observant. Singulis tabulatis bini aut terni viri
 inerant, qui procul conspicerent an insidiatores aliquos
 observarent, & urbis incolas admonerent, ut sibi caue-
 rent: quod cùm his conuenit quæ Plinius de Carthaginen-
 sium speculis (quibus vsi sunt dum Romani illis bellum
 infer-

inferrent) narrat, hinc inde per illius regionis plana, qua veluti mare equa sunt, & deserta ut apud Sues, collocatis. Ad puteum Sues cum secundo pervenissemus, in multam noctem substitimus: deinde oneratis rursus camelis, reliqua noctis parte, & sequenti die, sine intermissione iter continuavimus, donec sero admodum ad Nili ripam perveniremus, eodemque loco pernoctavimus, in quo antè, dum montem Sinai peteremus, quieveramus. Hunc successum nostra habuit in eum montem profectio, quam vicesimo die absolvimus, reductis solum tribus equis: nam reliqui sex vel septem in itinere perierant. Arabes fabis duntaxat & hordeo eos pascebant, quemadmodum camelos, quorum etiam maxima pars periit. Hoc die camelorum dux, animadversa procul in planicie vipera, proclamata & geminata vipera suo idiomate appellatione, coniectis saxis, ipse & eius comites illam necarunt; quod indicium est, illos magnoperè eas exhorrescere. Aegyptiacæ vipera & cerasta pelle admodum obsequente sunt praditi, quod experientia nos edocuit: nam earum pelles tomento impleta, duplo crassiores quàm antè fuerunt, quod in aliarum regionum viperis non contingit. Habet Aegyptus multos præterea serpentes, quorum non meminimus, quoniam de nocentioribus dixisse satis est. Quoniam porrò condita atque integra quorundam serpentum alis & pedibus prædutorum corpora vidimus, quos ex Arabia parte in Aegyptum aduolare ferunt, eius iconem Lectorum oculis subucere voluimus, plura de eo in libro de Serpentibus dicturi.

In itinere, Arabum & Aegyptiorum rusticorum turbam inuenimus, quam Bassa vi per Aegyptum comprehendendi iusserat, ut remigum officio fungerentur in expeditione quam suprà memoravi. Cairi siquidem Bassa, qui Turcarum Imperatoris nomine Aegypto præest, triremium classem paraturus, quoscumque obuios indifferen-



ter comprehendi iubet, nec quisquā mutire audet, quandoquidem id fit in Turcici Imperatoris obsequium; tanta est inter eius subditos obedientia: catenis tamen non coercentur, sed expeditione confecta, domum redire permittuntur. Quo tempore similis fit lectio, Christiani Cairum incolentes, domi se continent, nec quòquam egrediuntur. Turcici milites, qui tota illa profectione comites Domino de Fumet additi fuere, tantum biscocti panis secum detulerant, quantum ad illam à Cairo ad montem Sinai profectionem sufficeret: nec tamen omnem in reditu absumserant. inde facile cognosci potest eorum in victu frugalitas, quam aliarum nationum homines imitari haud possent. Noctis partem ad Nili ripam traduximus: postridièque summo mane, oneratis camelis Cairum secundò peruenimus. E Cairo in montem Sinai profectio, Aegyptiacorum & Arabicorum Camelorum cimiterium est: quia plerique omnes in eo itinere percunt, ut apparet ex eorum ossibus quae hinc inde secundum viam dispersa iacent: inde fit ut id iter multum à vulturibus frequentetur, quorum pridie magnas turmas, in quarum singulis non minus quinquageni fuere, observauimus: atque affirmare ausim inter reliquas rapaces atque incuruis unguibus praeditas aues, solos vultures turmatim volare.

C A
P.

De Murthinis vasīs in Cairo venalibus & de Nitro.

INGENS *Murrhinorum* vasorum copia in Cairo à mercatoribus publicè venalis proponitur. Cum autem videremus ea nouo Porcellana nomine appellari, eius appellationis Gallicum etymon perquirere libuit, atque animaduertimus, denominationem sumsisse à Conchylii quodam genere. *Murex* Latinis dicto, quod Galli concham porcellanicam nuncupant: tametsi affinitas vocabuli *Murex* satis respondeat voci *Murrhina*; Gallicæ tamen appellationis etymon duntaxat perquirimus, quoniam Porcellanica vasa ea nuncupamus: nec ignoramus Latinos *Myrrha* vocem à Græca *μύρρα* deduxisse. Vasa quæ Porcellana appellatione apud nos hodie venduntur, nulla nota cum veterum vasīs conueniunt. Sed nec summi totius Italiæ artifices similia parare norant, ut: pote qui commoda materia destituuntur: attamen vasa ab ipsis conflata, Porcellana nomine donant atque etiam venundant. Latæ significationis est Porcellana vocabulum, & multis conchis marinis applicatur. Quoniam porrò elegans vas è concha marina paratum aptius denominari non posset secundum veterem appellationem, quam Porcellanicum: expolita illa & splendentia conchyliis margaritifera conchyliis respondentia arbitratus sum affinitatem aliquam habere cum materia vasorum antiquorum Porcellanicorum: huc accedit, quod Galli spherulas illas precatorias è magnis cochleis confectas, Porcellanicas spherulas appellant. Transparentia sunt ea vasa Porcellanica, magnòq. æstimantur in ipso Cairo, quoniam ea ex India deportari affirmant: quod mihi verisimile non videtur: nam neque adeò frequentia, neq. adeò magna vasa conspicerentur, si ex tam remotis regionibus deferrentur: Gutturum enim poculum, aut aliud vas quantumuis paruum, singulis ducatis vaneunt: si ampla sint, tanto pluri æstimantur.

Magna

Magna est in plerisque Europæis pertinacia, qui affirmant nostrum Sal petra esse Nitrum veterum, cum tamen ne mica quidem legitimi Nitri in vniuerso orbe Christiano reperiatur, nisi aliunde delatum; contra in Cairo adeò vulgare sit, ut eius decem libra vix vno maidin aestimentur. Varius apud illos eius est vsus: nam & vasa eo inducunt, & siliquis Acaciæ admixtis coria parant. Extra urbem Cairum eleganter constructa conspiciuntur templa, Mesquita dicta, multorum magnatum sumptu & cura paucis ante annis exedificata: nam si quis Bascha, Sangiacus, aliæve auctoritate pollens Imperatoris Turcarum aulicus, aliquid memoria dignum posteris relinquere vult, eiusmodi fabricas exstruit pietatis causa, quibus cisternas adiungunt, aquæ conseruandæ idoneas, ut quilibet sua iumenta inde aquare, ipsæque secundum eorum consuetudinem eluere se possit: nam vniuerso eloto corpore, ab omni peccato se liberari, ex Mahometi instituto, arbitrantur. Solent Arabes publicis locis aquam plerumq. proponere, & eam per certos viros circumferri curât, & quibusuis obuiis præberi sine vlllo precio, nisi qui aquam sumpsit, ciuitatis causa aliquid ipsemet donet. In Cairo reliquisque Aegypti, Syria, Turcorumque Imperatori subiectarum Prouinciæ urbibus, ubi viæ cœunt & coniunguntur, ingentia ponuntur vasa, quæ singulis diebus aqua implentur, ut qui sitiunt inde haurire queant. Inde fit ut publicè cibum sumere eos non pudeat. Nam comparato quem cupiunt in foro cibo, ad vas aliquod aqua plenum concedunt, exemptisq. calceis istic confident, & in propatulo vescuntur. Fenum in Cairo venale, in pratis nostro more non est demessum, neque gramen est, quale in Cycladum insularum scopulis legitur: sed ex trifolio satò constat, caule eoncano pedito, quod demessum in manipulos colligatur, deinde per fascies distribuitur. Eo autem libenter vescuntur equi.

Non

Non dubium est, quin id trifolium legitima sit medica, quæ viridis per Hispanias equis datur: nullum etenim fœnum per vniuersam Hispaniam reperias; nec etiam auenam; hinc concisum stramen feni, hordeum auenæ vicem illis supplet.

CAP. LXXII.

Succinum non esse fossile, ut plerique existimarunt, sed arboris gummi.

SUCCINUM è quo precatorie spherule parari solent, non minore est apud Arabes, Syros, Aegyptios, & Indos precio, quam apud Christianos: nam Turce perinde his spherulis utitur ut nostri homines, & suas preces pro eorum consuetudine ad eas demurmurant. Sed & ad alios varios usus applicant, veluti ad ornatum ephippiorum, frenorum, clutellarum, equorum, mulorum, camelorum. Eius adhuc rudis ingentes saccos plenos in Cairo conspeximus, fragmentis siue glebis gemini pugni crassitudine, quorum nonnullis arboris cortex adhuc inhaerebat, tenuis, lenis & nitidus: & cum eiusmodi cortex interdum inueniatur plusquam palmari amplitudine; ingentem arborem ex qua profluit, esse dicendum est. Plerique aestimarunt Succinum fluidum esse liquorem terrestrem, qui in mare deuoluatur, & istic induratum à ventis in littus reici. Erroneam autem esse huiusmodi opinionem experientia ipsa docet: nam si Succinum in aqua mergitur, qua ratione verum id esse poterit quod afferunt? Diligenter igitur perlectis iis qua veteres de Succino scripserunt, totiesque reperto inhaerente cortice, in Diodori sententiam facile concedimus, qui expresse affirmat gummi arboreum esse, quod vi ferrum ad se trahedi pollet, quemadmodum magnes, si primum fricetur: quod Dioctes, Theophrastus, & nonnulli alij iam obseruauerant: idque verum esse comperimus. Pleraque obtinet nomina cum Græca tum Latina, uti Succinum, λυγγέριον, Lapis lyncis, μέγυροφόρον.

Bellonium in centura de Succino falli, iam notius est quam ut multis de ea re agendum sit: nam & odor & tota adeo Succini natura bituminosum quidpiam esse, facile euincunt.

CAP.

CAP. LXXIII.

De nostræ Profectionis in Hieru-
salem apparatu.

IN Cairo subsistentes, profectionem in Hierusalē ador-
nabamus, & res ad eā necessarias curabamus, veluti ut
conductitia iumenta & annonam nobis compararemus,
quemadmodum antē ad profectionem in montem Sinai
feceramus. Hierosolymitana autē profectio, magis equo-
rum & mulorū quā camelorū opera perficitur. Turca
porrō & Arabes longinquam profectionem aestate susce-
pturi, tamarindos coemunt: magni etenim vsus sunt per
vniuersum Turca dominium, non ad medicamenta pa-
randa, sed ad sedandā sitim, ut singulis annis p. quā
tria millia eorum pondo in Cairo venundari putem. In
eorum Mesquedis elegantia magna vasa e marmore
variū generis confecta antiqui operis conspiciuntur, quā
olim ad condienda variorum animalū cadauera vsur-
passe credimus: nam cū pleraque animalia sacra esti-
marent, ea condiebant, & in eiusmodi vasa tanquam in
sepulcrum recondebant: homines autem aliter condie-
bantur, ut antē diximus. Cairi incole mentionem facien-
tes Praefectorum qui Sultani tempore vixerunt, Circas-
sos eos appellant, quod admirati sumus, appellationē adeo
antiquam & Herodoto notam etiamnum retineri au-
dientes. Cairinus Bassa suam aulam non Arabum aut
Egyptiorum, sed Turcorum more gubernat. Cumq;
obseruauerimus qua ratione Dominum de Fumet, qui il-
lum salutandi & valedicendi causā adiit, exceperit, di-
gnum quod hic infereretur indicauimus. Omnes suos Ianis-
saros auratis, sericeisq; diuersorum colorum vestibus
elegantē exornatos ordine collocauit, nullis acinacibus
aliisue armis accinctos, sed demissis & decussatis mani-
bus; quod indicium est magnae Turcarum obedientiae: ad
geren-

gerendum etenim bellum solūmodo arma expetunt. Arabes gestare pugiones solent, quod Turca nondum in usum receperunt: alia tamē tela habent cūmpacis tū belli tempore magis utilia, de quibus iam diximus. Comparatis rebus ad profectiōem necessariis, terrestri itinere illā absoluerē visum fuit, versus Hierosolymam prius tendentes.

CAP. LXXIIII.

De Aegyptiaco quodam frutice semper virente, qui rubro colore inficit.

DIE Saturni qui fuit 29. Octobris anni quadragesimi septimi supra millesimum & quingentesimum, nocte dubia, urbe egressi sumus, & ad Mesquedā quarta miliaris parte ab urbe distantem concessimus, sub cuius telopernoctauimus: unde die Dominica ante lucē discessimus. Aegyptus Nilo inundata nobis ad sinistram erat, in qua pagos locis editioribus sitos inter palmarum siluas conspiciebamus. Obseruauimus fruticem Alcanam nuncupatum, quem diligenter colunt, atque ex eo egregias caduas siluulas parant. Latini Arabum interpretes, Ligustrum Latinorum esse arbitrati sunt, sed falluntur; nam dissimiles sunt frutices. Alcanna in Punicā mali altitudinem excrescit: sed cūm cadatur, virgulas duntaxat profert, saliceorum viminum instar. Magnum adfert quāstum Aegypti incolis: nam eius folia siccata in pollinem terunt, flauo colore inficientem. Huius pollinis census tam ingens est per eas regiones quae Turcarū Imperatoris subiacent imperio, ut plus quam octodena ducatorum millia reddat: inualuit enim ea consuetudo, ut omnes mulieres, manus, pedes, capillorum partem rubro aut flauo, viri autem ungues rubro colore, hoc puluere inficiant: addito praeterea alumine, puerorum utriusque sexus capillos tingunt, equorum inbas, pedes & caudas. Eius regionis mulieres ad formā decorem multum accedere

dere putant, si ab umbilico infra, etiam coxarum partem flauo colore inficiant, quem ex hoc puluere concinnare norunt, simulatque ex balneis egrediuntur; quoniam eo tempore color altius penetrat. Illius vsus adeò frequens est, ut non modò apud Turcas inualuerit, sed etiam in Wallachiam, Russiam, & Bosniam deferatur. Cũ itaque plebs hoc puluere carere nequeat, necessario eius distributio magnum censum præbet: sepèque accidit ut Alexandrina naues eo onerata, Constantinopolin deuehantur, qui illicò venundatur & distribuitur. Cairum egressi, canalē sequuti sumus qui Damiatam ducit. Et quoniā in tempesta nocte discesseramus, ante lucem peruenimus ad id iter quod Sues ducit.

CAP. LXXV.

De plurimis Aegypti pagis, in itinere quod Hierusalem ducit, sitis.

PER ingentes mollis arenæ campos iter fecimus, in quibus rustici Citrulli genus colebant, tãti in Cairo vsus, ut toto Septembri & Octobri singulis diebus cameli huiusmodi fructu onusti adueniant. Quatuosus est, nam nullo negotio prouenit præsertim per Nili inundationem. Auicenna & Serapio Bategam nominarunt: nunc Aegyptij Copus appellant. Pleriq. in huius nomenclatura hallucinati sunt, falso Anguriam nuncupantes: nam Anguria cucumerem significat. In tantam interdum amplitudinem excrescit, ut quatuor aut sex camelum, unicus hominem onerare queant. Eo die in aperta planicie pernoctauimus: postridie verò in amplum pagum peruenimus nomine Cauq, ubi subsistendum fuit, ut annonam necessariam compararem (etenim per sterilia loca faciendum erat iter) orizem, pisca, fabas, oua, poma, pira, uuas, dactylos, ficus. Vix alia herba per eas arenosas solitudines nascitur quàm Hyoscyamus niger, agros suo virore vestiens.

Tardò

Tardè ex Canq digressi, tota nocte iter fecimus, donec in pagum Cataro, editiore loco, non procul à Nilo sitū veniremus. Suam quadragesimam tum celebrabant: propterea fastigia turrium suorum templorum aut Mesguedarum, undique obsita erant accēsis lampadibus quæ tota nocte ardebant: qui mos per uniuersam Turcæ ditionem ubi Mahumetistæ viuunt, obseruatur. Arabicarum porro Mesguedarum turricula à Turcicis differunt, quòd Arabica triplicem, Turcica unicam contignationem habeant. Eorum quadragesima mense lunari durant; dumque ieiunant, cibo & potu abstinent in obscuram noctem, & donec stellarum splendore conspiciant: deinde tota nocte cōpotatiunculis indulgent. Cataro magnitudine respondet Canq, palmaq, arboribus cingitur: elegātes istic coluntur horti, ob aquæ commoditatem; eam ob causam celebris est pagus. Vtērius deinde progressi ad alium usque pagum nomine Bilbez, ubi sumto prandio, reliquo die substitimus; cum æstus vitandi causa, tum ut iumentorum quieti consuleremus: ibique victui necessaria in foro perinde atque in Canq inuenimus. Inde digressi, & inter Orientem ac Septentrionem tendentes, à dextris præter sterilem planiciem nihil conspiciebamus; ad sinistram verò offerebat sese regio quæ à Nilo inundatur, fertilis & culta, plurimis pagis abundans, Palmarumq, & Sicomorum siluis. Magnas Gazellarum per eam planitiem oberrantium turmas inuenimus; eoq, vespere tertiam stationem à nostro ex Cairo discessu confecimus.

CAP. LXXVI.

De admirabili difficultique itinere inter Cairum & Hierusalem.

DIE Martis omnium Sanctorum nomini sacro, ad Salatiam usque pagum progressi sumus, ubi toto deinde die quieuius. Huius pagi, licet admodum celebris, ædificia ex Palmarum duntaxat ramis ipsi arboris trun-

322 P. BELLONII OBSERVATIONVM
coinnixis constant: sunt & praterea nonnulla adicula
nullius momenti. Incole quadrata quadam loca ha-
rundinibus sepunt, ad gallinas, anseres & anates coër-
cendas. Nos istic camelos, capreolos, gallinas, ova, hor-
deum, panem, vinum, & alia victui necessaria venalia
reperimus. Quoniam porro emetienda erat ampla pla-
nities & latrombus infesta, decem Arabes probè arma-
tos conduximus, qui comites essent, licet Ianissaros habe-
remus: Arabes autem longas sarissas etiam equites in
humeris gestare solent. A Salatia fecimus iter per incul-
tam planiciem, per quinque horarum spacium, ni-
hilque conspeximus prater Tamarices & Rhamni ge-
nus rubentibus baccis, cum qui in Grecia nascitur,
nigris baccis sit preditus. Eatenus nihil aquæ contulera-
mus: nam in singulis pagis inueneramus: eo verò die
vires aqua implere coacti sumus, quia qua nobis gradien-
dum erat, eius est penuria. Tercio die Nili aluen trans-
iimus, aqua ad equorum cingula pertingente, quæ ama-
ra & salsa est, quoniā marina permiscetur. Latos etiam
pontes inuenimus, sed non admodum longos. Saltos igitur
rivos pratergressi, ad Carabassara rudera substitimus,
ut noctem istic traduceremus. Subsequens dies nobis dif-
ficilior obigit quàm speraueramus, quod per mollem,
cedentem, mobilēque arenam iter faciendum esset. Ea
de causa agasones equorum & mulorum suffragines pan-
nis inuolnere & munire necesse est, alioqui mutuo allisu
attererentur. Arenosa planicie emensa, ad vallem acces-
simus, in qua nonnullas Palmas conspeximus, iuxta pu-
teum, subdulcem aquam continentem, cuius potu Cara-
uanna vsa est: ea autem aqua versatili rota educitur ut
in Aegypto. Sub vesperam in pagum Belba appulimus.
Castellum quoddam est quadrangula forma, in Palmire
regione (qua haud procul à Mediterraneo mari abest)
situm, inter Aegyptum & Syriam, bidui à Salatia iti-
nere.

nere. Huius muri admodum debiles sunt, quæq; insunt
ædificia, vitulorum stabulis vix sunt maiora: regio ad-
modum sterilis & arenosa est, alioqui Palmarum silvis
abundans, attamen pleraque victui necessaria istic in-
uenimus. Eius regionis incolæ macilenti sunt, fusci, & solè
adusti, qui Turcorum more humi non sedent cruribus
decussatis, ut Gallie sartores facere solent, sed ut Ara-
bes incuruati, summis pedibus terræ infixis, insident suis
calcaneis; totosque interdum dies eum in modum seden-
do traducunt, nec magis defatigantur quàm nos scabellis
insidentes: nam cùm à teneris assueverint, nullam mole-
stiam illis præbet ea sessio: huc accedit quod cùm eorum
regio arenosa sit, vestes conspurcarent si Turcarum mo-
re sederent. Arabes, Armeni, Turcæ, maxima ex par-
te suas interulas ceruleo colore infectas habent, raroque
albas gestant: pediculis tamen non scatent, quoniam sæpè
balneas adeunt, ubi eluuntur & mundantur. Arabes
humi cubant, substratis duntaxat storiis ex harundinibus
vel palmarum foliis contextis, nec linteaminum usum no-
runt. Exspectabat nos Carauanna quadam quæ Hiero-
solymam proficiscebatur, apud puteum in planicie situm;
binis à Belba milliariibus distantem, cuius aqua nitrosa
erat; nam circumiacens locus etiam nitrosus est; attamen
alterius penuria eam bibimus. Media nocte Caruan-
na discessit, quam post tres horas sequuti sumus. Secun-
dum mare mediterraneum, quod ad sinistram relinque-
bamus, diu iter fecimus, rectaque ad Orientem tendeba-
mus, nonnihil properantes ut Carauannam adseque-
remur, quam ad vesperam comitati sumus, & ad maris
littus paululum substitimus: deinde ad quartam millia-
ris partem progressi, inter binos arenæ mobilis tumulos
fodimus ad dimidiæ orgiæ altitudinē, dulcēque aquam
inuenimus, sed turbidā, & albescentem, qua nostras la-
genas & utres impleuimus. Iam nobis Sinai montes ad

X 2

dextram

324 P. BELLONII OBSERVATIONVM
dextram apparebant. Qui rectà profectionem ex Cairo
versus Hierusalem instituunt, neque Belbam neque Sa-
latiam adueniunt; sed alia via ingrediuntur, atque ci-
bos & aquam pro tota profectione circumferunt. Nos
autē qua diximus via progressi sumus, ob Nili & pago-
rum commoditatem. Ambrosiam, Thapsiam, Libano-
tidis species, Tamarices atq. Apocynon in aperta planicie
nascentes reperimus.

CAP. LXXVII.

De Nitro, & Cancro quodam exiguo admiran-
dæ naturæ.

TOTO illo die sub nostris tentoriis traducto, Cara-
nannam sequuti sumus, aliāmq. planiciem ingressi, quæ
per sex horarum spacium duravit; cū illuxisset, in de-
pressiorem planiciē descendimus Nitro omnino obsitam,
in quo equi & cameli pedum vestigia imprimebant: at-
que initio propter splendorem, saltem esse arbitrabamur:
nec facile agnouissemus, nisi antea in Cairo id vidisse-
mus. Non est autem Sal petreæ: nam Nitrum naturale
est, iisque notis quas veteres tradiderunt dignoscendum,
nempe ut vstum multos cineres relinquat; Sal verò pe-
treæ nullos. Per eam planiciem ad dimidium ferè milia-
re progressi sumus, pauloque ulterius mare attigimus,
cuius secundum littus diu fecimus iter: frequentes Galei,
caniculeque marinæ in littore pascentes nobis conspectæ
fuere. Istic etiam peculiare quoddam Cancræ genus, &
admirandæ naturæ: nam media æstate, summisque solis
ardoribus, cateruatim mare egressus, per cuius littus vā-
gatur, & ad tres balistæ iactus per arenam excurrit tan-
ta celeritate, ut quis vix assequi queat, cū tamen pu-
silla castaneæ magnitudinem non excedat: cūque inte-
gro die per summos solis æstus in sicco versatus est, noctu
in mare sese recondit. Aristoteles Cancrum cursorem
nomi-

nominat: plerique autem falluntur qui Dromonē, hoc est Cursorem appellant, atque inter cetaceos pisces reponunt: nam, ut dixi, pusillus hic est, eiusque amplam descriptionem libro. 2. de Piscibus dedimus. Noctes tota hac nostra profectione nunquam adeo obscura fuerunt, quin obuia quæque conspiceremus. Ea nocte cum paululum à Carauanna secessissemus, Sangiacus quidam Hierosolymam proficiscens, tumultu quodam excitato simulauit adesse Arabes. Quod cum intellexissemus, non magnopere commoti sumus: Ianissari etenim qui Dominum de Fumet comitabantur, animosi & bene instructi erant. Diu ante lucem discedentes Mediterranei maris litus reliquimus, atque claro mane Carauanna & Sangiacus substituerunt quorundam Iudeorum gratia qui in turba erant, quique munere illum affecerant, ut eos expectaret. Atq. illi quidam astutè Veneris die sub vesperam longius progressi erant, ut postridie quiescere possent: consuetudo enim apud illos est, ne die Sabbathi ullam operam faciant. Nos verò ipso Sabbathi die illos precesimus, & in Carbassara muris cinctum, atque castelli in modum exstructum, diuertimus, apud magnam pagum, in quo victui necessaria coëmimus, illoque vespere uberiorem glebam inuenire cœpimus deferente nos arena. Istic Smyrnum copiose nascitur, & Ambrosia, Alga tertia, Anchusa & Ligusticum. Inter Cairum & eum locum nullas alias arbores conspeximus, præter Palmas & lanigeras, quarum mala siue fructus delicata, tenuique lana pleni sunt, ut antè meminimus.

CAP. LXXVIII.

De plerisque arboribus, auibus, aliisque singularibus in Palestina nascentibus.

SED ante quā in Carbassara perueniremus, adhucque essemus in editiore colliculo, Balanum myrepficam

X 3

inne-

326 P. BELLONII OBSERVATIONVM
inuenimus, præ iis quæ in Arabia nascuntur vastam
admodum, Betule parem, sub qua magna Smyrni quantitas
nascebatur, semine, uti Coriandrū, rotundo & valde
odorato. Car-bassara vicini è longinquo conspeximus
virentes quasdam arbores, quas initio non agnouimus:
sed obseruatis earum ramis confertim in summo nascenti-
bus, multisque foliis stipatim præditis, & elegantem um-
bram præbentibus, crassoque ipsarum caudice, Sycomor-
os esse deprehendimus serie quadam in planicie disposi-
tos, veluti apud nos fuglandes. Circa Car-bassara porrò
puteum aderant arbores Græcis Oenoplia nuncupate, ab
aliis Napeca. Est autem illud Car-bassara limes & ini-
tium fertilioris soli Palestine. Istorum verò diuersorio-
rum sine Car-bassara cum per Aegyptum tum per Sy-
riam porta ferrea sunt, arcamque continet, propugnacu-
lum in medio habentem, quo se viatores conferunt: intra
muros parte interiore porticus sunt, sub quas noctu se re-
cipere licet pluuio tēpore, atq. etiam propter æstū de die.
Tota nocte cōclusi fuimus in eo Car-bassara, & excubias
egimus, prædonū Arabū causa, quos nō procul abesse, re-
latū nobis fuerat. Carauanna quā reliqueramus, tota no-
cte iter fecit, & ante lucē nos præuertit; cōmodè enim vel
ex longinquo exaudire potuimus, eamq. ob causam illico
ad eā subsequendā nos cōparauimus. Nā consuetudinem
hanc habet, ut si quis Sangiacus, vel Carauanna aliqua
numerosa iter facit, cāpanam satis crassam cameli alicu-
ius collo appendat, quæ è longinquo etiā exaudiri possit, ad
cōmonefaciendum vniuersum comitatū. Turcici proceres
perinde lectica vehuntur atq. in Europa, at quā muli non
gestant, verū cameli. Inter Gazara, quæ prima vrbs est
provinciae * Aegypti, & Belba, agros desertos inuenimus
ob muriū & soricum abundantiam: quos nisi deuorarent
aues Percnopteri ab Aristotele nuncupate, à Gallis verò
Boudrees, quas natura caternatim eò mittit; nullam se-
mentem

mentem possent facere incolæ, quin statim absumeretur. Provenit istic Scilla, Thapsia, Ferula, Polium, Hastula regia. Deinde iter fecimus per agros, frumento, leguminibus, et fructiferis arboribus bene excultos. Sepes possessiones separâtes, Rhâno & Halymo constant, in quibus volitâtes observavimus Colluriones, Pies griesches Gallis nuncupatas, quæ mures vorant quemadmodum tinnunculi. Vidimus etiam præternolantes multos Vultures, aliâsque aves carnioras, quales supra commemoravimus Accipitres Aegyptios. quidam è nostro comitatu Pelicanos appellabant, quod forma similes essent iis quos sanguine suos pullos alêtes depictos viderant. Quoniam verò Pelicani vocabulum molestiam nobis exhibuit in inquirendo quenam avis hac nomine donanda esset, notum facere voluimus, pro Pelicano sumendam esse eam quæ gemino ventriculo prædita est, quæque alia appellatione Onocrotalus dicitur: in quo Albertus lapsus est, cum pro Ossifrago sumens: nam Ossifragus is est qui à Græcis Phinis vocatur: quod vocabulum multis ansam præbuit varia de Phœnice cômemorandi, aue longè tamen diversâ à Latinorum Ossifraga quâ nido incumbentem pingunt, pectusque rostro aperiëntem quo suos pullos pascat, ut ex historia quam Aristoteles de Phini prodidit, apparet; quæ sequutus Plinius, Ossifragam describens, omnia illi attribuit quæ Aristoteles suo Phini, Aquila maiorem, & proximum ei genus, aduncis unguibus & carnioram, colore ex cinereo albicante: hebetè oculorum aciem habentem, benignam, pullos Aquila eiectas excipientem, & educantem donec prouolare queant.

Cognita est Gallis avis, quam appellatione Phini siue Latinorum Ossifraga convenienti nominant Offraye, quæ tamen Ossifraga non est, nec tali nomine dici debet, sed Haliæetus, quantum Aquitarum genus, circa flumina & stagna versans, librans sese ex alto, & præceps in

pisces ruens discussis pectore aquis eos rapiens. Quatuor integris horis per apertam planiciem arboribusque liberam equitauimus: tandemq; Gazaram, quæ prima urbs fuit quam in Iudæa inuenimus, peruenientes, in horto quodam urbi vicino sub Palma tentoria fiximus.

* Egypti, imò potius Palæstinæ, quæ veteribus, vt verisimile est, Gaza dicta fuit: sed & ipse Bellonius ad huius capitis calcem Gazaram in Iudæa locat.

CAP. LXXIX.

De vrbe Gazara.

GAZARA muris non est cinctæ, veterem habet arcem quadrangulam in colle sitam, sed non firmâ, cui præest Sangiacus quidam. Solum circa Gazaram fertile est, abundatque ficibus, oleis, Ziziphis, malis, punicis, & vitibus. Alit etiam nonnullas palmas, sed cuius fructus serò maturatur, regio etenim frigidior est. Iam ante trimestre, dactyli in Aegypto & Arabia maturuerant, Gazara verò tum adhuc virebāt. Istic inuenitur lacerti nigri genus Stellio dictum, mustela ferè magnitudine, tumida aluo & crasso capite, quo etiam Iudæa & Syria abundant. Istic etiam auem conspeximus, quæ mea opinione reliquas cantus suauitate superat, quam Veteres venaticam auem appellasse arbitramur. Sturno paulo maior est, albo ventre, & dorso cinereo, quemadmodum Molliceps, quem Gros bec nominant, cauda nigra, alasq; superante vt in pica, pici martij in modum volat. Omnis generis edulia in Gazara inuenimus, veluti panem, vinum, gallinas, oua. Incolæ Gazara, Græci, Turcæ, & Arabes vineta sua diligenter colunt. Istic hæsimus vsque ad noctis crepusculum, deinde tota nocte per elegantes planicies iter fecimus Ramam versus: Postridie verò mane pagos in colliculis sitos secundum agros omni tritici genere instructos vidimus rectà à meridie ad Septentrionem tendentes: & quoniam Euro auster vehementer flabat,

mari-

marinorum fluctuum murmur exaudiebamus; non procul etenim à mari aberamus, & magnas Onocrotalorum turmas eò volantes conspiciebamus. Oenoplia siue Napeca Pyri altitudinem attingit, fructumq; fert silvestribus malis equalem, & adeò similem ut vix dignosci queat, sapore dulci cum grata quadam aciditate coniuncto, nucleum continentem, olina nucleo parem, Aegyptus, Syria, & Armenia hac arbore abundant, qua Gracia imò verò tota etiam Europa caret: perpetua fronde viret: eam ob causam libro de arboribus sempiterna fronde virentibus eius * icon reponetur. Repperimus in itinere planiciem sacchariferis arundinibus & colocasia excultam, quam aqua ex puteo hausta rigabant. Inde Ramam peruenimus, ubi reliquo die haesimus.

* Istam Oenopliae iconem nondum conspicerelicuit, nec quæ hactenus vidi Bellonij de Coniferis & sempiterna fronde virentibus arboribus exemplaria eam continent.

CAP. LXXX.

De vrbis Rama.

AMPLA olim fuit vrbis Rama, ut ex ruderibus apparet: nam cisternæ & fornices quæ etiamnũ supersunt, maiores sunt Alexandrinis, licet non adeò frequentes. Eius situs est in solo pingui & fecundo: quoniã verò adeò rari sunt incolæ ut vix decem ades inhabitentur, agri magna ex parte sunt inculti: coluntur tamen frumentum, hordeũ, legumina, & pauca vites, isticq; venalia reperimus carnes, panem, vinum, & alia edulia. Potior incolarum pars Graci sunt. Acaciæ alterum genus copiosè ibi prouenit, atque alius frutex spinosus, quem à veteribus haudquaquam descriptum fuisse arbitramur, suspicamur tamen. Myrrha arborem fuisse: cõtorto est caudice, densò, horrentibusq; spinis obsito, foliaq; habet Acaciæ similia, sed paullo maiora. Rama ante lucem digressi, per pingua arua iter fecimus, in quibus frumentum facile

cile enatum fuisset: sed incolæ suum commodum negligentes, segniter admodum terram colunt. Sub auroram valles montanorum Hierusalē ingressi sumus, in quibus longius progressi, montiumque precipitiis utrimque conclusi, quosdam Arabes hinc inde è tumulis descendētes, strepitumque facientes inuenimus, qui simulatque nos conspexerunt, pecunias exposcebant, simulantes sese nos adoriri velle: commune facti autem quod tales nebulones exteris expilare soleant, cum illis praevalent, eos contempsimus; Prætexcentes autē sibi regionis tutelam ab Imperatore Turcarum commissam, exigua pecunie summa, donati fuerunt: tamen si nos aggredi non ausi fuissent: nam præter ordinarium comitatum, Dominus de Esmet in Gazara alios decem Ianissaros sibi adiunxerat, permissu Sangiaci illius urbis. Sed illi etiam adeo versuti sunt, ut si peregrinos numero se superare, ut ipsis resistere queant, animaduertant, nunquam illos adorianur.

CAP. LXXXI.

De Hierusalem in montanis sita.

ADEO abundant hæc montana omni arborum genere, siluestribusque & aromaticis herbis, ut monti Ida in Creta comparari possint, cui etiam temperamento & aliis dotibus respondent. Excolitur terra in ipsis scopulis scalarum in modum: unde cognosci potest veterum Iudeorum diligentia & industria, qui solum alioqui petrosum & sterile, cultura fructibus abundans reddiderunt. Similis diligentia observatur veterū Græcorum qui Aegei maris insulas habitauerunt: quarum plurimas cōspeximus nunc desertas, & vix centum incolas alentes, in quibus olim plures quàm sexies milleni vivere potuerunt, ut apparet ex tumulis & collibus, qui antiquitus ex firma materia per scalas edificati fuerunt, ad retinendā terram ne per precipitia deuolueretur, & in ea stirpes nasci possent. Insula Ceos, Milos, Andros, Naxos, Paros, & plera-

pleraque alia, ea diligentia à veteribus Grecis fuerunt excolta, ut eas uberiores redderent quam plana loca. Sic etiam Iudæi cum solum haberent sterile, uti dixi, & ad alendas vites aliosq; fructus ineptum, magno labore & sumtu fecundos reddiderant colles, ut apparet ex stru-
cturis quæ etiamnum permanent, veteremque maie-
stem quodammodo resipiunt. Arbores sponte in illis mon-
tibus nascentes sunt Andrachne, Picea, Aria, Ilex, Te-
rebinthus, Lentiscus: planta, Cistus, Ledon, Tymbra,
Smilax aspera, Maron, Origanum Heracleoticum, Tra-
goriganum, Salvia, Stachys, Ruta silvestris, Trifolium
Asphaltites, Cyclaminus, Umbilicus siue Cotyledo, Thy-
mus, Hyssopus silvestris, à nostra domestica differēs, quæ
tamen Crete ignota est. Montium pars quæ ad Occiden-
tem vergit, vitium aliarumque fructiferarum arborum,
ut olearum, ficum, malorum punicorum opulentissima
est, si cum aliis quæ silvestres duntaxat arbores gignunt,
conferas.

CAP. LXXXII.

Brevis itineris inter Cairum & Hierusalem supputatio.

Ex nostri itineris supputatione liquet, Cairum novem
duntaxat, aut ad summū decem dierum itinere ab Hie-
rusalem distare. Verum quidem est nos utcumque prope-
rasse: nam die Sabbathi, vigesima nona Octobris, Cai-
ro discessimus, & die Martis, octava Novembris, Hie-
rusalem peruenimus. Postquam quatuor milliaria per
montana consecissemus, fontē ad cuiusdam templi rudera
inuenimus, quod Monasterium aliquando fuisse, id quæ
Christianorum Latinorū, credimus, ut ex picturis con-
cere licet, & ex muri vestigiis. Istic sumto prandio, in
Hierusalē pernoctavimus. Peregrini qui eò adveniunt,
hospitio excipiuntur pro cuiusque quam profitentur reli-
gione. Nam si Romane Ecclesie ceremonias sequuntur,
quos illi Latinos appellant, apud Franciscanos extra vr-
bem in monte Sion sitos excipiuntur: si Græcos ritus am-
ple-

plectuntur, concedunt ad Caloieros Gracos in vrbe apud sepulchrum habitantes: si ex prouinciis Presbyteri Ioannis, apud monachos Indos locum habent: sic & reliquæ nationes Christianam religionem profitentes, ut sunt Georgiani & Armenij, Franciscani plerumq. sunt triginta aut quadraginta numero, variarum nationum: sed tamen magna ex parte Itali. Peregrinos per omnia Hierosolymitani territorij loca sacra deducere solent: eam ob causam interpretem quem ipsi Droguement appellant, suis sumtibus alunt, Turcicam, Arabicam, Grecam, Italicam, & alias linguas callentem, ut sermonem conferat cum incolis, & peregrinorū nomine respondere queat, atque illos per omnia loca sacra deducere. Singulis noctibus excubias agūt Franciscani, mutatis in singulas horas personis, & supra muros stantibus; quoniam eorum monasteriū extra urbē cū sit, sibi metuiūt à latronibus Arabibus: nā licet monasterij muri sint admodum alti, ne tamen incolæ eius regionis ipsos adoriantur, formidant.

CAP. LXXXIII.

Succincta descriptio sacrorum locorum Hierusalem.

VICINA Hierusalem regio bene culta est, præsertim vrbi vicinior. Vineta diligenter exculta sunt. Nascentur istic mali, amygdalæ, ficus, & oleæ quæ multum olei reddunt: habent autem oleæ peculiarem notam quæ à reliquis differunt, nam viscum quod eis innascitur, rubris baccis est præditum, magno incolarum damno, quoniam steriles oleas efficit. Sumtus quos Franciscani faciunt, ex Latinorum, quos vocant, prouinciis illis subministrantur: designatas enim habēt suas eleemosinas variis Europæ locis, ab eius ordinis præfectis, Gardianos appellant, collectas, præsertim autem in Cypro, Gallia & Italia. Nobis referebant, se ex Germania & Anglia solere accipere, sed nihil ad illos nunc inde deferri. Nullus alius in Hierusalem Latinorum monachorum est ordo quàm Franciscanorum. Postridie quidam ex iis diluculo nos deducit.

deduxerunt ad loca circa Hierusalem sacra, monasterium-
que egressis, demonstratus nobis primum omnium locus
in quo Christus cum discipulis cenā celebravit: sed Turcæ
cum Franciscanis ademerant, Mesquedamque Maho-
meti consecrarant. Verum Dominus de Aramont illis
restitui curavit, vicinus enim est eorum monasterio.
Longius à monasterio digressis, locum demonstrarunt,
ubi Iudeorum, ne discipuli Dine virginis corpus effer-
rent, prohibere volentium, brachia diriguerunt, urbis
portæ contiguum: deinde murum urbis sequentes, apud
vallem Josaphat vidimus ubi D. Petrus abnegato Chri-
sto ploravit. Secundum eum murum est templum virgi-
num, in urbis angulo situm, nunc Turcarum Mesque-
da. Paulo infra in eodem angulo conspicitur triangula-
ris lapis, quem aiunt esse cuius in sacra pagina Psalmus
mentionem facit, Lapidem quem reprobauerunt ædi-
ficantes. Inde descendentes in vallem Josaphat, torren-
tem Cedron transivimus, lapidis iactu ab urbe distantē,
aqua alioqui carentē, nisi cum pluit: istic lapis in quo im-
pressa sunt Christi pedū vestigia cum è ponte decideret:
huic cōtigua duo sunt sepulchra in rupe incisa pyramidis
in morē; pleriq. Esaiæ & Hieremiæ esse arbitratur. Col-
lem conscendētes, arboris è qua Iudas se suspendit, locum
vidimus. Circumdato colle, ut urbs nobis amplius non
appareret, sacellum dirutum conspeximus, quod Ma-
gdalena ades fuisse perhibent: iuxta quod est lapis cui
insedisse Christus dicitur de suscitando Lazaro cum
illa verba faciens; vix quarta miliaris parte abs Hie-
rusalem distat. Paulo ulterius est exiguus pagus in
quo sepulchrum Lazari quem Christus excitavit: sed
ut id conspiciere possemus, in fornicem quandam instar
cubiculi amplā & firma materie exstructā descendendum
fuit, in qua tumulus altaris altitudine, in quo peregrini
sepe Missam canunt. Inde digressi, & Hierusalem re-
peten-

petentes, locum in quo Sycomorus, cui maledixit Christus, fuit, vidimus: ea pars Bethania nominatur. Versus Bethphage conscendentes per aspera & confragosa loca, ad dextram defleximus quā ad Oliueti montem iter est: atque hac ratione summa semper petentes, longè vicinos limites prospicere poteramus, quoniam celsissimo circa Hierusalem loco consistebamus. Transiuimus deinde quā Christus ingressus est Hierosolymam, & ubi conscendit asinam, quā dissolui & cū suo pullo adduci imperauerat. In edito isto loco consistentes, & ad Meridiem nos obuer- tentes, plana Hiericho, marèque mortuum, alio nomine Asphaltites dictum, ubi Sodoma & Gomorrha absorptæ sunt, conspiciebamus: obuersis deinde ad sinistram, ex eodem monte nobis ostendebant Franciscani locum in quo Discipuli multa perpetrarunt. In colle Oliueti siti, com- mode urbem Hierusalem perspiciebamus, quòd editiore loco essemus quàm ipsa urbs. Inde per eum locum iter fe- cimus, ubi Christus dixit, Væ tibi Hierusalem.

CAP. LXXXIIII.

De Diuæ virginis sepulchro in valle Iosaphat.

SACELLVM est in summo Oliueti monte à Chri- stianis fabricatum, in quo conspicitur vestigium vnius pe- dis Christi saxo impressum, cum à resurrectione in cælum conscendit: alterum autem translatum ferunt in regio- nem Latinorum. Alius est tumulus, equalis altitudinis, in quo aliud sacellum omninò ruinosum. Redeuntes Hie- rosolymam, atque descendentes per montis Oliueti radi- ces, semitam transiuimus in qua D. Paulus sedebat, cū D. Stephanus lapidaretur: deinde inferiùs tres la- pides vidimus, in quibus obdormierunt discipuli dum Christus orabat: itē ubi Christus captus fuit, & D. Pe- trus Malcho aurē abscidit. Hæc verò omnia loca secundo aut tertio lapidis iactu ab inuicem distant. Regressi per portem Torrentis Cedron, conspeximus in valle Iosaphat locum

locum, in quo Christū sanguinem & aquā sudasse aiunt, atque hic sacellum exstructum. Ad huius latus, tumulus est D. Virginis & D. Anne; est autem hic tumulus subterranea fornix è magnis complanatisq; saxis exstructa, atque crassis lapideis columnis sustentata: lati sunt gradus scale per quam descendendum est: est enim sacellum sub terra, Helena Constantini matris iussu, ut putatur, exstructum. Vallem Iosaphat egressis, & ad Portam auream tendentibus, demonstratum est quā Romani, urbe à Vespasiano & Tito obsessa, murum perfrangerunt, & urbe potiti sunt. Quā verò Christus Hierosolymam ingressus est, Porta aurea est; quam quoniā clausam inuenimus, murum vsque ad montem Sion circuiimus. Omnia igitur prædicta loca ante meridiem conspeximus, longum et enim non erat iter. Reliquum diem impendimus visitandis Monasterio vicinis locis, nempe eo qui multis foraminibus abundat, in quibus cadauera imposita viginti quatuor horarum spatium absumuntur. Paulo infra probatica piscina est, vallem Iosaphat irrigans. Inde ad Sepulchrum Domini iuimus, quod in urbe est, in magno templo quod Helena Constantini mater exstru curauit. Nonem autem ducati persoluedi cuiusque sepulchrū ingredi volenti; nemo etenim sine diues, sine pauper sit, immunis à solutione est. Nam qui tributum illud in censu habet, octo ducatorum millia Turcarum Imperatori pendet: hinc fit ut publicani isti à peregrinis nummos extorqueant, alioqui non ingressuris. Franciscani verò & Caloieri Græci, aliorumq; Christianæ professionis ordinū viri, sine precio ingredi & egredi possunt. Turca magna cum reuerentia illud tuentur, & cum deuotione ingrediuntur. Istam pecuniæ summam imposuisse dicuntur Pisani, cum vrbs Hierosolyma sub illorum esset imperio, atque ab eo tempore conseruatam esse illam pecuniæ extorquendæ consuetudinem.

CAP.

De Christi Domini nostri sepulchro, deque Hierosolymæ rudetibus.

HIEROSOLYMA paucis ab hinc annis novis & præaltis muris cincta est, sed infirmis, quæque bombardarum impetum minimè ferre possent. Plana sunt adium tecta, atque officinæ in primariis plateis fornicatæ, ut in Alexandria: sed inequalis est comparatio. Nā Hierosolymorum fornices ex quadrato lapide superbè exstructæ sunt, quæ nonnullis adhuc locis persistunt ab eo tempore quo Iudæi merum istuc imperium obtinebant. Aromatici Hierosolymitani, varias, quemadmodum in Cairo, linguas callent. Christianæ religionis populi Hierosolymam ablegare solent homines plures vel pauciores, pro regionis ratione, qui in urbe apud sepulchrum habitent: hinc fit ut duodecim varia & inter se differentia Christianæ religionis idiomata numerentur: verumtamē octona duntaxat comperimus, videlicet nationis Latine, quam ipsi Franke appellant, quæque, omnibus antecellens, omnes comprehendit Romana Ecclesiæ obediētes; deinde Græcæ, illis Romeos dictæ, quæ Papæ mandatis non paret, sed suos Patriarchas peculiare habet: tertiæ Armeniæ, cuius ritus nostris magis accedunt quàm Græcorum: deinde aliarum consequenter, ut Iacobitarum, qui eius regionis sunt quæ à D. Iacobo Maiore ad fidem conuersa est. Georgianorum, qui suis legibus reguntur, vicini quæ sunt Persis, eorumque limites extenduntur in Indiā usque. Orientale, à nemine subiugati, & nemini parentes: Christianorum qui à cingulo denominationē sumserunt, Coptique cognominantur, & à Dino Thoma ad Christianam fidem sunt conuersi: Indorum, qui ex Presbyteri Ioannis regione missi sunt, Abyssini quæ appellantur, admodum nigri, sed non ut Ethiopes. Quoniam autem in igne baptisati sunt, tribus adustionibus sunt insigniti, una suprā

nascitur

naſum inter oculos, reliquis duabus ad tempora, & circuncifi: Neſtorienſium & Maronitarum, qui non differunt ab Arabibus. Singula iſta nationes peculiare habent ſacellum, quoniam in quibuſdam articulis inter ſeſe differunt, atque aluntur pecuniis quas Principes ſingularum provinciarum illis mittunt. Græci Chorum templi obtinent, & Caluariae cuſtodia illis demandata eſt. Latini, Sepulchricuſtodiam obtinent. Huius Sepulchri templum comprehendit totum Caluariae locum qui in plano ſitus eſt, non in monte, ut plerique æſtimarunt; ſublime eſt & rotunda forma: in alto apertum eſt, & inde recipit lumen. In huius rotunditatis centro eſt Sepulchrum Domini, concluſum ſacello quodam fornice rotunda tecto ex ſolido marmore. Prefectus ſive Gardianus Franciſcanorum in monte Sion, præbere ſolet diploma peregrinis qui ab alio miſſi ſunt, ſive teſtimoniales litteras, quæ fidem faciunt eos iſtic fuiſſe, continentes ſigillatim alia pleraque, quæ breuitatis cauſa prætermiſimus.

CAP. LXXXVI.

De deſerto in quo tentatus fuit Chriſtus, & de Iordane fluuiio.

EXPEDITIS noſtris equis, ut poſtridie ad flumen Iordanem proficiſceremur, ſub oleis extra urbem illam noctem traduximus, & ante lucem inter Orientem & Meridiem tendentes, poli arcticum ad ſiniſtram relinquebamus. Summo diluculo ante quam plana Hiericho ingrederemur, Camelorum turmam procul conſpeximus Myrobalani citrini ſolia depaſcentium ad ſiniſtram: unde plerique ex noſtro comitatu magno metu affecti fuere, Arabes, qui nobis inſidiarentur, eſſe exiſtimantes: imo ipſos Janiſſaros, quos Sangiacus Domino de Fumet addiderat, tantus metus occupauit, ut conſiſterent, ſuo idioma edicentes, Arabes de noſtro aduentu fuere admoniti.

338 P. BELIOMI OBSERVATIONVM
 ii: atque animi vilitate correpti, ignem quem in sclopeto-
 rum funibus gestabant, exstinxerunt, ut cum Arabes ad-
 uenirent, tali signo intelligerent se non voluisse illis resiste-
 re, & solos Christianos adorirētur. Sed Dominus de Fu-
 met, magni vir animi, & ex eius comitatu sex generosi
 nobiles Galli, ex familiis videlicet de Rostin, de saint
 Aubin in Picardia, de Perdigal in Vasconia, du Val,
 atque alij plurimi, ipsius præterea familia, in qua erat
 Iustus Tenellus, vir literatus, quem Rex Franciscus I.
 scientiarum restaurator, illi adiunxerat, ut Græcos codi-
 ces perquireret, habentes singuli suas bombardas, primus
 ex equo desiliit, & omnibus qui in ipsius comitatu erāt, ut
 sequerentur edixit. Ianissari tamen in plana nondū de-
 scendere audebant, sed in monte subsistebant, atq. rei exi-
 tum expectabant. Nos verò cōfecto multo itinere, equos
 denuò conscendimus: tum demum Ianissari animaduer-
 tentes nullum subesse periculum, in plana descenderūt, &
 nos subsequuti sunt; intellexerunt camelos in planicie
 pascentes duntaxat fuisse, qui talem illis metum incu-
 sissent. Tandē peruenimus in pagum, ubi aliquādo Hie-
 richo fuit, nunc verò turris quedam quadrangula super-
 est, columbario vix firmior. Stirpes per hanc planiciem
 nascentes, in memoriam renocarunt pusillam quandam
 plantam, quam nonnulli impostores monachi Rosam Hie-
 richontis appellarunt, cuius radice aqua imposita cum
 plantula hac aperiatur & sese explicet, satis tolerabilis
 impostura prætextum sumserunt, ut admirationem spe-
 ctantibus inducerent, affirmantes eam in vigilia Nati-
 vitatis Dominice duntaxat aperiri, vel cū mulieres par-
 tus difficultate laborant. Qui illius naturam ignorant,
 alio tempore non posse aperiri existimant, attamen fal-
 luntur. Argumentum sumserūt ex sacra scriptura, quæ
 habet: Sicut plantatio rosæ in Hiericho: cum tamen de
 vulgari rosa rubra sine carnei coloris sit intelligendum.

Nam

Nam hac apud Hiericho non nascitur; sed eam in Arabia, deserto maris rubri littore per arenas nascentem iam obseruaueramus. Non minus hallucinati sunt alij, qui illius iconem pro amomo exhibuerunt, cum nequaquam sit amomum. Hiericho planicies undique montibus cincta est: hanc, quæ Meridiem spectat, alluit mare mortuum, nullum habens exitum, sed sub terrâ sese exonerans. Ad Septentrionem obuersi, regionem videbamus ubi Iordanis, qui mediâ Hierichontis planiciem secatur, exoritur: Ad Orientem verò spectantes, Arabia petrea montes, qui non procul inde absunt, sed eò ferè usque radices extendunt, aspicebamus: ab Occidente autem, Hierosolymæ montes nostris oculis obiciebantur. Lycij frutices, myrobalanique, citrini, è cuius nucleis incolæ oleum eliciunt, arbores in hac planicie nascuntur; acacia altera istic etiam frequentissima. Amnis Iordanis à Septentrione in Meridiem tendit, non adeò latus, quin puer lapidem in contrariam ripam iacere possit, septem aut octo fortè orgiarum latitudinis, alueique non adeò profundæ ut naus per eum vehi possit: in eo Peregrini sese abluerè solent. In nascuntur salix nigra, myrica, vitex, & multa arundinis genera, quas Arabes ad varios usus aptant. Etenim ex uno genere iacula, tela, & leuès lanceas conficiunt: ex alio genere sagittas, quinque asprorum precij, quibus vix alij quàm Satrapæ utuntur: aliud item genus diligenter legunt in alium usum: nam Turcæ, Græci, Armeni, Arabes, Persæ, Iudæi, Aegyptij, auium pennæ in scribendo non utuntur, sed hac arundine elegia nuncupata scribunt: eam prius in Athon montis riuis obseruaueramus. Conspecto porro fluuiio & mari mortuo, apud arcem dirutam iter fecimus, tumulo cuiusdam impositam. Inde ad fontem profecti sumus quem Plinius Callirhoen appellat, quemque Helisei esse dicunt. Aëtius nostra opinione Fontem Solis nuncupauit. Eius aqua limpida & gelida est, magnumque

340 P. BELLONII OBSERVATIONVM
 riuū efficit, in quo *Sisymbrium* utrumque, *Iunci*, & si-
 miles nostratibus herbae proueniunt. Quod si verum est
Balsamum vnquam in hac planicie excultum fuisse, non
 procul ab eo fonte creuisse credendum est. Fidem non ad-
 hibemus quibusdam magni nominis viris, qui adeo ex-
 cellentes *daëtylos* in hac planicie nasci existimarunt: nam
 cum palmae quae illic nunc crescunt, suos *daëtylos* ad per-
 fectam maturitatem non perducant, nunquam istic præ-
 stantes fuisse arbitramur: nisi quis dicat eius regionis cli-
 ma immutatū esse, quod tamen fieri nequit. Nos istic sub
Myrobalanis & *Ficibus* quae cum riuum inumbrant,
 cibū sumpsimus. Deinde per lapideos gradus cōscendimus
 in eum locum ubi *Christus* ieiunauit, non procul à fonte
 dissitum; tres sunt istic fornices in rupe incise atriorum
 in modum, aliae supra alias: deinde in culmen montis ubi
diabolus *Christum* tentare voluit. Sacelli cuiusdam istic
 adificati vestigia adhuc apparēt. Inde descendimus, *Hie-*
rosolymam redituri. Sacellū olim à *Christianis* exstrui
 iussū in deserto in quo *D. Ioannes Baptista* conciona-
 batur & baptisabat, iam verò dirutum, apud amnē *Ior-*
danem conspicitur. Credibile est *D. Ioannem* in solitudi-
 ne locustis vesci potuisse: nam *Graci Auctores* scriptum
 reliquerunt locustae genus esse *ἀσπίδα* ἢ ὄρος dictum, quo
Afri vescerentur: quod hic adicere volumus, quoniam
 illae ipsae sunt quae *Dino Ioanni* in cibum cesserunt, quāsq;
Afri in deliciis habebant, non medicamenti, sed alimen-
 ti loco.

CAP. LXXXVII.

De Bethlehem & Ebron.

POSTRIDIE, sumto prandio in monasterio *Fran-*
siscanorum, ad *Bethlehemiticum* iter, quod binorū dun-
 taxat est milliarium, nos comparauimus. Emenso dimidio
 miliari, vastam *Terebinthi* arborem inuenimus, sub qua
 Dina

Diua Virgo quiescere solebat, cum ex *Bethlehem Hierosolymam* proficisceretur, iuxta quendam agrum, lapillis quibusdam rotundis obsitum, magnitudine & forma *Ciceris*. *Vulgus* per suasionē hanc habet, *Diuam Virginem*, dum hac iter faceret, quendam conspexisse qui *cicer* fereret, eumq; interrogatum quidnam ageret, respondisse, lapillos sero: & ab ea tempore solum petrosū remāsisse, tamquā *cicer* in lapillos fuisset transmutatū. *Lapidis* iactu ab illa *Terebintho* magna cisterna secundū regiā viam in rupe incisa conspicitur, qua pluuia aqua eāq. potabili impletur. Itaque pedetentim progredientes binas dūtaxat horas insumimus donec *Bethlehē* perueniremus, exiguū pagū & casulis malē instructū, nihilq; elegās continentem, prater magnum & superbū *Franciscanorum* monasteriū, quod *Helena* fabricari iussit (eius templum crassis columnis marmoreis sustentatur, & marmoreis tabulis undique cingitur; quas *Turcæ* sustulerūt, in suarum *Mesguedarum* ornatum) & templū *Salomonis* dictum, quod nunc in *Mesguedam Mahumetanis* dedicatam consecratum est. Monstrantibus *Franciscanis*, in fornice sacelli, sub maiore templo, locum vidimus in quo *Christus* de *Maria* virgine natus est: deinde *Diui Hieronymi*, discipulorumq; eius, & *Innocētium* sepulchrum in eodem templo. Sumpto in *Bethlehem* prandio, ulterius descendimus ad duas elegantes *Oleas* & *Ficus*, apud quas *Angeli Christi* natinitatem pastoribus annunciarunt: fuit istic olim sacellum, sed nunc dirutum, sola fornice restante, in qua *Maron*, *Fragoriganū* *Zigis*, *Thymbram*, *Onitin*, & *Heracleoticum* *Origānum* obseruauit. Matūrē in monasterium regressi, accinximus nos ad profectiōnem in *Hebron*, quod ab *Hierosolyma* septē aut octo miliaribus distat: semper verō in *Hierusalem* inueniuntur muli & asini conductitij. Discessimus ex *Bethlehem* ante lucem, & per loca montana & admodum difficilia sa-

tis maturè in Hebron peruenimus. Sepulchra Adami,
 Abrahami, Isaaci & Iacobi sunt in Mesgueda Turca-
 rum, quæ per foramen in muro factum Christianis vide-
 re licet, minimè autem Mesguedam ingredi. Iudæi nobis
 persuadere volebāt, regione quadam supra Hebron alios
 Iudæos habitare, à quibus litteras acciperent sæpissimò,
 non tabellariis Iudæis, sed exteris: quoniam transeundus
 est annis sine intermissione fluens, die Sabbati excepto,
 quo eius aluens omnino exsiccatur: & quandoquidè ali-
 die ipsis iter facere non licet, nec is annis navigabilis sit
 ut alio die traicere queant, mutuo conspectu frui nō pos-
 se. Jam illud mendacium esse liquido constat, tametsi non
 recens: nam Plinius simile quidpiam scribit lib. 31. cap. 2.
 In Iudæa, inquit, riuus sabbatis omnibus siccatur. Cū
 autem in Iudæa essemus, verum id non esse comperimus,
 quemadmodum neque illud quod plerique arbitrantur,
 Iudæos singulis diebus Veneris sacri, profluvio sanguinis
 laborare: nam nos tali die cū iis versantes, simile quid-
 piam non deprehendimus. Nobis porro demonstratus fuit
 locus in quo Abraham tres vidit & unum adoravit, ex-
 tra pagū Hebron, ad agri cuiuspiam fossam in quo Adā
 creatus dicitur: hunc notat terebinthus triplici caudice
 ex vno trunca prodeunte. Hebron rudera indicio sunt,
 frequentius olim habitatum fuisse, quàm nunc sit. Re-
 deuntēs Hierosolymam, defleximus ad fontem quem si-
 gnatum appellant: in itinere similes stirpes observauimus,
 quas prius in Rama, & Hierusalē: deinde per pagū trās-
 iuimus ubi D. Ioannes natus est, & tēpli cuiusdā à Chri-
 stianis olim istuc edificati ruinas vidimus. nunc ab Ara-
 bibus incolitur, in quo cisterna lacuū in formam extru-
 cta: nam fonticulus est perennis. Suprà locus, ubi * An-
 na Elizabeth visitauit: tumulus is est multis oleis consi-
 tus. Eo die sub vesp̄am in monasterium Franciscano-
 rum rediimus, & istuc pernoctauimus: postridie, visitatis
 sigil-

* forte
 legendū
 Maria

figillatim omnibus in vrbe rebus, in sepulchrum Domini
cubitus nos contulimus: peregrinis etenim licet cibos eo
inferre & per triduum habere, si volent, aut quotiescunq.
lubebit ingredi, modo (vti diximus) nouem ducatos per-
soluerint. Hierosolymitana platea, in quibus mercatorum
tabernae, in fornicem tecta sunt (vt in reliquis Turcici
imperij urbibus) atque anteridibus postica parte firma-
ta siue fulta. Hierosolyma Sangiaci sedes est, qui certo nu-
mero Spahiz, hoc est, equitū praeest: Sangiacus autē Re-
gionis praefectū significat. Spahiz verò non liberè vagan-
tur per pagos Hierosolymae vicinos, rustici etenim eos fer-
re nolunt, sed in vrbe apud Sangiacum versantur. Cete-
rū mirum est Sangiaci munus adeò esse mobile apud
Turcas. Nam saepissime accidit, vt qui per semestre dun-
taxat eiusmodi munere in aliqua vrbe functus sit, ad mi-
nimum Turcici Imperatoris mandatū, alteri cedere co-
gatur. Atque interdum contingit vt qui ex Africa in
Europam vel Asiam ablegatur, consumpto ferè seme-
stri in itinere, antè quàm cum sua familia perueniat ad
locum sibi praescriptum, si paulo post in alium locum ab-
legetur, nō renitatur: eaque ratione hinc inde discurren-
do, perpetuò motoria aget vitam, non minus quàm omnes
munere aliquo surgentes & milites Turcici. Sunt verò
circiter duodene Sangiacorum praefecturae, per Syriam,
Iudeam, & Damascum, quae donantur intimis aulicis
Bassarum Constantinopoli haerentium. Ad eos enim able-
gat Turcarum Imperator quos promouere vult: eamq;
ob causam permutatur praefectura ex Superioris volun-
tate. Possent itaque huiusmodi munia comparari cum
Prouinciaryum praefectura donationibus, nisi haec donatio-
nes perpetuae essent: Sangiacorum autem praefectura do-
nantur, permutantur, & adimuntur pro Principis arbi-
trio: singuli enim ad sublimiora adspirantes, obseruāt, mu-
neribusq; demerentur Bassas, vt eorum opera, opimiores

344 P. BELLONII OBSERVATIONVM
obtinere queant praefecturas: sicq; gradatim subeunt, pro
favoris ratione, quem aucupari possunt: cuius rei docu-
mentum nobis dedit Sāgiacus qui tū temporis Hierosoly-
mis praeerat. Nā postquā anno in Tana vrbe egisset ex-
tima Euxini ponti, facta permutatione in Pelopōnesum
ablegatus fuit, & inde post semestre Hierosolymā. Hunc
exempli causa in medium adduximus: quoniam reliquo-
rum Saggiaci officiorum eadem est ratio.

CAP. LXXXVIII.

Terrestre iter ab Hierosolyma Damascum, quāque
arbores spinosae Hierosolymitano
agro frequentes sint.

PERQVIRENTES circa Hierosolymitana mœ-
nia stirpes, Hyoscyami genus observavimus Europa igno-
tum. Diligenter autem examinatis spinarum generibus,
quod certiores fieri cuperemus ē quam spina contexta
fuerit corona, Christi capiti imposita, nullōque frutice
spinoso frequentiore inuento quā Rhamno; arbitramur
coronam ex eo contextam fuisse: nam neque rubū, aliūm-
ve spinosum fruticem istic crescentem invenimus, prater
paucas Cappares spinosas. Cum autem Itali Rhamnum
vulgariter appellent Spina sancta, praesertim circa Ma-
ceratam & Pisaurum (ubi sepes eo constant, quemad-
modum Hierosolymis) hoc loco id subicere volumus: huc
accedit, quod veteres Auctores Arabes, fruticem ē quo
contexta fuit Christi corona, Alhanlegi appellent, quod
vocabulum Latini interpretes Coronam spineam ver-
terunt. Fructifera istic arbores proveniunt, Ficus, Olea,
Punica malus, Zizipha, Prunus. Cū verò lignarij
mercatores in urbibus varia lignorum genera adservare
soleant in suis adibus & fabrorum tabernis: vix suspi-
cari licet, ex altero quā suprā memoratarū arborum
ligno, Crucem fabricatam fuisse. Rebus ad profectionem
para-

paratis, discessimus die Martis sub vesperam Hierosolymis, peruenimusque in Car-bassara ferè dirutū, contiguum perenni fonti, in pago Elpira nuncupato, duobus ab Hierosolymis cum semisse miliaribus distante. Huius pagi rudera, celebrem & magnum aliquando fuisse declarant: fertur ex eo loco redusse Hierosolymam Diva Virgo, ut Christum quæreretur, dum istic hasisset ut in templo cum Doctoribus disputaret. Fœcundum est hoc solum vitibus, ficibus, & oleis. Media nocte inde descendentes & ad Septentrionem tendentes, per agros Sesamo & Xylo consitos iter fecimus, montesque circumquaque habuimus Esculo, Aria, flice, & Coccigeris fruticibus virentes, quibus Coccigrana incolæ colligunt, Venetisque mercatoribus venundant, qui ea undique conquirunt. Observavimus etiam Eleprini siue Alaterni arbores, Terebinthos, Andrachnes, stirpes Tragorigani, Serpilli Zygis, Onitidis, Mari, & Libanotidis quasdam species: ne quis verò agrè ferat si per Libanotidem haud intelligimus Rorem marinum; quoniam eius duntaxat quinta est species. Sensim semper descendentes (est etenim Hierosolyma edito loco sita, & undequaq. ad eam itur, perpetuò, ascendendum est) admodum properabamus, quoniā nostra inmenta in urbe quieverant: peruenimus itaque meridie Napolosam, quæ nostro iudicio antiquitus Sichar vel Sichem dicta fuit, in Samaria sita, postea Neapolis appellata; apud quam octava miliaris parte in valle conspiciuntur rudera exigui cuiusdam templi, ubi puteus fuisse perhibetur unde Samaritana aquam hauriebat dum Christus ab ea peteret: nunc vacuus est solum locus in agro ad regia viæ dextram Napolosa egressis, ubi reliqua diei parte perstitimus sub Mori albæ arboribus. Napolosa vicini colles fructiferis arboribus egregiè exculti sunt. Olea in magnam crassitiem adolefcunt, viscoque rubris baccis præ-

T J dito,

ditio onuste sunt, quemadmodum Hierosolymitana, non adeo tamen feraces, ut quae graciliores ramos habent. Albae mori arbores colunt ad bombyces alēdos, quemadmodum & pumiliones ficus. Ficus porro Aegyptiaca & Arabica non minus ferē ex succū gignunt fructum quā Sycomori.

CAP. LXXXIX.

De Nazareth ubi Dñx Virginiamuntiauit Angelus, ipsam Christum parituram, & viri Arabis descriptio.

EST Napolosa in acclini collis sita, castellūque habet vetustum: quōtque Hierosolymam proficiscentes aut inde redeuntes istac iter faciunt, binos in singula capita ducatos pendere necesse est. Nos igitur diu ante lucem inde digressi, per montes & vales iter fecimus, fontibus & rivulis ē montibus labentibus irriguas: norunt etenim incolae per canales hinc inde distribuere, ut fecundius solum reddant: sub vesperam in Nazareth pervenimus, exiguum pagum inter colles irriguos situm, Galileae regione. Quidquid diei supererat, in Nazareth visitando insumimus, & locum in quo Angelus D. Virginem salutavit vidimus, sacellum videlicet exiguum in fornicem exstructum, quo per gradus descendendum, nam subterraneū est: templi etiam cuiusdam olim à Christianis dum eam regionem possidebant, exstructi rudera istuc conspiciuntur. Nazareth ab Arabibus incolitur, viris breuibz & gracilibz, ut sunt reliqui Arabes. Eorum vestis, talaris tunica est, ad suras vsque demissa, pilis caprarum contexta, albōque & nigro coloribus distincta, atque sine arte ruditer consuta, quam cingula coriaceo quatuor digitos lato praecingunt, cuius fibula quo latior est, eo magis se exornatos putant. Falcatum pugionem, non à cingulo pendentem, sed à cingulo lateri adstrictum gestant: interula talarum vestem longitudine superat & ad talos demittitur, manicis admodum latis & vestis mani-

manicas excedētibz: pilei acuminati, & replicati instar pilei Ducis Veneti, colore nigro (ad Aegyptiorum differentiā, qui rubri sunt) & crasso panno Xylino inuoluti: nullus braccarum caligarūve apud eos vsus sed sōle mulieres eas gestant, quemadmodum Turcica: Cothurni praealti ad talos vsque. Cū iter aliquō instituunt, singuli vel plures, pacis vel belli tēpore, hieme vel aestate, dextrū brachium manica exerunt, humerōque cum dimidio pectore nudo incedunt, vt, si necesse sit, facilius arcum intendere queant, & ad pugnam expeditiores sint: tum etiam vt animosos se esse demonstrent. Opulentiores laneo pāno amicti sunt: alioqui abs ceteris, quorum iconem hīc subieci, non differunt.



Eorū arcus & pharetra à Turcicis differunt, & Graecis similiores sunt: nam Turcici Asiatici breues, affabrè facti, incurui & validè tensi sunt: Cretenses, cū qui in Spha-

Sphagia adiunctis hirci feri cornibus, tum qui in Candia vrbe additis bubali cornibus conficiuntur; Turcicis maiores sunt, crassioresque & longiores sagittas requirunt: sic etiam Arabum arcus Turcicis cum sint maiores, longioribus sagittis opus habent, cum illorum breues sint. Tartarorum & Wallachorum arcus, illos adhuc superant latitudine & longitudine: attamen molles sunt. Turca, Cretes, Arabes, Tartarique arcubus glutino paratis vtentes neque cornu brachiali, neque chirotheca opus habent, quemadmodum Angli, Brasiliani, aliiue qui ligneo arcu vtuntur: sed annulus eboreus, corneus, aut buxeus, eorum vicem supplet (auctoritate pollentes aureum gestant, vel argenteum, splendidis lapillis exornatum) non recenti inuentione, sed antiquissima: nam veteres medici Graci, atq. ipse Galenus, eius gutturis partis, quae Latinis Larynx, Gallis La luette dicitur, formam exprimere cupientes, parem illam faciunt annulo quem Thraces sagittas excutere volentes, pollicis induunt, atque adeo annulus quem Turca in pollice gestare solent, dum iaculantur, laryngi omnino similis est.

CAP. XC.

Delacu Genezareth, vel mari Tiberiadis.

HABD procul inde digressi, ad maris sine lacus Tiberiadis littus peruenimus, in quo Cyprini, Lucij, Tincae, & Chenesnes Gallorū, siue Squalo Romanorum & Venetorum, capiuntur: praetergressique sumus collis illius radices, ubi Christus quinque millia hominum panis quinq. panibus hordeaceis, & duobus pisciculis. Toto illo die per steriles agros iter fecimus, exceptis humidioribus quibusdam locis, quibus incole colocasias, brassicas capitatas, betas crassa radice praeditas, cepas, allia & paucas musae stirpes colunt. Planicies circum Tiberiadis lacum Napeca arboribus abundat, cadue siluae celsioris

fioris in modum, fructum proferentibus dulcem & edu-
 lem: adeo autem spinosa sunt hæ arbores, ut agros sicco-
 res corruerint, ne feri queant: huc accedit quod incolæ
 fecundiore solo abundantes, faciliora humidioraque loca
 solummodo excolunt. Per pagum Capharnaum, multis
 fontibus irriguū, iter fecimus: & Tiberiadis lacus am-
 bitum contemplantes Galileæ regionem, & Bethsaidæ
 ubi D. D. Petrus & Andreas nati erant, pagum con-
 speximus, similiter & Chorozaïm, cui Christus impreca-
 tus est. Pagi illi nunc à Indæis incoluntur, qui circum
 lacum passim edificarunt, & ob piscationes istic constitu-
 tas, loca antea deserta, incolis frequentiora & cultiora
 reddiderunt. Hic lacus non adeo latè patet, quin terra
 circumquaque conspici possit. In Car-bassara amni
 Iordani vicino, quem lapideo ponte superanimus, sub
 noctem venimus: Arabes nobis vim inferre voluerunt;
 sed strenuè illis restitimus. Non procul absunt ab eo Car-
 bassara pagi: eā ob causam rustici venalia nobis attulerūt
 oua, gallinas, panē, ficus, vinas passas, ziziphāque alba &
 rutila. Postridie mane digressi, per saxosa asperāq. loca
 iter fecimus, unde ea regio Thrachonitidis cognomen ac-
 cepit. In ea prouenit Ilex coccigera, Esculus, veteribus
 Græcis πλάτυλλος dicta, nūc Velaguida: glandem fert
 magnā, columbini oui crassitie, qua etiam panis penuria
 homines vesci queant, nam aliquantulum ad castanæ
 saporem accedit: sed ea perit, quoniam sues non alunt.
 Sub meridiem in planiciē venientes, pluuia nos oppressit,
 que ad noctē vsque durauit, donec ad Car-bassara quod-
 dam tribus à Damasco miliaribus perueniremus. Ten-
 toria fiximus ad pagum Car-bassara vicinum; quod à
 multis viatoribus maturè occupatum erat, imbre illos
 ne abirent, istic detinente. Postridie bene excultos & fer-
 tiles agros inuenimus, atque frequētes pagos: ad sinistram
 autem Tripolitanos montes iam nunc obritos, & Phœni-
 ciam

350 P. BELLONII OBSERVATIONVM
ciam cōspiciebamus. Antè quàm in planiciem descende-
remus, & adhuc in editiore loco consistentes, Damascum
urbem commodè videre poteramus: depresso etenim pla-
nòque loco sita est: at ob salices populòsq. cùm albas tum
nigras per planiciem crescentes, in media silua posita
videtur. Vniuersam verò planiciem irrigantes riui è
montibus labètes, & per canales distributi, fecundiorè
eam reddunt, & eleganter cultos hōrtos efficiunt. Do-
minica die satis maturè Damascum peruenimus; sex
enim duntaxat dierū itinere distat ab Hierosolyma, eam-
que ob causam binos aut ternos ducatos pro singulis in-
mentis solummodo persoluendum est.

CAP. XCI.

Rerum in Damasco obseruandarum descriptio:

CHRYSOROAS fluuius tantam aquae commo-
ditatem Damasci incolis prabet, ut singuli ferè fontem
habeant, cùm in adibus tum in hortis. Urbis plateae an-
gustae sunt & flexuosae: forum quod ipsi Bazar vocant,
elegans est, & supra contectum aedificia sic satis probè ex-
structa sunt: sed maximam elegantiam his addunt por-
ticus pilis sustentatae, ad fugiendum aestum aptae. Duplicè
muro urbs cingitur, quemadmodum Constantinopolis.
Vtriusque muri turres vicinæ admodum sunt: nam inter
binas orbiculares, easque inaequales, tertia maior, eaque
quadrangula media est: urbis fossae altae non sunt, sed in
iis albas moros colunt bombycum alendorū gratia. Par-
ua arx quadrangula extra mœnia sita est, quae tamen
mediam urbem occupare videtur: nam suburbia vrbe
duplo ampliora sunt, foraque in suburbiis habentur: sed
ipsa fori loca intra mœnia sunt. Urbis portae ferreis lami-
nis tectae sunt: Cairi verò corio. Ad Orientem turris
est quadrangula, cuius fastigium inscriptionem habet
Arabice characteribus expressam, quam istic positam
ferunt post quàm Damascus Christianis adempta fuit:

nam

nam paulo infra conspiciuntur bina lilia marmori insculpta & ad eorum latus leo, quod multis occasionem præbuit existimandi insignia esse Gallie vel Florentie. Opificum tabernæ Cairanis sunt similes. Cum Medici ad agrum euocantur, ipsi et medicamenta conquirunt: cum agro etenim paciscuntur, & pro morbi ratione se eū curaturos recipiunt; neque integram summam persoluet ager, quin primum morbo liberatus sit. Videntur itaque proximam medendi rationem sequi, quæ in usu erat apud veteres Græcos & Arabes, qui chirurgicam & pharmacopæam ipsi et exercebant. Non negamus tamen quin magnus honos sit illis habitus, quemadmodum & nunc: sed fieri potest ut non adeo frequentes fuerint: quemadmodum pauciores tum erant aduocati & causidici, quam nunc conspiciamus. Ceterum quemadmodum hominibus tria potissimum in hac vita cura sunt, anima, corpus, & facultates; animaq; sit in homine pars potior & magis diuina: ita singuli salutis curam habentes, etiam Ethnici, Theologos summa in veneratione semper habuerunt. Ab anima cum corpore nihil homini sit carius, & eius integra valetudine, Medici semper in honore fuerunt: nam cum sanitas facultatibus præferatur, homines facultatibus quam vita priuari malunt. Volentes autem conservare facultates quas suo labore & industria adquisiuerunt, iūq; pacifice frui, Causidicos & alios Iustitiæ ministros venerati sunt, in quorum salarium facultatum partem libenter expendunt, ut reliqua pacifice frui queant. Antiquitus, uti nec nūc, Respublica bene instituta tribus istis ordinibus nunquam caruerunt: at in aliis regionibus eorum numerus non est adeo adauctus veluti apud nos. Apud Turcas nullo opus est lictore ad aliquem in ius euocandum. At si quispiam alium iudici sisti volet, illum ipsemet adcat, atque dicat, ut ad Dei iustitiam veniat: si qui alij Turcæ præsentés sint, refragari non audebit.

debit, sed statim cum aduersario Iudicem, qui toto die sub
 tecto prominente apud suas ades sedet, adeuntes, causam
 coram ipso disceptabunt; Index verò illico pronunciabit
 prout illi equum videbitur: itaque neque sollicitatoribus,
 neque procuratoribus, neque aduocatis egent. Qui simpli-
 cia medicamenta venalia proponunt, composita etiam
 habent: nam in eorum tabernis inter reliqua obseruauit
 Confectionem Anacardina, Mithridatium, Theriacam,
 Philonium, confectionem Hamech, mel rosatum & vio-
 latum, conseruam rosarum & stæchadis, loboc de pulmo-
 ne vulpis, oleum absini hy, spica, & mētha. Merces ven-
 duntur ad ponderis genus quod ipsi Rotulo appellāt, se-
 ptem libras pendens, cum Damasci, tum in Syria, atque
 etiam in Aegypto. Nostra Damascena pruna (parua
 illa nostratia dulcia, vulgariora & meliora, quibusque
 frequentius utimur, intelligo) iis quæ istic leguntur, si-
 milia non sunt. Nam Damasci nata, istic caro vendun-
 tur, & in glande maiora sunt, firma carne, dulci sapore,
 cui admixtū sit nonnihil acidi, nucleo longo & plano po-
 tius quàm crasso & rotundo: ea verò duntaxat sicca
 vidimus, quia maturitatis tempore ibi non fuimus.
 Tabernæ sunt Damasci in quibus solum expurgatur
 Xylon, & à suo semine seiungitur. laminam ferream
 pedem longam, duosq; digitos crassam habent, qua Xylon
 in assere premunt: semē quod rotundum est, fugit ferrum,
 eaque ratione ab ipso Xylo secernitur. Equos & came-
 los erniala & ernuo alunt, paruis leguminibus, satis in
 Gallia vulgaribus, licet Gallicum nomen nondum in-
 uenerint: cumq; ea decorticata & rubescentia videre-
 mus, haudquaquam agnouissemus, nisi integra proposita
 fuissent. Saccharum Albasur nuncupatum, in Aegypto
 nascens, in planta quadam, ope vermiculi cuiusdam sca-
 rabeum emulantis, qui se eo inuoluit & habitaculū con-
 ficit, magno est in usu Damasci, quemadmodum & in re-
 liquo

liquo Turcæ dominio, sic ut nemo sit qui illud Turcica
 appellatione Tegalìa nuncupare non norit. Cogitur in
 globulos auellane magnitudine, à saccharo albo discre-
 pans, quod comestum vel bibitū, sitim sedat: Arabes ve-
 rò auctores etiam testantur album saccharum sitim ma-
 gis augere quàm sedare. Saccharū Albasur recens adeò
 temperatum est, ut sitim illicò sedet, & tussim breui cu-
 ret. Magnus est Damasci Indeorū numerus, qui seor-
 sim habitant, quemadmodum Auenioni; Armeni verò
 & Graci hinc inde per urbem liberam habent habitatio-
 nem; Veneti istic Præfectum quendam tamquam Con-
 sulem vel Prætozem alunt mercimoniorum causâ. Is so-
 let Venetiis secum abducere omnis generis opifices, quorū
 opera uti possit, nempe sartorem, sutorem, & alios multos
 similes opifices: præterea Medicum, Cheirurgū, & Phar-
 macopæā, more patrio vestitos. Damascus est sedes Bas-
 sæ, veluti Cairum; in urbe tamen non habitat, nec in arce
 propter rebellionis metum. Quidam etenim ex eius ante-
 cessoribus tam callidè in plebis gratiam se insinuauerat,
 ut dominium occupare cogitaret: atque in aciem cum suis
 militibus progredi nō dubitaret aduersus eos quos Tur-
 carum Imperator ad eum debellandum miserat. Pollici-
 tus ille fuerat suis militibus, se Indeos prædæ expositurū:
 sed cū hoste congressus, superatus & profligatus fuit: quod
 Indæis ingentem lætitiā peperit; in cuius rei memoriā
 is dies quo Bassa fugatus, solennis apud eos singulis annis
 celebratur, eaq; victoria in ipsorum annales relata: imò
 etiam nunc gloriantur, Turcorum Imperatorem ideò vi-
 ctoriā obtinuisse, quod is Bassa eos expilare constituis-
 set. Nullus Indeorum est, qui non speret Hierosolymam
 in eorum potestatem redituram: ea de causâ in annales
 referunt omnium rerum euentus. Syriaci arietes adeò
 longa cauda non sunt præditi ut Aegyptiaci; sed minus
 latam & crassam non habent. Frequens istic est gummi

Z

Chon-

Chondrilla vsus, & aromatis instar vulgò venale est: nā mulieres illud masticare solent masticis loco. Coit istud gūmi vermiculi cuiusdā artificio, qui *Chōdrilla* radicem erodit & terebrat; ex qua deinde lacteus succus emanans, cōcrescit magnitudine exigua nucis Pōtica: legitur deinceps ab his qui per arua perquirūt, & urbiū mercatoribus veditur. Quemadmodū porro Cretēses mulieres, quae *Chondrilla* gūmi usum ignorāt, *Chamaleonis* albi gummi vtuntur, & Chij insula incolae mastice; sic Persis terebinthina vsus familiaris est: mādi etenim potest, nec dentibus inhaeret, neq. in ore dissoluitur, vt suprà memorata.


CAP. XCII.

De lustratione eorum qui turmatim ex Damasco discedunt, vt Mecham proficiantur.

DVM Damasci hereremus, Caruanna apparatus vidimus, quae Mecham profectura, hoc est, in Mahumetis honorem profectionem susceptura lustrabatur. Magna est hominum caterva quae singulis annis hanc profectionem ex Damasco suscipit, in qua singula, interdum bina, nonnunquam & terna hominum millia sunt. Sed ante discessum lustrationem facere solent elegantem sanè & spectatu dignam: magno etenim cum apparatu & pompa fit. Turcae Europaei hoc iter suscepturi, duplici ratione id conficere possunt. Nam vel Constantinopoli soluentes, Cairum nanigant, singulis enim annis Caruanna inde Mecham proficiscitur; vel Damascum petunt. Asiatici verò multo commodiore ratione id iter per Damascum conficere possunt quàm per Cairū. Primum camelos conquirunt, precipuum profectionis fundamentum, quoniam diu sitim ferre possunt, & per solitudines iter faciendum: ea de causa equis, qui sitim ferre nequeunt, in hac profectione minimè vtuntur. Precipuum autem rotius pompae spectaculum est, thecam conspicere, sua pergula eleganter fimbriata tectam, dorsoque cameli impositam, in qua Alcorani liber, Mahumetis legem

legem continens, reponitur puluinari incūbens, quā multā Mahumetis propheta comitantur. Nobiliores Damascē urbis incolae, quales sunt Sangiaci & Bassae, Spahis, aliq. nobiles Turcae, ad lustrationem per urbem faciendam suos equos illis praebeant. Inter reliqua equorū ornamenta caudas habent bonis Indici, pilis admodū tenuibus & candidis, tanti apud eos precij, ut singulae quatuor vel quinque ducatis aestimentur: eam ob causam satrapae duntaxat iis utuntur, qui equorum gutturi eas appendunt. Elegans spectaculum est, conspiciere satrapam aliquē Turcā equo insidentem: nā stapedes admodū latos habet è brenibus loris pendentes, calcaria rotulis carentia, acinacem sub femore ephippio applicatū gestant, & exiguū aliquod flagellū in manu: ut autem facilius intelligi id queat, similem equitem satrapam cū ornatu patrio hīc exprimi curauimus.

Circassi siue Arabis satrapae equitis icon, qui, cū Sultanus in Aegypto rerum potiretur, omnium opulentissimi erant.



Z 2

Tibi-

Tibicines & tympanistas comites in Carauanna adsumunt, & circiter vicenas bombardas caëstres, quas Galli Fauconaux appellant, vehunt ad totius Carauanna securitatem, ne per solitudines ab Arabibus latronibus spolientur. Pompa hæc triduum durat: sed per integrum mensem comparat sibi edulia ad eam profectiorem necessaria: capropter pleraque taberne sunt Damasci, uti in Cairo, in quibus nihil aliud fit quàm cicer, vulgari Græco nomine Eruithia ab illis nuncupatum: frigitur in patulis aeneis palis: quod iis maximè conuenit qui longinquam suscipiunt profectiorem: sumunt etiam biscotum panem, & sale conditas carnes, deinde resiccatas, uas coctas, orizam, bonhouart & tracana tritici genera lacti incocta, deinde resiccata.

CAP. XCIII.

De Damasci edificiis, aliisque singulartibus rebus.

NULLÆ sunt Damasci siluestres aues magis insignes quàm eius regionis perdices: minores ex sunt rubris & cinereis. Dorsi & colli colore gallinaginè siue rusticulam emulantur, alis verò alius inest color: nam qua corpori iunguntur, albis, fuscis, & fuluis pennis integuntur; decem verò remiges penna cinerei coloris sunt: alarum pars interior & venter albent, torquē habent in pectore ut merula torquata, vel tetrax, rubro & fuluo flauo coloribus constantē: alioqui capitis & colli inferiore parte, rostro & oculis perdici similes, breuīsq. cauda. Eam inter alterius origometra seu perdicis rusticula, aut Plumier Gallorum genera reposuissimus, nisi crura haberet pennis vestita, ut Allobrogica perdix alba, quæ lagopus est, vel cotumba plumatis pedibus. Insignis, magna admodum

dum & elegans Damasci est Mesgueda, tum etiam Bafestan, locus in quo venduntur exquisitissima & magni precij merces, ut sericea stamina omnis generis colorum, ex auro & argento confecta monilia, gemma Orientales, acinaces, ephippia, frena, aliq³ eiusmodi magni precij opera, tum etiam mancipia masculini & feminini sexus. Omnia apud Turcas proclamando venundantur: nullumq³ istic est oppidulum quod suum Bafestan non habeat, nec pagus in quo non sit forum Bazare illis dictum. Damasci edificia eadem symmetria sunt exstructa cum Cairinis, ad frigidiorē auram excipiendam optimē accommodata. Quemadmodum autem in Septentrionalibus provinciis vaporaria fiunt, quo se à frigore commodius tueantur: sic Damasci edificia porticus in modum sunt exstructa, fenestris utrumque satis depressis, ut humi desidentes facilius aërem frigidiorē excipere queant. Vae passæ quæ ad nos in platini pyxidibus adferuntur, veræ sunt Damascenæ vae, quas Arabes Zibeben appellant. Nullas in Damasci regione ferri fodinas esse arbitror, ex quo chalybs liquetur, ut plerique arbitrati sunt; diligenter enim inquisuimus: sed is qui Damascenus cognominatur, istic solummodo repurgatus est. Ferrum, chalybs, æs aliunde delata, istic temperie & preparatione perfectiora redduntur: insignes enim sunt artifices in ære & chalybe sculpendo. Propterea ærea, chalybea, & cuprea opera istic facta, statim Cairum aut Constantinopolim deferuntur: hinc fit ut plura huiusmodi opera Constantinopoli reperiantur, vilioriq³ precio comparari queant quàm Damasci: simulatque enim opifices aliquod opus singulare absoluerunt, à mercatoribus redimitur, qui Constantinopolim id deferri curant. Secundo rivus Chrysoreas veteribus appellato, qui urbem perfluit, cuiusq³ pars planiciem irrigat, ad hortos extra urbem sitos pervenitur. Falluntur qui illum Jordanis esse caput

Z 3

existi-

358 P. BELLONII OBSERVATIONVM
existimarūt. Sapiūs diximus, per uniuersum Turcarum
imperium, nullum esse dinerforium: eamq; ob causam ele-
gantia edificia Car-bassara dicta Damasci, in Cairo &
reliquis Turcici imperij urbibus conspici quæ Arabes
Kan vocant. Instar magnorum horreorum exstructa
sunt, quibus omnes viatores, cum exteri, tum inquilini,
excipiuntur, nullo vel admodum exiguo persoluta
precia,

CAP. XCIIII.

Iter è Damasco in Libanum montem.

REBUS ad itineris continuationē Constantinopolim
versus preparatis, serò admodū vrbe egressi sumus, adq;
Septentrionem tendentes, ad radices proximi montis, ex
quo defluit riuus qui urbem perfluit, duntaxat progressi
sumus, isticq; sub dio tentoria fiximus. Postridie montem
præcipitem conscendimus, & in eius culmine constituti,
urbem conspiciebamus latè patentem & nostro iudicio
magnam: nam horti varij generis arboribus confiti, si-
mul cum vrbe commixti apparent in eleganti illa plani-
cie, egregieq; rigantur à riuo, qui tanto impetu ex monte
denotuitur, vt vicinis locis strepitus exaudiatur: at post-
quam in planiciem descendit, adeò tēperate fluit, vt duci
& in plurimos canales distribui possit pro incolarum ar-
bitrio. Hanc etiam laudem semper obtinuerunt, hortos
optimè excolere: quod non ignorauit Plinius, qui ait Sy-
ria in hortis operosissima. Planiciem elegantiorē &
fecundiorē videre non memini: summa etiam diligen-
tia & cura adnituntur incolæ vt fecunda reddatur. Su-
perato monte, colliculos reperimus multis pagis frequen-
tes, vbi terra magna diligentia exculta est: solum etiam
cum sit pingue, vberius illud reddunt, deducta circa istos
colliculos aqua. Vitium stipites admodum crassi sunt, at-
que

que palmites latè extendunt: nec ignorant incole qua ratione eas colere debeant: nam tanto intervallo conferunt, ut facile carrus inter illas duci queat. Non mirum est igitur, si vinee adeò magnæ sint, vinumq; tam generosum prabeant; quemadmodum mirari non decet, si in nonnullis regionibus vinum adeò tenue sit ut aqua videatur, cum incole vites tam contiguas serant ut, inter eas pedis vestigium vix figi possit ad illas excolendum. Aratra in planis Syria à nostratibus differunt: nam duo asini vel imbecilles boues aratrum sine rotis è populea materie confectum, dupliciq; vomere admodum leui constans, sine buvide trahere queunt: itaque non difficilis est aratio, cum soli superficiem duntaxat scalpan: domum redeuntes aratrum humeris impositum referunt. Plinius id etiam innuit, Syria, inquit, tenui sulco arat. Differunt autem Syriacæ vites à Hierosolymitanis, quod Syriacarum stipites quatuor ferè cubitis in altum attollantur, quinag; vel sena sarmenta habeant crassa in longitudinem, utrinque expansa, & palis serie quadam dispositis sustentata, inter quæ aratrum duci queat: Hierosolymitanae verò sine pedamentis per se magna ex parte subsistunt, nec per series dispositæ sunt. Longius progressis iam Libanus mons nunc obsitus apparere incipiebat: atq; in itinere eupatorium Mesue, absinthium Ponticum, centaurium minus, zizipha alba & rutila, populi genera, & cedri pumile duo genera, videlicet oxycedrum, & eam quæ foliis non pungentibus sed obtusis constat, reperimus. Incole pyros, malos, armeniacas & amygdulas alunt. Nocte in pagum Calcou nomine peruenimus, & in Car-bassara fornicato atque in solida rupe inciso. (veluti sunt reliqua eius pagi edificia) noctem traduximus. Postridie, itinere quod in Libanum ducit, insistentes ut Tripolim proficisceremur, Antilibanum Syriae contiguum ad sinistram reliquimus inter nos & Phœniciam. Monasterium Caloierorum Ma-

ronitarum & Græcorum in summo Libani vertice est, qui præaltas Cedros ostendunt, iis quibus Salomon templum extruicuravit, ut perenne esset, similes. Sola est hæc arbor inter reliquas (abiete excepta) quæ conos fere sursum erectos, magnos, duros, & pineis strobilis fere similes, nisi leniores essent.

CAP. XCV.

De urbis Cæsareæ, nunc Balbec appellatæ, antiquitatibus.

Ab itinere defleximus, ut in Balbec veniremus, vetustam & celebrem Phœnicie urbem, ad montis Libani radices sitam. Balbec vicini, in planicie sepulchrum inuenimus, brenibus & crassis ex Thebaico lapide columnis sustentatū in fastigiū assurgens. Amœno loco est Balbec, sed nunc fere omnino diruta: ex ruderibus eam per celebrem olim fuisse colligere licet. Superest arx quasi integra, in qua novæ præaltæ columnæ iis crassiores quæ Constantinopoli in Hippodromo sunt; alia præterea supra urbem erecta, Pompeiana apud Alexandriam fere similis, cuius scapo epistylum impositū est quadratum. Multa sunt extra urbem area, quadrato lapide sepulchrorum in modum extructæ, quæ Arabicas habent inscriptiones. Incolæ magna ex parte Iudæi sunt, aiuntq; Salomonem eam urbem extruxisse. Sed Cæsarea est Philippi, cuius D. Paulus meminit, apud quā Iordanis fontes defluunt. Mœnia admodum alta non sunt, sed saxorum materie pulchritudine omnium aliarum urbium mœnia superant, & sumptuoso opere substructa sunt, fossa tamen carent. Antiquitatum studiosus integro octiduo omnia in Balbec spectatu digna observare vix posset, neque observare potuimus ob temporis angustiam. Vino atque victui necessariis comparatis, istuc prandimus; & sub noctem egressi quandam substructionem inuenimus ex valida materia coagmentatam ad collis cuiusdam accline, viginti

viginti quinque passus longam, & quindecim latam, sic satis capacem, cuius muri non sunt alti, sed crassitudinis immensæ. Noctu in pagum Lubon appellatum venientes antiquam fabricam Romani operis adhuc integram & solidam saxo duas orgias lato exstructam vidimus. Egregiam umbram huic pago præbent ulmi & inglandes, & rivus ex monte delabens aquam administrat. Inde in planiciem pervenimus; pauloque longius progressi, collem subimus, ubi Arabes inuenimus magno gradu aduersum nos aduenientes, & exertis è manica brachiis, quo facilius saxa in nos torquerent; & expeditius arcu sagittas emitterent: Turcæ nobis comites additi resistere non volentes secesserunt. Eam ob causam Dominus de Fumet cum nobilibus Gallis eum comitantibus, Arabibus animosè sese opponentes, strenuè eos propulsarunt, aliquot tamen prius utrinque vulneratis: paulo post in planiciem pervenimus illi similem quæ ad Damascum est, in quam deducta per rivulos aqua, agros, ut æquor planos, fecundos reddunt. Multi pagi hinc inde sparsi conspiciuntur, in quibus arbores diligenter coluntur, præsertim verò morus nigra & alba, quarum foliis bombyces alunt: nigram autem morum & ficum siluulæ in morem cadunt; quoniam folia in virgultis eodem anno natis nascentia teneriora sunt. In itinere denuò inuenimus Eupatorium Mesua & Absinthium Seriphium. Rarò per Syriam & Asiam conspiciere est ruri elegatè aliquam substructionem: quoniam magna pars Orientalium hominum, & totius Asia, Syria, Aegypti & Arabia, mancipia sunt, nec ruri magnificè substruunt, ut fit in Europa: (ea propter maxima ex parte regio cultura caret) sed & in ipsis urbibus substructiones ex vili materia constant. Id verò contingit quoniam nobilitatis ratio non eadem est apud Turcas, quæ in Christianorum provinciis, ubi ad posteros transmittitur. Sed inter illos qui primam dignitatem secundum

Z s

Tur-

Turcarum Imperatorem obtinebit, ignorabit cuias sit, & quinam sint eius parentes: imò quisquis ab Imperatore stipendium accipit, tam nobilem se æstimat atque ipsemet sit Imperator: non transit enim nobilitas ad liberos, quemadmodum apud Christianos & Græcos. Verum quidem est nobilitatem nō equaliter æstimari in omnibus provinciis: nam magna nobilium pars in Italia, ut Florentini, Veneti, & multarum aliarum Rerumpublicarum, mercaturam atq. alias res exercent, quas nemo apud nos potest, quin nobilitatis titulum amittat: quod cum his convenit quæ Herodotus de vetusta Egyptiorum nobilitate prodidit, qui præ reliquis sese efferebant, quod mechanicas artes non tractarent, quodq. omnium primi ad bellum gerendum accerferentur, quam nobilitatem à parentibus hereditario iure acceperant. Quoniā verò Respublicæ diuersas opiniones habuerunt de hominum nobilitate, asserimus illam pro arbitrio æstimari. Aristoteles enim inquit, Nobile id est quod ex bono produit genere: generosum autem, quod nō à sua natura degenerauit. Quasi innuere vellet, qui legitimè utroque parente natus sit, nec à natura degenerauit, eum esse nobilem: & generosum qui à nobilitate non descinit. Summo honori sibi cedere Turcæ existimant, Turcici Imperatoris mancipium sese venditare posse: quemadmodum apud nos si quis se Principis famulum iactitet. Quoniam porro facultatum pars à morte Turcarum Imperatori cedit; qui opulenti sunt, suas facultates in fabricas non expendunt: propterea illorum ædificia duntaxat mapalia sunt, si cum nostris conferantur. Montes itineri vicini frondebant arboribus Terebinthi, Andrachnes, Arbuti, & Eleprini. Mons Libanus quem superioribus diebus prætergressi eramus, iam non cōspiciebatur, atque montibus late hinc inde sese porrigentibus superatis in magnam planiciem ab ipsis inclusam descendimus, in Cili-

*Cilicia sitam. Paululum per planiciem progressi, quicui-
mus in Car-bassara Multum itineris eo die non confe-
cimus, quia ante meridiem vulneratorum gratia diner-
timus. Ceterum Asia Car-bassara alia ratione guber-
nantur atque Arabica: nam ianitores illorum, viatori-
bus hordeum quod Camelis detur, vendunt (avena etenim
in iis regionibus non inuenitur,) proque ea re tributum
Turcico Imperatori pendunt.*

CAP. XCVI.

*Antiquum manducandi semina Terebinthi morem etiam-
pum in Cilicia & Syria perdurare.*

*CETERUM rem quæ nobis admirationi fuit, silen-
tio haud quaquam premere volumus: rusticum videli-
cet Arabem in proximo pago conspexisse Camelum
ducentem, Terebinthi semine onustum, qua arbore vi-
cini montes sunt obfiti, & gummi inde colligitur, quod
Damascum venale defertur: nam quod in Cairo ven-
ditur, Asamia mittit. Asamiam Turca appellant,
quam Latini Chaldeam (cuius caput Babylon) to-
tam Mesopotamiam & Assyriam complectentem.
Auctorum verò probatorum testimonio euincere possu-
mus, iam plus quàm bis mille annis Terebinthi fructu
homines vesci solutos, atque Persas, ante panis usum eo
vitam sustentasse. Adeo exquisito colore caruleo prædi-
tus est hic fructus, ut quemvis alium caruleum superet: ea
de causa veteres Arabes Granum viride appellarunt,
medius enim inter viridem & caruleum color est.*

*Terebinthus, cuius meminit hic Bellonius, alterum peregrini Tere-
binthi genus erit quod doctissimus vir Leonardus Rauvolfius Reip. Au-
gustanae Medicus cap. 8 Lib. 2. Itinerarij sui describit, & in Mesopota-
mia Armeniæque abundanter crescere asserit, quodque Bel Serapionis,
Auicennæ & Rhasis esse suspicatur.*

CAP. XCVII.

De vrbe Hamous, veteribus Emissa dicta.

*DILVCULO per supra memoratam latè paten-
tem planiciem iter fecimus, in qua Smyrnum & Leon-
ropetalon inuenimus, & per urbem ab Arabibus Ham-
za, Turcis Haman, veteribus Emissa nominatam trans-
inimus,*

finimus. Huius urbis mœnia olim ex solido saxo constructa fuere, quæ etiamnum persistunt: mœniorum ambitus includitur præaltus tumulus ex planicie facile cōspicius, in quo arx sita à Romanis olim exstructa. Superest adhuc extra urbem sepulchrum δούριον, in Pyramidis quadrangula modum fastigiatum, valido cemento exstructum, in quo C. Cæsaris epitaphium Græcis characteribus inscriptum. Magna est in Haman sericei staminis abundantia: nam bombyces magna cura & diligentia alunt ob rignorum hortorū commoditatem, in quibus sicum, morum, & alias arbores fructiferas colunt; rini etenim è montibus delabentes, totam planiciem vberiorē reddunt. Istic fiunt straphiola & pepla versicoloribus sericeis & aureis contexta filis: vel ex sericeis staminibus albis, rubris, & flauis, quibus admixta sunt aurea, nomine illius urbis per vniuersum Turcici Imperatoris dominium celebria. Sita autem est Haman in latè patente planicie, quam elegantes rini alluunt. Mœniorum ambitus adhuc integer ferè est, sed interior urbis pars omnino corruit, nihilque spectatu dignum restat præter Bazare, hoc est, forū, & Basestan Turcico more exstructum. Ipsa mœnia celebrem aliquando fuisse urbem testantur: istic victui necessaria omnis generis inuenimus. Quoniam verò per singulas vrbes Græci, Armenij, & Iudei Turcis permisti sunt, quocumque peruenimus, vinum perpetuò reperimus.

CAP. XCVIII.

De cauponis Turcicis, in quibus conueniunt vt potionis genus bibant Posca vel Zythum nominatum,
à cereuisia differens.

PRIMUM in Hama obseruauimus, potionis illius veteris, Posca dictæ, conficiendæ rationem penitus non intercidisse: imò asserimus, nullam in Asia urbem inueniri, in qua caupona non sint, vbi hæc potio venalis non habeatur. Vulgus Chouffet appellat, veteres Græci Zythum,

thum, Latini Poscam dixere, vel Puscam aut Phuscam ut Collumella & Suetonius, Serapio & Auicenna etiam meminerunt. Candida est ut lac, densaque, & boni alimentum; valde autem caput tentat & inebriat, si quis liberalius sumat. Nonnulli existimarunt Poscam idem esse cum Oxycrato, attamen differunt: nam Oxycratum id est quo Graeci & Itali nautae uti solent, quodque nautarum sex in Venetorum naubus & triremibus vulgo bibit. Qui enim mare sulcant, aquam tam diu adseruare coguntur donec plerumque corrumpatur & foeteat: ut tollatur teter ille sapor ex nimia in vasis adseruatione contractus, nonnihil aceti admiscetur, quod foetorem adimit, & incundum saporem conciliat: id Oxycratum est. Zythum vero vel Posca, nunc Posses vel Chousses dicta (à Cereuisia differens quae veteribus Curmi appellatur, & ex integris vel contritis granis fit) paratur ex farina in massam coacta, quae in capaci aheno coquitur, ex qua deinde orbiculi confecti in aquam demittuntur, quae illico sponte ebullit, & calefit sine ignis adminiculo, atque in densam sorditionem coit. Eius spuma alba est & lenis, qua Turcae mulieres sese illinere solent; erugat enim, tenerioremque reddit cutem, praesertim si in balneis ea sese fricent: quam facultatem veteres in Zitho non ignorauere. Ut autem euincamus Poscam non esse Oxycratum, vnus Suetonii locus sufficiat, qui refert, fugituum Caesaris mancipium Capua deprehensum fuisse Poscam venalem habens: ceriè nisi ea potio aliud quam Oxycratum continuisset, frigida admodum fuisset eius taberna, exiguumque fecisset questum.

CAP. XCIX.

De vrbe Tarso, D. Pauli patria.

DIV ante lucem ex Haman digressi, in tenebris per locum in colle situm transiuimus, quem Sebastopolis vrbis rudera esse nonnulli existimant, vbi adhuc pleraque re-

Et c

Et a columna conspiciuntur, quas aliqui è Palatii Hero-
 dis, alij Herodiani esse asserunt. Vulgaris tamen inquil-
 norum opinio est, columnas esse templi D. Joanni conse-
 crati, illique istuc caput ademptum fuisse. Inde in valem
 descendimus, ut lapideo ponte amnem superaremus quem
 plerique Oroum existimant, alij Irin, alij Martiam:
 magno impetu labitur, molasque versat. Rursus deinde
 conscendendum fuit ut in planiciem perueniremus, que,
 meo iudicio, antiquitus Sabæus campus nominabatur,
 amplam & unius diei itinere patentem, ab arboribus pla-
 nè liberam. In ea scribitur sesamum & gossipium. Postea
 peruenimus in urbem Hama, siue Hamfa, olim Tarsus
 dicta: dimidij diei itinere ab Haman (quã nonnulli neote-
 rici Apamiam veterum existimant) distantem. Sita est
 hac urbs in valle olim admodum populosa, ut ex moeni-
 bus latè sese explicantibus, & ruderibus apparet. Arcem
 habet in collè sublatam, ut ea que in Haman est. Conspi-
 ciuntur adhuc multe veteres magnæ præaltæq; turres.
 Nulli regioni commodius comparare Cilicia regionem in
 qua Tarsus, quàm Beaufe Gallie. Verum quidem est, se-
 cundum Cydnum flumen, quod mediam urbem secat, fi-
 cum, morum, iuglandem, aliasque fructiferas arbores
 prouenire: sed campestria ab arboribus libera. Magna
 aque commoditas qua horti irrigantur, facit, ut hac
 regio mediocriter culta sit: nam cum fluminis alueus ad-
 modum depressus sit, magnis rotis aqua ex eo subleuatur,
 & per canales non modo in hortos distribuitur, sed etiam
 urbis balneis seruit. Habet etiam magnas Mesquedas sic
 satis bene instructas: at priuatorum adificia hinc inde
 sparsa sunt in colliculis. Fluvius vado ferè superari po-
 test: nam cataractis quibusdam exiguis sistitur, ut per
 canales molas versare queat. Propterea parvum ligneum
 pontem duntaxat habet. Hama siue Tarsus Dini Pauli
 patria est, qui tamen istuc non natus, sed pago Gischali in
 Cali-

Galilea apud mare Tiberiadis. Tarsi diu non habuimus: nam simulatque nostra iumenta pasta fuerunt, iter prosequuti sumus.

CAP. C.

De Ciliciæ planis, de quæ cisternis in terra reconditis, quæ aqua pluuiæ implentur.

PER argillaceum solum & campestria loca latè patientia aquæq; expertia iter facientes, in Beause, vel Lodunensi Gallie regionibus versari videbamur: nam vix ad orgie altitudinem fodere quis possit in Cilicia, quin saxum inueniatur, quemadmodum in Lodunensi tofus. Ciliciæ incolæ, ut commodius vitam traducere queant, rationem conseruanda aquæ in suum & iumentorum usum inuenerunt: nam cisternas in ipso saxo sub terra excavarunt, angusto superius ore, qua aqua pluuiæ ingredi possit. Quod si interdum aqua defit, plus quàm quatuor miliaribus inde petenda est. Nullas istic stirpes obseruauimus præter Asphodelum & Ferulam. Licet Ciliciæ Beause Gallie similis sit, agricultura tamen differunt, quoniam frequens ea est in Beause, in Cilicia verò propemodum nulla: imò ligna illis petenda sunt è montibus plus quàm bidui itinere inde distantibus. Eius rei penuria, granum quoddam ferunt Italis & Gallis ignotum, Sorgo Insubrum ferè simile, à quo colore solummodo differt: Sorgo etenim rutilum est, illud verò album. Eius apud Græcos & Latinos Auctores nullam mentionem inuenimus: Arabes* Hareoman appellarunt. Incolæ eius calamos pollicari magnitudine crassos diligenter colligunt, & ex illis ignem, alterius ligni penuria, struunt. Molas domi habent quibus grana conterunt, atque ex farina massam pinunt duram, quam tenuiter admodum complanatam, radiis solaribus coquunt, aut veteri Romanorum militum more, qui calefactæ ab igne tegule atque lapidibus utrinque sustentata pistam massam complanatam

tam imponentes coquebant. Eadem ratione rustici panem coquunt: at urbani in clibano. Nos antea illud idem triticum in Epiro nascens obseruaueramus, cuius rustici magnos saccos Corcyram in forū deferunt, quo insula illius incola columbas alunt. Ea nocte in Car-bassara peruenire non potuimus: nam imber in pago quodam manere coëgit, ubi panem iam memoratum inuenimus, alióque cibos, vilique precio redemptas gallinas & oua. Postridie summo mane discessimus, ut quod pridie decesserat, compensaremus, & per campestria loca iter fecimus, donec sub vesperam in colliculos incideremus coccigero frutice abundantes, deinde iam nocte ad Marat ruderaperueniremus.

* Hareoman illud Bellonij, id ipsum est quod doctissimus vir Doctor Leonardus Rauwolfus Dora ab incolis veteri Arabico nomine & Rhafi Serapioni que noto vocari tradit, eleganterque describit cap. 6. Lib. 11. Itinerarij sui.

CAP. CI.

Ruinarum Marat descriptio.

MARAT fuit olim ampla & elegans vrbs, ut ex eius ruderibus apparet; quam olim Maronias nomine fuisse insignitam, facile induceremur ut crederemus: nihil tamen asserere volumus. Mirum est non aliter habitari, quandoquidē & fontibus & riuis non destituitur: nonnulla solummodo Mesquede conspiciuntur, & pauca quedam edificia sub formicibus. Istic conspeximus hominem palo affixum Turcarum more: sic enim flagitiosos plectere solent. Nam simulatque qui deliquit, de facinore admissio conuictus est, illius manus & pedes quatuor palis solo defixis alligantur, deinde præacutum palum ligneum ano impositum malleo incutiunt, donec aliqua corporis secundum caput parte cuspi emergat, eaque ratione affixum attollunt & reponunt, expansis brachijs, & pedibus pendentibus. Hoc supplicij genus nouum non est: nam Herodotus de* Scytharum (à quibus Turcæ originem trahunt) sepultura agens, scribit; mortuo quopiam Scytharum

tharū Rege inter reliquas ceremonias observari solere, ut
 quinquaginta adolescentes eius mancipia palo per spinā
 longitudinem ad caput vsque transfigerent, deinde cir-
 cum Regis sepulchrum palorū crassiore partem & in-
 fimam terrā infigerent. Dicimus ergo hanc palis affigen-
 di rationem, suorum prædecessorum consuetudinem resi-
 pere; quæ tamen quantum ad sepulturam attinet, apud
 eos amplius non observatur. Marat equaliter distat à
 Tarso & Halep. Campestria eius regionis loca frumento,
 hordeo, gossipio & sesamo sunt consita: nullæ autem arbo-
 res vel frutices conspiciuntur. Noctem traduximus in
 Carbassara. Postridie iter fecimus per loca ad eò plana,
 ut æquor planius esse nequeat, ad noctem vsque. Terra
 eadem ratione excolitur quam de Syria agentes comme-
 morauimus. Præcipuus regionis prouentus est Gossipium
 & sesamum quod Iunio mense seritur. Non dubito quin
 tã faciliè in Gallia proueniret quam in Asia, si quis pericu-
 lum faceret. Cuius rei testimoniū Italia præbere posset,
 quæ Romani Imperij tempore sesamo & gossipio consita
 fuit, nunc verò ne vnicam quidem eorum plantam alit.
 Gossipium integro semestri in terra non permanet: nam
 Septembri demetitur, Maio autem vel Iunio seritur: sed
 singulis annis ferendum. Inuenimus tamen in Cairi hor-
 tis perenne, & humanam altitudinem superans. Aliud
 porrò est Gossipij genus quod ex India vel Brasiliana
 regione defertur, ab eo quod crescit in Asia longè diuer-
 sum. Nam Brasilianum, semen habet crassum & ni-
 grum, atque simul in dena vel duodena grana congestum:
 Asiaticum verò singula grana habet separata. Sub vesse-
 ram inuenimus riuum versus Halepum labentem, quo
 prætergresso, mollius solum defuit, sequutaque est aspera
 per montes & saxa via: deinde oleas, malos, pyros, pru-
 nos, amygdalas, conspeximus. Distat is riuus tribus ab
 Halepo miliaribus, quò serò admodum peruenimus, &

a excepti

excepti sumus apud nobilem quendam Venetum, quem
Respublica Veneta istuc alebat negotiationis gratia.

* Quoniam Bellonius sepultura Regum Scythiae meminit ex Herodoto, ipsius Herodoti in Melpomene siue lib. 4. verba adponere hic libuit, quae nonnihil ab his quae in medium adduxit Bellonius, differunt. Is postquam multa de Regij cadaueris sepeliendi ratione retulit, addit: Circumacto anno, rursus hoc agunt. E famulis Regis intimos sumunt (sunt autem Scythiae indigenae: nam famuli sunt quos Rex iusserit, nec ullus venalitiis ei ministrat.) Horum ministrorum quinquaginta quum strangulauerunt, ac totidem praestantissimos equos, vacuata & purgata aluo, paleis implent ac consuunt: & ybi dimidium forniciis super duo ligna resupinatum statuerint, alterum, quae dimidium super altera duo ligna, & item alia multa huiusmodi delixerint, tum super ea equos imponunt crassis tignis in longum ad ceruicem vsque traiectos, ita vt priores fornices sustineant armos equorum, posteriores vero iuxta femora suscipiant vteros, vtrisque cruribus superne pendentibus. Equos autem infrenant, eorumque habenas ad palos extentas alligant: dehinc super eorum singulos statuunt singulos quinquaginta iuuenum strangulatorum, hunc in modum: Vnicuique eorum rectum stipitem per spinam ad ceruicem vsque transfigunt: quod inferius stipitis exstat vltimum, infigunt tigno illi quo equus traiectus est. His equitibus sepulchro circumpositis abeunt. Hunc in modum Reges sepeliunt, &c.

CAP. CII.

De vrbe Halep, antiquitus Berrhoea dicta: &
 de Rhabarbaro atque Rhapontico.

HALEP ab omni antiquitate celebris fuit: nam totius Orientis maximum emporium est, caput etiam est Comagenes. Nomen Arabicum adquisuisse creditur, quod quemadmodum Aleph prima Alphabeti littera est, sic Halep primaria eius regionis in qua sita est, vrbs sit. Ex Neotericis nonnulli, veterum Hierapolim esse existimant: at Gillius Berrhoeam esse censet. Caruanna ex India, Persia, Mesopotamia, aliisque Orientis regionibus aduenientes, in Halep onere liberantur. Qui vero in Indiam, Persiam, aliasque Orientis regiones proficisci cupiunt, semper istuc negotiatores reperiunt, qui vltro citroque commeant. Quoniam porro in eam urbem omnes totius Orientis merces deferuntur, Veneti Consulem ibi commorantem habent, tamquam Legatum, qui merces istuc comparet, easque ad vicinos maris Mediterranei portus Tripolim & Berytum deuehi curet. Vt autem rerum
 Orien-

Orientalium negotiationem commodius intelligere queat, plerosque ex suis liberis istic educandos curant, quemadmodum & in aliis regionibus, ut indigenarum mores obseruet & linguam ediscat. Cum Caruanna mercibus quibus suis onusta Halepum adpellit, vnius diei spatium omnes coemuntur: nam praediuites & opulenti sunt mercatores, qui illico eas redimunt. Maxima pars Rhabarbari quae in Europam infertur, in Halepo emptia est; eo enim interdum duodeni camelis Rhabarbaro onusti, ex Asamia, ubi diligenter colitur, simul adueniunt. Neminem unquam videre contigit, qui asserere posset se Rhabarbari stirpem conspexisse, de cuius facultatibus Mesuarius auctor Arabs luculentè scripsit: Rhabarbarici verò, quod Graeci adeò commendarunt, nusquam meminit: ipse verò qui vel Damasci vel in Halepo comorabatur, ait sua aetate Rhabarbarum ex India & regione Seni (hoc est, ex Asamia vel Assyria) deinde ex Barbaria & Turcomannia solere inferri. Addit praeterea, indigenas Rhabarbari fragmenta macerare aqua solitos esse, succumque exprimere, è quo densato & exsiccato trochiscos efformarent, deinde Rhabarbari fragmenta resiccantes, mercatoribus venundarent. Ipsius aetate id fieri solitum à mercatoribus credibile est: at nunc cum non ignorent magnum questum ex Rhabarbaro accedere, quod apud omnes nationes in usu sit, adeò diligenter illud colunt, eaque quantitate, ut cum in Halepo esset, dena eius pondus duntaxat duodenis ducatis veniret. Semper tamè istic aequalis precij non est: nam cum Caruanna eius exigua copia ex Asamia aduehit, sequente anno carius aestimatur. Colitur, ut diximus, in Asamia, hoc est, Mesopotamia, & semine seritur: radices crassas agit instar Bryoniae, quas in taleas orbiculares secant, desiccantque, quae paulatim absumente se humore corrugantur. Plerique eam ob causam abs expressione id contingere existimant: experientia tamen contrarium docet. Vi autem certiores

a 2

essemus,

essemus, diligenter inquisiimus à mercatoribus Hale-
 pū confluentibus, si aliqua fieret eius maceratio: sed pau-
 cis ubi nascitur, in usu esse, raroque medicamentis qua
 Rhabarbarum recipiunt, uti comperimus. Quando hu-
 ius seculi Scriptorum commentarios lego de Rhabarba-
 ro disputantium, an veteribus cognitum fuerit (Arabes
 auctores pro recentioribus, collatione ad Græcos facta,
 habeo) & Mesuen in quatuor genera illud distingue-
 re, nullamq; de Rhapontico mentionem facere animad-
 uerto, & Caranannas ex Asamia tantum adferre Rha-
 barbarum pro comperto habeo: Mesuen per quartum
 Rhabarbari genus ex Turcia delatum, intelligere Rha-
 ponticum assero: atque, ut verum fatear, Rhaponticum
 Rhabarbaro admodum simile est: & licet idem esse non
 dico; proximas tamen utriusque esse facultates, liquido
 constat. Primariæ lacrymæ, gummiq; & aromata, ut Gal-
 banum, Opopanax, Syrax, Laser, Sagapenum, aliaque
 huiusmodi, ex Halepo ad nos deferuntur, quemadmodū
 & Scammonea. Firmiores dactyli ex Mesopotamia Ha-
 lepum inferuntur: Egyptiaci enim & Africani adeo
 pingues sunt, ut seorsim conservari nequeant, sed in mas-
 sam simul comprimantur. Tridui duntaxat itinere ab
 Halepo Tripolis distat, quo Veneti appellant ut suas na-
 ves onerent mercibus in Halepo coemptis. Sequens dies
 dicatus fuit visitationi urbis, quæ amplitudine Aure-
 lianæ urbi Gallie comparari potest. In eius umbilico tu-
 mulus assurgit rotundus, cui imposita est arx, fossis aqua
 plenis cincta, quam Sangiacus cum suis militibus inhabi-
 tat: eius mœnia veteri more exstructa sunt, & cum edito
 sit loco, procul conspicua est. In ipsis fossis inclusus erat
 asinus ferus Onager dictus, ab asino Indico qui uni-
 cornis est, differens. Istic etiam anem vidimus Grui
 ferè similem, sed minorem, oculorum ambitu rubro
 colore tincto, ardeæ cauda, & voce exiliore quàm
 grus,

grus, balearicam gruem à veteribus fuisse nuncupatam credimus.

*Bellonius (quod eius viri bene de republica litteraria meriti venia dictum volo) perperam Melvei verba interpretari mihi videtur, cum per Indiam & Senir-gionem, Asamiam siue Mesopotamiam intelligi vult. Nemo enim unquam, præter ipsum, in Mesopotamia & Assyria Rhabarbarum nasci scripsit: sed omnes ex illarum regione aduehi asserunt in ipsam Indiam, Persiam, Ormuz, Halepum, & Alexandriam, deinde in Europam.

CAP. CIII.

Peculiaris platearum perditionis Turcicæ pagos
& oppida descriptio.

PER uniuersum Turcæ dominiũ, vehicula aut currus ducere non licet per pagorum & oppidorum plateas, neque per fora: sed in medio platearum semita est de industria facta; cum ut aqua istac effluere possit, tum ut equis viam præbeat: editiores sunt utrinque viæ, & quasi in scamnorum speciem subleuata, atque pluteo tecta, ad imbres arcendos & solis ardores æstate: cum enim Turcæ longis talaribus vestibus & ad terram vsque demissis utantur, eas omnino conspurcarent, nisi ea ratio in singulis urbibus obseruaretur. Inde fit, ut plateæ non sint lapidibus constratae; sed ne puluis in foro & Bazestan abs oblongis istis vestibus æstate excitetur, quisquis tabernam habet, aspro singulis mensibus numerato redimit operam baiuli, qui singulis diebus mane ex utre aquã promit, & effundit ante ipsius tabernã. Omnes omnium urbium taberne Turcarum Imperatoris sunt, qui eas mercatoribus elocat, neque permittit ut istic familiam alant, præsertim in foro. Mahumetes etienim vetat ne mulieres vendant, vel emant, vel in publicum prodeant. Cuiuscunque generis opifces, boni consulunt quem dietim faciunt questum, neque noctu laborant. Aliquot diebus in Halepo hæsimus, atque mœnia ambiuimus, quæ latius sese expandunt quàm Damasci, multis locis obliqua, uti Hierosolymitana, turrésque in ambitu sitæ admodum

374 P. BELLONII OBSERVATIONVM
sunt seiuncta. Octo portas habet Halepum, & frequen-
tia vineta viretaque, & elegantes hortos in mœniorum
ambitu, in quibus brassica capitata, lactuca, beta, por-
rum, cepaque coluntur, in forum deinde vanum expo-
nenda. Veteribus numismatibus utuntur Turcæ ponde-
ris vice, unciam videlicet, semunciarum & drachma-
rum: qua de causa nos multis locis Græca & Latina na-
sti sumus: quando verò illa exquirere volebamus, taber-
nas mercatorum adibamus, atque Giaur mangour, hoc
est, Christianorum monetam expetebamus: tum nobis
proponebant quæ habebant. Turcæ, Arabes, Egyptij,
aliæque omnes Orientales nationes Turcico Imperio subie-
ctæ, nullam habent monetam nisi auream vel argenteam:
aurea obrix auri ducatorum est; argentea, depurati
argenti, non mixti: aliud tamen est moneta genus apud
Turcas, quod ipsi Mangoures appellant, ex puro ære,
quorum sedecim asprum conficiunt: quoniam verò gra-
ne est, nemo eo se onerat, sed cusum duntaxat fuit, ut
asprum permutari possit, cuius precium equiparari potest
caroleo Gallico decem ærea minuta pendenti. Vtraque au-
tem cum aurea, tum argentea, inscriptionem habet Ara-
bicis characteribus expressam. Arabes autem & Aegyp-
tij aliud moneta genus habent Meidin nuncupatum,
quod asprum cum dimidio conficit. Halepi incola Ara-
bica lingua utuntur, non Turcica; sed & per Egyptum,
Arabiam, Syriam, Ciliciam, aliasque vicinas Provin-
cias, solius Arabicae linguae usus est,

CAP. CIIII.

Iter ex Halepo Antiochiam.

ANTIOCHIAM profecturi, ex Halepo à meridie
discessimus, & per excultos rignosque agros iter fecimus:
sub noctem maturè in pagum nomine Farron peruenimus,
iuxta quem in agro præalta columna scapus erectus stat
sine epistyllo. Postridie diluculo paulum progressi, agros
relin-

relinquentes, per confragosa loca p[er]que colles iter fecimus. Arcis rudera conspeximus, ad cuius portam nascebatur Hedera alba, nouum nobis spectaculum, quippe qui à Corcyra discessu similem non videramus: Andrachnem in tumulis nascentem etiam reperimus, cuius ramos suo fructu onustos quilibet abstulit ut in itinere ederet; nam maturus erat, elegantique suo colore singulos ad edendum inuitabat: Racematim coheret, magnitudine & colore fructus Rubus idææ, quæ Galli Framboisès appellant, mollisque ut Arbuti fructus & * Suberis quem sapore refert. Ariam item, Esculum, Terebinthum, Eleprino, Latinis Alaternus dictam, Italici Termini & Narni incolis Alinterno. Per valles interdum iter facientes, vetustum adificium dirutum, monasterij cuiusdam forma, cuius umbilicum occupabat elegans turris, ad sinistram reliquimus: aliud præterea elegans adificium è quadrato saxo exstructum, in quo Latini characteres insculpti erant, sed dirutum, Romanorum haud dubiè opus. Pratergressi deinde sumus riuum qui ab ipsa fontis scaturigine tantum aquæ effundebat, ut ea ad lora quibus nostri cameli cincti erant, pertingeret. Pernoctauimus ad basim arcis Heirim nūcupatæ, omnino dirutæ, & solitario loco sitæ; qui si coleretur, non minus fecundus esset quàm quouis ex Italie vberimis. In tumulo sita est, ut ea quæ in Halepo & Haman sunt: vixque credibile est, decem hominum millia illam intra biennium excauare, & scopulum ad fossas quibus prædicta est faciendas perfringere potuisse. Videtur natura elaborasse ut hunc tumulum in scopulo collocaret, quo hac arx exstrueretur. Postremus is est Turcicæ dominationis locus, in quo nascentes Colocasiam & Musam conspexerimus. Ibidem in scopulis crescunt Andrachne & Alaternus: nec aliis lignis v[er]si sumus ad parandam nobis cœnam. Ceterum in Car-bassara noctem non tra-

duximus, at in quodam illius pagi adificio: rarissimè autem accidit ut in iis regionibus aliqui inueniantur qui peregrinis hospitium praebeant: idq; si praebeant, locum duntaxat aliquem sub porticu vacuum, nulla suppellectile instructum dant, perinde ac si quis in vacuo horreo exciperetur. Istic obseruavi dignum quidpiam quod hic adscribatur. Noster ille caupo pugionem falcatum Arabum more habebat, eumque nec auro nec argento exornatum, quem noster interpretes quatuor ducatis ab eo redimere voluit: at ipse renuit, sex ducatis Damasci emptum esse affirmans: at arbitror similes duodecim vix uno coronato in celeberrima totius Galliae urbe emptum iri. Pleraque vnguenta habebat, uti metopium, rosatum, aliaque similia quorum in Syria & Arabia vsus est; nos verò spernimus.

*Suberis istius siue Liege Bellonij fructus quis sit, ignorare me, ingenue fateor: quod etiam in nostra Hispanicarum Stirpium historia lib. 1. cap. 4. admonui.

CAP. CV.

De vrbe Antiochia.

SUBSEQUENTE die campestria loca latè admodum patentia inuenimus ubi flumen Oroum, quod Antiochiam defluit, quòdque precedente die diu sequuti fueram, longè suprà Antiochiam superauimus magno vonte in quodā stagno quod olim Meandropolis stagnum nuncupatū credimus. Diu fluminis illius cursum sequuti sumus, donec in stagnum sese effunderet. Antiochia bidui duntaxat itinere ab Halepo distat: at quoniā imbres deciderant, & cameli onera portantes difficulter gradiebantur, duos cū dimidio dies insumsimus. Vt porro ad eam urbem quae sub stagno sita est veniremus, à recta via Constantinopolim ducente defleximus, atque illam ad dextram reliquimus: recta enim ad Amanum montem proficiscendum nobis fuerat, & inde in Adena: quem
tamen,

tamen, licet Antiochiam deflexissemus, superare nihilominus oportuit. Is quoniam niger apparet, Turcico & Arabico idiomate Niger appellatur. Perelegās est Antiochie situs, quiq; paucis verbis vix describi queat: nam mœnium structura illam admirabiliore reddit alia quapiam vrbe in plano constituta. Illa testimonium insigne prebet, Antiochum ingentis animi & incomparabilis magnificentie virum fuisse. Murorū ambitus nō minor est Nicomedia aut Constantinopoli: frequens habitatur à Græcis, Armenis, Iudeis & Turcis. Fontanis aquis abundat, è rupe muris inclusa scaturientibus: pars mœnium montem ambit: altera pars per duorum montium iuga porrigitur, qui valli vicem illi præbent: nam tres montes murorum ambitus complectitur, qui non sunt tumuli, uti Romæ vel Constantinopoli, sed præalti montes. Nullam urbem in Gallia novi, cui Antiochiam comparare possim præter Lugdunum: nam quemadmodum Lugdunum altos D. Iusti montes claudit, sic Antiochia altos montes cingit, in quibus exstructum est Antiochi palatium, nondum planè dirutum: pleraque enim adhuc integra restant, ut magna cœnacula & cubicula, & cisternæ immensæ capacitatis, ad earum quæ Philippis in Macedonia sunt, formam exstructæ: integra etiam arcis & mœnium materia restat, in quibus turres præaltæ sibi inuicem admodum vicinæ conspiciuntur, quibus exstruendis opera cœmento non pepercerunt, habentque singule suam cisternam. Mœnia ad Occidentem spectantia tali artificio sunt facta, ut onusta vehicula, equiq; cū suis sessoribus, per interiorē muri partem, inter utramque fornitem, in summam vsque arcem perducī queant. Montes vrbi vicini, ilice, alaterno, coccigero frutice, andrachne, stœchade, & stachide abundant. Ciconiæ quæ æstate in Europa degunt, istic per hiemis partem, quemadmodum & in Aegypto, aluntur: sed etiam ono-

a s

crotali

crotali aliaque diuersi generis aquaticæ aues in lacu supra urbem sito viuunt: inter quas agnouimus quæ ab Somo-
ne accolis des Cotees, à Parisiēsis autem Morillon di-
citur, veteribus verò Glaucion appellata: aliam item
quam Galli Piette vocant siue veterum Phalarim. In
montibus pascuntur verueces, breui quidem sed pingui
pedemq; lata cauda. Eius regionis incolæ, atque etiā per
vniuersam Turcicam dominationem, in diē vtuntur pa-
nemale cocto & malè fermentato. Bombyces, quas Itali
Cauallieri nominant, magni sunt in ea regione quæstus,
alunturq; ficus & mori foliis secundū fluminis ripas cul-
tarum. Celsissima Platani nascuntur ante Antiochiam,
quæ neque in Gallia, neque in Italia conspiciuntur, præ-
ter paucas quæ cum Romæ, tum aliis quibusdam urbibus
curiositate quadam aluntur. Pauce quedam Sacchari-
cannæ, Colocasie, Musq; magna cura & diligentia
nonnullis Antiochiæ hortis aluntur. Incolæ Arabica lin-
gua loquuntur quemadmodum in Syria.

CAP. CVI.

Singularium rerum in Antiochia obseruatio.

TOTVS subsequens dies sacrorum in Antiochia lo-
corum visitationi dicatus fuit, vt Porta D. Pauli, sepul-
chorumque variorum Diuorum. Vetusta præterea
alia plurima monimenta istic conspici possent, qui cu-
riosius ea requireret. Omnis generis victui necessaria in
foro venalia reperiuntur. Aromatariorum & opificum
tabernæ Damascenis similes sunt. Loti, quæ Gallia Nar-
bonensis Micacouliers appellat, arbores, etiam in ipsa vr-
be magna copia crescunt, quemadmodum in eius territo-
rii montanis: atque vt ob Populi albæ & nigre, fructife-
rarumq; arborum frequentiam Damasci planities silua
quedam videtur: sic propter Platanos & Lotos Antio-
chiam in media silua sitam esse diceres. Equorum sarcina-
riorumq;

riorum, qui Antiochia habentur, clitellæ adeò oblongæ sunt, ut ab auribus per cervicem ad caudam usque per-
tingant. Antiocheni rustici haudquaquam tam dextri sunt iniumentis ab onere liberandis, quam Turcici; quoniam eorum clitellæ ad onera minus idoneæ. A meridie discessimus Antiochia, & amnem Oroum transivimus, quem aduersum diu sequuti sumus. Agri Antiocheni solum adeò pingue est, ut equi ad cingula usque in cæno mergerentur, quia præcedentibus diebus imbres deciderant. Longius progressi, riuos è montibus labentes inuenimus, ad quorum ripas proueniebant Nerion, Agnus seu Vitex, & altissima Platani. Noctu in Sarameli pagum peruenimus, ad radices præalti montis Amano contigui, sed in planicie situm. Postridie duobus confectis milliari-
bus, substitimus ad radices præcelsi montis, isticq; reliquo die hæsimus, expectantes equum quem Dominus de Fumet ex Antiochia accersi iusserat. Interea montem conscendi, in quo siluas Pinastrorum repperi iis qui in Tarare monte nascuntur similium: præterea Esculum, Ilicem, Andrachnen, Oxycedrum, Poliũ, Tragacanthum, Chamadrin, Carlinam, quam pleriq; falso nomine Chamaeleonem nominant. In planicie obseruauimus rusticos lignorum fascēs boum tergo imponentes, & tritici saccos aliaq; huiusmodi; interdum etiam, cū defessi essent, ipsorum tergo insidentes: nam cū iter non urgeant, boum ministerio utuntur, quemadmodum nos equorum. Ab illis redemimus gallinas, oia, carnes: nam licet tota æstate in agris sub tentoriis habitent, omnibus tamen rebus necessariis non minus sunt præditi, quàm si in vrbe aut pago viuerent.

CAP.

De itinere per summa Amani montis iuga.

POSTRIDIE inter Orientem & Septentrionem
tendebamus secundum præaltos montes. Mons Amanus
vulgò appellatur Monte negro, id est, niger: attamen non
ille est qui Plinio Mons ater dicitur. Via admodum re-
cta & præcipiti conscendendus nobis fuit mons, atque dif-
ficiliore quam ullam hactenus inuenissemus. In eo cre-
scent celsæ cedri quæ admodum in Libano, iuniperus
maior, sabina ei similis quæ in Tauro monte, andrach-
ne longè celsior quam in Ida Creta. Plus quam sex horas
impendimus antè quam in summum montis iugum per-
ueniremus, atque in supremo eius vertice constitutis, &
qua nos veneramus prospicientibus, apparebant summa
montium Syria & Cairi iuga, præsertim verò eius quem
nos Pierium montem censemus, & præcedentibus diebus
secundum eius radices ambineramus: apparebat etiam
Taurus mons procul ante nos prospicientibus in longitu-
dinem excurrrens, & summum verticem iam nunc obsi-
tum habere incipiens. In descensu viam neque adeò diffi-
cilem neque molestam inuenimus atque in ascensu, quia
non erat præceps: sed cum in tenebris iter faceremus, unus
e nostris in vallem decidit plus quam quadraginta or-
gas profundam, nullo ipsius aut equi damno, quod omni-
bus admirabile visum est. Abundat hic mōs variis plan-
tis: arbuti nō minus alta erant, quam quæ in Atho mon-
te nascuntur, vicino monasterio Agiaf-laura loco: magnæ
erant etiam alaterni arbores, quæ aliis locis in fruticem
duntaxat assurgunt; picea insuper, andrachne, latifolia
laurus. In descensu myrtos albis baccis, thymelæam, cha-
melæam, eumq; fruticem quæ Germani Keller-kraut ap-
pellant, binis præcedentibus dissimilem reperimus. Ad
imum montem cum descendissemus, apud riuiulum hesi-
mus, & cibū sumpsimus in maris littore, quod in arcum
se in-

se incuruans magnum admodum sinum efficit, qui Issicus appellatur: Pamphylum id est mare, Cilicio ex parte coniunctum. Cum in Amano monte essemus, mare radices montis alluēs conspiciebamus, adeoq; vicinum, ut coniectus lapis facile in mare Mediterraneum deuolutus fuisset: conspiciebamus etiam Taurum montem assurgentem ex littore Cypri insulae opposito. Diu nobis iter faciendū fuit secundum litus marinum, & sinus circum-eundus, multiq; elegantes riuī superandi; deinde alius mons admodum angustus & difficilis, pinastris obsitus, post quem castellum ad ipsius radices situm inuenimus, in quo perpetuae sunt excubie, quoniam trita admodum est hac via. Varia istic victui necessaria emimus, panē, vinum, caseum, carnes, & hordeū pro iumentis: paululum sub eo castello descendimus ad riuum quendam, atq. sub alba moro, quam Galli perperam Sycomorum indigitant, constitimus. Luculento igne ob ligni abundantia tota nocte instructo, ante lucem discessimus, atque in tenebris per loca plana & campestria iter fecimus: orta autem luce, denū ad maris litus regressi, amnē quempiā vado transiimus, qui forsitan Issos est. Amoenissima sunt ea loca: nā secundum viam publicam crescunt laurus, ilex, platanus, smilax aspera, & alie pleraque stirpes perpetuō vi-rentes. Montes dextram claudabant, mare sinistram. Superato amne, in vastam illam planiciem in qua Alexander cum Dario conflixisse creditur, peruenimus, in qua fruticem antea nobis non conspectum, sed Myrto admodum similem legimus: abundat etiā ea planicies Myrti fruticibus, qui omnes albo fructu sunt praediti. Per fornicem admodum vetustam, latere & intrita exstructam, materia longē quā saxum duriore, transiimus: hanc veteres Auctores Portas Cilicias vocarunt. Quaquā oculorum aciem obuertas, planicies velut amphiteatrum apparet: nā prealti montes lunae crescentis in modum illam

382 P. BELLONII OBSERVATIONVM
 lam ambiunt ut sinus Issici mare recipiant: sub portis Ci-
 licis, singuli, *Andrachnes* arbores suo fructu coniunctim
 nascente & maturo fragisq³ simili onustas conspicientes,
 ramos renellebant, atq. in itinere eius fructu vescebatur.
 Raros habet ea provincia incolas: illiq³ qui istic viuunt,
 neque piscationi, neque navigationi indulgent (hinc fa-
 ctum, ut toto illo maris littore ne unicam quidem nauem
 conspexerimus) & terram incultam relinquunt, licet ad-
 modum rigua sit: arbitror enim plus quàm triginta ri-
 uos è montibus altis labentes, atq. in mare sese exoneran-
 tes, duarum horarum spatium nos transiisse. Post quàm à
 portis longius abcessissemus, per sterilia & confragosa lo-
 ca iter fecimus, deinde veluti per *Cedruas* silvas, in quibus
 is frutex, cuius modò meminimus, nascitur, cui nullum
 aptius nomē indere possumus quàm *Pseudomyrti*: postea
 in *Car-bassara* quodam, cui vicini erāt pagi, quicimus.

CAP. CVIII.

De Asiatico quodam animali Adil nuncupato, & de
 vrbe antiquitas Adena appellata.

PVMILIONIS lupi genus est in Cilicia, atque
 etiā in vniuersa Asia, qui rapit & aufert quidquid im-
 pedimentorum inuenire potest eorum qui astate extra
Car-bassara noctem traducant. Medius est inter lu-
 pum & canem, cuius pleriq. veteres auctores cūm Græ-
 ci, tum Arabes meminere. Græci vulgari nomine *Squi-*
lachi appellant: eum esse arbitror, quem veteres Græci
χρύσεον nominarunt, hoc est, aureum lupum: adeò furax
 est ut noctu adire non vereatur eos qui dormiūt, & quid-
 quid inuenit rapiat, vel pileos, vel ocreas, vel calceos, vel
 frena, vel alia huiuscemodi: semper caternatim incedit,
 ut interdū ducenti simul conueniant, nihilq³ illo frequen-
 tius per Ciliciā: itaq. singuli alternatim latrāt canū mo-
 re, & hau hau exprimūt. Singulis noctibus illos latrātes
 audiebamus: & nisi canes eos arcerent, in pagos vs-
 que

que penetrare non formidarent: elegantis flauī est coloris, atque ex eius pellibus quæ vili venduntur, incolæ sibi pelliceas vestes parant. Postridie versus Adenā proficiscentes, lapideum pontem transiimus cornu fluminis, quod fortè Pyramus est, impositum, cui contigua est arx ad dextram, in scopulo aditu difficilī sitam. Inde id flumen diu sequuti sumus, donec ad vrbis cuiusdam, quæ nostra opinione Casarea Ciliciæ appellata fuit, ruinas perueniremus, ubi alio ponte flumen superanimus. Illius regionis flumina, tamē si navigabilia, naues tamē nō habent: nam cum regio deserta sit, nemo istuc negotiatur. Sultani Aegypti dominium eō usque extenditur, isticq; erant limites qui Arabicam linguam à Turcica distinguebant, quig; olim Arabum imperium à Turcico separabant. Primum bellum quod unquam motum est inter Arabes & Turcas, istuc gestum: sed Turcæ victores, paulatim illos in seruitutem redege're. In ruinis illis Casarea nihil conspicias præter Car-bassara, & quadam tuguria. Superato ponte, fluminis cursum ad sinistram sequuti, in cāpestria steriliaq; loca latēque patentia peruenimus, quæ à nemine peculiariter possidentur, sed omnibus qui suos greges pascere istuc volunt, libera sunt. Myrti istuc etiam albo fructu sunt præditæ, adeoque frequentes ut Cædæ silvæ formam repræsentēt. Per Terebinthi arborum hinc inde mixtim cum Pinastris crescētium siluā iter fecimus. Aluntur hac planicie plurimi veruecum, & caprarum magni greges, ingentem adferentes questum suis dominis, cum ex butyro, tum ex caseo. Et licet butyri genera inter se differant delectu & præstantia, aut animalium, vel pascuorum, vel confectiōis ratione: natura tamen non ita variant, ut caseus. Nam degustato butyro diuersorum animalium, uti bubalino, vaccino, equino, camelino, ouino, & caprino, magna varietas haud deprehenditur: at in caseo longè aliter euenit, quandoquidem solo odoratu,

vel

384 P. BELLONII OBSERVATIONVM
vel aspectu discerni queunt, atque omnium optimè gustu. Turcarum porro rustici procul ab urbibus per campestria loca errabundi vagantur tota æstate, sui gregis curam habentes: cùmque fictilibus vel ligneis vasis careant, iugulata oue vel capra, pellem eius inuertunt, utrémq. conficiunt, quæ butyro vel caseo implent, aluum etiam diligenter adseruant; nam ea butyrum excipiunt prius coctum, deinde refrigeratum: singule alui tricenæ vel quadragenæ libras continet, utres verò plures quinquagenis. Nō negamus quin nōnulli aliam butyrum parandi rationem habeant, etiam illud nostratium more saliant: at id solummodo fit circa celebriores vrbes. Mengrelliæ incolæ pelles bubulas & vaccinas pelles recenter detractas butyro implent, atque Constantinopolim vanalemente aduehunt, quemadmodum ex Narbonensi Gallia in caprinis pellibus oleum nobis adfertur. Ceterum non dubitamus, quin si rustici illi commoda haberent vasa, suos caseos in utribus nō conseruaturi sint; quandoquidem illos in panis formam conseruandi consuetudinem non habent. Quoniam porro similis caseus per Graciam distribuitur, quò mercatores transuehunt, Graci vulgari nomine Dermatifi hilatissimo appellat, hoc est, in pelle salsum, & non tyri, id est, caseum; quemadmodum cùm Du salé nostra lingua dicimus, hoc est, salsum, suillam intelligimus. Ipsi verò tale nomen indiderunt, ad alterius casei differentiam, quæ vulgari lingua cloro tyri nominat, hoc est, recentem caseum, quem Columella viridem appellat, nō quòd vireat, sed quòd musteus molliq. sit. Pastores nunquā lac colāt, quemadmodum nec Cretenses, qui tamen aspalathi rammum, aut aparinen, vasorum ori admovent, ut si fortè piluli adhaerint, caseus purior reddatur: at Turcarum caseus in pellibus ea ratione salitus, plerumque pilis scater, quoniam lac nō percolatur. Nostrum porro iter ad Septentrionem dirigentes, variis locis miserorum rusticorum mapalia

inapalia & tentoria inuenimus, qui astate ex urbibus & pagis discedunt, ut per campestria vagentur in hibernum vsque tempus, isticque rem domesticam eadem ratione curant, qua in urbibus vel pagis facerent. Ij cum octiduo haeserunt uno in loco, abscedunt in alium, tentoria sua ex tegetibus confecta, & penula tecta, secum asportant; cum vero in urbem redeunt, complicant denuo, & diligenter adseruant donec hiems praeterierit, quam asserere ausim apud Asiaticos non minus scire, quam in media Gallia. Segnes sunt; eam ob causam, terram nulla diligentia colunt: praesertim opulentiores rustici perpetuo ociosi sedere volunt: & nisi ab ipsorum mancipiis solum excoleretur, rari essent agri culti. Eo die in Adena peruenimus, ubi de Anazarba, Oppiani & Dioscoridis patria, quae postea Caesaraugusta vocata est, intelleximus. Iudaei nobis indicarunt pagum nunc esse ad ostia fluminis, Tyberis forsitan, quod Adena perluit, antiquum nomen retinentem. Adena magnum est oppidum, hoc est, ingens pagus, quod admodum frequens aditus patet: elegantemque & latum pontem lapideum habet. Appellatur id flumen à Turcis Schelikmark; ex Armenia minore profluens, Lydiamque & Ciliciam perluens, in mare Mediterraneum sub Rhodo sese exonerat: navigabile non est, quoniam plurimum sabuli prouoluit. Adena oppidum moenibus non est cinctum: sed arcem habet quatuor quadrangulis turribus infirmis preditam. Istic omnis generis victui necessaria inuenimus, & vinum: nam incolae Graeci sunt, & Iudaei, & Armeni, atque ipsi Turcae vites colunt, ut passas uvas habeant. Moneta mutationem istic habuimus: nam cum haecenus per Egyptum, Syriam, & Ciliciam, meidins usi fuissetus, qui supererant, in aspros permutandi fuere. Istic etiam desit Arabicae linguae usus, & Turcico sermone deinceps agendum fuit. Mutatis in Adena inuentis, annonam in triduum comparauimus.

mus. Turca suas merces pondere vel mensura licitantur, iusto tamen precio, nec plus solunt peregrini quavis quam eorum vicini. Panis etiam ad pondus vanit, inde fit ut male coquatur. Carnes etiam salsa magno apud illos in usu sunt: eas autem recens sale exemptas, cumini pulvere inspergunt, & appensas exsiccant. Hallucinantur qui scribunt Turcas desiccare carnes, ut eas deinde in pollinem redigant, quem secum deferant in aliquam expeditionem bellicam ituri: nam diligenter id inquirentes, comperimus neque in Gracia, neque in Turcica ditione, neque in Arabia, carnes exsiccandi, ut in pollinem redigantur, ullam esse consuetudinem. Carnes vero deligunt cum bubulas tum veruecinas pinguium cum macro equaliter permixto constantes, quas in tennes laminas scindunt; deinde paululum salium atque exsiccant. Magno aestimantur eiusmodi carnes cum pacis tum belli tempore: eis etenim crudis cum cepa vescuntur iter facientes. In Creta & Chio moris est apud rusticos, ut integrum leporem etiam hircum ferum, sed & veruecem in frusta concisum exsiccent: primum autem paululum salium, deinde tegetibus complanant, atque in clibano resiccant. Saepe numerò apud varios rusticos diuertimus, cum Creta montes peragraremus, apud quos erant hirci ferè integri, & hœdi, & agni in eum modum exsiccati: sed apud Turcas ea consuetudo non viget. Graci verò per Quadragesimam id faciunt cum leporem aut capram siluestrem interemerunt, ut eos ad Paschales usque ferias conservare queant: nam neque apud ipsos neque apud Turcas moris est carnes in dolio aliquo salire, & ita conservare.

CAP. CIX.

Apparatus peregrè profecturis idonei.

MULTA edulia parare norunt Turca, cum peregrè tum in bellum profecturis idonea: è quorum numero farciminis genus est, vulgari Gracorum lingua Stopides dictum:

dictum: sunt autem in hunc modum: Noces inglandes in quatuor partes diuidunt, & filo traiciunt, farciminis longitudine, deinde in coctum vinum seruens reiteratis sepius vicibus immergunt, eorum more qui candelas parat: nonnulli farinā inspergunt, ut citius inspissentur. Eadem ratione è ficibus, amygdalis, auellanis & aliis durioribus fructibus cocto vino inductis parari possunt. Vulgaria sunt in ea regione huiusmodi farcimina, quæ peregrinantibus sunt admodū accommoda. Qui montē Taurum superare volunt, in triduum annonam sibi parant in Adena: nam inde Heracleam tridui iter est per sterilia loca: elocationis singulorum iumentorum precium quinquaginta meidins, hoc est, ducati & decē meidins est. Tapetes sunt in Adena, quorum maxima pars ignis calore parari solet, pilcorum & gausapū more: veraque, ut ita dicam, sunt gausape, tapetum in modum concinnata, quibus Turcæ peregrè proficiscentes indormiunt; leuia enim sunt & mollia. Eius regionis viri acuminatos galeros gestāt, Hippocratica caligæ vulgò appellate per similes, quorum apex in humerum propendet: cūque sint ex inspissatis pilis concinnati, ad gelatinam excolandam vsui esse queant. Verum quidem est Turcas alicuius auctoritatis, & opulētos vel vrbes, vel oppida incolentes, albas tiaras gestare: at rustici, quales dixi galeros ferunt, similēque nobis perpetuò conspecti sunt ab Halepo Adenam vsque, ubi nonnulli alia ratione complicati videntur. Prouinciarum incolæ huiusmodi notis, non minus quàm vestium varietate dignoscantur.

CAP. CX.

Ex Adena in Taurum montem profectio.

ADEN digressi, atq. inter Occidentē Septentrionēque tendentes, per planiciem iter fecimus vsque ad meridiem: deinde montem Taurum conscendere cœpimus. Tentoria autem fiximus & quievimus ubi nox nos op-

presit

pressit: sed quoniam aër serenus erat & frigidus, Platanos iuniores, Andrachnes, Neria, arbutos praecidimus, & luculentū ignem struximus, praesertim verò è Siliqua arbore sicca. Postridie ante lucem, in ascensu perreximus via admodum difficili, donec ad summū verticem veniremus, quem nunc tectum reperimus, atq. dimidium diem in ascensu insumimus: ubi Iuniperos maiores, in Cupressi altitudinem assurgentes inuenimus, cuius fructus dulcis est, nucis fere magnitudine, & Gallae quodammodo similis, quo indigenae vescuntur, ut ex nucleis hinc inde à nobis in itinere collectis obseruauimus, quos qui pulpam exederant, abiecerant: ij sunt longitudine & crassitie nucleoli olinae, adeoque duri, ut nisi mallei ictu frangi nequeant. Inter reliquas arbores in Tauro monte nascentes post Cedrum primas obtinet, perpetuòq. viret. Eius* vera delineatio & descriptio inuenietur in libro cui titulum fecimus, De Arboribus perpetua fronde virentibus. Styracis arbores istic etiam obseruauimus & Pinaestros, deinde Sabine genus à Dioscoride descriptum, vel Thuya Theophrasti & Homeri. Quoniam autem superioribus annis in Regio horto ad fontē Bellaqueñ arborem conspexeramus, è Canada Francisco I. huius nominis Galliae Regi delatam, Arboris vitæ appellatione: Sabinam illam diligentius obseruauimus in Tauro monte; atque viriusque descriptione facta, admodum similes esse comperimus, attamen notis quibusdam inter se differentes, quas exponemus, cum singularum plantarum historiam pertexemus. Platani crescunt in hoc monte Antiochenis adhuc maiores, eaque natura sunt praeditae, ut hieme corticem abiciant, contrario planè modo quam Andrachne, quae summis aestatis caloribus suo cortice rubro sese spoliatur, ut cinereum inducat, qui initio pallet: Platanus verò hieme plumbeum corticem exuit, ut cinereo se induat. Crescunt in summo vertice altissima Cedri,

is que in Libano nascuntur similes, tanta frequentia, ut vix alias conspiceremus frequentiores arbores; quarum fructu nobis hortantibus pleriq. collegerunt, conis Abietis ferè similem, sed crassio rem, leniorem, & calum spectantem. Cuius arboris descriptionem hic adferre operæ precium non duximus, at iconē duntaxat oculis subicere.

Cedri Icon.




Nulla verò proueniunt Abietes; quæ tamē Cedros admodum emulantur, sic ut dicere possemus Cedrum Abietis genus esse, vel Abietem Cedri. Eam ob causam illius iconem Cedrinam sequi volumus.

Nulla præterea istic larices, neque Picæ, neque Pinastri Aleuo dicti, cuius etiam arbor est ad fontem Bellaqueum, è Canada similiter delata, atque Francisco I. Regi cum Arbore vitæ donata. Dis

b 3

per



per montis fastigium iter fecimus, nondū tamē summū
ingū attigeramus, sed alios montes utrinque habebamus.
Cumque sub arcem quandā peruenissemus, in saxo sitam,
pedetentim descendere cœpimus, & sub noctem in itinere
Car-bassara inuenimus ad præalti illius montis radices.

*Hætenus quæ vidi Bellonij exemplaria de Coniferis, neque delinea-
tionem, neque descriptionem Iuniperi maioris habent.

CAP. CXI.

De Thermis quæ sunt in monte Tauro:
& de vrbe Heraclea.

CETERVM Car-bassara quò noctu peruenimus,
contiguum est thermis muro lateritio inclusis, iis simili
quibus exstructæ sunt salsæ thermæ ad Troie rudera.
Aqua nonnihil sulfur redolet: sed eius excrementa in la-
pidem non coalescunt, quemadmodum thermarum Pata-
rinarum & Prusæ. Ceterum non modò thermarum aqua
recrementa facit in lapidem concrecentia, verum etiam
frigida:

frigida: quemadmodum fontana illa in Medane prope
 Noisi Domini Ioānis Brinon Domini de Villaines posses-
 sionem, sex à Lutetia miliaribus distantem: & apud Cla-
 rum montem Aruernia urbem, ubi pons lapideus con-
 spicitur, quem aqua decursus confecit. Postridie descen-
 dentes, labentem ex monte riuum sequuti sumus. Sed
 conscenso denuò vicini montis iugo, nullas arbores inueni-
 mus. Haud multum porrò itineris relicto Car-
 bassara confeceramus, quin agros sepibus inclusos conspiceremus,
 arbore Zizipha alba Columella appellata constantes,
 cuius fructus rutilus Ziziphis similis est, excepto colore,
 & venalis per vrbes proponitur: Graeci vulgari lingua
 Ziziphia appellant, voce à Zizipha deducta. Ad me-
 ridiem vsque continuato itinere, in monte autem adhuc
 versantes, urbem Heracleam procul in planicie sitam
 perspicuè conspiciebamus. Ulteriùs in descensu progre-
 dientes, plerosq. pagos infrà secundum montem sitos vi-
 debamus, qui à Borea & Thracia ventis erant liberi,
 atq. Absinthij Ambrosiaeque magnā copiam inuenimus.
 Heracleae planicies admodum fecunda est, & per omnia
 exulta, multisque pagis habitatur: nam riuus e montibus
 labentes, hortos & vinea irrigant, in quibus omnis ge-
 neris fructiferae arbores coluntur, ut persica, corni, pru-
 ni, mali, pyri, amygdala, punica, aurea, aliaeque simi-
 les hortenses. Amplius est pagus apud Heracleam, qui à
 solis Christianis Graecis habitatur, quorum lingua vul-
 garis pura Graeca est: alius etiā est Christianorum Ar-
 meniorum: utrique admodum diligentes sunt hortorum
 & vinetorum cultores, cūque aqua abundant, varia
 herbarum culinarum genera in ipsorum hortis, qua-
 lia in nostris conspiciuntur. Serò Heracleam perueni-
 mus, primam à Tauro monte urbem, ad ipsius radices
 sitam, ubi panem, vinum, carnes, & reliqua esui apta in-
 uenimus. Plures autem sunt Heracleae: siquidem de una

iam verba fecimus, ad Propontidis luttus sita, Rhodostoque vicina, quod Perinthus vocauimus, tamen si neoterici quidam Heracleam illam Propontidis Perinthus esse contendunt. Verum iam protestati sumus, minimam esse nobis curam ut vetera nomina iis quae nunc in alia mutarunt urbibus adaptemus. Itaque Perinthus sitne Heraclea Propontidis, an Rhodosto, aliis disceptandum relinquo. Pro certo nobis relatum est, in planicie illa Heracleana magna equorum arma ali, plus quatuor milibus equorum constantia, è quibus singulis annis plures sexcentis deliguntur ad bellum apti. Eius regionis equi à Turcis admodum aestimantur, Caramaniq. appellantur. Incolae Rhodis frutice abundantes in vicinis montibus, eius fructum colligunt & recondunt, quo saporem suis edulis conciliant; eo etenim admixtis allis contusis, & modico sale, carnes cum elixas tum assas inspergunt, illisq. aciditatem quandam & suauem saporē conciliant. Heraclea haesimus toto subsequente die, ut iumenta conquireremus. Patet Heracleana planicies ad bidui iter; iis tamen locis duntaxat habitata, quae aqua abundant.

CAP. CXII.

De nostra ex Heraclea in Iconium profectio: deque capris, delicatam illam lanam, ex qua undulatus pannus conficitur, ferentibus.

CONDUCTIS ergo in singula capita ducato cum dimidio iumentis, iter fecimus Iconium, quod vulgò Cogne dicitur. Planicies rigatur canalibus ductis ut Damascus. Multi apparent pagi, procul inter se disiuncti, secundum montium radices. Frequens istuc est Absinthium quod Graeci maxinum cognominarunt; non quod eo loco circa mare nascatur (plus enim quam quatruidui itinere inde abest) sed quod illis ita nuncupare visum sit, tamen si in Mediterraneis locis proneniat. Caepestria Salvia tenuiore & Polio canescunt. Tres ligneos pontes superauimus: nam frequentes istuc sunt canales & rui: & subito exortus

exortus auster, magno impetu arenā in faciem nobis pro-
noluit. Secundum rotundum tumulum iter fecimus, qui
humana arte exstructus videbatur: nam aqualiter as-
surgebat, atq. fossis aqua plenis cinctus erat. Longius de-
inde progressi, loca admodum lapidosa, iis in quibus situs
est Fons Bell-aqueus, similia, ingressi sumus, praterquam
quod hæc arboribus carent. In Car. bassara quodam per-
noctauimus iuxta fontem regia via, unde ante lucem di-
gressi, in ampla campestria loca, nuda, & arboribus ca-
rentia peruenimus, ex quibus hinc inde montes procul à
nobis dissitos conspiciebamus, in quibus non nisi in sum-
mo vertice arbores nascuntur, ad eorum autem radices
Absinthium quod diximus Seriphiū, & aliud Ponticum
à nostro domestico non discrepans, nisi quod cādidius sit.
Eius regionis capræ tenui adeo lana sunt vestitæ, ut seri-
cum ipsum tenuitate prouocet, candore niuem. Maiores
non sunt nostris arietibus, nec ut oves tondentur, sed vel-
luntur. Carnes non minus suaves quàm veruecinæ, nec
ferinū quidpiā redolet. Tenuissimi elegantissimiq; panni
sive undulati, sive nō undulati, ex huiusmodi caprarū la-
na texūtur. De his vel sanè his similibus Aelianus auctor
Græcus, nostro iudicio, meminit. Caspia, inquit, capræ, al-
bissimæ sunt, & magnis cornibus mutile, quarū villi adeo
molles, ut Milesiis lanis mollitudine cōparari queant,
omnium quæ reperiuntur mollissimis & delicatissimis.
Sed Plinius alias ab his differentes describit. Tonden-
tur capræ, inquit, quod magnis villis sint in magna par-
te Phrygiæ, unde cilicia fieri solent. Sed quod primū
ea tonsura in Cilicia sit instituta, nomen id Cilicas ad-
iectisse dicunt. E quibus apparet, diuersi generis esse ca-
pras. Lanifera illæ domesticæ sunt, & à nostratibus dif-
ferunt: nā minore sunt corpore, pusillisq; cornibus. Earum
villi albicant ut nix, longiusculi sunt, & capillis huma-
nis tenuiores. Nullam herbam inuenimus Ambrosia

frequentiore, adeo odoratam, ut capitis grauedine non minus induceret, quam si in cella vino musto plena versatus fuisset. Incola eam legunt ad ignem struendum, quia lignis carent. Eadem causa bubulum stercus desiccant, quemadmodum in Armour Britannia. Sunt autem ea campestria de quibus agimus, admodum deserta, cum & riuis & fontibus careant. Satis tempestiue in amplum pagum venimus nomine Sarameli, ubi vidimus scopas ex Ambrosia confectas, cuius manipulum in Galliam retulimus, pro re singulari: nam in Europa sponte non prouenit, quod sciam.

Bellonius satis attentè Alianum legisse non videtur: nam licet is auctor lib. 17. Historiæ Animalium cap. 34. de Capris Caspiis agat, quas albissimas esse scribit, & cornibus mutilas, quæ tamen de villorum mollitie eodem capite addit, capris non sunt tribuenda, ut Bellonius autumat, sed Caspiis camelis. Camelis, inquit, quoque Caspij abundant, quorum maximi ad equorum maximorum accedunt magnitudinem. Eorum villi adeo sunt molles, cum Milestis lanis ut mollitudine comparari possint, ex iisque sacerdotes & Caspiorum diuissimi præcipue vestes conficiant. Mirari autem subit, cur quæ de Lyciis capris idem auctor tradidit, non adscripserit. Ait enim in hunc modum lib. 16. cap. 30. eiusdem Historiæ: Callisthenes Olynthius capras scribit in Lycia densissimo & prolixissimo hirsutas esse pilo, ut muliebres crines implexi ab eis dependere videantur; passim tamquam oues, tonderi, ex eisdemque nauium fabros rudentes contexere.

CAP. CXIII.

De vrbe Iconio.

POSTRIDIE per campestria loca prosequuti sumus nostrum iter usque ad urbem Cogne, veteribus Iconium dictam, non procul ab altis montibus sitam, quam irrigant plerique riui ex iis montibus delabentes, & in magnum Car-bassara diuertimus. Illius urbis moenia ex vario lapidum genere sunt fabricata, ut Constantinopolitana, illorumque ambitus orbicularis est; turres vero illis impositæ, raræ sunt & quadrangule. Vetus autem non esse ipsius urbis moenia, facile conicere licet ex marmore è templis sublato, cui epitaphia Græcis characteribus inscripta sunt. Eam verò à Christianis aliquando possessam esse, cruces, & earum vestigia satis demonstrant.

strant. Pars urbis qua egressus est in planiciem, Orientem spectat: ad eam vero urbis portam qua inter Orientem & Meridiem vergit, marmoreus est Hercules turri vicinus extra mœnia, sed cui Turcæ haud pridem caput ademerunt. Octo habet fœcundæ portas ut Halepum. Habitat à Græcis, Turcis, Arabibus, & Armeniis. Vites istic diligenter coluntur, & generosum vinum à Iudæis redemimus. Elegantiores Iconij fabricæ, Mesquedæ sunt, Therma, & Car-bassara. Istic non vruntur alia ligna quàm Iuniperi maioris, Sabina alterius, pumilaq. Cedri utriusque, & Ledi: quæ (præter Ledum) cùm discernere inter se cuperemus, nulla vel diligentissima observatione potuimus; eiusdem enim odoris & saporis sunt, corticæque integuntur simili, non duro ut alia ligna, sed oblongis phyluris inuicem incumbentibus ut vitis, materia quæ corde rubro; reliqua alba ut in Siliqua & Taxo; similémque sumum reddentia dum vruntur, & similes carbones aquabiles ut tilia, laeuésque ut salicis: omnia resinam fundunt terebinthina duriorē, eandémque duritiem in cæsura habent; perpetuò omnia virent, fructumq. eodem tempore, hoc est, hieme maturant.

CAP. CXIIII.

De Turcarum aurifabris.

TURCÆ non minus sunt insani quàm nos circa aurifabrorum opera: sed illorum ex proba materia valida quæ fiunt. Annulis delectantur, & cultellis eleganter concinnatis, quorum vaginas auro vel argento exornant, & è catenula argentea suspendunt. Vulgaris est consuetudo cùm apud Turcas, tum apud Græcos, ut cultros è cingulo propendentes gestent: y magna ex parte in Vngaria confecti sunt, oblongumque habent manubrium: sed simulatque Turcici institores eos emerunt, opificibus tradunt, ut manubrio ex dente beluæ marina Mors quibusdam dicta, Gallis Rohart, adornent: eius autem dens

ris duo sunt genera; unum candidissimum, compactum, unicornu simile, adeo durum, ut vix lima, nisi ex selectissimo optimèque temperato chalybe constet, rodere possit: alterũ genus incurruũ est ut Aprini dẽtes, & Hippopotami dentiẽ esse arbitrati fuisset, nisi Hippopotamos viuos vidisset, qui similibus dentiũ non erant præditi. Manubria etiam addere solent ex Testudinis Indicæ operimento transparente aurei coloris, quæ ducato ferre æstimantur. Aurifabri laboraturi, humi desident, fornacemque propterea habent in media officina humi positam nullo camino, unicũque sollem orbicularem, quem attollentes & deprimentes instant. Biduo Iconij hæsimus; cũ ut iumenta mutanda conquireremus, necessariãque ad iter compararem; tum quoniam dies erat Natali Domini sacer. Deinde à meridie iter fecimus versus quẽdam montem qui superandus nobis erat. Nix verò densa decidit, quæ omnia operiens, fecit ut itineris duces aberraret. Conscenso monte, diu per Pinastri silvas iter fecimus, & in pagum perducti, in Car-bassara noctem traduximus. Subsequens dies nobis molestus fuit, cũ auræ ratione, tum quod alternis perpetuò adscendendum vel descendendum esset. Frequentes habet hæc regio incolas & pagos. Licet autem in hieme versaremur, Oxygalam tamen inueniebamus, edulium Turcis admodũ vulgare, præsertim æstate. Illam tabernæ perpetuò paratam habent in magnis lancibus; precium in singulas constitutum unicus asper, quæ quatuor Turcæ saturari queant. Non diu eo die iter fecimus quin montes egressi, in campestria Pamphylia perveniremus, quæ regio cum Cilicia, Carmania nunc appellatur, Sangiacorumq; septem sedes habet. Iter faciebamus inter elegantissimas fructiferas arbores humiles, urbem Angourri, veteribus Ancyra dictam, ad dextram relinquentes. Ea vrbs nunc est totius illius regionis celeberrima, propter panni undulati frequen-

quentissimum mercimonium, qui in ea sola vrbe textitur ex mollissimis villis caprarum, quæ in Ceticia & Pamphylia duntaxat reperiuntur. Deinde peruenimus in Achara, ubi in Car-bassara pernoctauimus.

CAP. CXV.

De vrbe Achara.

TYRCICÆ ditionis oppida, magna ex parte mercibus cincta non sunt, uti nec Achara Armenia minoris oppidum. Sepulchra istic saxea vidimus, Latinis litteris inscripta, quæ sub fontibus collocata, propter concantitatem, conseruanda aqua nunc seruiunt, ad aquanda peregrinorum iumenta. Situm est hoc oppidum apud latum & amplum stagnum, secundum quod diu iter fecimus: varij generis pisces in eo capiuntur, uti tunce, lucy, cyprini, brama. In nostra peregrinatione dietim iter computauimus, non per milliaria ut in Italia, neque per leucas ut in Gallia. Achara digressi, per eadem campestria iter prosequuti sumus, secundum colles multos pagos sitos conspicientes, cum ad dextram, tunc ad sinistram. Prandimus in exiguo quodam pago, in quo victui necessaria affatim reperimus. Noctu peruenimus in aliud oppidum Carachara nuncupatum, hoc est, Arx nigra, ubi huic nostræ peregrinationi finem ad tempus imposuimus. Quoniam porro istic hasimus, reliquâque hiemem, & magnam subsequens veris partem traduximus, per vicina loca obambulantes; multa ad Turcarum mores & viuendi consuetudinem pertinentia obseruare potuimus. Qui opificiū aliquod callent, melius semper apud Turcas excipitur quàm qui nullū nouit. Hinc fit ut è captiuis alij alijs sese facilius è seruitute liberet. Nā qui opifices sunt, breui redemptionis precium adquirere possunt: qui verò nihil callent, duram seruitutem seruire coguntur, quoniam eorū domini vel ad arandū ipsos compellunt, vel ad greges curandos ablegant. Ipsimet Ianissari maxima ex parte aliquod opificiū excercere norūt: nam
dum

398 P. BELLONII OBSERVATIONVM
dum in Androne adhuc pueri adseruantur, aliquam
artem edocentur. In summa, cum artes sint seruilis
conditionis hominum alumna; nihil istis prodest, no-
bili stemmate progenitum se profiteri. Plerique vi-
tam sustentant, panem recentem & calidum venden-
do, qui musto maceratus edatur: quoniam verò fa-
brica clibani quo vtuntur, non est vulgaris, illam hic
exponam. Magna habent fictilia vasa, iis similia
que nostrates mulieres usurpant dum lineos pannos
eluant, que Gallicè cuiers de terre, hoc est, cupas
fictiles, appellant: ea ad dimidiam altitudinem in ter-
ra recondunt. Cumque sint in imo perforata, canalem
orbicularem ad latus in terra faciunt, qui respondet
imo fictili. Transuersim autem iacente fictili, & ca-
nalem ad imi latus habente, lignum siue carbones in
imo repositi, facile flammam concipiunt, atque facile
vas calefaciunt vndequaque. Pistor qui farinæ mas-
sam fermentatam habet, tennes placentulas facit, eas-
que in tegete curua & fornicem emulante, ut pileus
larga, reponit; manum deinde in tegetem imponens,
placentulas fornici fictilis iam feruidi applicat, eaque
ratione placentulae pendentes facile coquuntur: pistor
autem cum unam placentulam iam coctam adimit, al-
teram coquendam eodem loco reponit: multæq; simul ex
vasis fornice ita propendent. Quo verò facilius eas exi-
mere queat, furculam habet unci modo incuruam,
quam sinistra tenens, placentulas propendentes ap-
prehendit, dextra autem longam spatulam habens,
eas decutit. Pistor porro prolixam barbam alere non
debet: nam facile à flamma adureretur. Incole igitur
has placentulas adhuc calentes emunt, & cum
musto edunt, proque deliciis habent. Hibernus verò
potissimum est cibus: nam estate fructus aliæque simi-
lia eduntur. Sed quoniam fusius de his omnibus libro
tertio

tertio agemus, nunc super sedebimus. Attamen antè
quàm earum rerum narrationem auspicemur; non ab-
sonum videtur, ut nonnulla de legibus quas Ma-
hometes suis asseclis dedit, in medium adferam; ut
faciliùs intelligi queat, barbariem & stoliditatem falsè
huius prophetae, miseram istam & rudem plebè seduxisse,
& ad suas leges traduxisse, quae tamen nihil sunt nisi ve-
ra somnia. Itaque finem huic secundo libro imponentes,
tertium auspicabimur ab evidentissimis Mahometis
deliramentis.

PETRI

PETRI BELLONII

CENOMANI

Singularium & memorabiliũ Rerum,
per varias exterasq̃ue Regiones
obseruatarum,

LIBER TERTIVS.

LECTORI.



VANDOQV IDEM de varia-
rũ nationũ, quas adiimus, mori-
bus, superioribus libris egimus:
opere precium facturos arbitra-
ti sumus, si tertio hoc libro sin-
gularia quædam circa Turcarũ viuendi con-
suetudinẽ, sicuti nos in Asiæ meditullio con-
stituti obseruauimus, explicaremus, pauca
tamen de deliriis quæ pseudopropheta Ma-
humetes in suo Alcorano illis scripta reliquit,
prius dicturi. Tametsi autem neque dies, ne-
que menses, neque etiã annos in hoc libro
indicauerimus, vt plerique alij qui sua itine-
raria descripsere: quisquis tamen ea requireret,
illum ad primi libri præfationem ablegamus,
istic, quo desiderium expleat, inueniet. Iam
enim virorũ fide dignorum & doctrina præ-
ditorum auctoritate demonstrauius, nobis
testes non defuturos, qui nostram peregrina-
tionem, de qua hîc agitur, sint asserturi.

CAP.

CAP. I.

De origine Turcicarum legum peculiaris
ratiocinatio.

AD Secundi libri calcem scripsimus, deliramenta esse quae Mahumetes in suo Alcorano tradidit. Cum itaque plurima de Turcarum moribus & institutis observandi ocium habuerimus, in Paphlagonia aliquamdiu versantes; necessarium esse duximus, nonnulla seorsim de Mahumete disserere, quae forsitan (quod omnium pace dictum volo) nostra lingua nemo hactenus prodidit; ut facilius deinceps demonstrare possimus, cur Mahumetani in eo vitae genere persistant, praesertim cum res sit nostro instituto accommodata.

Anno, ut fertur, Christi sexcentesimo vigesimo natus est Mahumetes Arabiae Felicis urbe Mecha nuncupata, quam Petram esse arbitramur, isticque Turcicae heresis primordia iecisse: anno vero sexcentesimo octogesimo tertio e vivis sublati. Turcae librum nomine Asear magna veneratione observant, totius vitae Mahumetis ordinem continentem. Is complectitur quidquid ab ipsa nativitate ad vitam usque exitum ille fecerit: nomen ipsius patri fuisse Abdola Motalip, matri Imina, utrumque idololatram: Abdolam periisse ante Mahumetis nativitatem, Iminam binis ab ipsius nativitate annis naturae concessisse, eaque ratione orphanum relictum. Mahumetem oriundum ex prosapia Ismaelis Abrahami ex Agar filij; Ismaelem templum in Mecha extruxisse, quod omnium primum à condito mundo fuit: Mahumetem quadriennem, cum aliis pueris ad piscationem progredi solitum: cumque solus in agro versaretur, angelum Gabrielem vestibus ornatum candidissimis, humana figura ad illum venisse, manumque ipsius apprehensam, post collum seduxisse, pectus illi acutissima nonacula aperuisse, cor ex-

6

mis-

misse, è quo nigram guttulam sustulerit (quam Turca
 asserunt omnibus inesse hominibus, in eaque daemones ten-
 tationis sedem collocare.) corq; ita expurgatum denuò in
 pectus recondidisse, ne vnquam postea a daemone tentari
 posset. Hac Asear liber de Mahumetis pueritia tradit.
 Deinde cum decimum quintum annum attigisset, sapius
 peregrinationes suscipere solitum, in Persiam, Mem-
 phim, Syriam, cum pradiuite & opulento negotiatore no-
 mine Gadisa, ipsius cognata marito, quo mortuo, illā ma-
 trimonio sibi coniunxisse, ex qua quatuor proles suscepe-
 rit, tres filias, vnicum filium, atque eam primam ipsius
 uxorem fuisse: negotiationem deinde affinis defuncti
 exercuisse ad annum vsque etatis trigesimum octauum:
 in solitudinem deinde concessisse, isticque vitam tradu-
 xisse, & singulis diebus in cryptam se abdidiisse non pro-
 cul à Mecha, vbi ad noctem vsque permanebat, tantāq.
 abstinentia utebatur, vt corpus vires deficerent: indeq.
 mente priuatum, multa insomnia & visiones habuisse,
 cumque neminem conspiceret, quasdam voces exaudisse,
 quas noctu suae uxori referebat: illam verò asseruisse, dia-
 boli tentationes esse: qua de causa in huiusmodi delirium
 incidisse, vt quodammodo furceret, atque ex montis fasti-
 gio sese precipitare constitueret. Deinde Alcorano suo
 initium daturus, Gabrielem angelum ipsum abs sua opi-
 nione diuertisse simulauit, formāque humana candidas
 alas habente ipsi apparuisse & dixisse: Alacris sis o Ma-
 humetes, animo; Deus enim tibi salutem denunciat, vult-
 que te ipsius esse prophetam: siquidem tu es omnium crea-
 turarum perfectissima. Præterea illi suum diploma an-
 gelum ostendisse, insissēque vt legeret: respondentem verò
 Mahumeti se legere nescire, angelum replicuisse: Tui
 Creatoris nomen lege, o Mahumetes, atque subito dispa-
 ruisse. Addit præterea Asear, Mahumetem summa la-
 tua affectum, domum rediisse, arborēque, saxa, & ani-
 malia

malia obuia, honore illum affecisse, eumq; salutādo dixisse: Dei nuncius futurus es, o Mahumetes. Quae omnia cum uxori narraret, fidem adhibere noluisse, immo dixisse demonis esse tētionem, quod adeo agrē tulit Mahumetes, ut in aduersam valetudinem incideret. Sed angelum ad ipsum lecto decumbentem venisse, & Alcorani secundum caput attulisse, in quo adscriptum erat: Surge, tuum Creatorem extolle, tuas vestes purga, & idola abhorre: tum uxorem euocasse, omniāque ista illi retulisse: verū illam censuisse, tentationes esse prioribus similes; qua re adeo commotus ipse fuerit, ut in grauiorem quā antea morbum incideret: at angelum media nocte ad ipsum rediisse, tertiumque Alcorani caput scriptum tradidisse: ex quo pristina valetudini restitutus fuerit. Cūmq; ipsius uxor diceret, angelum se libenter conspēturam: id haudquaquam fieri posse respondit.

CAP. II.

Qua astutia initio vsus fuerit Mahumetes, ut rudem plebem ad suam legem pelliceret: de quē iis qui ipsi in hac re auxilio fuere.

CUM Mahumetes nouam haresin institueret haberet in animo, satis felicem initio successum habuit: nam binos Christianos in Mecha inuenit, veteris & noui testamenti codices habentes, & in illorum lectione utcunque exercitatos, à quibus in condendo suo Alcorano magnopere adiutus fuit. Ipse porro cum varias provincias adisset, Syriam, Palestinam, Aegyptum, acriter peditus erat ingenio. Nam conscriptis aliquot capitibus (quae per angelum Gabrielem sibi missa dicebat ut Alcorano inderet) describenda exempla curabat, quae multis in Mecha clam dabat, ut ea memoria commenderent: nā illa nō nisi clam ab initio cōmunicare ausus fuit. Postquam verò potens quispiam uir Homar appellatus,

ipsius consanguineus, atque alter nomine *Vbecar*, cū ple-
risque cognationis vinculo sibi innectis diutius non latere
constituisent, *Alcoranum* in publicum proferre tenta-
runt: sed orto inter *Mecha* incolas ob eam rem tumultu,
maximāque eorum parte in *Mahumetis* necem conspi-
rante, in mentem venit, ipsum à demone obsessum à ple-
risque aestimari, ideoque sua insania relinquendum. Sed
cum mutato animo denuo coirent, ut illum carceri man-
ciparent, admonitus statim in aliud oppidum *Almedina*
dictum, bidui itinere à *Mecha* distans profugit, suisque per-
suasit, ut manu cinerum plena suorum equorum capiti-
bus inspersa, tantundem in aërem spargerent, frenaque
equorum illigarent, versumque *Alcorani* libro tertio,
cap. decimo octavo scriptum recitarent, non conspicien-
dos ab iis qui illos persequerentur. Hæc omnia de ipsius
fuga cap. secundo, libri primi *Alcorani* descripta sunt.
Cum igitur in *Almedina* commoraretur, magno se-
quacium ipsius numero roboratus, *Judeos* sibi tributarios
reddidit, postea maiore exercitu instructus, *Mecham*
occupavit, & sibi subiecit.

CAP. III.

Omnem Turcarum fidem in *Alcorano* à *Mahumete*
condito contineri.

SUPERSTITIOSI & stolidi omnes *Turcarum*
ritus ex *Alcorani* doctrina hausti sunt. Nihil verò
aliud significat hæc dictio *Alcoran*, quàm *Capitum* epi-
rome, siue *Psalmorum* collectio: dicitur & alio nomine *Al-*
forcan. Hic liber rhythmicè conscriptus in vocum conso-
nantia desinit: adeoque rigide observatur, ut si quis *Turca*
vel unicam litteram immutet, vel accentum, lex inbeat
illicò lapidibus obrui. *Mahumete* autē viuo, eam seriem
& ordinem nondum adquisierat quem nunc habet; sed
eo è vinis sublato, alter è generis *Osman* vocatus, tertius
ab

ab ipso Rex, ipsius omnia scripta arcula inclusa, in ordinem redegit; & per capita distribuens, quatuor libros fecit. Primus liber quinque habet capita: Secundus duodecim: Tertius nonem & decem: Quartus centum & sexaginta quinque. Omnia ista capita Alcorani propriis nominibus sunt insignita, numerumque ducentorum & unius explent. Hunc Alcoranum tanta in veneratione habent omnes Turca, ut deosculentur, amplectanturque, & per illum iurent; eumque gloriosum librum appellent. Omnes leges & instituta quae unquam Mahumetes Turcis tradidit, complectitur, cum quae credenda & facienda, tum quae in altero seculo bonis & malis speranda, atque quae ne bibantur vel edantur sunt prohibita. Dum illum conderet Mahumetes, partem ex nouo, partem etiam ex vetere Testamento suffuratus est: ut ex his quae de Mundi creatione scripsit, apparet. Nam istic recenset, Adamum & Euam post peccatum admissum, à Paradiso eiektos, in terram venisse; angelos peccasse; quid quod peccandi ansam illis praeberit. Ait praeterea, Deum misisse Moysen, ut Iudeos à Pharaonis captiuitate liberaret; quid acciderit Aegyptum egressuris; qua ratione mare rubrum transferint, in quo submersus fuerit Pharaos; ut ipsi peccarint, falsos Deos sibi fabricantes, & Vitulum adorantes; atque ut illis sit Lex tradita. Insuper agit de Christo & D. Virgine, de Natiuitatis mysterio, vita, miraculis Christi, de ipsius Euangelio, & mandatis quae dedit. Primo namque libro cap. 1. aliisque multis locis, de Iesu Christo Domino nostro perhibet quae sequuntur: Nos Deus scripturam dedimus Iesu Christo, & Spiritu sancto illum adiuvimus. Et primo capite libri secundi dicit Deum Mahumeti Alcoranum tradidisse, Iesu vero Christo Testamentum & Euangelia, in legem plurimorum. Capite autem secundo libri primi, D. Virginis Conceptionem fuse tractat, atque totam fere

Elizabethe visitationem recenset. Hoc loco dicunt Alcorani interpretes, Christum cum matre duntaxat à demonis tentatione immunes fuisse, ipsamque sine originali peccato vixisse concedunt. De Christi natiuitate, deque salutatione & vniuerso annunciationis mysterio expresse meminit cap. 1. libri tertij. Atque tres excellentiæ Domino nostro tribuuntur in Alcorano; prima cap. 2. lib. 1. Iesum Christum corpore & anima in celum ascendisse: altera, quòd illum Dei Verbum appelleret: tertia cap. 3. lib. 1. quòd Dei Spiritum ipsum nuncupet. Hæc Alcoranus nemini vnquam attribuit, nec Mosi, nec Davidi, nec Abrahamo, nec ipsi Mahumeti. Addit cap. 2. lib. 4. Iesum Christum humani cordis secreta cognouisse, mortuos suscitasse, deploratos morbos curasse, cæcis visum, mutis linguæ vsum restituisse: ipsius etiam discipulos miracula edidisse naturam superantia. At Turcæ, suæ hæresis patrocinio fauentes, hæc omnia non ad Christi, sed ad sui Mahumetis laudem exponunt.

CAP. IIII.

De diuersis sectis quæ inter Mahumeranos de ipsorum religionisubortæ sunt.

PRÆTER Alcoranum obseruant Turcæ alterius libri præcepta, qui Zuna, hoc est, Iter, siue Lex, sius Consilium Mahumetis dicitur. Is liber ab ipsius morte primum à discipulis eius conscriptus fuit. Cum autem per multorum manus vagaretur, nonnulli quidpiam aduiciebant, alij demebant, pro ipsorum arbitrio: ut tandem pleraque adeò confunderentur, & tot contradictiones in illo libro reperirentur, ut quæ Mahumetes affirmatiue dixisset, in eo negatiue descripta essent: eam ob causam tanta dissensio in ea heresi suborta est, ut Alcalph, hoc est, Rex qui tum illi genti dominabatur, omnibus Mahumetanis præciperet, ut omnes

omnes in Alcoranobene versati, proprio nomine Alphachi appellati, Damascum conuenirent, & delatis eò omnibus suæ legis scriptis, Concilium haberent. Ex ducentis qui conuenerant, sex Alphachos, hoc est, peritos delegit, quorum primo Mufzlin nomen fuit, secundo Bochari, tertio Buborayra, quarto Annecey, quinto Atermindi, sexto Dent. Hos in locum quò illati erant quotquot reperiri potuerant libri, induxit, ut ipsos examinarent. Singuli ex variorum scriptis librum compilarunt, quem Regi Alcaliph obtulerunt: Ille aliis eruditis euoluendos tradidit, reliquos omnes in Damasci amnem Chrysorrhœas Latine appellatum, Arabicè Adegele, abuci iussit, ea ratione soli sex illi libri, quibus Zuna nomen inditum, ex ducentorum camelorum onere conseruati sunt: reliqui in amne perierunt. Rex porro omnibus Alphachis, hoc est, Theologis Mahumetanis præcepit, ne, quis in posterum ullâ Mahumetis auctoritatē in medium proferret, nisi ex illis sex Zuna libris petitâ. Postea verò Mahumetanus Theologus quidam in Epitomen contraxit sex illos libros, quæ Liber florū appellatur. Turcæ eadem obseruantia colunt Zuna libros, quæ Alcoranum, propterea Alcalipham illum sanctum virum æstimant. Tamen si autem tot Theologi in sex illos libros contraxerint quidquid in innumeris illis libris continebatur, cum tamen multa adhuc in illis contrarietates reperiantur, varia inter illos sunt orta schismata. Ab illo enim tempore quatuor diuersæ opiniones exortæ sunt, quarum unâ amplectentes Persæ, Turcæ aduersi sunt, seque mutuò hereticos appellant: atque nisi Turcæ potentia, ob victorias quas adeptus est aduersus Babylonie Sultanum, quodque Syriam, Aegyptum, & Mesopotamiam sibi tributarias reddiderit, plurimum eas opiniones vnisset, varia aliæ exortæ fuissent, propter linguarum diuersitatem. Turcæ credunt Alcoranum vnica nocte compositum fuisse: alij

menſe integro occupatum in eo condendo Mahumetem: eaque res magnam auctoritatem Alcorano conciliauit. Sed errant: nā ipſe Mahumetes fatetur, tredecim annos Almedina, decemque Mecha, in eo componendo impendiſſe. Sed & ipſa capita dilucidè id demonſtrant: quædam enim Medenia vocantur, alia Mechia.

CAP. V.

De poenarum Inferi formidine quam Mahumetes Turcis incuſſit: & de eorum ſepultura.

QVEMPIAM ſepultura tradituri Turcæ, primū cadaver abluunt, deinde ſindone inuoluunt: ſed quæ ad caput & ad pedes eſt partem non conſuunt, ex Mahumetis præcepto, qui ait, ſimulatque cadaver terra reconditum eſt, duos angelos, atroſ Mongir & Guanequir appellatos, aduenire, alterum ferro malleo præditum, alterum unco, qui cadaver in genua ſiſtunt, animamque in corpus reponunt, non ſecus (inquit Alcoranus) quā ſi quiſpiam interulam induat: tum angeli morituum interrogant, ſi Mahumeti crediderit, eiſque præcepta ritè obſeruauerit; ſi bona opera dum in uiuis eſſet fecerit; ſi Turcarum Quadrageſima, ipſiſ Radaman nuncupata, ieiunauerit; ſi ritus Zala coluerit; ſi decimas perſoluerit, & eleemoſynas egeniſ cōtulerit. Si deſunctus plenā rationem actorum angelis referre quinerit, ab illo diſcedunt, aliique bini illico ſuccedunt candidi ut nix, eorūque alter ipſius capiti brachia ſupponet puluinaris vicem ſupplens, alter pedibus ipſius aſſidebit, eūmq. ſic tuebuntur ad extremum uſque iudicium. Sin autem deſunctus atris angelis actorum rationem reddere nequibit, quòd uidelicet Mahumeti nō crediderit, & huiſcemodi alia: liber Zuna refert, atrum angelum ferro malleo præditum, deſuncti caput tam validè malleo ferire, ut illud nouem orgiis ſub terram impellat; & neutrum ceſſaturum, hunc malleo ferire, alterum uncis ferreis deſunctum

functum torquere ad extremum usque iudicii diem. *Eam* ob causam Turcæ defunctorum cadaueribus, croco nomen inscribunt, sepulchraque concava faciunt, ut locum habeant, quo se in genua prosternere queant: imò nonnulli foveis ligneas tabulas superimponunt, ne terra oppleri possint. Hæc Turcis tantam formidinem incusserunt, ut in matutinis suis orationibus hoc semper aduciant: Domine Deus, ab interrogatione duorum angelorum, sepulchri tormento, & malotinerere me libera, Amen: imò preces quæ ab utriusque sexus Turcis in cimiteriis ad defunctorum sepulchra fiunt, eò referuntur, ut defuncti ab interrogatione atrorum angelorum liberentur.

CAP. VI.

De variis aliis nugamentis & deliramentis quæ Mahumetes de extremo Iudicio scripsit.

CUM Mahumetes in suum Alcoranum plerisque Bibliorum locos transtulerit: nonnulla etiã de Mundi creatione inseruit, Adamique historiam, quem Dei ipsius manu è pura terra fabricatum, & vitalem spiritum in illum infusum ait: sed per ipsius transgressionem omnes posteros morti destinatos. De extremo Iudicio ait, sub Mundi finem cornu inflatum iri, tumque superstitēs homines & caelestes angelos morituros: deinde cornu denuò inflandum, ad cuius sonum homines & angelos reuicturos. Insuper scriptum est cap. 5. libri 1. omnes quadrupedes & aues vitæ restituendas in die Iudicii: arietes item qui die Paschæ, Bairan ab ipsis appellati, mactantur, paradysum in extremo iudicio, teste Zuna, ingredientur; isq; qui ab Abraham filij sui Isaac loco immolatus est, per quadraginta annos in paradiso educatus fuerat, nigërque erat, & ab angelo Gabriele delatus. Hinc fit ut Turcæ multos arietes ingulcent, quos die Paschæ sacrificent, tametsi vnicus ex præscripto & obligatione sufficiat: nam liber Zuna dicit, omnes arietes à

C S Tur-

Turcis propter Pasche sacrificium iugulatos, in extremo iudicio pro iis qui ipsos iugulandos curarunt, oraturos. Alcoranus porro capite primo libri primi refert, binos Angelos caeuerna quadam in Babylone includi, & è superciliis pendere, torquendosque ad extremum vsque iudicium. Glosa autem hoc loco addit, Deum binos Angelos Babylonem misisse, qui de incolarum controuersis iudicarent, singulisque diebus mane è caelo descendere, sub noctem verò calum repetere solitos: quodam autem die in formosam mulierem incidisse, quae de marito querebatur, eamque sic illis placuisse, ut de concubitu sollicitarent, ipsam annuisse, ea conditione ut orationem edocerent, cuius virtute in calum conscenderent: mulieri obsequentes, orationem docuisse: quam simulatque memoria mandasset, in calum euolasse: angelosque, ob peccatum, orationis efficacia priuatos, in calum amplius conscendere non potuisse, sed in terra haesisse. Deum porro poenarum in hoc vel in altero saeculo luendarum optionem ob peccatum illis obtulisse: cum in hoc saeculo luere mallerent, eos ad iudicii vsque diem ut è superciliis penderet, adiudicasse. Ab iis Angelis addit Alcoranus, illius regionis homines Necromantiam edoceri. Cap. autem 19. lib. tertijs scriptum habet, Deum stellas in caelo fixisse, cum ad huius mundi ornatum, tum ad arcendos malignos spiritus: quos, dum calum propius accedere volunt ad paradisi secreta exaudienda, singulae stellae cum accensa face fugant. Liber Zuna verò, stellas in aëre è catenis aureis pendere ait, ad excubias agendas: nam alioqui demones paradisi secreta captatum venirent, ut ea hominibus coniectoribus reuelarent.

CAP.

CAP. VII.

Amnena in paradysum profectio, quam Mahumetes noctu dormiens se confecisse fingit: & insignes nugæ quas de Turcarum paradiso refert.

MAHUMETES noctu dormiens, visionem habuit, quam postridie narrauit & descripsi: ea omnibus suis posteris magnum commodum attulit, ut in articulis à Deo illi (ut ait) concessis videbimus. Dum igitur cum Axa una ex undecim quas habuit mulieribus, quamq; præ reliquis diligebat, iaceret; media nocte euigilans, somnauerat quempiam suas fores pulsasse, atque (ut ipse ait) surrexisse ut aperiret, angelumque Gabrielem istic reperisse bis septuagenis alis nunc candidioribus, & cristallo lucidioribus amictum; qui animal apud se haberet lacte magis album, asino maius, mulo autem minus, quod Arabico nomine Alborach appellat. Libro Asear nuncupato scriptum est, angelum Gabrielem in Mahumetis amplexus ruisse, atque dixisse; Ad te salutandum Deus me misit, ô Mahumetes; mihiq; iunxit, ut te hac nocte in paradysum abducerem, ut maxima, quæ unquam ab homine conspici potuerunt, secreta videas. Mahumetes respondit se paratū esse Cui Angelus: Conscende ergo Alborach, & abeamus. Verū Alborach retrocedenti dixit angelus. Cur Mahumetē se ssorē admittere non vis? Hoc tibi certō affirmare possum, neminē Mahumete meliorē unquā conscēdisse, nec cōscensurū. At Alborach negavit se eū admissurū, nisi primū polliceretur se in paradysum inuecturū. Mahumetes tū respondit, ipsum futurū primū animal quod paradysum ingressum sit. Mahumetes illicō conscendit; frenūque tenente Angelo, tota nocte versus Hierosolymam iter fecerunt. Addit Asear, Mahumetem in itinere femineam vocem exaudisse enocātem, Mahumetes, Mahumetes; Angelūque dixisse: Cur non respondes? At ipsum tacuisse. Deinde longius pro-

progressum, aliam vocem audiuisse clamantem, Mahumetes, Mahumetes : Angelum autem vetuisse ne responderet : Mahumetem porrò Angelũ interrogasse, quanam essent istae mulieres quae eum appellassent ? Cui Gabriel : prior ea est quae Iudaorum legem euulgat, cui si respondisses, omnes Turcae facti fuissent Iudaei : altera illa est quae Christianorum legem promulgat, cui si à te responsum datum fuisset, omnes Turcae Christianismum amplexi fuissent. Breui post in Hierosolymitanum templum aduenerunt : quod ingressi, omnes prophetae & Dei nuncij qui unquam in orbem missi fuere, ipsis obuiam progressi fuere, Mahumetemque his verbis exceperunt : Salue verorum nunciorum gaudium, & honorabilis propheta : eumque in aërem sublatum, in intimum sacellum cum solenni pompa detulerunt, seque illi commendantes obsecrarunt, ut pro ipsis oraret, ipsorumque meminisset cum Deum alloqueretur. Templum egressi, Mahumetes scalam inuenit Dei lumine constantem, atque ad calum vsque pertingentem, quam, ipsius manu à Gabriele comprehensa, conscenderunt. Ad primum calum peruenientes, quod ex puro argento constat, & ex quo stellae dependent catenis ex obriso auro fabricatis alligatae, eius magnitudinis cum Nohomonte vrbi Almedina vicino, Gabriel fores pulsauit : interroganti ianitori quis feriret, Ego, inquit, angelus Gabriel, & Mahumetes propheta & Dei amicus : audito Mahumetis nomine, illicò aperta fuerunt fores : istic canum senem inuenerunt, Adamum, qui Mahumetem amplexus, Deo gratias agebat, quod tali filio illum donasset, multumque se Mahumeti commendauit. Vtteriùs progressi, variae formae angelos inuenerunt, ut bouum, hominum, equorum, anium, inter quas gallus fuit pedibus primum calum premens, & capite secundum calum attingens.

Inter-

Interroganti Mahumeti quid ista sibi vellent, angelus respondit, angelos esse qui pro iis qui in mundo sunt, Deū orant: humanaq; forma angelos pro hominibus orare; bubula pro bobus, equina pro equis; gallinacea pro gallis: atque cū ingens ille gallus caneret, reliquos gallos cū caelestes tum terrestres canere. Deinde ad aureum celum venientes, fores pulsarunt: ianitori inquirenti qui essent, Gabriel respōdit: Ego & Mahumetes: illic ingressi, undique Dei & Mahumetis nomē inscriptum hac ratione viderūt: Nemo alius est prater Deum, cuius Mahumetes est propheta: Noëque incanum repererunt; qui Mahumetem amplexus, se se illi commendavit. Postea admiranda formæ angelos conspexerunt, quorum unus pedibus secundum celum calcabat, & capite tertium attingebat, alterā manum in Oriente, alterā in Occidente habebat. Inde in tertium celū ingressi sunt, ex precioso lapide cōstans, ubi reperto Abrahamo, ingentem angelorum numerum viderunt, quorum unus inter utrumque oculum septuaginta dierum itineris intervallum habebat, manuq; librum tenebat, in quo omnia scribebat & expungebat, isq; angelus mortis nuncupabatur, homines nascentes libro inscribēs, & morientium nomina expungens, Inde porrò in quartum celum Smaragdo constans delati, reperto istic Ioseph Iacobi filio (qui salutato Mahumete se ipsi commendavit) atque magno angelorum numero, quorum unus, procerus admodum, hominum vicem, qui propter peccata ad inferos descendebant, deplorabat. Postea in quintum celum adamantinū pervenerunt, ubi Moyses Mahumeti se commendans, maiorq; angelorum numerus quàm in reliquis celis. Hinc in sextum celū ex carbunculo siue pyropo fabrefactum, ascenderūt, ubi D. Joannes Baptista, qui Mahumeti se se commendavit. Postremò in septimum celū, Dei lumine constans, venerunt, ubi reperto Iesu Christo, ipsi Mahumetes se commenda-

vit,

uit, & conspecto istuc maximo Angelorum numero, Angelus ipsum reliquit. At ille per difficilia loca ascendens, ingentem aquarum & niuium quantitatem inuenit, & mirum in modum fatigatus, caelestem vocem exaudivit, dicentem: Saluta tuum Creatorem, ô Mahumetes; non procul enim ab illo abes: tum lumen adeò ingens illum circumfulsit, ut oculorum ipsius aciem turbaret. Ait Deum rectam habuisse faciem septuagesies mille lineis pānis, Dei lumine constantibus, atque abs illo abfuisse gemino duntaxat balistae iactu: Deumq; ipsius umbra manum imposuisse, unde ingens frigus senserit: Deum præterea ipsum hoc loco alloquutum, multa illi Legis præcepta dedisse, atque plurima secreta reuelasse. Addit Asear, Deū quinque donis Mahumetem affecisse, quæ in nullum mortaliū unquam contulisset. Primum, Mahumetem sublimiorem esse creaturam quæ in calo aut in terra esset. Alterum, ipsum esse excellentissimum & generosissimum omnium qui ab Adamo fuerunt, atque ad extremum usque iudiciū futuri sunt. Tertium, ipsum esse uniuersalem redemptorem, hoc est, peccatorum cōdonatorem. Quartum, omnes linguas callere. Quintum, ut bellorum spolia ipsi tribuantur: quo dono ipsius posteri maximè gloriantur. Scriptum habet præterea Asear, Mahumetem descendisse eadē via qua ascenderat, quæq; ipsi acciderant, Gabrieli angelo enarrasse: angelū autem dixisse; O Mahumetes, Deus iniunxerat, te in hunc locum perducerem, ut eius omnia secreta conspiceres. Nunc autem ad Inferos descendamus, ut inferna secreta etiam videas, utq; homines à demonibus torquentur. Omnia hæc inscripsit Mahumetes suo Alcorano: è quibus liquet crassi fuisse hominem ingenij. Describens porrò Paradisum quem suis pollicetur, quinque rebus præditum esse refert, ædificiis, suppellectile omnis generis, cibo & potu, vestibus, elegantiq; formæ mulieribus, cum quibus voluptatem capere possint;

gene-

generosis item equis ephippia, & frena gemmis exornata habentibus. De Inferis refert septem inesse portas, demonesque esse varij generis, quosdam ferreis catenis vinctos, alios veru ferreo transfixos, homines autem perpetuo colligatum plumbum bibere, putridisque cibis, & malis vesci quae vera sunt demonum origo. Quae omnia eo retulimus, ut Mahumetem cum huiusmodi nugae describeret, exiguo indicio prae dictum fuisse demonstrarem.

CAP. VIII.

Cur Mahumetis lex Turcis permiserit, ut se cum feminini sexus mancipiis, cuiuscunque tandem sint religionis, permiscere possint.

INDIFFERENTER hodie sese commiscet Turca feminei sexus mancipiis, nulla habita an Christiana religionis, an Iudaica, an idololatra sint, ratione; quod viro etiamnum Mahumete illis lege concessum fuit. Cum enim Mahumeti, qui plures habebat uxores, donata fuisset à Iacobitarum Rege elegans Iudaea virgo, illico ipsius amore flagrauit, nec abstinere potuit quin illam comprimeret. Quod animadvertentes ipsius uxores, ferre nequiverunt, repudiiumque minitatae sunt, si perseveraret: cum autem ille non abstineret, scandalum illi creatum est: nam duae uxores ab illo secesserunt, & rem, ut gesta erat, per Mechā sparserunt. At ille, ut erat vigilans, remedium huic rei illico quaerendum existimavit. Itaque novum caput suo Alcorano addidit, ut videlicet omnibus ipsius legem observantibus, indifferenter liceret cum feminei sexus mancipiis, non secus ac cum legitimis vxoribus commisceri: eaque lex initio capituli libri quarti Alcorani indita est, quod etiamnum nomen obtinet, Defensionis caput; eiusque sunt verba: O Propheta, quoniam tuis vxoribus placere volens, licita prohibere voluisti, scito Deum permittere, ut hominibus licentiam praebeas cum feminei se-

ius mancipiis concumbendi. Hanc legem clam credidit nonnullis ipsius vxoribus, quæ subito illam euulgarer: addebátque: Attamen vos mulieres, si poenitentiam coram Deo egeritis, magnam utilitatē adsequemini. Sin à Mahumete repudiata manebitis, ipsius Creator alias dabit ipsi vxores cum virgines tū viduas, in ipsius legē credentes, & illi obsequētes. Promulgatā hanc legē Mechani viri facile receperunt, Mahumetisque causæ patrocinati sunt: accesseruntque Mahumetem repudiarum vxorum cognati, ipsum obsecrantes vt vxores reciperet. Quo successu valde letatus est; nihil enim aliud optabat; tametsi se eas recipere nolle simularet. Ex illo tempore Turcica mulieres sine zelotypia cum mancipiis habitāt. Licet autem Turcis vel centum mancipia feminei sexus habere: at legitimas vxores duntaxat quatuor.

CAP. IX.

Breuis paradisi quem Mahumetes Turcis pollicitus est, narratio; quamque ridicula sint quæ de eo recenset.

DE materia ex qua calum compositum sit agens Mahumetes, ex fumo illud Deum creasse, aut, atque firmamentum in bubuli cornu cuspidē stabilitum: agitante, se aut succutiente boue, terramotum fieri, quoniam vniuersa terra ipsius corpus incumbat. Mille alias huiusmodi nugæ Turcæ nunc credunt, quas Mahumetes illis perhibuit; atq. inter reliquas, septē esse paradiso, auro argentoq., vniouibus & gēmis exornatos, in quibus palatia iis quæ hic exstructa sunt lōgē elegantiōra, magna coclania atriāq. habentia: hortos præterea omni fructiferarū arborū genere cultissimos, fontēsq. & amnes palatia alluere, modò ex puro lacte constantes, modò ex optimo melle, tum etiā nonnullos ex dulci vino: in medio vero paradiso arborē esse, totū illū inumbrantē, ramosq. suprà muros spargentem, quorum folia ex puro auro argentoque constant, singu-

singulâq. Mahumetis post Dei nomen, inscriptum habet, Inde factum ut vſitatissimam suam orationem subinde repetât hoc modo: Le illehe ille allah Mahomet razolollach. Quâ orationē si Christianus imprudēter pronuntiaret, aut moriendū illi esset, aut Turcicæ religioni nomē profitendū. Ex Alcorani præterea doctrina credūt, quod Turcæ in paradiso ridebunt, & voluptati indulgebūt, procul valere inſſis mœstitia & solitudine, semperque letabūdi anleis & lectis sericeo coccineoq. pāno exornatis insidebunt; equorū ephippia & alia ornamenta ex gēmis adornata habebūt, quodq. pueri nō minus elegantes quā gēma auro incluse, sericeis, coccōq. viridi splendētibus, auratisq. vestibus induti, illis ministrabūt aureis atq. argēteis poculis. Expleta autē fame & siti, iudē pueri crura, manus, brachia, & aures gēmis, annulis aliisq. clenodiis exornata habentes, singulis Turcis in aurea lance ingens malū citriū præbebunt, quo ab ipsis accepto, & naribus admoto ut odorentur, illic exorietur venustissima virgo, elegātibus vestibus ornata, quæ Turcā amplectetur, illēq. vicissim eā: atq. in mutuis amplexibus per quinquaginta annos hærebut, voluptatīq. indulgebūt. Quinquagesimo anno expleto, Deus illis dicet: Quādoquidem, o mei famuli, genio indulſistis in meo paradiso, meā faciē vobis ostēdere volo. Tū velū à facie amouebit. Turcæ autē corruēt præ huius luminis fulgore: quibus Deus deinde: Surgite mei famuli, & mea gloria frui mini: nunquam etenim amplius moriemini, neque mœrore afficiemini. Illi autē capita attollentes, Deū facie ad faciē videbunt, & comprehensam singuli suam virginem, in suum cubiculum abducent, ubi victui necessaria inuenient, isticque genio indulgentes, voluptatēque ex sua virgine capientes, sine mortis metu vitam in letitia traducent. Hac Mahumetes & alia pleraque deliramenta de suo paradiso tradit: ex eāque narratione de pueris & virgibus

nibus quas in paradiso creatas esse ait, & muro inclusas, occasionem Turcas jumpsisse autumo condendi suas illas fabricas quas Serraglio appellant. Addit autem, quòd si aliqua existis virginibus intempesta nocte locum muris conclusum egrederetur, non minus quàm Sol, mundum illustraturam: si verò in mare spueret, aquam ut mel dulcem futuram. Ceterum antè quàm narrationem de Turcico paradiso absolvamus, fabulam de symposio quod Mahumetes sanctioribus Turcis à Deo exhibitum fuisse ait, recitabimus. Primum dicit, Deum Gabrieli mandasse, ut claves adferret, quibus paradisum aperiret, earum autem septuaginta millia in angeli cura esse, singulasque claves septies mille milliarium longitudinis esse. Cum verò Gabriel tanti ponderis clavem tollere non posset, Deo indicavit: cui Deus, *Inuoca meum & mei amici nomen.* Quibus nominibus inuocatis, clavem facile sustulit, & paradisi fores aperuit; in quo mensa adamantina inerat, septies centena millia diei itinerum longa latæque, in cuius ambitu erant disposita aureæ & argenteæ sellæ. Deinde addit Turcas mensam stratam inueniuros, mantiliæque sericeis & aureis filis contexta, sediliæque quibus insideant, puerosque supradictos in hac symposio ministraturos, variique generis cibos præbituros, & fructus, vinumque & aquam è paradisi amnibus haustam pocillaturos: pro bellariis autem citra illa quorum antè meminimus, daturus. Absoluto Dei symposio, pollicitus est Mahumetes etiam epulum. Fons porro est, ipso perhibente, in paradiso, cuius aqua niue candidior, mellèq. dulcior est, longitudine & latitudine septuagies millena diei itinera comprehendens, ubi plura vitra pateræque sunt, quàm in celo stellæ. Hunc fontem Deus Mahumeti donavit, quo Turcæ ingredientibus, sitim sedent, quæ in æternum deinde ipsis non erit molesta. Egressus autem fonte Mahumetes, in infernum descenderet, delecturus probos omnes

Tur-

Turcas, qui aliquam pœnam commeriti erant, quos, ut plenam remissionem consequantur, in prædictum fontem deferet, & ut atrum colorem, quem in inferno ex ustulatione contraxerunt, deponant, ipse illos aqua fontana abluet, ninèque candidiores reddet, deinde in aliorum Turcarum paradisum transferet. Turcici concionatores aiunt Mahumetem in arietem transmigrandum, Turcas verò in pulices, quos ex inferis in paradisum transportans istic excutiet, ut pulices cadentes, aliorum Turcarum formam denuo recipiant.

CAP. X.

De Turcarum connubiis: & cur illis data licentia quatuor simul uxores ducendi.

HODIERNO etiamnum die Turcis, & Mahumetis lege initiatis, ex vetere instituto, plures quatuor uxoribus ducere non licet: vivus enim adhuc Mahumetes suis affeculis quatuor legitimarum vxorum usum concessit: ex lege autem in suam met gratiam condita, quotquot voluit uxores ducere potuit. Ex Asearis libro constat, quindecim uxores eum habuisse, præter ingentem mancipiorum feminei sexus numerum. Legem condidit, quæ & hodie observatur, de mulierum equalitate, ut eadem ratione omnes vestibus, cibo, potu, & cubili tractarentur: si quid secus fiat, quæ iniuste secum agi existimat, apud Indicem cõqueri, & maritum in ius vocare potest. Eã ob causam, Turcarum Imperatoris vel Basse alicuius filia maiore apud maritum privilegio hodie non gaudet, quàm infimæ sortis cuiuspiam filia: nam propter lenissimam causam matrimonio renunciare queunt: conquirente enim apud Cadi aliqua, si maritus deferere illam vult, iam solutum est matrimonium. Mahumetes adhuc vivus legem condidit, ne cui desertas à se uxores matrimonio sibi iungere liceret: dinortium autem renunciare uxori in ea regione, perinde ferè est, atque in Gal-

d 2

lia

lia ancillam dimittere. Præcepit etiam Mahumetes, ne ipsius uxores (tametsi nouem adhuc moriens haberet) ab eius morte cuiquam nuberent. Scriptum est in libro quodam Arabico, cui titulus, De bonis moribus Mahumetis, illum à virtutibus & virum robore extollente, eadem hora undecim suas uxores subsequenter cognoscere gloriari solitum. Condidit etiam legem, quæ & hodie obseruatur, ut si quis uxorem ter repudiauero, non possit deinceps illam recipere, nisi prius cum alio concubuerit. Hæc porro quatuor Turcis sunt prohibita; ne sanguine vescantur, neq. snilla, neq. iis quæ idolis sunt immolata, neq. suffocatis. Vno Mahumete, atq. etiã aliquam diu ab eius morte, mancipia quæ ipsius doctrinam amplectebantur, libertatem consequuntur; quoniam primus qui in ipsum credidit, mancipium fuit; etenim se libertate illum donaturum pollicitus erat, si in ipsum crederet. Zuna liber monuit legis qua sanctum erat, ut omnia mancipia Iudaica, siue Christiana religionis, religionẽ suã abiurãtia, & Mahumetanam amplectentia, libera fierent, etiam invito domino: at ea lex hodie non obseruatur. Nostratum vulgus Mahumetis cippum in aëre pendere existimat, lapidis magnetis vi atque efficacia: attamen id recentiorum inuentum non est: nam Plinius simile quidpiam cap. 14. libri 34. de magnete scribit. Eodem, inquit, lapide Dinocrates architectus Alexãdria Arsinoës templum concamerare inchoauerat, ut in eo simulacrum eius è ferro pendere in aëre videretur. Hæc autem de ridiculis Mahumetis nugis dicta sunt; nunc de Turcis agamus.


CAP. XI.

Liberos educandi apud Turcas ratio.


MIRAM, sed facilem tamen infantes educandi rationem habent Turcæ: nam licet infantes muniant vndique & fasciis inuoluant, podicem tamen illis nudum relinquunt. Etenim illorum cuna alueum siue fundum habent

habent coriaceum, bene tensum, in quo rotundum foramen faciunt, cui infantis nudas nates imponunt; deinde fictile aliquod ampli oris sub eo foramine adhibent, quo infantium excrementa excipiantur: eam ob causam tot cunabulis non egent atq. nostri infantes, neque ita immundi sunt, neque tantā in educando molestiam exhibent: Et licet succrescendo adeo robusti euadāt, ut sine adminiculo ingredi incipiant, quiescere tamen non permittuntur, nisi foramini cunarum impositi, donec aluum continere non erint. Cum autē fasciis inuoluti sint, superiora inuolucra permeierēt, nisi huic rei prouideretur. Idcirco buxeos tubulos, in infantium usum factos, digitis crassos, sex longos, concauos, & ab una parte incuruos, apud institutores emunt, qui duorum sunt generum: alij enim masculis infantibus subseruiunt, alij puellis. Mascu-
lorum supernum foramen rotundum habent hac figura,

Masculorum tubulus.



Puellarum tubulus.



Puellarum autem longius, hoc est, supernum foramen latius in longitudinem excavatum est, ut hac altera figura demonstrat.

Difficile autē intelliget rem qui eos tubos applicandi rationem ignorat. Cum igitur masculis infantibus tubum applicant, extrema mentu-

le parte laxiori tubo imposita, longiorem tubuli partem inter crura ductam faciunt ut foramini cunarū respondeat, quo urina in idem fictile quo excrementa excipiuntur, defluat. Eadem ratione puellarum tubuli applicantur; ducta enim eius longiore parte inter crura, ut urina in vas cunis subiectum defluat, efficiunt. Hac consuetudo optimē Turcis conuenit, qui perpetuò in auleis sedere solent, alioqui ipsorum liberi omnia conspurcarent. Nullus

422 P. BELLONII OBSERVATIONVM
 est apud eos pultis usus; eiusmodi enim alimenta infantibus præbere non solent, qualia nos in Europa. Mulieres nihil illis aliud præbent quam mammam, donec unius sint anni, aut decem mensium; eaque consuetudo vulgaris est omnibus Orientis nationibus, quæ nec pulte nec lacte animalium suos infantes alere solent: & ne tam remota petamus, ipsimet Itali magna ex parte nihil aliud suis infantibus præbent præter mammam, donec annum ætatis expleverint; nutrices deinde quod ipse edunt, in infantium os ingerunt, sed prius præmansum, præsertim autem nuces cum pane; pultis enim nullus est usus, sed potius boni alicuius iusculi, aut panatæ ut appellant. Expleto anno, cumque mandere incipiunt Turcarum infantes, dantur illis cibi quilibet, imo ne ceptas quidem illis edendas præbere formidant, sed prius cum pane vel carnibus præmansas. Cubilis etiam infantium non admodum magnam habent curam: quandoquidem apud ipsos plumarum nullus sit usus. Ea consuetudo per omnes Turcici Imperij provincias inolevit, cum inter opulentos, tum inter tenuioris fortune homines: nec adeo delicatè suos liberos tractare solent, quemadmodum Europæi Christiani.

CAP. XII.

De Armenis, & pluribus aliis nationibus Christianis sub Turcico dominio viventibus.

TVRCIS ex Scythia egressis, & vicinas regiones occupare incipientibus, Armeni tum Christiani omnium primi subingati sunt: in fide tamen Christiana constantes semper permansere, ut per uniuersum Turcicū Imperium nunc etiam hoc nomen retinent: si enim Armenum appellant, Christianum intelligunt; at si Mahumetanam religionem amplectitur, eam appellationem amittit. Pagos & oppida etiam supra Armeniam inhabitant, ut per Asiam & Adiabenem; Persarum enim
 Rex

Rex in provinciis sibi subiectis illos admittit: nam pacifici sunt & humani, egeri magna ex parte agricola, diligentes hortulani, bonique vinearum cultores. Illorum sacerdotes coniugati sunt, perinde atque Graeci, & cum calice celebrant Missam, Latinorum more, similiaque habent ornamenta, & paruas consecrant oblatas, non integrum panem ut Graeci: omnes qui missam audiunt, sacerdote respondent Armeniaca lingua. Christianae religionis omnibus cultoribus per uniuersam Turcicam dominationem propria habere templa conceditur. Neminem enim ad suam religionem amplectendam adigunt Turcae; sed omnibus in propria religione licet viuere. Ea ratione sui Imperij potentiam conseruat: subiugata enim aliqua provincia, satis illi est ut indigenae eius Imperium agnoscant, & tributum pendant, de animarum cura non est sollicitus. Quapropter saepe multos pagos in Thracia vidimus, quorum incolae vel soli Bulgari essent, vel Valachi, vel Seruiiani, vel Bosnenses, vel Epirotae, vel Dalmatae, vel Illyrici, omnesque Christianam religionem amplectentes: nam demicta aliqua provincia, Turcae rusticos e pagis tollit, eosque tanquam colonias ad loca circa Constantinopolim deserta vel alia colenda transfert. Secundum Ponti Euxini littora interdum per pagos vagantes, unico die quinque aut sex Christianae religionis diuersa idiomata audiimus, pro pagorum varietate. Sepenimero Armenorum qui in Turcicis oppidis habitant sacra adiimus, eaque animaduertimus Latinorum ritibus magis accedere quam reliquarum nationum Christianarum. Atque licet diuersarum nationum Christiani in eodem oppido aut pago habitent: si tamen Armenus aliquis moritur, soli Armeni funus comitantur; si Graecus, Graeci. Alia enim natio alteram ad funus prosequendum non inuitat, neque alia alterius negocia curat. Hinc fit ut saepe quinque aut sex caemiteria in Turcico aliquo oppido

d 4

conspi-

conspiciantur, pro variarum nationum quæ id inhabitant ratione, facile illud permittentibus Turcis. Armenorum sacerdote Euangelium legente, qui intersunt, dextra & sinistra inter se oscula libare solent, in testimonium quod mutuò sibi condonent, omnesque intelligunt quod sacerdos ipsis prælegit: nã Armeniaca lingua veterem elegantiã ferè retinet. Turcæ suos liberos in Arabica lingua diligenter institui curant: utque id commodius fieri queat, porticus fabricari curarunt, quo liberos ablegant, ut legere & scribere discant, atque Arabicam Grammaticam edocantur: Puellas verò docent mulieres: nec adeò vilis pagus est qui porticum aliquam nō habeat, vel saltem compluvium, sub quod conveniant omnes eius pagi pueri masculi. Legēdo humi sedent, quæ consuetudo pueris admodum commoda est; nam hac ratione quiescunt. Cùm autem lectionem recitant, uniuersum corpus modò in anteriorem, modò in posteriorem partem quatiunt, ob accentuum & pronuntiationis difficultatem, ut opinamur.

CAP. XIIII.

De Iudæis per Turcicum dominium habitantibus.

PROFUGI ex Hispania & Lusitania Iudæi, Iudæissimum in Turcico dominio adeò auxerunt, ut omnis ferè generis libros in Hebræam linguam traduxerint, & Constantinopoli typographiam sine accentibus instituerint. Libros etiam Hispanica, Italica, Germanica, Latina & Græca lingua excudunt: Turcica autem vel Arabica minimè, quoniam non licet. Qui per Turcicum dominium sparsi sunt, quatuor vel quinque callent ut plurimum linguas, & eorum plerique denas vel duodenas. Qui ex Hispaniis, Germania, Hungaria & Bohemia discesserunt, vernaculam earum nationum linguam liberos suos docuerunt, & illi deinceps earum nationum linguam didicerunt cum quibus negotiantur, uti Græcam, Slavica-

Slauonicam, Turcicam, Arabicā, Armeniacā & Italicā. Pauci Gallicam norunt, quoniam cum illis non negotiantur. Ab omni porro antiquitate fuerunt Iudei magni negotiatores, & varias calluerunt linguas, quod cum ex Historiis, tum ex sacra scriptura probari potest. Nam cum Iudei undique confluxissent Hierosolymam, ut interessent festo Pentecostes; Domini nostri Iesu Christi Apostoli, qui Galilea nunquam egressi erant, neque aliam linguam nouerant quam vernaculam eius regionis, eo tamen die singuli loquebantur omnibus linguis, quod maximè admirati sunt Iudei presentes, qui ex Parthia & Media aduenerant, Elamitæ, Mesopotamie & Iudææ incolæ, Cappadoces, Ponti & Asiæ, Pisidiæ, Pamphyliæ, Egypti, Lybiæ accolæ, Romani, proselyti plerique, hoc est, qui spontè Iudaismum amplexi erant, præterea Cretenses & Arabes: eamque ob causam sese mutuò interrogabant: Nonne hi omnes Galilæi sunt? & tamen singuli audimus eos loquentes lingua in qua nati sumus. Hæc autem descripta sunt in Actis Apostolorum: ex quibus probare volumus, quod ab omni antiquitate negotiabantur per uniuersum orbem. Turcarum simplicitas admodum corrupta est Iudeorum commercio: quemadmodum Galli nonnihil immutati sunt exterarum nationum commercio; ad minimum, ipsorum ingenia torpentia, excitatiora sunt reddita. Vbicunque tandem Iudei uiuant, reliquas nationes versutia superant. Omnem Turcicam negotiationem ita amplexi sunt, ut tota Turcici Imperatoris opulentia, eiusque uniuersus census in eorum sit potestate. Nam maiore precio redimunt quæsturam census prouinciarum, teloniaque & nauium excensum, aliaque Turcici imperij vectigalia. Eam ob causam sedulo eorum linguam ediscunt cum quibus negotiantur. Ea astutia utuntur, ut cum in Italiam negotiationis causa proficiunt, capitis illud opperimen-

d s.

tum

tum colore albo inducant, ut Turca esse existimentur; quoniam Turcarum fidei plus tribuitur quam Iudeorum: alioqui Iudaei qui peregrinantur, operimentum illud capitis flauum gestare solent; Armeni, Graeci, Maronitae, Indi, Cophthi, & reliquae nationes quae Christianam religionem amplectuntur, ceruleo-purpurei coloris gestant illud diadema, vel versicolor; soli enim Turcae album gestant. Quoniam autem Iudeorum opera uti sepe numero coacti fuimus, atque cum illis versari; facile deprehendimus, astutia & malitia reliquas nationes superare. Non vescuntur carnibus, à Turca, Græcove, aut Latino siue Franco, ut vocant, apparatus: nihil pingue edunt, neque quod Christianorum aut Turcarum sit, sed nec vinum à Christiano vel Turca redemptum bibunt. Tot controuersiae & schismata inter illos sunt, ut plurimi contraria ab aliis sentiant. Nonnulli Christiana mancipia possident, mares & feminas, quorum opera variis in rebus utuntur die Sabbathi; veluti in Constantinopolitana typographia, aut exercenda mercatura: feminis etiam abutuntur tanquam Iudeis. Hec alij reprehendunt, & in Legem peccari asserunt, negantes Iudeo licere mancipio feminei sexus Christiano abuti, quod mulier Christiana sit; neque mares ad labores die Sabbathi adigere, quoniam ipsius opera peragantur. At illi prohibitum non esse respondent, quandoquidem res sint sua pecunia redemptae. Recenti adhuc memoria Iudeo cuidam, medico filij Turcarum Imperatoris Iconij habitantis, mancipia fuerunt binæ Hispanicae puellae eleganti forma praeditae, & Italicam linguam callentes, quibus abutebatur; & licet ex iis proles sustulisset, vendere tamen voluit: ipsasque intelleximus moerore animi admodum affectas, quod in Turcarum potestatem uenturae essent. Cum enim Turca puella aliqua suo ere redempta abusi fuerint, atque ex ea proles susceperint, illam quam maximo possunt
precia

precio denuo vendunt, ut aliam ea pecunia redimere queant. Hinc fit ut interdum mulier aliqua vicies aut tricies publice venundetur, viri nonnunquam quadragies, modò Iudeis, modò Turcis. Qui magis scrupulosi sunt Iudei, aiunt sibi prohibitum ne cum exteris mulieribus commisceantur; mancipio verò eorum religionē profitente, pro arbitrio abuti posse. Qui per Aegyptum, Syriam, Asiāq. minorem, & uniuersum Turcicū dominium medicam artem profitentur, magna ex parte Iudei sunt, licet etiam nonnulli Turcae reperiantur, qui Iudeis plerumque doctiores sunt, & sic satis in praxi industrij: in reliquis autem rebus quæ in absoluto medico requiruntur, non admodum versati. Facile est Iudeis medicam artem callere, ob librorum Græcorum, Arabum & Hebræorum commoditatē, qui in ipsorum vulgarem linguam conuersi sunt, uti Hippocratis, Galeni, Auicennæ, Almanforis siue Rhasis, Serapionis, & aliorū Arabū auctoriū. Turcae etiam Aristotelis & Platonis opera in Arabicam & Turcicam linguam conuersa habent. Aromatarij, quos Materialistas vulgo appellant, Turcici dominij vrbes incolentes, magna ex parte Iudei sunt: Turcae autem in Aromatum cognitione peritiores sunt, plurāque simplicia medicamenta in suis officinis venalia habent quàm nos in Europa: imo ausim dicere, primariū Aromatarium Venetum tabernam varietate aromatum & medicamentorum adeò instructam non habere, ut Aromatarius aliquis Turcicus: de numero & varietate dico, non de quantitate. Præscripto aliquo medicamento, illud statim Aromatario mittit Medicus (nulli enim apud eos sunt Pharmacopæi) & medicamenta simplicia ab illo præsentē pecunia redimit, more apud eam gentem usitato, quæ nihil nisi præsentē pecunia vendit, nec magis istic vicino creditur quàm cuius extero: unde fit, ut nullis istic rationum libris opus sit, neque syngraphis.

CAP.

De mercatura & foris Turcici Dominij.

NIHIL nisi quod ad suam artem attinet, suscipiunt veri Mercatores apud Turcas, hoc est, qui vero & antiquo Turcarum & Grecorum more negotiantur: Iudæi verò Hispanis pulsi, atq. Christiani apostatae Constantinopoli tabernacula instruxerunt, in quibus omnis generis merces venales habent Latino more: hinc fit, ut non minus imponant emptoribus quàm in Europa, ubi vix videas pagum in quo non sit huiusmodi aliqua taberna, quæ fortè decem aut duodecim mercium genera habebit, eaque vel vitata, vel vetustate corrupta. Turcæ longævi sunt: etenim non adeo delicatuli sunt, & sine discrimine aliis & cepis vescuntur, nec vinum bibunt nisi quàm rarissimè. Quoniam autem grassante peste, non sibi consulunt, nec à contagio sibi metunt, sepe ab ea tolluntur. Omnia aulea detonsa quæ ex Turcico imperio ad externos devehuntur, ab Iconio Ciliciæ ad Carachara Paphlagoniæ solummodo fiunt. Selectiores autem panni undulati, ex pilis caprarum contexti, ut diximus, Ancyra Cappadociæ metropoli: sed & tapetes è caprarum pilis constant: qui verò apud Memphim venduntur, minus elegantes sunt; etenim ex lineo panno versicolore facti sunt. In Adena fiunt peristromata, leuia admodum & mollia, ad substernendum cubituris. Forum habent Turcæ per singula oppida & pagos certo aliquo die singulis hebdomadibus, ut in Europa, quò rustici conveniunt, ut vendant suas merces: alij enim ligna convehunt, alij onas adferunt, butyrum, caseum, sericea & linea stamina, aliæque similia. Iudææ mulieres, quibus aperta facie in publicum prodire licet, per hæc fora frequentes conspiciuntur, ut sua opera acupicta vendant. Quoniam porrò Turcicis mulieribus Mahumetica lege prohibitum, ne in publicum vendendi aut emendi causa egrediantur, Iudæicis

daicis mulieribus sua opera vendenda tradunt. Lex tamen non adeò rigide observatur, quin interdum Turcicae mulieres etiam sua vendentes conspiciantur, sed velo supra faciem inducto, per quod conspiciere queant, quodque, loqui volentes, attollunt, perinde atque bucculam in galea. Venalia autem plerumque habent mantilia, strophiole, calindra, cingula alba, pulvinorum integumenta, aliisque maiori precij opera, ut conopea, cortinas varij generis, quae à Iudaeis redimuntur, ut exteris deinde vendant. Turcae delectantur lineo panno albo, & acie egregie picto, nulli sumptui parcentes ut eum adquirant: Interdum venduntur duo exigua strophiole acie picta viginti aspris, quae in Gallia vix sex assibus sine tribus batzis aestimarentur. Varia opera in tela à Turcicis mulieribus acie pinguntur; vulgatissimum autem est, ut primum pictura opus quod conficere cupiunt, in tela designent, quam deinde inter bina fila sequentes, & subtili admodum acie bombycina stamina diversorum colorum ducentes, ipsam picturam ut planè referat opus faciunt. Ea ratio pingendi acie apud nos usitata non est. Et vix apud nos credi possit, quantum apud Turcas huiusmodi opera aestimentur, quantaque eorum sit quantitas. Cum autem mulieres ut plurimum conclusae maneant, neque rem familiarem administrent; ne planè sint otiosae, tempus in istis operibus conficiendis terunt, praesertim cum linea pensa trahere rarissime soleant.

CAP. XV.

Admiratione res maximè digna in Turcis, qui Opio vescuntur ut in bello sint animosiores.

OBSERVATIONE maximè digna est conficiendi apud Turcas Opii ratio, praesertim in Achara, Carachara, Spartada, Emetelinda, aliisque oppidis Paphlagoniae, Cappadociae, & Ciliciae. Agros papanere albo conferunt, ut nos tritico: sed ea consideratione, ut singuli rustici non plus ferant, quam familiam habeant ad id colligendum sufficien-

sufficientem. Cùm autem Papauer capita produxit, leniter ea incidunt, atque ex vulnere emanant nonnullae laetæ guttæ, quas parumper inspissari sinunt. Sunt qui denas libras colligant, alij sex, alij plures vel pauciores, pro operarum quas in colligendo adhibuerint diligentia: nam hoc negotiũ in latifundi satione nõ versatur, sed in legentium numero & diligentia. Nisi huius Opij tantus apud Turcas esset usus, nostra opinione commerciũ eius periisset, quemadmodum multarum aliarum rerum quæ amplius nõ cognoscuntur. Ceterum nemo est Turcarum qui illud non emat; etiam si asprum solum haberet, eius dimidium in Opium impendit, quod pace & bello semper circumferet. Asia minoris Iudeus mercator nobis asseruit, singulis annis quinquaginta camelos Opio oneratos educi ex Paphlagonia, Cappadocia, Galatia, & Cilicia, qui in Persiam, Indiam & Europam illud importent, aliasque exteras regiones, & per vniversum Turcicũ imperium. Cui difficulter fidem adhibuissimus, nisi sigillatim nobis enarrasset quantũ colligeretur in singulis vicis Paphlagonie, Cappadocie, Armenie minoris, & Gallogræcie; addebátque, maiore adhuc apud Persas in usu esse quàm apud Turcas. Periculum autem facere valentes, quantum quis Opij deuorare posset sine noxa, Ianissarũ nobis familiarem, & singulis diebus Opio vesci solitum, eius drachmæ semissem in nostra presentia deuorasse animaduertimus: postridie illum apud negotiatoris tabernã reperiens, illi integram drachmã dari curauimus, quam unico bolo deuorauit, nec quidquam incommodi inde sensit, præterquam quod temulentus quodammodo videtur. Hec Opij manducandi consuetudo iamdudum apud Turcas inualuit: illius etenim esu animosiores sese fieri existimant, neq. belli pericula formidare. Cũq. Turcarũ Imperator, bellum gesturus, militum delectũ facit, totam provinciam Opio ferè spoliant. Vulgare apud eos est, sibi

mutuò

mutuò obuiere, Tu edisti Opium; quemadmodum si quis apud alias nationes alteri obuiat ipsum temulentum esse. Diu vñ sumus contubernio Armeni cuiusdam Christiani, qui sæpius Opium coram nobis deuorauit: sed & nos eo degustato, nullam aliam noxam deprehendimus, præterquam quod pectus nobis excalfaceret, cerebrumque nonnihil pertubaret, somniâq. turbulenta induceret. Si Papauer in Europa, videlicet Gallia, Germania, vel Italia coleretur; arbutor Opium perinde colligi posse atque in Asia, modò necessaria cura in eo legendo adhiberetur. Nam Asia minor non minus frigida est ipsa Gallia: idque fit eadem quam auctores tradiderunt ratione. Fieri potest, ut quod ad nos adfertur, adulterinum sit: solent enim mercatores illius quantitatem augere antè quàm per provincias distribuatur. Quoniam porrò obseruamus quibus notis eius delectus faciendus sit, eas subiicere volumus. Optimum est amarum, gustu calido, ut fauces incendat, flauescit leoninorum pilorum modo, in massam veluti ex granulis diuersi coloris coactum; legendo enim Opium, ea grana in Papaueris capitibus collecta coheret, & in placentulam quodammodo coeunt: odor virosus & granis: licet autem in refrigerantium ordine reponatur, fauces tamen incedit. Iam in placentulas cogitur Opium in ipsa Asia minore, quatuor vnciarum pondo, vel selibram non pendentes: at mercatores questus gratia illud multiplicant; sic ut massa ex Venetis officinis delata, libram quasi pendant.

CAP. XVI.

Quibus signis soleant Turcæ suas amicas sollicitare; & Turcicarum mulierum ornatus.

DIFFICULTER admodum conspici queunt puellæ & mulieres Turcicæ: sed longè difficilius compellari possunt: cam ob causam qui alicui mulieri sui in eam
amoris

amoris indicium facere vult, curat ut aliquo in loco vel è lōgino eā videre possit: etenim in summis adibus complanatis plerumque versari solēt. Turca igitur observata ea quam deperit, caput attollit, manūque gutturi admota, cutim prehensens, illam nonnihil vellit, hoc indicio significare volens, se eius mancipium esse, & extrema seruitute obnoxium (in ea enim regione nemo se magis abucere potest, quā si cuiuspiam mancipium esse profiteatur.) Si mulier constiterit, vel suam manum deosculata fuerit, bonam de suo amore spem concipit. Quibusdam autem locis difficulter admodum possunt conspici mulieres resecta facie: earum enim mariti fenestrarum usum illis adimūt, nisi sint cancellatae: & consuetudo apud eos inualuit, ut & puella & femina vetula siue iuvenes, perpetuò sint inclusa, nec in publicum prodeunt, nisi cū vel pro defunctis oratum eunt, vel balnea accedunt (quod saepius in hebdomade accidit) sed multis aliis mulieribus comitibus. Cū verò dicat Mahumetes, mulieres paradisum non ingressuras, templa etiam non accedunt, prohibente id Mahumete, causamq; addente quod non sint circumcisa ut viri. Plerique verò opinati sunt, mulieribus peculiarem locum in templis esse datum: asserere autem audemus, rem ita se non habere; diligenter enim inquirentes, ab omnibus intelleximus, templa ingredi illis non licere. Ceterū cū in vniuerso Turcico dominio, tum in Arabia brachas gestant longas & laxas, nauticis similes, ad calceos usque defluentes: comperimus autem eius conduplicationis rationem & consuetudinem (quam multi admirarentur si eam proferremus) inde procedere: de qua tamen plura ne verbis quidē tectis dicere volumus, cū res sit nimium curiosae observationis: itaque non sine causa vulgatum illud in usu est, totidem consuetudines quot regiones. Pedes nudos calceis vel cothurnis inserunt, & in cruribus supra talos monile aut armillam
plerum-

plerumque gestare solent, ad singularem ornatum. Paucæ in Cairo reperientur quæ brachia & suras pictas non habeant, panni Damasceni modo: dum enim in balneis versantur, cutem secundum picturam inductam sibi perstringi curant, nigerq; color cutim penetrans inheret, sic ut variæ formæ ipsarum brachiis & aliis corporis partibus impressæ conspiciantur: at ea consuetudo nondum ad Asiaticas feminas transiit. Quoniam Mahumetis lex vetat ne aperta facie in publicum prodeat, velut à fronte ante faciem propendens semper gestant, collumq. & manus contegunt: cothurnos autem oblongos induunt in calceos ferratos, ut ex hac pictura conspiciere licet.

Turcicæ Asiaticæ mulieris effigies.



Turcarum talares tunica & collari & manicis carent, vel perbreves eas habent, & supra cubitum resectas: quæ etiam mulieribus conveniunt, easque Babylonia ac consuevere magna ex parte solent, præsertim sericeas: at antequam consuant, sulcum ferro candente primum designant, qui nunquam tollitur, sed semper permanet uti plicæ in undulata. Undulatum autem siue bombycinum pânium nunquam usurpant, nisi prius sublatiis plicis; quod facile fieri potest: nam quemadmodum undulatus sulcos plicasq; calore accipit, ita etiam calore tolli possunt. Mahumetana lex vult ut

simplices sint mulierum vestes: attamen cum in publicum prodeunt siue balnea accessuræ, siue sponsam comitaturæ, omnes quidem lineas raræ texture vestes supra alias gestant, sed ut infernæ (quæ plerumque sericeæ & preciosæ sunt) appareant, albas attollere solent. manica vestium

&

sunt

sunt valde angustæ, & adeò longæ ut manus tegere possint: nam lex prohibet ne manus aliâve corporis pars nuda appareat in publico. Cùm illarum, tum virorum caligæ pedibus carent; quoniam utrique pedes, manus, brachiaque ad cubitum vsque & collum abluere solent. Quando egerere volunt, fictile aqua plenum deferunt, ut anteriora & posteriora abluant, etiam saussimo gelu: ad eiusmodi consuetudinem à pueris assuescunt cùm matres tum feminae, eamque toto vitæ cursu observant: Mahumetes enim illis in ea re chartæ alteriusve rei in qua Dei nomē inscribi possit, vsum prohibuit. Secessus autē locum in angustum & longū in terra fodiunt, ubi sese submittentes, facile manu sese abluere possunt. A Mahumete enim sancitum est, ista frequenti ablutione peccata expurgari. Inde factum ut alueos aqua plenos, in singulis compitis collocent, & tabulato aliquo sepiant, quo viri seorsim, & mulieres itē seorsim ingressæ sese lavare queant: at in adibus, secessus utrisque sunt communes.

CAP. XVII.

Turcas, plures habere vxores quæ sine rixa & zelotypia etiam cum concubinis & seruis feminis viuunt.

NATURA sunt Turcæ auari & pecuniarum auidi; primaria idcirco eorū opes in numerata pecunia consistunt. Nulla est istis acquirendi ratio, cam ob causam nulla lis intenditur: nam cùm aliquid venditur aut emitur, id fit præsentē pecunia. Viri œconomiam curant, nullamque administrationem mulieribus relinquunt. Nullam aliam curam ipse habent præterquam liberorum, & ut quietē inter se viuant: contraria planē quam Latīnorū ratione, quorum femina non modò rerum curam gerunt, sed & in corpora imperium exercere volunt, imò plerumque exercent. At apud Turcas longē alia est ratio; nam quispiam tres vel quatuor vxores habens, & sex

vei

vel octo pluresve seruas; omnes sibi obsequentes retinet, atq. inter se adeo pacificas, ut nullum inuidie inter uxores & seruas metum concipiat. Ratio hæc est: quoniam tametsi liceat eodem tempore quaternas uxores ducere, omnes tamen æqualem potestatem habent; quoniam cum illæ tum serue, numerata ipsius pecunia sunt redemptæ: consuetudo enim apud illos inualuit, ut si quis eleganti forma præditam habet filiam, sibi præsentem pecuniâ repositam esse existimet, quandoquidem filia nullam dotem maritis, neque quidquam paternæ supellectilis adferunt: sed qui illas uxores sibi expetunt, magnam pecunia summam patri numerare, illasque etiam vestibis ornare debent: nam pater illas licitatur, & maiorem summam offerenti tradit, nulla solitudine anxius, etiâ si ipsas nunquam in posterum conspiciat. Ea de causa cognationis vinculum apud Turcas nõ adeo latè propagatur quemadmodum in Europa: imò ne cognomẽ quidem ullum habent Turcæ, quod familie antiquitatem resipiat, nec ipse Turcarum Imperator, nisi Ottomannorum: rustici autem nulla dictione antecessorum nomina exprimere possunt, ob uxorũ frequentem mutationẽ. Apud Turcas, ex serua natus non minus decoris sibi adscribet, quã si ex legitima uxore natus foret, nec ignominiam ducet sese serue filium profiteri, quoniã serua non censetur adultera. Serue enim in omnibus domini obsequuntur imperio. Hinc fit ut illorum liberi exiguo amore erga parentes efficiantur, nec frater sororem magis diligat quàm aliã quampiam. Si quispiam Satrapæ alicuius filiam in uxorẽ ducat, aliãque præterea vilis alicuius opificis filiã, æquales & comites deinde erunt, & unanimiter viuent; quoniam cum ita simul incluse sint, æquali omnes sunt auctoritate, neque quidquam agent nisi quod maritus imperauerit. Non est enim moris apud Turcas dicere, Domina hoc præcepit, vel istud in hunc modum fieri vult;

436 P. BELLONII OBSERVATIONVM
neque è cingulo dependentes habent multas claves, ut bo-
na œconomia opinionē adquirant, imo nullas gestant pror-
sus, neque hora quadrantem impendunt in uniuersa rei
domestica curam: quandoquidem satis est cuilibet Tur-
ca tapetem humi expansum habere in quo se deat, & pul-
uina quædam quibus innitatur; nullum enim scabel-
lorum, sellarumve aut scamnorū vsum habent, sed neque
fulcri siue sponde magna ex parte: noctu autem culcitam
humi sternunt, super qua noctem transigunt, quam po-
stridie surgentes complicant atq. in assere aliquo reponūt,
vel è pertica suspendūt. Pauci apud eos toralibus, siue le-
cticariis sindonibus vtuntur; quoniam cū viri, tum fe-
mina lineas brachas nauticis similes noctu permutant, at-
que in iis dormiunt. Serui apud illos in extergenda su-
pellectile non admodum sunt occupati: sufficit enim uni-
cum fictile pro omni ciborum apparatu, & unica lanx
pro omnibus offis: nec vitrorum extersione egent, quoniam
omnes ex coriaceo poculo siue ligneo bibunt. Viri suas tia-
ras mundas & niveas habere gaudent, quas ipsimet in
balneis cū brachis & interula eluūt, aut balneorū seruis
eluendas tradunt. Turca, viri fortitudinem vel strenui-
tatem nostro more non æstimant. Nam in Europa, qui
omni momento digladiari vult, qui oculos torquere no-
uit, iurator, biliosus, cicatricibus insignitus, quiq. alte-
rum mendaciy arguerit, is pro strenuo & probò viro ha-
betur. At Turca pacis tempore modesti sunt, arma do-
mi relinquunt, ut inte se pacifice viuant, neque acinaces
gestant per urbem obambulaturi: at in bellum profectu-
ri armis uti norunt, & suam fortitudinem erga hostes
demonstrant: neque facile audies ipsos inter se decertasse:
neque si quis sodalem ferierit, propterea strenuus æsti-
mabitur. Tritum apud illos est, eos qui delinquunt, su-
stibus cedere: vera profectò ratio domandi superbos,
&

& puniendi quos occidere nolimus : attamen cum cupiunt , noxios magis seuera ratione punire etiam norunt.

CAP. XVIII.

Turcarum Imperatorem quinquies centena hominum millia facilius in aciem producere, & ducentarum triremium classem parare posse, quàm alium Principem centena millia.

FINGAMVS Regem exercitum coëgisse è centenis millibus rusticorum, quem in bellum procul ablegare velit, aut classem ducentarum triremium totidémque nauium comparasse : an non credibile est illos facilius labores toleraturos, quàm si ex totidem nobilibus cōflatus foret exercitus? atque frigora, æstus, famem, aliaque accidētia minus eis nocitura quàm delicatioribus? animi fortitudine excepta, facile id mihi concessum iri scio. Quis verò credat Turcarum Imperatorem, bellum gesturum, tam ingentem exercitum ducere posse, sexies centenorum, ut aiunt, millium hominum? Multi admirantur: nam tam ingentem numerum pronunciari audientes, fieri non posse arbitrantur; cum ob difficultates, quas in tanto exercitu accidere necesse est, tum quod Rex, vel Imperator maxima difficultate exercitum quinquaginta millium alere queat. Quod tamen de Turca retuli, nō adeò difficile videbitur nostram viuendi rationem cum Turcica comparanti: Nam illorum consuetudo pacis tempore obseruata, docebit tantum hominum cœtum etiam in bello posse viuere, atque tam facile esse Turcico Imperatori decies centena hominum millia in bellū ducere, quàm Christiano alicui Principi quinquaginta millia. Vt breuiter dicam, illorum viuendi ratio pacis tempore adeò rigida est, ut nobis graue bellum sit apparitura. At illos, qui à teneris huic vitæ assuefacti sunt, non magis afficit, quàm nos nostra cum in delitiis viuimus. Qui supra plumeos

lectos decumbere, singulis diebus forbitiunculam calidam sumere, selectiusq. vinum bibere cōsueverunt, statim animum desponderent, si à solita viuendi ratione abstraherentur, atque maximo tadio afficerentur, si suas possessiones semel in anno non perlustrarent, vel triennio aut quadriennio à suis parentibus abessent, aut de ipsis nihil intelligerent. Sed hæc omnia Turca non curant: quoniam austerius adhuc domi viuunt quàm in bello. Peregrino milite non utitur Turca, sed his solummodo quos pacis tempore suo stipendio alit: omnes itaque dicto obediētes cūm sint, belli labores & molestias patienter ferunt, etiam magis quàm legionarij milites Romani solebant. Turcarum Imperator, contrario Principū Christianorum more, ingentem quæstū facit belli tēpore: nam annonam ipse vendit. Turcicus miles sibi equum comparare non verebitur quinquaginta ducatis, etiam si nihil aliud peculij haberet: nam illum donec ipse viuat sibi inferuire posse existimat: atque etiam equos viginti & viginti quinque annis conseruare solent. Cū ipsi tum eorum equi humi nullo substrato stramine iacere solent & domi & in bello, equi autem neque è præsepio, neque ex fœnili vnquam edunt. Turcicorum militum opes nec fundi sunt nec aedes, sed solæ pecuniæ: nam si fundum aliquem emerent, ab eorum morte, Turcarum Imperatori cederet: qua de causa raro etiā edificant. Quocunque profiscuntur, eandē aeneam ollā circumferūt & scutellam qua pacis tempore utebantur, eademque ratione omnis reliqua supellex & domi & foris vsui illis est: relictarum rerum nullo mœrore afficiuntur, quandoquidem omnia circumferunt, uti & igniarium. Potus, aqua est: cibus, allia & cepæ. Quid ergo deterius in bello illis accidere queat quàm domi? In summa, sua rusticitate tantum nos in bello superant, quantum ipsi deliciis & nobilitate à nobis in pace superantur. Quoniam autem na-

tura

tura illis largita est ut à teneris in campestribus vine-
rent, propter eam consuetudinem peritiores sunt in eri-
gendis suis tentoriis sub quibus habitent; illa enim ex tela
gossipina leni admodum & molli confecta sunt, eamque ob
causam longè commodiora sunt nostris quæ ex lineo vel
cannabino panno parantur: funes etiam illorum ex xylo
confecti, molliores, leniores, tractabilioresque sunt nostro-
rum tentoriorum funibus, qui madidi ita rigent & con-
torquentur, ut vix explicari queant. Tamen si Turcarum
castella pleraque sint in regionibus procul ab hoste dissi-
tis, & ubi nulla belli suspicio oriri potest; prædarios ta-
men habent milites, qui excubias agant, quemadmodum
in aperto bello. Exaudiebamus illos singulis diebus dilu-
culo & crepusculo noctis tympana sua complodentes, mi-
rumque concentum, tiliarum modulatione adhibita, expri-
mētes. Tympanorum autem duo apud illos sunt genera:
vnum minus, quod in equo gestari potest, ab vno danta-
xat latere clausum: aliud maius, membranis utrinque
clausum, quod è collo suspensum gestare non solent, neque
breuib. bacillis nostro more complodunt, sed humi si-
stunt, & utrumque latus pulsant, dextra baculum incur-
uum & sinum tenētes, quo tympani dextrū latus verbe-
rant; sinistra autem virgulam tenuem, qua alterā tym-
pani partē sæpiusculē feriūt: geminū tympanū quod ahe-
neum est, quodque in equo gestatur, inaequale est, alterum
enim altero semper minus est, & tympanistes illa complo-
dere volēs, incuruare se debet, vel ea editiore loco repone-
re. Nocturnæ excubie campanule sonitu non excitantur
nostro more: sed alto* clamore sibi inuicem respondent,
quod iam ante Rhodi obseruaueramus. Tiliarum con-
centum cum tympani sonitu coniungere edocti sunt ab
Arabibus Turcæ: concentus sanè est cum in bello tum in
pace admodum commodus. Nullus est Sangiacus, qui
eiuscemodi tibicines & tympanistas alere non cogatur,

praesertim ubi arces sunt praesidiariae. Eiusmodi tibiae breues sunt, sed infima parte lata, clangoremque edunt admodum altum, in equo gestari possunt, & cum viri usque tympani sono accommodari. Turcicis militibus vulgare est securiculam cingulo appensam semper gestare: sed & alij cum opulenti tum tenuioris fortuna Turcae, siue pacis siue belli tempore, huiusmodi† securas habent, quae duabus in rebus illis utiles sunt; nam altera eius parte quae in aciem desinit, ligna secare possunt; altera quae in malleum efformata est, tentoriorum palos in terram defigere. Quoniam autem elegans est eius forma, illam hoc loco describere volumus.

* Similem consuetudinem in nocturnis excubiis agendis observant etiam Pannoni, ut alta voce sibi mutuo accinant, & ad vigilandum hortentur, subinde haec verba repetentes, *Szolay Szolay virrazto Szolay*. hoc est, Vigila vigila vigil, vigila. Praefectus autem vigillum quae Vigyazo appellant, si excubiae somno interdum victae acclamationem intermittunt, admonere iisdem verbis solet *Szolay virrazto*. Cum vero sub auroram ab excubiis se recipiunt, accinere solent, *Haynal-vagyon szep pyros, haynal haynal-vagyon*; hoc est, erumpit iam elegans rubens (scilicet dies) erumpit iam: deinde addunt: *mayd meg virrad, haynal-vagyon szep pyros haynal*. id est, brevis lux erit, erumpit iam elegans rubensque, erumpit.

† Eiusmodi securiculas, quarum hic meminit Bellonius, & proximo capite describit, moris etiam est apud Pannoni gestare, sed non adeo graues, quas plerumque e cingulo suspendunt.

CAP. XIX.

De securicula quadam Turcis familiari ad varias res cum pacis tum belli tempore admodum accommodata.

TALIVM securicularum fabri, massam ferri, libram cum semisse forte pendentem per medium perforant crasso quodam stylo ferreo: altera securis pars mallei instar facta est, altera ad cadendum in aciem desinit. Styli autem variant: nam rotundo orbicularia sunt foramina, quadrangulo quadrata; dum autem securim perforant, foraminis oras paululum tumentes relinquunt, ut pyxidis modo manubrium amplecti possit, quod per patentius foramen immittitur. Multae sunt Tornatorum Constantinopoli tabernae, qui nihil aliud quam securicularum manubria

ex

ex lignis Constantinopolim importatis conficiunt: naues enim ex Ponto aduenientes, sæpe onustæ sunt aceris montani, quod *Asphendannos* vocant, ligno eiusmodi manubriis conficiendis dedicato, atque etiam corno, quæ duritie reliqua ligna superat. Interdum etiam ex *Mengrelia* Constantinopolim aduehuntur naues taxo onustæ albi & rutili coloris: cum autem *Turcæ* ligneis arcubus non utantur, manubria huiusmodi ex eo ligno etiam alba siue exteriori parte relicta conficiunt. Tornatores autem apud *Turcæ* sedendo suum opificium non exercent, neque propendentem perticam habent, quæ lignum verset: sed sinistra manu oblongum arcum tenentes, lignum versant, manuque dextra calum tenent, cuius infimam partem inter pedis digitos imponentes, in quam necesse est partem ad opus suum conficiendum impellunt.

CAP. XX.

Turcas plurimas res ex antiquitate retinere.

PLURIMA adhuc retinent *Turcæ*, antiquitatem admodum respicientia: exempli gratia, vstulationem illam quam inconsulto medico usurpare solent. Dolo enim capitis laborantes, vel defluxione in quamvis corporis partem, eam vstulant cum fomite aliquo aut panno lineo incenso. Mille sexcenti anni elapsi sunt, quod hæc vstio *Græcis* cognita fuerit, atque vstio *Arabica* vocata sit, nuncq. apud eosdem *Arabes* & *Turcas* auctoritatem retinet. Eam autem magnæ esse efficaciam observauimus: *Thessalonica* enim periculum illius in *Iudæa* quadam fecimus, quam capitis dolore, quo plus quàm per sexennium afflicta fuerat, liberauimus eo quo *Dioscorides* in sciatica uti solebat remedio: adposito videlicet quinquies caprino stercore ardente, in cuniculo illo qui inter pollicis radices est & carpum. *Turcæ* autem longè aliter vstionem eam faciunt; xylinam enim telam circumuoluunt ad nucis inglandis

442 P. BELLONII OBSERVATIONVM
crassitiem, & assis Gallici latitudinem (vel in eius penuria fomitum sclopetorum sumunt) deinde incensam loco affecto imponunt, quam ita ustulare sinunt, donec sponte exstinguatur: tamq̃, fortiter eam ferunt, ut constanter expectet donec sponte exstinguatur & frigescat: nihil ad ustionem curandam præter paucillum xyli imponunt: idcirco plerique frontem, tempora, aliasque corporis partes huiusmodi cicatricibus fœdatis habent. Turcæ in omnibus aduersis hanc vocem proferre solent, Alauara, id est, Deus adiunabit. Itaque existimantes quæcunque illis euentura sunt, iam prædestinata esse, omnibus periculis maiore animo sese obiciunt, cum in terrestribus, tum marinis conflictibus.

CAP. XXI.

De Turcarum monachis.

HOMINVM quoddam genus apud Turcas versatur, quos ipsi Dervis, voce ad Druides accedente, appellant, antiquos videlicet Græcos philosophos, Atheniensium colonias, quæ ex Phocæa discedentes Massiliam appulerunt, quam edificarunt. Nudi plerumque obambulant isti Dervis, cum ætate, tum hieme, brachiaque & pectus obliquis & transversis cicatricibus fœdata habent, ex incisuris quas ipsimet suis cultellis corpori inflixerunt, in longitudinem potius quàm in latitudinem ductas, ut muscoli minus offendantur: quoniam verò nullo adhibito emplastro vulnera consolidantur, cicatrices turgidæ remanent, & parui digiti crassitie turgentes. Plerosque videre est huiusmodi cicatricibus adeò insignitos, ut exhorrire quis possit. Quo furore prophetico, siue mania agantur, ignoramus, quòd sese ita concidant & adurant. At eos desipere arbitramur. Ex eleëmofynis quas Turcæ illis cōferunt, duntaxat aluntur. Ea autem de huiusmodi fatuis inter plebem opinio recens non est; nam ipsemet Plato de huiusmodi hominum genere

nere agens, istam maniam, furoris esse speciem, eamque ab Ecstasi provenire pronunciabat, hoc est, imaginationes quasdam diuinitus excitari propheticas tanquam vaticibus. Illudque est quod veteres de imaginatione verba facientes, diuinitati cuidam tribuunt, quemadmodum & de Sibyllis dixerunt. Socrates etiam in ea opinione fuit, cum dixit, vatum imaginationes diuinitus profluere per maniam siue furorem. Hinc fit ut impostores maniam simulantes, prophetarum nomen apud Turcas obtinuerint, atque innocentes aestimentur. Sunt etiam inter illos nonnulli, vafri admodum, qui magnam pecunie vim colligunt ut Mecham ad Mahumetis sepulchrum visendum proficiscantur: cum enim inde redierunt, magnifice à Turcis excipiuntur. Signum quo Mahumeti se religione obstrictos declarant, corium est veruecinum, humeris impositum, cum reliqua corporis parte, exceptis pendendis, nudi sint. Plurimi reperiuntur huiusmodi impostores, diuersis Turcici domini locis, ut Constantino- poli, in Damasco, & Cairo, in tuguriolo aliquo ab- diti, & nudi frumento aut milio sese immergentes & volutantes toto die, pueriliæque, ad risum excitandum, & impossibilia effutientes, qualia pueri inter se garrire solent: pratererantes autem illis quidpiam quo vescantur prouocare solent.

CAP. XXII.

Niuis & glaciei per totam æstatem more Turcico
conseruandæ ratio.

IN Mysia & Paphlagonia hiemem traducentes, multis locis, niuis & glaciei conseruandæ rationem obseruauimus, quam æstate venalem exponunt, ad potionem suam quam Scherbet nominant, refrigerandam: vinum etenim, quod ipsi Serap appellant, ex consuetudine non bibunt. Qua de causa, quidam questum faciunt
duntia-

444 P. BELLONII OBSERVATIONVM
duntaxat ex illius potionis dulcis confectiōe, quā in tabernis quibusdam ad eā rem exstructis vendunt. Varia autem sunt eius potionis genera: fit enim ex ficubus, prunis, pyris, armeniācis, vuis, vel melle. Cū igitur peregrini, atque etiam inquilini siti in aestate torquentur, illam potionem emi curant, cui qui eam venalem habet, niuem vel glaciem admiscet ad eam infrigidandam: alioquin nulla esset in ea bibenda voluptas: cumque decoctio aestate facta sit, ea ratione refrigeranda est, eiusque ita refrigerata haustus areo nummo duntaxat constat. Duplicem verò ex illius compositione questum faciunt: nam fructus ex quibus decoctio parata est, haudquaquam abiiciunt, sed separatim vendunt, atque etiam decoctionem separatim. Sunt Græci & Armeni in Natolia, quorum singuli duodecim camelos fructibus in propriis hortis natis onustos Constantinopolim mittant, aut in alia oppida à Turcis habitata, solummodo ad huiusmodi potiones conficiendas. Memini & ex Heraclea monti Tauri vicina Constantinopolim deuehi: fructus enim in illa planicie Tauri radicibus adiacente nati, singulares sunt ad huiusmodi sorbitiones parandas. Niuis porrò* conservanda apud Turcas hæc est ratio. Densa iam delapsa niue, & firma glacie, flantēque Borea omnium frigidissimo, Turcæ concamerata quadam ædificia in hunc usum exstructa, loco meridiei non exposito, depresso videlicet, vel post præaltum aliquem murum, aut ponē collem, niue implent, glacie subinde admixta; quemadmodum si quis parietem ex arenato construeret. Per biennium sine colliquatione conservari poterit. Certum est quod in Gallia idem fieri posset: vidimus enim regiones Gallia calidiores, in quibus tota aestate conservatur. Ceterum Asiatici ab omni antiquitate niuem conservarunt qua aestate uterentur: similemque usum apud Romanos etiam fuisse receptum, multis Galeni locis probari potest:

potest, praesertim in praefatione libri quem Metho-
 dum medendi inscripsit: ex ea enim liquet niuis usum
 fuisse ipsius tempore Romae tam frequentem, quam
 nunc sit apud Turcas. Ea de re conquerebatur Plinius,
 delitias Imperatorum illius temporis accusans; quae in re
 suffragatur Galeno. Suetonius etiam de Nerone agens
 idem scribit. Heu prodigia ventris (inquit Plinius) hi
 nives, illi glaciem potant, poenasque montium in volup-
 tatem gulae vertunt. Servatur aliorum aestibus, excogita-
 turque, ut alienis mensibus nix algeat. Decoquunt alii
 aquas, mox & illas hyemant. Et alibi. Neronis princi-
 pis inuentum est decoquere aquam, vitroque demissam
 in nives, refrigerare. Ita voluptas frigoris contingit sine
 vitiiis niuis. Nix qua Turcarum Imperator in clau-
 stro suo dum Constantinopoli haeret, vititur, ex Horminio
 aut Olympo montibus aduehitur: nam sibi persuadet
 eam qua in criptis circa Constantinopolim adseruatur,
 adeo salubrem non esse, quam montanam: illamque ad-
 huc expetit annotinam: quapropter illius serui montem
 conscendunt aestate, magnamque niuis quantitatem deue-
 hunt, quam deinde istuc relinquunt in sequentem annum,
 quo Constantinopolim inuehitur. Binae liburnica singulis
 septimanis, transuehant eos qui Prusam ire cupiunt, qui-
 bus praesunt Ianissarii nonnulli. Cum Montaneam appu-
 lerunt, expositis vectoribus, nix ex proximo monte ab
 equis delata liburnicas onerant, & Constantinopolim re-
 ducunt. Ea nix in Imperatoris claustrum deportatur,
 qua suum Sorbet refrigerat. Legati Galliae, Hispaniae,
 Venetiae, Epidaurensis siue Rhagusinus, Florentinus,
 Chius, Transilvaniae & Vngariae, Turcis deliciae in
 potu, niuem vino non admiscunt, sed illud in aqua refri-
 gerant quam nix in frigidauit; eaque ratione tota aestate
 frigidum bibunt, nulla nix seu glacie in ventriculum
 transmissa: glaciei enim fragmentum pugno non maius
 cupam

Cap. 4.
lib. 19.Cap. 8.
lib. 31.

"

"

"

"

446 P. BELLONII OBSERVATIONVM
*cupam aqua semiplenam illicò refrigerabit, neque aspro
constabit.*

* Nivis & glaciei vsus non modò apud Turcas inualuit, sed & apud alias plerasque Europæas nationes. Hispanienim frequentissimè ea vtuntur, non modò per summos æstatis ardores, sed etiam media hieme: de-que Nivis adseruatione, vsu, proprietate, peculiarem libellum Hispanico sermone paucos ante annos conscripsit D. Nicolaus Monardes Hispalensis medicus. Apud Vngaros autem, non nivis, sed glaciei adeò frequens est vsus æstate, vt etiam vilissimi rustici in pagis eam adseruent: in subterraneis porrò adseruatur scrobibus, intermixto & substrato stramine, loco aliquo à sole non nimium illustrato, cui deinde stramineum pyramidale tectum imponitur, & sepe circumambiente locus munitur, vt pecus arceatur. Eius glaciei fragmentum aquæ cupæ impositæ quæ vinum refrigerandum est, inditum, totam illicò frigefacit: inspergiunt etiam illa glacies comminuta æstiuis fructibus, qui bellariorum loco in mensam inferuntur. Sed & Bohemi in suas cereuisianas cellis glaciem hieme prouolui curant, vt ætate cereuisiam ne ace scat, diutius conseruare queant.

CAP. XXIII.

Consuetudo Turcarum sese in altum impellendi.

VARIOS exercent Turcæ ludos in feriis sui Paschatis, sed nullum magis singularem & admirabilem, quàm sese in altum impellendi: nouo sanè & inusitato more. Binos magnos stipites & præaltos terræ insigunt, quibus iniecto altrinsecus tigno transuerso, patibulum duodecim orgias fortè altum conficiunt: è tigno duos funes, duos pedes ab inuicem separatos, suspendunt per ligneos annulos traiectos, vt faciliùs obsequi queat: funis utriusque deinde capita, assersis, sellam exigua imitantis, quatuor angulis adnectuntur: huic insistent qui se impellere vult, ambos funes utrinque propendentes manibus tenēs, & paululum corpus inflectens, nullo alterius adminiculo, modò in anteriorem, modò in posteriorem partem sese tam altè impellit, vt patibuli altitudinem æquet vel superet, quod ferè incredibile est: defessus autem insisto, in assere deinde sedet. Alias etiam habent impellendi se in altum rationes pueris aptas, & miras.

CAP

CAP. XXIII.

Honorum apud Turcas distinctio, cum ex barbæ gestatione, tum ex tiararum varietate petita.

QVI viridem tiaram apud Turcas gestant, primaria sunt inter ceteros estimationis, quoniam maioris religionis est insigne: apud illos caligas & vestes virides gestare non licet: nam is color nobiliorum proprius est, quæ nota, se ex Mahumetis prosapia originem trahere, indicare volunt. Sed & quibus aut ter Mecham peregrinati sunt, viridem tiaram gestare audent, quoniam ab aliis maiore honore afficiuntur. In barbæ gestatione magnam etiam est discriminem. Senex enim illam alit, in sapientiæ signum: iuniores prolixos duntaxat mystaces gestant; quoniam præter decorum videretur, si iuuenis barbam aleret. Hæc nota à veteribus Scriptoribus Arabibus tribuitur, qui comam etiã alebant, quod Turcæ non faciunt.

CAP. XXV.

De plumarum ornamentis Turcis familiaribus.

ADMIRABILES sunt vana & insana fanissarorum ostentationes, eorum præsertim qui Turcico Imperatori chariores sunt: quoniam struthiocameli pennis sese ornant, & Rhintacis avis, quæ elegantissima sunt, & simul ad gallinacei crassitiem coniuncta, omnes tamen ab exiguo corpore prodeuntes pellem duntaxat retinente: nam Arabes qui eas vendunt, carnes eximunt. Recentiores nonnulli Apodem appellant: at ego Phœnicem esse existimo, ut latius in libro de Avibus differemus. Illi ergo plumis in hunc modum exornati, D. Michaëlis picturam quodammodo referunt. At non perpetuò incedunt ornatu isto, verum duntaxat cum Imperator in bellum proficiscitur, aut alias illum comitantur. In humeris ingentes alas elegantibus plumis constantes gestare solent, quemadmodum ij qui in Comædiis Angelorum personam

448 P. BELLONII OBSERVATIONVM
nam representant. Ianissari ab ineunte etate in capite
altum diadema gestant, in modum calantica muliebris,
vel sericei illius capitis ornatus nobilibus Gallicis mulie-
ribus usitati, & in tergum propendentis, factum: sed ca-
put illorum cingens, & in altum erectum; nullis tamen
redimiculis vinctum: huic ferreum radium sesquipedem
longum adnectunt, cui innititur circulus, cuius circum-
ferentia pollicis cum indice mensura respondet: in huius cir-
cuitu pennas collocant, è medio prodit oblonga crista ex
Struthio-cameli elegantioribus pennis affabre facta, post
tergum ad terram ferè propendens, neque corpus attingens,
quia eius initium a summo capitis vertice est. Sic ornati
formidabiles gigantes videntur. Quilibet autem Ianis-
sarius, aliùsve Turca pennas gestandi facultatem nō ha-
bet: iis enim iure duntaxat licet, qui hostibus in bello occi-
sis suam fortitudinē demonstrarunt. Qui multas gestat, ea
nota indicare vult se multos hostes iugulasse: qui verò se
hostem occidisse profiteri nequit, rationi consentaneum non
est, ut ipsi gestare liceat. Miles Turcicus in bellum pro-
ficiens nullum famulum circumducit, nisi mancipium:
Ianissari verò nullū (quandoquidem ipsimet vilia man-
cipia sint) sed singuli sua arma & annonam ferunt. At-
tamen quinis unum equum alere licet ad impedimenta
& tentoriū gestanda. Sic veteres Romani solebant. Legi-
mus enim Iugurthino bello Metellum edixisse, ut singuli
milites sua alimenta & arma ferret nullo seruo illis con-
cesso. Sed & Turca pratoriani Ianissari qui proximè il-
lum perpetuò versantur, pacis tempore deni unicū dun-
taxat mancipium habent; belli autem tempore, quini. Ex
eo deprehendere licet summam in illa aula obedientiam.
Turcarum vexilla non sunt renouanda, quoniam signi
militaris vicem supplent equine caudæ pili variis colori-
bus infecti extreme haste affixi. Execrantur Turca dis-
sectas vestes ex quacunque tandem materia paratæ sint:

ea

ea de causa Graci, & vniuersi Turca Imperatoris subditi, nullas dissecant vestes: sed holoserica versicolore, vel alia quauis sericea vtuntur maximè. Peregrè verò proficiscentes ignitabulum gestant, laternāq; ferream albam cum candela, cochleare è cingulo suspensum, & scortenum sacculum sale composito, veterū Gracorum more, plenum, quo cibum saliant. Componitur autem hac ratione: allia cum sale contusa resiccant, & denuo terunt, scortenumq; sacculum eo implent: mirum in modum orexim ciet, & ventriculum roborat, postquam frigidam biberunt.

CAP. XXVI.

Vehemens eorum exercitium qui Turcicum arcum intendere discunt.

PER Turcica oppida, terrei parietes fiunt, quos nunquam indurari sinunt, sed molliore terra & recente aggesta conseruant, quoniam perpetuò aliqui adueniunt arcu iaculari soliti: verum non in longum spacium sagittas emittunt, vt ligneis arcubus fieri solet; nam breues sunt eorum sagittae; sed ex vicino loco. Qui scopi custodiā habet, singulis diebus illum rigat, vt terra mollior reddatur. Sex passibus duntaxat à scopo absunt qui arcum intendunt, sed summis viribus adnituntur, vt terreum murum penetrare possint: proximè scopum adest quispiam post asserem latitans, qui sagittam emissam extrahit, & illam denuò reicit. Quem iaculandi satias iam tenet, arcum iuxta scopum appendit, & persoluto pro more precio abit. Vulgo tales scopi sine terrei muri per Turcica oppida, publico aliquo loco habentur, quò Turca exercitus gratia conueniunt, centiesque sagittas emittent aspri precio.

CAP. XXVII.

De vario ciborum apparatu apud Turcas.

VARIA habent Turca vilium etiam rerum condimenta, quae passim in oppidis venalia exponuntur; veluti
f radi-

450 P. BELLONII OBSERVATIONVM
 radicum * beta crassarum admodum, colorisque nunc al-
 bi vel pallidi, modo vero rubri, quas pleriq. raphanorum
 esse existimarunt, falso tamen. Condiuntur etiam brassicae
 capitatae raphanorum praegrandes radices & helenij. Fuit
 id olim etiam magno in usu Romae, reliquisq. Romanorum
 municipiis: quique ita condiebant, Salgamarij appellaban-
 tur. Res est magne parsimoniae: nam quatuor viris unius
 aspri precij in prandium satis esse potest. Cibus etenim est
 qui coctione non eget, sed ita conditus editur. Omphacinas
 etiam unas condiunt magno Turcarum compendio: nam
 macerate in aceto & sinapis semine, optimi sunt saporis
 cum pane manducata. Sunt etiam pergulae in quibus ni-
 hil nisi veruecina capita & pedes apparata venduntur,
 coempta vero illico capita aperiunt, calidaque in lance
 reponunt cum aceti & pinguedinis momento, & compo-
 situm illud sal cum seminis Sumac (quod à veteribus Rhus
 obsoniorum appellabatur) corticibus mixtum inspergunt.
 Turcas in publico vesci cibo non pudet: imò ipsi Satrape
 vulgariter in publico edunt: nam ut ex bubulcis & opi-
 lionibus originem trahunt, sic in victus ratione illos emu-
 lantur; malunt enim lacticiuiis vilis precij vesci, quam
 quidpiam impedire in alios cibos. In extremo portu Thra-
 ciam pertingente Constantinopoli vicus est, ubi nihil aliud
 fit quam Melca Caimac, & Oxygala. Caimac ex lactis
 pingui fit, idque variis modis. Nihil aliud est quam ve-
 terum Graecorum Aphrogala. In deliciis etiam habent,
 quam huius aetatis Graeci Misitra vocant, Galli
 Recoctam.

* Vulgo etiam Viennae Austriacae venales exponuntur crassae huius-
 modi betae rubrae radices conditae, & rapa integra, atque cucumeres: ha-
 bent plerique & brassicas, capitatas similiter conditas integras. At tota
 illa provincia, aliisque vicinis, Autumno cum brassicarum capita, tum
 rapa minutim concisa abunde admodum condire, & vasculis concludere
 solent, atque ita adseruare in quotidianum totius anni usum: sed odoris,
 dum reclusis vasculis eximuntur, meo iudicio adeo tetri, ut circumfusum
 aërem inficere queant: at tamen plerisque, etiam magnatibus, ciborum
 deliciae sunt.

C A P.

De Turcarum circuncisione.

CIRCUNCIDUNTUR Turcæ non octavo die, quemadmodum Iudæi: sed octavo, duodecimo, vel decimo quinto ætatis anno, vel maturius aut serius pro rei oportunitate. Pueri enim non circunciduntur donec tam grandes sint ut circuncisori respondere queant. Indicem attollit, quo signo se Mahumetanum esse fatetur. Eos in templo circuncidere non licet, sed in parentum ædibus: quoniam incircuncisi templum ingredi nō possunt. Multi conveniunt, dum quispiam circuncidendus, festumque diem suo more celebrant, atque in illo cœtu puer circunciditur. Sacerdos sumpta forpicula puero dicit se illi demonstrare velle quid postridie præcidendum sit; adductoque præputio, abit ut puerum fallat: nam illico reuertitur, tamquam aliquid demonstrare oblitus; cutem iam colligatam forpicula præscindit sine magno pueri dolore, vulnusque salsa aqua ablutum, lineo panniculo imposito, curat. Ceterum à circuncisione nomen pueri nō immutatur, sed id retinet quod illi in natiuitate inditum fuerat; addita solum voce *Mussulma*, hoc est, verus Turcæ circuncisus. Circuncisione facta, festum diem celebrant, ut apud nos in nuptiis alicuius: ad balneas deducitur, redeuntem tympanorum strepitū excipiunt, & candida cydari flosculis nonnunquam inspersa insigniunt, atque ad templum magna pompa deducunt. Absoluto deinde conuiuiο, munera illi à conuinis pro familie ipsius dignitate conferuntur, aurea, argentea, & alia preciosa, si ex opulenta & auctoritate prædita sit familia. Nemo Christianus vi ad circuncisionem cogitur: si quis verò sua sponte Turcicæ religioni initiari velit, magna est in æstimatione; at qui ut vite usuram redimant, Turcæ fiunt, despiciuntur. Si Christianus cum Turcica muliere commisceatur, lex sancit ut vita priuetur, quam tamen re-

f 2 dimit,

432 P. BELLONII OBSERVATIONVM
 dimit, si Turcicam religionem amplectatur. Si Turcam
 occidat, unica salus est ut Turca fiat, vel ingenti pecu-
 nia vitam redimat: pecunia etenim qualibet obtineri pos-
 sunt in illa regione. Si Christiana mulier libera Turca
 alicui sui copiam facit, Christianam religionem abnega-
 re debet. De paucis verò istic supplicium sumitur ob de-
 liicta quæ penam effugere possunt Turcicæ religionis pro-
 fessione: nam plerique ut mortem fugiant, Turca fiunt.
 Persarum Rex, licet Mahumetanus, Turcas hereti-
 cos appellat, quoniam ipsorū uxores circumcise non sunt,
 ut sui domini feminae: ea de causâ illis templa ingredi li-
 cet, quod Turcicis non conceditur. Coptæ etiā Æthio-
 pia Regi parentes, & in Iesum Christum credentes, cir-
 cunciduntur: cū enim lex sanciat ut feminae circunci-
 sionis aliquod vestigium impressum habeāt, illis particu-
 lam Græcis Hymenæa, Latinis Ala, dictam præscindūt,
 quoniam illam præputio respondentem aiunt. Qui Ma-
 humetem iniuriis afficit, morte punitur: at lex eum ab-
 soluit, si Turca fiat, hoc est, si se se circumcidi curet, & in-
 dicem attollat; atq. hac ratione immunis erit à Haraczi,
 hoc est, tributi quod Turcico Imperatori pendendum est,
 solutione: nam Iudæi & Christiani persolvere debent,
 Turca autem vel Mussulmanni minimè.

CAP. XXIX.

Mancipia suos heros cogete posse, optionem sumant,
 velutne pro ipsorum redemptione servitutis
 aliquod tempus præscribi, an aliqua
 pecuniæ summa pacisci.

TAMETSI Christianus captivus apud Turcas, &
 alicui serviens, suæ religioni renūciat, & Turca fiat; non
 propterea libertatem adipiscetur: nam cū sit manci-
 pium, illi exequenda sunt heri sui mandata: mitiorem
 tamen servitutem illi imponere herus fortè posset, & ser-
 vitutis tempus minuire. Ea de causâ præstat mancipia
 Christianam fidem retineant, quàm illam abiurent, &
 Turca

Turcæ fiant. Turcicorum mancipiorum cum famu-
lorum Europæorum fortuna ferè comparari potest: felicitatis
enim suorum dominorum participes fiunt: si herum nan-
ciscantur probum virum, à quo diligantur, eandem cum
ipso habent tractationem. Potest autem mancipium coge-
re suum herum, ad duarum rerum optionem; vel ut illi
redemptionis precium indicet, vel ut certum servitutis
tempus præscribat: licet enim mancipio, Cadi, hoc est,
Iudicem, convenire, atque dicere: Volo ut meus herus al-
teri me vendat, nisi redemptionis precium mihi indicare,
vel servitutis tempus præfinire velit. Mancipij hero à
Cadi evocato, mācipium, Quantum vis (inquit) tibi nu-
merari pro mea redemptione, aut quot annis vis tibi infer-
uiam? Herus liberam optionem ipsimet dabit. Si man-
cipium caret ingenio, nec sua industria tantum pecunie
adquirere posse, quæ ad persolvendum λύτρον sufficiat,
sed labores facilius perferre sperat; servitutis tempus
deliget. Herus vero denum, duodenum, vel quindecim
annorum tempus illi præscribet, eiusque pactio-
nis syngrapham dabit: absoluto eo tempore liber do-
mum abire poterit. At si mancipium aliquam artem cal-
let, pecunie precium deliget, & eius persolvenda tempus
ab hero expetet, quam ex pacto persolvet: nam diligen-
ter laborabit, preciumque suo hero numerabit quolibet
mese vel trimestri. Nonnullos vidimus qui brevi tempore
se se redemerant, nempe biennio vel sexennio. Man-
cipiorum porro quæ in pyratum manus incidunt, atque
ad triremes condemnati sunt, misera est conditio; vix ul-
lam enim se se redimendi spem, nisi admodum seram, con-
cipere possunt: Pyratæ enim remigibus cum opus ha-
beant, captivos apud se retinent, nec navi egredi illos per-
mittunt. Qui similiter in Satraparum potestatem in-
cidunt, exiguam redemptionis spem habent: quoniam
Cadi nullam eos cogendi, uti tenuioris fortune aliquem,

habet facultatem. Itaque talium Satraparum mancipiis nullum aliud relictum est remedium, quàm ut fortunam suam patienter ferant: rustici verò à Cadi cogi possunt. Sesami oleum non minus frequenti in usu est apud Turcas, quàm oleum nucum apud Gallos, & oleum oliuarum in Gallia Narbonensi: quoniam autem magno labore confici debet, suis mancipiis eum imponunt, atque hieme duntaxat. Sesami semen quatuor & viginti horis aqua salsa maceratur; deinde in area ligneis malleis tunditur ut corticem abiciat super crassiorem telam; de novo aqua salsa maceratur, cui innatant cortices, qui abiiciuntur. Sesamum sic expurgatum in clibano resiccatur; deinde mola frangunt: exsudat demum oleum liquidum ut sinapi; pauca etenim habet recrementa; demum lento igne coquunt, & à fecibus separant. Dulce est id oleum, delictumque, & vilis precij. Turca cibum sumpturi, humi desident, exemptis calceis, quemadmodum olim Romani in suis tricliniis, quæ nihil aliud erant, quàm quas nunc Galli salas vocant, vel cœnacula, quales sunt caupone, in quibus erant appendices, siue sublata tabula, quales apud sartores videmus, in quibus suas operas conficere solent, quibus conscensis, calceos eximere solebant: etenim pedes haudquaquam mensæ supponebant, uti nunc facimus: sed veluti Turca, innitebantur puluinis qui illorum cubitis suppositi erant. Quod Martialis approbat his verbis, libro quinto:

Deposui soleas, adfertur protinus ingens

Inter lactucas, oxygarumque, liber.

Ad comprobandum autem, triclinium id esse quod Galli salam vel cœnaculum appellat, Varronis auctoritatem in mediū attulisse sufficiet; qui de Africanis gallinis agēs,

” Galline Africane, inquit, quas περαισίδας appellant

” Græci, nouissime in triclinium ganearium introierunt è culina. Meminit etiam Suetonius variis locis; de Cæsare enim

enim scribens, Conuiuatum assidue per provincias duobus
 tricliniis; uno, quo sagati palliatine; altero quo togati
 cum illustrioribus provinciarum discumberent. atque in
 Augusto super festinatas Livia nuptias obiecit, & femi-
 nam consularē ē triclinio viri coram in cubiculum abdu-
 ctā. Ex his locis animaduerti potest culinae & cubiculi à
 triclinio differētia. Sed & in Dino Claudio, Adh. bebat,
 inquit, omni cœnæ & liberos suos cū pueris puellisq; nobili-
 bus, qui more veteri ad fulera lēctorū sedentes, vesceren-
 tur. & paulo post: Nec temerē unquā triclinio abscessit,
 nisi distentus ac madēs. Plinius item de Elephantis agens,
 Plenissq; hominū tricliniis accubitu iēre per lectos, ita li-
 bratis vestigiis, ne quis potantiū attingeretur. Et de Pla-
 tano scribens cap. 1. lib. 12. Aliud exemplū, inquit, Caij
 Principis, in Veliterno rure mirati unius tabulata, la-
 xisq; ramorum trabibus scamna parua, & in ea epulati,
 cum ipse pars esset umbræ, quindē conuiuarum ac
 ministerij capace triclinio, quam cœnam appellauit illo
 nidum. Ex his igitur veterum auctorū locis inferre
 volumus, triclinium vocari posse locum in quo Turcæ
 vesci solent, humi sedentes in tapete quodam vel in tabu-
 lato, puluinis cubito suppositis eos fulcientibus: conuenit
 enim cum triclinio à veteribus descripto. Vulgare est
 Turcis, ut etiam olim Romanis, eunuchorum ministerio
 uti: illud mirum, inuentum id esse mulieris. Semiramis
 enim regina, celebris illa bellatrix, multos adolescentes ca-
 strari iussit, quos dein Gynæceo suo præfecit: ab illa poste-
 ri eam consuetudinem obseruauerunt in imperio sibi subdi-
 to. Credimus Turcas, cū primū eunuchos castrarunt,
 testes duntaxat pueris amputare solitos, veterum Roma-
 norum more, qui veretrū non præciderunt: at grandiores
 facti robustioresque, feminas, testibus licet resectis, in-
 ibant: ut etiam quorundam Imperatorum vxoribus ea
 causa gratiores fuerint: generandi etenim facultatem non

habebant. Obscœnum est; propterea haud plura. Turcarum Imperator intelligens eos quibus præfecti testes essent, suis vxoribus & concubinis voluptatem adferre, in posterum penem cum testibus resecare iussit: sed ex denis vel duodenis quæ ea ratione castrantur, vix seni euadunt. Sunt qui aliam rationem referant; Imperatorem videlicet castratum equum inire equam conspicientem, occasionem, ea qua diximus ratione castrandi sumpsisse. Cum autem serua domesticas operas duntaxat faciât, nec in publicum prodire audeât; magis decet castratos feminis coram maritis ministrare, quibus egredi licet, quam seruas quæ domo non excedunt. Vulgare porro est Satrapas & opulentos quibus sunt multæ vxores & concubine, quas seruis adire non licet, eunuchum habere, quem carum habeât & cui plurimum fidât. Ipse Turcarum Imperator, sæpius eunuchum mancipium dominio suo & ingenti exercitui præfecit, eius animo confidens, quem nulla formidine posse affici exploratum habebat. Nonne Ganymedes Regis Egypti eunuchus, Cæsari atq. vniuerso exercitui Romano restitit? Legimus etiam eunuchos apud Persas regnasse; atque alios magnis provinciis præfuisse. Sed ne tam longinqua exempla petamus, Bassa qui Egypto, Syria, & Arabia præfectus erat dum Cairi esset, eunuchus erat, cui Turcarum Imperator non minus fidebat quam strenuissimo vniuersi sui dominij Præfecto. At Romani nunquam tantâ auctoritatem atque libertatem suis eunuchis tribuerunt atque nunc Turca, vel olim ab omni vetustate Orientis Principes. Sunt etenim eunuchi huius seculi apud Turcas nō minus familiares dominis suis atque eorū vxoribus, quam si æquales forent. Plurimum enim illis fidunt domini, imò per absentiam cum suis vxoribus versari & propter cubare iubent sine ulla zelotypia, quandoquidem sublati concubitus instrumentis, omnem etiam appetentiam sublatam esse non igno-

ignorent: & certè nullius rei vestigium illis reliquum est, non magis quàm in manus vola. Eunuchis itaque uxorum & concubinarum custodia atque domesticæ rei administratio committitur, dominis in bello absentibus. Christianis seruos & seruas suo ære redemptas alere licet, quemadmodum & Judæis; at neutri Turcam mancipium retinere possunt. Iudæo Christianum vel Christianam mancipium habere permittitur, quemadmodum & contrà. At Iudæi adeò inter se confœderati sunt, adeoque versuti, ut neminem suæ nationis unquam seruire permittant: nam simulatque suorum quempiam vel in mari vel in continente, belli vel pacis tempore, captum intelligunt, omni diligentia curabunt ut illum redimant, nec sumptibus parcent: Turcæ tamen maximo odio illos prosequuntur, semperque illos lacessunt & iniuriis proscindunt, in publicis præsertim viis obuio.

CAP. XXX.

De Turcarum Sacerdotibus & scientiis.

SACERDOTES Turcici, à laicis haud multum differunt: satis enim illis est, si Alcoranum legere & Turcicè ad verbum interpretari norint. Coniugati sunt; à vulgo vestis discrimine non discernuntur, & artem aliquam exercent ad vitæ necessaria comparanda: alij enim institores sunt, alij sutores, alij sartores, alij artes alias mechanicas exercent: plerique etiam ex librorum transcriptione vitam traducunt: nulla enim Typographia est apud eos ad Turcicos libros cudendos. Eorum charta multa fricatione laugatur & politissima efficitur. Nunc autem plerique eorum, ad nostram emulationem Astronomicis studiis operam intendunt, Poëticæque & Philosophiæ. Nec ipsi soli eiusmodi studiis delectantur; sed proposito præmio suos etiam liberos utriusque sexus instrui curant. puerorum autem schola à puellarum scho-

f s

la di-

458 P. BELLONII OBSERVATIONVM
*la distincta; has femina, illos viri erudiunt. Versus etiam
condunt numeris constantes nostro more; & tetraſtica,
hexaſtica, decaſticaque, decem, undecim, pluribus vel
paucioribus ſyllabis constantia componunt, quiq. à Tur-
cis ea decantari audiret, Germanicum cantum existi-
maret. Turca, ut diximus, uxores ducturi, eas præſente
pecunia emunt; nulla etenim iſtic dos ab eis accedit: imò
veſtes quas illa geſtat, marito perſoluenda: quòd ſi contra-
cto matrimonio, ob morum diſſimilitudinem convenire
inter ſe nequeunt, aut mulier ſterilis ſit: maritus Indi-
cem ſine Cadi accedens, ab eo uxorem dimitteendi po-
teſtatem accipiet: nam quemadmodum ſine ulla in-
riſurandi formula matrimonium contractum erat,
nullis aliis obſervatis ritibus etiam diſſolvitur. Virum de-
functum ſepeliunt viri, feminam femina: primum autem
cadaver lauatur, deinde muſſiſſima alba ſindone in-
volvitur, poſtremo urbe effertur multis cum ceremoniis
(nemo etenim in tēplis ſepelitur) redas præferunt Dervis
ipſorum propheta; ſubſequuntur ſacerdotes lugubres na-
nias concinentes, donec ad ſepultura locū perveniāt. Mos
autem eſt apud ipſos, defunctorum ſepulchra caterna-
tim adeundi certis quibuſdam diebus, atque pro ipſorum
ſalute orandi, ſed viri ſeorſim, mulierēſque ſeorſim, di-
verſo tempore.*

CAP. XXXI.

*Turcarum ſacerdotes horologiorum vicem præſtare,
horarum ſpatia alta voce ex ſumma templorum
turri proclamantes.*

*NULLA apud Turcas ſunt horologia, ſed eorū vi-
cem ſupplent ſacerdotes, ſummas templorum turres con-
ſcendētes (ſingula enim Meſgueda unam aut binas præ-
altas turriculas, utrinque unam, habent, ſi præſertim à
Regibus ſunt exſtructæ; nec ulli templa pluribus quàm
una*

una turri praeclata condere licet, nisi Imperatoribus) atq. altissima voce & subtili proclamantes, nobisque in memoriam reducentes crustulorum pistores, qui brumali tempore ea noctu venalia proclamare solent (Galli Oublieurs appellat) vel puellas in Cenomania desertis ericetis circa Dominicae natiuitatis tempus canentes. Eorum vox per quartam miliaris partem, interdum etiam per dimidum miliaris spacium exaudiri potest: quod vix credibile sit ei qui antea huiusmodi vocem non exaudivisset. Interdum bini vel terni clamant, digitis aures obturantes tanto vocis impetu ut per totam urbem intelligatur, pronunciantes haec Arabica vocabula: La Illah Illellah Mehemet Irred sul Allah. Quinquies singulis diebus ea proclamant, Gallicinio videlicet, Aurora, Meridie, Tertia à Meridie & Crepusculo noctis: quae singula tempora peculiarem ipsorum lingua appellationem habent. Eas temporis distributiones solent Turcae deligere, ad negotiandum, aut aliquò conueniendum. Meridie templa vi plurimum ingrediuntur: sed lotis prius pedibus, manibus, obscenisque membris anterioribus & posterioribus, terque aqua capiti inspersa: nudis item pedibus templum intrant, & calceos ad templi fores relinquunt. Si verò dum peregre proficiscuntur in loca incidunt aquae expertia; Mahumetes illis concedit, caput, manus, atque calceos terre pulvere aspergere.

CAP. XXXII.

Itineris suscepti continuatio: & nonnulla de
Turcarum moribus.

TOTA hieme in Paphlagonia traducta, nouo vere Constantinopolitanum iter prosequi constituimus. Diligenter hoc à Turcis observatur, ne iter facièdo suos equos ad citatiorem gressum, nisi coacti impellant (cum verò necesse est, praesertim in bello, neque equis, neque sibi met par-

parcunt) nec eos interdum pascunt, nisi fortè astate ad Solis
 astu fugiendū mane & vespere iter faciāt: sed equis insi-
 dentes edunt quæ circumferunt, equosque, ubicunque
 aquam inueniunt, potare sinunt. Eam ob causam fontes
 secundum regias vias deriuandos magna diligentia cu-
 rant. Quoniam verò nusquam herent sumendi cibi gra-
 tia, & per integrum diem pedetentim equitant, pridie
 emere solent in sequentem diem necessaria, sed vilis pre-
 cij; quandoquidem delicatuli non sunt, sed cepis, pane,
 vniſque passis, aliisve reficcatis fructibus famem pellere
 soleant: vulgareque apud ipsos est, cum Satrapis, tū te-
 nioris fortuna hominibus, crudis cepis vesci: imò Satra-
 pe huic cibo adeo assuefacti sunt, ut quotidie mensis infe-
 rantur, hinc profecto sani viuunt. Eius rei ratio digna est
 quæ à doctis viris expendatur, cum etiam qui tenuiores
 sunt, multa tamē mancipia alere soleāt. Qui siā enim cū
 binis seruis tribusque equis supra sex asprorum precium
 vix insumet, qui totidem Gallicis Caroleis respōdent, vel
 quinque assibus Gallicis. Nonne igitur mirum est illos
 adeo raro egrotare, cum aquam solummodo bibant, il-
 lamque subinde mutare cogantur? Verūm theriacam il-
 lam duo illis beneficia conferre dicemus; primum eos ab
 aquarum noxa præseruari ceparum & alliorum, quæ vi-
 li precio ab illis redimuntur, esu: alterum, quod salinam
 illis cieant, & orexin pronocent ad panem siccum libera-
 lius vorandum. Si qui apud Insubres & Allobroges tu-
 mido gutture laborāt, quem morbum ipsi Gos, nos Loup-
 pes appellamus, apud Latinos verò nondum nomen inue-
 nit, cepis & alliis crudis vescendi consuetudinem haberēt,
 illos simili morbo non laboraturos certum est: etenim ex
 vitiosarum aquarum potu illis accidit; quo liberi sunt
 Turcæ, ob frequentem eorum vsum. Duplici porro via
 Constantinopolim proficisci poteramus, vel per montis
 Olympi iuga, quæ compendiosior est; vel per illius radi-

ves, quæ longior: vtraque autem via in Galatia, siue in
 Gallogræcia est: nam Paphlagonia egressis, in Galatiam
 veniendum est. Cum verò iam soluta essent nives, eā quæ
 per montium Phrygiæ inga ducit, sequuti sumus, licet
 montem Senis altitudine superent. Paphlagonia porro
 celebrior vrbis est Totia, olim Theodosia Gangrorū ap-
 pellata. Galatiam ingressi qui viam ad sinistram ducen-
 tem sequuntur, ad urbem Cüte vulgò nuncupatam per-
 veniunt, quam nonnulli Cutiam Latine vocant, at
 Plinius Contieum veteri nomine dixit: qui verò via ad
 dextram tendente insistant, per Bolitranseunt, veteri-
 bus Abonimonia dictam. Ceterum quoniam ea via pro-
 gredientibus, bini sinus obiciuntur, alter Montanea, al-
 ter Nicomedia; magnæ ambages sunt faciendæ, & amnis
 Sangari, veteribus Sagaris nūcupatus, superandus, qui in
 Pontum euxinū Exoneratur, isticq. elegantē portum la-
 pidibus exstructum conficit: deinde circumeundus lacus
 qui clarè è Nicomedia conspici potest: à Nicomedia ve-
 rò secundum Propontidem iter faciendum per oram sinus
 Nicomediæ, de quo iam diximus. Contieum fuit olim, ut
 etiam nunc est, vrbis celebris admodum: arcem adhuc in-
 tegram retinet in tumulo sitam, firmisq. mœnibus præ-
 ditam, in clio propendentem, atque urbem ferè pertin-
 gentem. Plerumque ex Beglierbeis minoris Asiæ unus
 Contiei habitare solet, quoniā primaria nūc vrbis est eius
 regionis: olim verò Gordinus. Pauci sunt anni, quod Re-
 gis Persici maior natu filius Ismaël nomine per Turci-
 cum dominium in Galatiam vsque penetrauerit, omnia
 ruinis & incendiis fœdando (cū eius exercitus ex qua-
 tuor vel quinque hominum, sed fortissimorum, millibus
 duntaxat constaret) Contieumq. vsque pervenerit:
 Bassa dictus Coraque qui istic præerat, ipsi resistere co-
 natus est, militum numero, quos duplo plures habebat fre-
 tus: pugna commissa, Regis Persici filius victoriam obti-
 nuit,

462 P. BELLONII OBSERVATIONVM
nuit, Bassamq; in conflictu caesum palo affixit, eiusq; pe-
nem precisum illi in os ingeri iussit. Arcem deinde obse-
dit, quã expugnare non potuit: alium enim Bassam eu-
nuchum magnis itineribus, ingentiq; exercitu firmatum,
aduenientem intelligens, recessit. Omnes Asiae minoris si-
ue Natolia incolae olim Græco sermone utebantur: nam
aëdificiorum rudera quæ in Cilicia, Lycia, Paphlagonia,
Cappadocia, Pamphylia, Bithynia & Phrygia vidimus,
Græca quadam epigrammata insculpta habuerunt, se-
pulchraq; Græcis characteribus notata fuere.

CAP. XXXIII.

Omnes mulieres sub Turcico dominio viuentes, cuiuscunque
tandem sint religionis, obscenarum partium pilos non
nouacula sibi demetere, sed pilothro auferre.

OMNIS generis annona Contici venalis reperitur,
viti panis, vinum, carnes; nam ab Armenis, Iudæis, &
Græcis incolitur. Istic quidpiam inuenimus inter reliqua
in nostra peregrinatione obseruata, admodum, nostro
iudicio, singulare; Rusma videlicet ab ipsis sic appellati
fodinam; & quid illud tandem esset, intelligere maxime
cupiebamus. Id Rusma omnibus Turcico dominio sub-
ditis maximo in usu est, nemoq; est qui illius nomē aut fa-
cultatē ignorat. Sciendū porro est, Turcas utriusq; sexus
pilos in vlla corporis parte ferre nō posse præter cesariem
& barbā, vitiq; vertatur, si quis pilos retineat. Inde fit
vt metallicū illud tanto in usu sit, vt Turcarū Impera-
tor (referentibus Iudæis) singulis annis ducatorū octode-
cem millia tributi nomine accipiat ab eo qui illius metalli-
ci vectigal in censu habet. Nouum sanē est, vt adeo vile
metallicum, tantum quæstum suo domino adferat. Nul-
lus veterum aut recentium, quod sciam, eius meminit.
Qui verò illius usum nouerit, ipsius venam tantundem
ferē æstimabit atque puri argenti: vulgus enim illo vti
adeo consuevit, vt nunc abstinere nequeat. Ceterū quid
sit

fit *Rusma*, dicemus; deinde illius facultatem & vsum explicabimus. *Rusma* ferri excremento persimile est, sed lenius, nigrum, adustumque quidpiam referens; fodina etenim est leniter adusta. Omnes *Turcica* femina iuencula & vetula, nupta & innupta (qua quidem pilosa sunt) cuiuscunque tandem nationis, *Turcica*, *Græca*, *Armeniaca*, *Iudaica* & *Christiana*, ad depilandum eo utuntur, non sine ratione: nā quæ dropace pilos auferre maluit quam nouacula, admodum commodum illud reperiunt. Plerique *Europæi* psilothra conficere tentarunt ex calce & auripigmento, sed experientia malè cessit, quod utendi rationem non probè intelligerent: id enim fieri debet ante balnei ingressum. Eam ob causam *Rusma* utendi rationem explicare volumus. *Rusmati* in tenuissimum pollinem contuso, calcis vine dimidiam partem adiiciunt, unaque in fictili aqua macerari sinunt: femina balnea ingressura, partes quas glabras esse cupiunt, eo inungunt, atque inherere sinunt quanto tempore ad coquendum ouum requiritur: deinde experiuntur an pili decidere velint: sudore enim cutem penetrare incipiente, pilorum radices laxiores redduntur, & spontè decidunt, parte abluta calida aqua, & manu duntaxat ad partem adducta. Adeo temperatum est id psilothrum, ut non urat, locaque lenia & glabra reddat, nullo pilorum manente vestigio, ut vetule iuencula quodammodo reddantur. Femina ergo peculiare hoc medicamentum sibi vendicarunt, quæ cutem lenem & glabram habere cupiunt, alioqui asperam & rugosam futuram, si nouacula raderentur. At viri, muliebria ista haudquam sese decere aestimantes, vniolunt *Rusmate*, sed nouacula pilos demetunt. Hinc igitur fit ut id metallicum adeo frequenti in usu sit, cum inter tenuioris fortune homines, tum opulentos *Aegypti*, *Arabia*, *Syria*, atque reliqui domini *Turcici*: iam etiam in *Graciam* transit, & istic hæsit; non-

dum

464 P. BELLONII OBSERVATIONVM
dum enim ad eos penetrauit qui Romanam religionem
amplectuntur.

CAP. XXXIIII.

Turcicas feminas singularis esse formæ & munditici.

RUSTICORVM etiam Asiaticorum femina, singularis sunt formæ, molles & candidæ, cutéque adeò erugata & leui, vt holosericiû quis se manibus tractare existimet. Inter reliqua autem medicamenta quæ cutem ita leuigat, unguentû ex terra pingui cõficere norunt, quam Græci nunc Pilo nominant: de qua postea. Est verò illa ipsa quæ veteribus etiam simili in vsu fuit, Latinis terra Chia dicta; cuius facultates Dioscorides in hunc modum describit: Extendit faciem & erugat, atque splendidam reddit: colorem in facie & toto corpore commendat, in balneis pro nitro deterget. Inuenitur autem multis Phrygiæ locis: eius etiam sodinam apud Lampsacum vidimus, ex aduerso Callipolis. Cumq; eius vsus adeò frequens sit, nullus est propola qui eam in taberna non habeat. Macerata hæc terra, unguinis consistentiam capit, quo balnea ingressura vniuersum corpus & faciem diligenter inungunt, atque etiam capillos; non autem sapone: quoniam extremi capilli flauo colore Alcanna puluere tinguntur: si enim sapone capillos detergerent, eum colorem non modò non reciperent; sed etiam iam tincti in atrû vel rubrum colorem verterentur: sapo enim natura acris ob salis, olei & calcis commixtionem ex qua compositus est, colorem immutaret: prædicta verò terra expurgati, facilius colorem recipiunt. Sincipitis porrò capilli fenestratim secantur ad malas & mediam vsque frontem, quemadmodum pueris in Europa, & atro colore tinguntur: Occipitis verò, implexi & sericeis vittis colligati in tergum propendent. Quo verò atriores sunt sincipitis capilli, tanto formosiores censentur, non sine ratione: quemadmodum
enim

enim facies quo candidior, eo formosior apparet: ita huic candori maiorem gratiam addit capillorū nigredo. Anicenna testatur, hanc terram ab omni antiquitate in usu fuisse ad detergendos capillos, in Arabia, Aegypto, & Syria, eamque ob causam terram capillorum nominat: vocat etiam terram edulem, quoniam grandida mulieres in iis regionibus eam plerumque appetunt. Eodem etiam quo anteriores capillos colore supercilia tincta habent, quoque atrior color est, eo facies elegantior aestimatur. Ea consuetudo non modò in urbibus inualuit, sed etiam per uniuersi Turcici domini pagos: singulis enim locis balnea habent. Itaque mirum videri non debet, si Asiaticae mulieres tam nitida facie sunt praeditae: nam neque à Luna splendore, neque à Solis radiis noxam accipiunt; quandoquidem domo non egrediuntur, nisi cum balnea lauandi, aut cœmeteria pro defunctis orandi gratia accedunt. Bis verò aut ter in hebdomade balnea ingredi solent, isticque quatuor aut quinque horas comendo & ornando sese insumunt. Cateruatim autem eò prouunt: nam peculiaria habent balnea, quò viri non veniunt: si verò interdum virorum balnea accedunt, id fit certo aliquo in hebdomada die: quibusdam enim locis feminae balneorum possessionem à meridie obtinent, ante meridiem autem viri. Nonnulla etiam loca sunt, ubi feminae die Iouis à meridie duntaxat lauant: itaque simili quodam die eius consuetudinis ignari, cum uti aliis diebus balnea accederemus, ianuamque apertam inuenientes ingressi essemus, magnā Turcicarum feminarū turbam reperimus sese ad lotionem parantium: nisi verò illicò fugissemus, vix vitæ periculum euitare potuissemus. Mahumetana enim lex adeò rigida est in hac re, ut vitam conseruare non liceat, nisi stultitiam simulando. Nam Turcae, ut diximus, fatuos sanctitatis cuiusdam ob innocentiam participes esse censent. Ceterum nihil aptius ad

tuendam sanitatem Turcis vtriusque sexus accideri
 posset, ob aquae potum, & crudarum rerum usum, quàm
 frequens balneorum usus; quod etiam veterum Romano-
 rum auctoritate satis probari potest: ait enim Columella:
*Quotidianam crudiatem Laconicis excoquimus. Nisi
 praeterea hanc balneorum commoditatem haberent, ver-
 mibus scateret, & admodum immundi essent: at balneo-
 rum beneficio mundissimi euadunt. Vi autem olim apud
 Romanos nulla fuere splendidiores fabricae Thermis &
 Templis: sic Constantinopoli, aliisque oppidis Turcici
 domini nihil magnificentius conspicitur quàm Tempia,
 & Thermae, quae magnorum Palatiorum instar sunt.
 Neque in Thermarum ingressu neque egressu calefa-
 ctione opus est: sed loturi in ingressu magnam fornicem
 orbicularē inueniunt, in cuius umbilico plerumque est aqua
 frigida scaturigo, ad quā sese in podio spoliantes vestes in
 talari obuolunt. His Thermarū praefectus binas sindones
 pictas praebe, quarū altera anteriorem corporis partem
 regit, altera posteriorem cum capite; nimis enim indecorū
 foret obscenas partes istis nudare; ea de causa sindone sese
 innoluentes, balneum ingrediuntur, ubi calidae aquae fon-
 tes plures sunt, qui versato epistomio aquam per siphun-
 culum effundunt. Tum ingressi Thermarum serui, illos
 lauant, fricant, & strigili cutem exterunt. Longum esset
 omnia sigillatim enumerare: sed ut in pauca conferam, id
 agunt: In ventrem humi sternunt quem lauaturi sunt,
 deinde colli, humerorum, brachiorum, femorumque &
 tergoris musculos manibusprehendunt & malaxant:
 eumque obuertentes, illius pectus similiterprehendunt &
 confricant undiquaque: demum caput radunt, minimè
 autem pudenda: sed nonaculam ei qui lauatur, tradunt,
 qui in angustum quendam locum pone balneum secedens,
 sibi met pudenda radit. His peractis ad podium redit:
 cui Thermarum praefectus binas alias sindones mūdās &
 siccās*

ficcas tradit, quibus se deterget & exsiccatur; postremo resumptis vestibus, & persoluto asperi precio, abit: est enim in singulis provinciis certum definitum precium, uti, teste Iuvenale & Horatio, Romae constitutum erat precium, talentum, quod binis asibus Gallicis comparari potest. Hæc est totius Turcici domini consuetudo, Gallicane plurimum absimilis, ubi æstuarium egressi, supra lectum decumbere solent: meritoque æstuaria siue vaporaria vocamus ea in quibus lauamur loca, si cum iis quæ Thermas nuncupamus, comparentur. Sed neque ullæ aliæ nationes Europæ balneis utuntur Gallico more, ut egressi in lectis decumbant, nec Itali, nec Bohemi, nec Germani, nec Pannoni. Post Turcicas Thermas, nullas proximius ad balnearum antiquarum rationem accedentes comperimus quàm Germanorum: nam æquè frequenter ferè lauant atque Turcæ. Sed illud nobis mirum visum, quod apud Heluetios, pudicæ matrone promiscuè cum viris tam exteris quàm notis Thermas ingrediantur, tametsi pudenda velo tecta habeant: attamen quoniam consuetudo apud illos ita inualuit, nihil fœdum istic perpetrant, licet nudæ femine conspiciantur.

CAP. XXXV.

Quaratione femine sincipitis capillos & supercilia, viri autem senes barbam nigro colore inficiant.

DIVERSA porrò ratione fit ea mixtura qua Turcice & Græcæ mulieres supercilia sibi inficiunt. Vulgarior autem, quæque feminis apprimè nota est, didicimus. Aris vsti laminulam, quæ Itali vulgo Feretro d' España appellant, unam aut alteram drachmam pendentem, leniter in ferrea pala confricant, ut in pulverem convertatur: huic pulveri gallam omphacitin superpositam calido, sed non candente, ferro premunt, quæ eo calore dissolvitur, deinde aquæ tres vel quatuor guttas inspergunt:

g 2

postea

468 P. BELLONII OBSERVATIONVM
 postea calefacto denuo ferro, identidem eam compressio-
 nem repetunt, donec galla omnino dissoluta pulveri com-
 misceatur. Ea mixtura atramentum nonnihil densatum
 emulatur, cuius pauxillum bacillo penicilli instar effor-
 mato sumentes mulieres, ipsæmet ad speculum sibi super-
 cilia tingunt, & resiccaripermittunt. Id quinquies aut
 sexies repetitum, supercilia talpæ pilis altiora reddit:
 tandem madido lineo panno confricantes, nigredinem cru-
 ri inhaerentem tollunt. Pleraque Perotica feminae & puel-
 le Græca supercilia rufmate tollunt, deinde paulo supra
 superciliorum radices, ea mixtura sese in arcus formam
 tingunt, ut supercilia incurva appareant. Procul aspi-
 ciētibz elegans videtur: at fœdū iis qui ē vicino loco at-
 tentiūz observāt. Ceterū recentiorum inuentum id non
 est, sed iam à multis seculis in usu fuit, ut fusiūz sequenti
 capite demonstrabimus.

CAP. XXXVI.

Elegantis formæ secundum Græcos commendatio.

CVM Græci insignem formam extollere volunt, sub-
 latam manum in latus inclinant, pollicisq. & indicis ex-
 trema coniungentes, orbem faciunt, quasi indicare velint,
 eius, de quo sermo est, oculos tā grādes esse. Vetus illud est
 à Græcis auctoribus muliebris formæ indicibus celebra-
 tū, qui insignis formæ feminas unica voce *παρανοστήματα*
 appellarunt, hoc est, amplis oculis: propter elata nimirum
 supercilia quæ lata & ample faciei gratiam conciliant.
 Pari ratione cum viri alicuius robusti formam celebra-
 re volunt, similem orbem ostendunt, libenterque adice-
 rent eum oculos bubulis non minores habere. Si quis dili-
 genter observet vetera Græcorum numismata & statuas,
 oculi prægrandes promissaq. coma deprehendetur, præ iis
 quæ Romanis numismatibus exprimuntur. Vix ullo ex-
 exercitio vtuntur Turcica femina (rarissimè etenim domo
 egrediuntur) nisi cū summam adiū contignationem con-
 stratam

stratam conscendunt, ubi interdum toto die harent cum suis vicinis patrio more canentes. Græcanicæ autem præsertim Peranæ in cornu Byzantino, plus libertatis quàm in reliquis Turcici imperij oppidis, habent: nam per urbem magna cum pompa incedunt; atque si earum mariti paullo opulentiores sint, adeò fūco infectæ, tantòq. ornatu in publicum procedunt, ut digitos ad extremos etiã ungues annulis onustos habeant, & infinita pusilla monilia e collo suspensa gestent, multosq. torques cū aureos, tū adulterinos: quaternis præterea vel quinis cingulis vel sericeis, vel aureis, vel gemmis veris & ementitis constantibus præcingentur, atq. preciosis vestibus sericeis induentur: breuiter omnes suas opes, ostentationis gratia circumferant, eodem ferè modo quo novæ nuptæ. Sed simili ornatu solennibus duntaxat diebus prodeunt.

CAP. XXXVII.

Creditu difficilia esse, quæ Turcici circulatores in publico faciunt.

PERINDE atq. nos in Europa, petauristas & circulatores habent Turcæ, qui ab ineunte ætate edocti sunt, atq. toto vitæ curriculo nihil aliud agunt. Creditu admodum difficilia peragunt, iis qui nō viderint: quemadmodum ferreū pistillū pugno multoties in eadē hora incusso confringere. Vidimus qui magnam trabem erectā in humero gestaret, eamq. sine manuum adminiculo in alterum humerū succuteret, idq. subinde alternatim faceret sine intermissione. Quini aut seni simul plerumq. conveniunt, opidaq. & pagos circumveniunt, quādo fora celebrari, hominumq. frequentiam adfuturā sciunt: istic occupato aliquo fori loco, mille gesticulationes propalā faciunt, nudis pedibus supra acutissimos acinaces gradiuntur, bubulos pedes crudos detribus in partes diuidunt, quorū deinde ossibus dempta carne, tam valide crura & brachia sibi verberant, ut admirandum sit, nec verberare desinunt, donec huiusce-

modi ossa quina aut sena subsequenter confringant. Nisi ipsi conspexissemus, vix credidissemus: & nisi eadē coram illustribus nostrae nationis viris qui etiamnum viuūt, facta fuissent, vix meminisse voluissemus, sed illi ipsi re ita sese habere testari possunt. Virium autē robori, quali olim Athletae praediti erant (de quibus Hippocrates & Galenus multa) id attribuere potuissemus, nisi alios plerosq. & inter eos quosdā corporis infirmi, similia facere obseruassemus: eam ob causam aliud mihi persuadere non possum, quin fraus aliqua & impostura subsit. Ceterū, dū eorū nonnulli has gesticulationes agunt, reliqui aduent spectatores, & stipem emendicāt: nemo dare cogitur. sed adeo importunē efflagitant, ut quidam elargiātur: etenim non sibi pudori esse censent quidpiam emendicare.

CAP. XXXVIII.

De Turcarum lucta.

LUCTANDI mos qualis olim apud Gracos & Romanos in usu fuit, etiamnū apud Turcas observatur. Vix ullum est in ea regione spectaculum quod spectatores maiore voluptate afficiat. Luctatores enim nudi sunt, brachis coriaceis oleo delibutis & lenibus, ne cōprehendi possint, pudenda tegentes. Si quis fortē e spectatorū numero (plurimi enim spectandi gratia conueniunt) adolescēs virium robore celebris, cum alio experiri velit: quispiā ex Athletis honorificē illum inuitabit, brachāsq. coriaceas praebet. Qui circum eos sunt, operam suam offerent; ut eos, dum vestes exuunt, inuent, vestemq. aliquam talarē aut pannum lineum attollent, dum spoliantur. Iam parati in palestram prodeunt; quoniam verò nudi sunt, brachiāq. & reliquum corpus lubrica habet, & brachia angustē femora stringūt, atq. etiā gēua vsq. ad suras arctē comprimunt, magna difficultate luctando se mutuo comprehendere possunt: neq. quisquā victor euadit, nisi aduersariū in dorsum prostrauerit, quod difficulter admodum fit.

fit: licet enim alteruter in latus vel in genua cadat, aduersario adhuc stante, victus propterea non est; nā in hac lucta quacumq. cōprehendere aduersarium licet, etiam per crura: quod si alter alterius manum prehendere potest, tum summis viribus aduersarium prosternere nititur, ille verò eius conatus eladit. Interdum integra horæ ita certabunt, antè quàm alter alterum in dorsum prosternat: nec unquam tedio afficerentur spectatores; tantam voluptatem adfert ea lucta; dubiāq. adeò est, ut modò hunc victorem futurum iudices, modò alterum. Victus autē non minus sibi displicet, quàm qui in gladiatoria premio excidisset. Interdū vniversum corpus oleo perungunt, tūcq. lucta magis delectatione afficit spectatores, quoniam mutua prehensio longè difficilior est.

CAP. XXXIX.

Turcas imperterritos esse funambulos.

PER extensum funem incedere, nuperum inuentum non est: multis enim locis veteres auctores eius meminere: sed nulli peritiores sunt Turcis, qui à pueris eā artem ediscunt, illamq. per omnem vitam exercent. Veteribus *χοινοβάται* & funambuli appellabantur. Octoni aut deni simul conueniunt, equūmq. habēt qui funes & alia impedimenta ferat; exiguum etenim iter singulis diebus faciunt: cū in pagum quempiam peruenerunt, amplū aliquem locum deligunt, ubi explicatis suis impedimentis, celsas binas trabes in solo figunt, quibus binos funes alligant, altero longè supra alterū eminente. In superiore autem fune suos ludos non exercent: sed in infimo, per quem interdum senī incedunt, tantāque agilitate sese circumagunt, ut sciuri videantur: per summum funem solū incedunt qui longa sese librant hasta. Hac omnia publicè fiunt. Cū verò ex ipsis nonnulli ex fune descenderēt, pecunias à spectatoribus exigunt, adeoq. importuni sunt, ut vix illis denegari possit. Haud credibilia plerisque vide-

g 4

rentur,

rentur, si omnia quæ faciunt, sigillatim explicaremus: atq. si nostra Europæ rustici quartam eorum partem duntaxat conspexissent, non dubitamus quin præstigia esse existimarent. Sed hæc longo usu à pueritia edocti faciunt, quemadmodum petauristæ suos in aëre saltus, Turcis ignotos. Suspendunt se ex capillorum villo quem in vertice capitis gerunt instar femine: Omnes autem Turcæ caput radunt, excepto vertice, in quo villū relinquunt, quo Mahumetes eos comprehendere, & à terra subleuare queat in die iudicii. In eorum autem potestate situm est, ut eum villum breuem aut prolixum gerant. Turcæ sibi inuicem caput radunt eodē cultello quo cibum concidere solent: nam ita cultri aciem intendunt, ut nouacula instar radat: tonsoribus tamē non carent, qui pro regionum varietate nouacularum alia etiam forma utuntur: nam Syriacæ & Egyptiacæ, dense sunt & graues: harum manubrium incuruum non est, sed extremitatem habet in capitulum conformatam, & quoniam ex Damascuseno chalybe factæ sunt, optimam aciem habent.

CAP. XL.

De Turcarum canibus, eorumque venatione.

VILLATICI Turcarum canes peculiarem herum non habent: atque licet ades non ingrediantur, tegetes tamen semper in area stratas habent, quibus incubent: atque secundum parietes concava quedam habent saxa, in quæ offarum reliquie, panis, ossa que coniiciuntur, quibus vesci queant. Singuli tumentur eum locum in quo fuerunt educati, & reliquos canes ab illo arcent: fugant præterea siluestres illos lupos apud Turcas vulgares nomine Adil, nec in pagos ingredi sinunt. Venatici canes nostris magnitudine cedunt, sed eos æquant quos spurios siue hybridas appellamus, villosamq. similiter habet caudam, pendentē que aures, ut Cretenſes venatici canes, funiculisq. illigatos eos tenent, ut nos nostros. Hispanicos etiam alunt

alunt ad perdices odoratu persequendas. Aucupandi etiam artem tenent cum accipitre fringillario, cum vulture, cum sacro & falcone: dñ verò renocant, houb; houb duntaxat acclamant: dextra autem eas anes ferre solent, & interdum oua gallinarum dura vescenda illis præbent in recentis carnis penuria. Qui loca incolunt feris frequentia, fuluas persequuntur, atras minime: etenim (ut diximus) aprugna non vescuntur: si quæ verò fulvæ à canibus captæ, quibus abundè sanguis non profluxerit, qui scrupulosiores sunt, earū carne non vescuntur: nā, ut ante dictum est, & à sanguine & à suffocato abstinent. Attamen ex ea quæstum ut faciant, Christianis vendunt, cum non ignorent, Iudæis perinde prohibitum esse.

CAP. XLI.

Stirpium in monte Olympo observatarum nomina.

RELICTO Contieo, viamq, quæ per montem ducit sequuti, in pagum venimus inter valles Olympi, qui admodum latè patet, situm. Magnam istic Tragacātha, è qua inquilini gummi, quo nos utimur, legunt, quantitatem observauimus. Postridie iā claro die discedentes, per montem iter fecimus, atque in eo solū superando diem insumpsimus. In ipso montis supercilio densam adhuc ninem deprehendimus: ingens enim quod in media aëris regione est frigus, nunquam istic mitescit: eaq, est causa, cur in celorum montium ingis summum semper sit frigus, & nix insidens non colliquescat. Exemplum habemus in Aethiopiæ montibus, quos (licet omnia eius regionis plana loca ingenti Solis æstu adusta sint) Theophrastus de Myrrha, Thure & Cassia agens, nix teetos esse asserit, uti sunt etiam Libanus in Syria, Spachia mons, Ida, & Dictæus in Creta: attamen appianum siue maluatium vinum in planis vicinis locis frequens colitur: Non igitur mirum est, si æstate in summo æstu, grandinem decidere videmus. Istic etiam observa-

g s

nimus

numus Sabinam illi quæ à nobis in hortis colitur similem, tanta copia sponte nascentem, ut tumuli ab ea tegerentur: abietes in summam altitudinem attolluntur, sed exiguum præbent resinam. Sunt etiã nonnullæ æsculi, ostria, aliæq; similes arbores. Siluestres pini nonnullis silvarum locis satis istic frequentes sunt; aliud item quercus genus à nostris diuersum, quod veteribus ignotum fuisse arbitramur: eius etenim glandes minoribus fabis haud sunt maiores. Helleborum nigrum istic flores profert rubentes, & frequens est, atque eo loco primum simili flore præditum conspeximus. Ledon item à Græco diuersum & longè maius. Obseruauimus præterea alias arbores & stirpes, quas cum vetere appellatione exprimere nequeamus, alias describemus. Per Pinastrorum & Abietum siluas iter facientes, diligenter obseruabamus, an Larices conspiceremus: sed neque toto illo monte, neque per Asiam aut Græciam ullam vidimus. Ea propter veteres Græci Scriptores, quales Thophrastus, Dioscorides, & Galenus, eius non meminere, tanquam ipsis ignota, licet nonnihil de ipsius gummi Dioscorides & Galenus egerint. Miror Plinium de Thya agentem, cogitare Homerum Laricis mentionē facere: sed hallucinatur, pro Picea Laricem supponens, cuius iconem hîc exhibemus, plenam eius descriptionem cum reliquis coniferis arboribus daturi.

Vespere in alium pagum inter montes situm diuertimus. Postridie autem planè ex monte descendimus, & peculiare quoddam pinastri genus duntaxat obseruauimus, conos auricularis digiti extremi crassitiem vix superantes ferentis, & fruticem quem Brutij vulgò Spina cerifolia nuncupant. Planiciem deinde habuimus amplam & ut mare æquatam, vberis admodum glebæ, oriza confitam; nam plerique riuus ex montibus undique delabētes eam rigant, facilèq; per cataractas aqua & retinetur & emittitur. Ceterum mirum non est, si oriza apud
Tur-



Turcas magno sit in usu, quandoquidem illam melius apparare norunt, quàm nostri homines. In insculo illā coquunt, diūque ebullire sinunt, nullo modò agitant: qui enim, dū ebullit, agitant, corrumpant, ut nostri Galli, qui ex eius uncia magnum aliquod fictile implent: quum Turcico more coquēdo, integra libra opus esset. Per hanc planiciem ad meridiem vsque iter fecimus, ad cuius extremum per fauces quasdam in valles peruenimus, ubi denuo Spinam cerisolā obseruauimus, & Ephedram rubro semine uti Androsace refertam, ingentis altitudinis: huius natura Smilaci laui in Atho nascenti persimilis. Nam si iuxta arbusculam primū adolescentem nascatur; prout illa crescit, etiam attollitur, comēque in crescendo illi fiet, etiam si in immensam altitudinem arbor attolleretur. Vidimus enim Platanos non minus celsas Abietibus in Hemo monte nascētibz, quæ Ephedrā ad summum vsque fastigiū deduxerant, sine clauicularum (quas ut Smilax lauis quibus se implicare possit, non habet) adminiculo ramis incumbentem: Si verò iuxta fruticē aut arbusculam nascatur, humilis manet, nec supra eam attollitur. Jam antea in Illyrico inter Castelnouo & veterem Epidaurum obseruaueramus.

CAP. XLII.

De Prusā vrbe, quæ Turcarum Imperatorum Regia esse solebat.

IN Prusam urbem Regum Bithynia olim sedem, quam Plinius ab Hannibale conditam scribit (Intus in Bithynia, inquit, Prusā, ab Annibale sub Olympo condita) maturē peruenimus, isticq; diu hesimus. Admirabilis est eius situs: nā ut paulatim incrementū sumpsit, sic per montis acclive sparsa est: muro non est cincta, sed Lugduna in Gallia amplior est: variis enim locis per montis radices sparsa, conuallibus separatur. Cū Turcici Impera-

peratores Phrygiā subiecissent, nec ulterius progredi possent, Regiā istā sedē constituerūt. Abhinc autē centū annis cū capta Constantinopoli, paulatim in Europam penetrassent; Prusā relicta, Constantinopolim Regiam traduxerunt. Attamen Prusā etiamnum aequē opulenta & populosa est ac Constantinopolis: imō hanc ab illa superari, opulentia & in habitantium numero, dicimus. Rolandi gladius adhuc ad arcis Prusae portā pendēs conspicitur. Eam Turcae diligenter adseruant: nam vulgus existimat ipsum Turcam fuisse. Prusae autem opulentia à serico constat: singulis enim annis mille cameli ex Syria & aliis Orientalibus locis serico onusti Prusam adueniunt; quod istic apparatus, in stamina diducitur, variōque modō textitur, & diuersis coloribus inficitur: nā vestes ex holoserico variis figuris contexto & diuersorum colorum, auro & argento interdum immixto, atque eleganter confectas gestare solent Turcae.

CAP. XLIII.

Turcarum vestes elegantissimē esse concinnatas
& confutas.

TVRCARVM vestes ex quacunque tandem materia, siue lanca, siue sericea, siue è caprarum villis confecta constent, sericeo filo Prusae concinnato confutae sunt, sutura quodammodo indissolubili. Turcici sartores longē elegantius omnia consunt quā Latini, ut nostratium opera velut tyronum videantur, si cum Turcicis conferantur, adeò concinnē illi omnia consarciunt, ut vix sutura appareant: in summa, in suis operis nihil quod reprehendi queat admittunt.

CAP. XLIIII.

De Ehippiariis & sutoribus Turcicis.

SVTORES atque ehippiarij adeò nitidē & diligenter omnia sua consunt, ut melius id fieri nequeat: suum setis non vtuntur, sed acubus longis teretibus cuspide carentibus, & nonnihil incuruis; nec pice filum inducunt

ducunt quo consunt, sed cera stamina sericea quibus solis utuntur, inficiunt, foraminibus primum subula factis. Turcarum cum magnatum, tum rusticorum cothurni, anteriore & posteriore soleae parte ferreis clavis muniti sunt. Imò ipsius Imperatoris & Bassarum, feminarum, puellarum & puerorum omnes cothurni perinde ferrati sunt, nec, cum aliqua in parte rupti sunt, unquam reparantur (nulli enim istic cerdones) quemadmodum nec corrupta ephippia. Equorum etiam antilene & postilene, reliquaque coriacea ornamenta sericeo filo consuta sunt.

CAP. XLV.

De Fabris ferrariis Turcicis.

FERRARII fabri Turcici nunquam solibus utuntur, nec carbone egent, fornacibus enim carent. Eorum ferreae soleae vix dimidium Europae soleae pendent, neque eorum binae soleae plus materiae requirunt quam una externarum gentium. Soleas* ferreas magnas & parvas iam complanatas, nondum tamen pertusas, emere solent, quas deinde equorum pedibus accommodant, sedentes nostratum sartorum more, hoc est, cruribus decussatim compositis; malleo autem supra incudem accommodant, deinde chalybeo stilo bene temperato perforant, alioque quadrato boneq; aciei pugione foramina pro arbitrio augent. Haec soleae uncas non habent; quoniam suos equos exercendo ad plenum cursum alternis nec impellunt, nec sistunt; praeterea clavi quibus soleas adfigere solent, oblonga crassaq; habent capita, instar columbacei cordis. Cum autem equi gradatim incedere soleant, per semestre integrum calceandi non sunt: quae consuetudo cum admodum laudabilis sit, de Turcarum in bello gerendo commoditatibus agentes, eam minimè praeterire debuimus. Cum equi pedem ad ferream soleam applicandam repurgant, eum in fornacem non excavant nostro more ferramenti concisori

vi aciem protrudendo, sed eum complanant, ferreo instrumento palmum lato, cuius acies versus manubrium obuersa est, attrahendo. Eorum item habena exiguu admodum frano praeclita sunt: strigiles verò tametsi dentatae sint ut nostrae, manubrio tamen carent.

* Simile quidpiam per Hispanias, dum illas anno Domini natiuitatis M.D. I. X. I. V. perlustrarem, obseruavi, praeteritum in vetere Castella, Ferrae etenim soleae, magnae, paruae, mediocres, e Cantabris, apud quos laudatissimae sunt ferri fodinae ruditer conformatae per vniuersam Hispaniam distribuuntur. Ferrarii deinde fabri, qui suas officinas plerumque ante domos sub subgrundiis habent, sine ignis ad iniculo istas soleas ad equorum qui calceandi adducuntur, pedum formam ad incudem malleo accommodare & complanare norunt, plerumque etiam ad solem, & solearum foramina pugione siue stilo peculiari auctiora facere: exigui autem sunt ponderis istae soleae, attamen adeo temperatae & durabiles materiae, ut bis aut ter duraxat in anno calceandi sint equi, siue muli, etiam mentitorij, qui rarissimè feriari sinuntur.

CAP. XLVI.

De Turcicis lanionibus, & lapidibus qui in bubulo felle inueniuntur.

LANII Turcici aliarum nationum lanios in concinnandis carnibus agilitate longè superant. Et ubicumque sunt, ingulato bove, extisque exemptis, fel obseruare solent, an lapidem contineant, quoniam plerumque innascitur lapis quem Arabes Haraczi nominant, cuiusque facultates ab Anicenna sigillatim sunt descriptae. Iudaei longè pluris aestimant huiusmodi lapides quàm Turcae, qui Iudaeis cum sint saniores, illo magnoperè non indigent. Iudaei magna ex parte malo colore sunt praediti, & regio morbo laborant, naturaq; taciturni sunt & melancholici, non modò in Turcico dominio, sed & in Germania, Italia, Gallia & Bohemia. Qui apud Turcas viuunt, nullum praesentius remedium aduersus eum morbum norunt, Haraczi lapide. Quod adnotatum volumus, ut quem haec legere contingeret, lanios suae regionis admoneat de perquirendo eo lapide in bubulo felle. Non inuenitur quidem in omni felle: sed in decimo quoq; forsità inueniuntur bini aut tres eiusmodi lapides. Cum arietis aut caprae

cutem

480 P. BELLONII OBSERVATIONVM
 cutem detrahunt, sanguinem plenè exstillare sinūt (quo-
 niam ab omni sanguine abstinent) cutemq. integram ad-
 seruant ad utrè liquori aliquo imponendo idoneū. Aper-
 ta deinde aluo, tenue intestinum, qua inferiori aluo adha-
 ret, abscindunt; deinde ad alteram illius extremitatem
 crasso intestino inhaerentem cōnectunt: postea minora in-
 testina eximunt, & pinguedine liberant, & ex unco sus-
 pendunt in eū quem dicemus vsum. Carnes libratim vel
 ad pondus vendunt, ut & alia omnia; & ita præscindere
 norunt, ut singula frusta aliquid ossiū contineant. Qui-
 cumq. Turcarum bonem siue veruecem venalem habet,
 lanioni non venundabit, sed ipsemet ad officinam deducet,
 isticq. à lanio iugulari, & omnia apparari curabit, persol-
 tutoq. illi præmio, ipse carnes vendet, & earum precium
 recipiet. Hæc tamen consuetudo non perpetuò observatur.
 Nam & lanij armenta emunt in pagis & publicis foris,
 quorū deinde carnes sigillatim in suis officinis venundāt.

CAP. XLVII.

De arcuum Turcicorum nervis & testudinum fidibus.

SUB vesperā ergo adueniet aliquis corbem dorsua-
 riam gestans, & laniorū tabernas abibit, excepturus in-
 testina eo die reseruatā, quæ deinde iis qui nervos & fi-
 des faciunt, tradit. Arcuū autem nervos apprimè con-
 ficere norunt, quorum frequentissimus est vsum: omnium
 enim arcuum apud illos nervi ex intestinis conflati sunt.
 Omnis etiam generis fides conficiunt, easq. admodum ex-
 illes: imò etiam netes, tam acutū quàm nostrates reddentem
 sonum, sed non adeò clarum, quoniam ex tribus ner-
 vis contorta sunt: potest tamen aliarum penuria testudi-
 ni Venetæ inferuire. Eiusmodi netes varij generis, vario-
 rumq. colorū reperiuntur, rubri, Veneti, viridis, flavi, &
 albi: nullūsq. est institor qui eas & reliquas fides venales
 non habeat, etiam per uniuersum Turcicū dominium,
 atque frequentiores quàm in Europa. Cuius rei hæc est ra-
 tio.

tio. Turce quatuor testudinum canarum & lyrarum genera habent; quarum alterutras plerique pulsare norunt suo more, etiam rustici; quod neque in Gallia, neque in Italia vulgare est.

CAP. XLVIII.

De testudine caua & concentu Turcarum.

SI quis de veterum Musicis instrumentis quidpiam conscribere cuperet, ea quæ per Græciam & Turcicum dominium conspiciuntur, ampliorem illi materiam suggererēt quàm ea quæ tradita habemus. Tibiis etiā videntur Turce, iis fere similibus quæ apud Germanos sunt, & sex foramina ex ordine posita habentibus, sed duos cubitos lōgitudine superantibus. Cum difficultate autem inflari possunt: nam os habent ab omni tiliarum Europæarum genere diuersum; supremum enim foramen ipsam fistulam penetrat; atq. inflari solent cantando plerumque per amplum extimumq. foramen, sed exigua admodum, nostro iudicio, harmonia. Iam diximus Turcas inflare tibiis nosse, tympana pulsare, lyras, panduras, & heptacalamos: sed & varia canarum testudinum genera habent, quarum maxima octo fidibus prædita sunt, sed crasse admodum, ceruice utcunque longa, recta, multas tactus distinctiones habente; cūmq. eius fides nostris comparanda non sint, eius etiā harmonia haudquaquā ad nostrā accedit. Alterum genus mediocris est magnitudinis, & magis vulgare, lyra fere simile, sed maioris harmoniæ, quodque difficilius pulsari possit: septē fidibus præditū est, ut nostra Lyra, diuersus tamē eius est sonus, ad Turcicas & Græcas saltationes admodū idoneus: hoc, nauticū genus hominū, præsertim palameriti à Græcis vocati, quales Peloponnesi, Eubœæ & insularū maris Aegæi incolæ, frequentius utuntur quā qui in cōtinenti Asia habitāt: tactuū nullas distinctiones habet ut lyra: iis tamē adnexis pro lyra usum: habet etiam neten post hypaten collocatam, quæ ad

h

octa-

octauam netes anterioris intendi potest; breuior enim est, paxillumq. habet ad infima ceruicis latus infixum. Tertium genus minus est superioribus, oblonga admodum duorum ferè cubitorum ceruice, & multis tactuum ordinibus distincta, tribusq. duntaxat fidibus constat, cuius ideam commodius exprimere nequeo, quam culinario cochleari proposito, cuius manubrium oblongum & quadrangulum sit: id quoniam magna facilitate pulsari potest, viliq. est precij, passim ab omnibus usurpatur, & pluma eius fides tanguntur. At maritimum illud genus nulla tactuum serie distinctum, pulsari potest, vel fides pluma tangendo, vel summis digitis easprehendendo, quemadmodum apud nos caue testudinis & lyrae: id genus ex Sabine illius quam in Tauro monte inuenimus ligno, quod nunquam finditur, factum est: media tabulati pars eodè ligno constat; altera ex piscis cuiusdam pelle confecta est, qui varia obtinet nomina: nam à veteribus & Aristotele Hyena piscis & Silurus dictus est, Graeci huius atatis Glanion appellant; ponticulus, fides sustinens pelli illi insistit. Inueniuntur eiusmodi testudines ex crispa materia confectae, quae plus quàm sex aureis aestimantur: suntq. nonnulli nautae qui eo precio comparare non verentur. Turcae porro reliquas nationes superant, vermiculatorum, segmentatorumve operum in marmorea, vitrea, siue lignea materia conficiendorum industria. Videas interdum pyxidulas aurifabrorum 20. ducatis aestimari. Vitrea Cairi & Constantinopolis fenestrae vermiculato fragmentorum vitridiversorum colorum opere constant, conformata primum ex gypso area, cui deinde vitri fragmenta applicant: eaq. consuetudo ab Arabibus ad Turcas transit.

CAP. XLIX.

Turcas latrunculorum ludum adprimè callere: magnumq.
vsum gummi tragacanthæ apud illos esse.

IN Latrunculorum ludo Turcæ sunt industry, eoque
maximè delectantur: interdum enim totum diem luden-
do traducunt, eapropter latrunculos semper circumferunt,
alveiq. loco telam pictam. Admodum illis convenit hic
ludus: nam cum humi sedeant otiosi, facile ludendo totum
diem impedere possunt: eburnei nonnunquã personis scal-
ptura expressis reperiuntur: sed ea quam Regiam nos
vocamus, carere nobis visi sunt, aliãque eius loco substi-
tuere. Prusæ hærentes, observavimus gummi tragacan-
thæ vsum adeò istic esse frequẽtem, ut singulis annis plus
quàm quattuor millia pondo absumantur, ad lenorẽ se-
rico conciliandum. Nam Asia minoris rustici, lucri cu-
piditate illecti per Mysiam, Phrygiam, Gallograciam, &
Paphlagoniam gummi illud legunt, & Prusam deferunt,
ubi illicopresente pecunia ab illis redimitur. Hallucinan-
tur qui ex Creta Venetias deferri scribunt. Gallæ etiã ge-
nere utuntur Veteribus ignoto, in Terebinthis nascente,
cuius libro primo meminimus, admodum commodo ad se-
ricum quovis colore inficiendum; huius plus quã sex mil-
lia pondo singulis annis insumunt. Concauæ sunt eæ gallæ,
Romanarum gallarum magnitudine, innascentes Tere-
binthi maris foliis, vere colligendæ, alioqui in oblonga &
semipedalia interdum cornicula excrescunt. Tres Pru-
sæ vulgares sunt linguæ, Hispanica inter Iudeos, Græca,
& Turcica, quæ magis usitata est. Istic etiam sunt non-
nullæ Arabicæ, Armeniacæ, & Italicæ familie. Veneti
& Chysuos istic Institores alunt. Duplici via Prusam
Constantinopoli perveniri potest; marina, vel per conti-
nentem. Per continentem quinque dierũ iter est, per mare
autem biduo aut triduo pervenitur: nam Prusæ à Pro-
pontide dimidiij diei itinere duntaxat abest. Appellitur in
b 2 sinus

484 P. BELLONII OBSERVATIONVM
 sinu Nicopolis veteribus dicto ad pagum Montanea no-
 mine, à quo nunc is sinus appellationem sumpsit: locus ve-
 rò est malè fidus navigiis, quia portu caret: propterea illi-
 cò in siccum remulco pertrahuntur, ne tempestate à ven-
 tis excitata affligantur. Eius pagi incola Gracè loquun-
 tur, boniq. sunt vinitores. Caloierorum istic est monaste-
 rium. Turcarum Imperator binas liburnicas perpetuò ha-
 bet, quæ Ianissaris mancipiis aguntur, quæq. singulis die-
 bus Mercurij (nisi tempestate impediuntur) solvunt, al-
 tera ex Montanea Constantinopolim, altera è Constanti-
 nopoli Montaneam, & eos qui è Constantinopoli Pru-
 sam proficisci cupiunt, vel contra, vehere solent. Ea libur-
 nica ex Montanea soluentes, niuem ex proximo monte,
 Olympi appendice, delatam transuehunt Constantinopo-
 lim. Sunt enim istic onerarij equi constituti, qui niuem è
 monte deferant, qua bidui spacio liburnica impleri potest.
 Quotquot utrumque Hellesponti & Propontidis litus
 accolunt, ferè piscatores sunt, & Græco sermone utuntur.
 Istic observavi rusticum herbas domum referentem, in-
 ter quas erat à veteribus Caucahis nuncupata, ille Caf-
 calitra nuncupabat: cuius cum iconem in recentiorum
 Herbariis non conspexerim, illamq. ad vinum expressam
 habeam; hoc loco proponere volui: ea cruda vescuntur in
 acetariis uti Lampſana.

Tandem Constantinopolim regressi per Domini d' Ara-
 mont, qui Turcarum Imperatorem in expeditione Per-
 fica sequutus erat, absentiam, ab ipsius Vicario viro no-
 bili Butrige, cui nomen Iacobus de Cambray, non mi-
 nus humaniter excepti fuimus quàm antea à præ-
 dicto Domino d' Aramont: isticque multos qui cum Do-
 mino de Fumet aduenerant, sed Constantinopoli re-
 stiterant, inuenimus: nam præter nobiles viros quos
 recensuimus, egregiè litteratum virum Iustum Te-
 nellum adduxerat, quem Rex Franciscus litterarum
 Restau-

Caucalisicon.



Restaurator expresse eo ablegauerat, veterum codicum Græcorum conquirendorum gratia.

CAP. L.

De floribus quibus Turcæ delectantur; deque eorum hortis, & variarum rerum apud eos experimentis.

FLOSCYLIS elegantibus maximè delectantur Turcæ, atque illos magni faciunt, etiam inodoros. Nos oblectamur florum & herbarum odoratarum commixtarum fasciculis: at Turcæ earum obtutu gaudent, & unicuique florem, non plures simul mixtos habere gestiunt. Ac licet eorum varia genera simul habere possint, singulos tamen separatim in cydaris sue voluminibus gestant. Opifices plerumque variorum colorum flores in vasculo aliquo aqua pleno ante se habere solent, ut eorum elegantia diutius conservari queat. Non minorem etiam quam nos in colendis hortis adhibent Turcæ curam, nec minus diligentes sunt in conquirendis arboribus exoticis, si præsertim elegantibus floribus sint prædita, nec in eo studio ullis sumptibus parcunt. Arborea in suis hortis alunt Amy-

h 3

gdale

gdala magnitudine, quas Græci vulgari lingua Kroma-
da appellant, Turca* Cromadia, quasi dactylos; edulis
etenim earum est fructus, folium Andrachnes. Alunt
etiam fruticem hederae foliis, perpetuò virentem floribus
violaceis, pediculum oblongum ambientibus, & cauda
vulpine crassitiem æquantibus, qua de causa Turca eum
sua lingua vulpinam caudam appellant. Lilia † rubra
istic in omnibus hortis vulgaria sunt; à nostratibus autem
differant, quorum flores albis liliis similes sunt; at illorum
folia arundinacea sunt, radices ut graminis, sed longè
crassiores. Plerique exteri nauibus Constantinopolim ap-
pellentes, radices aduehant stirpium quæ elegantes flores
proferunt, non ignari se ex illis quæstum facturos. Cum
alias diximus Græcos herbas negligere quæ non sunt edu-
les, Turcas nò comprehēdimus, qui nunc Græcos superant
in nominibus tribuendis; nulla etenim est herbula, modò
eleganti flore sit prædita, cui vulgari sua lingua nomen
nò imponant. Inter reliquas magni faciunt Carthamū, nò
modò odoris causa, sed quod oculos recreet, quodq. capite
sit veluti arte cōpactō. Mira habet Turca variarū rerū
experimenta. Est ne singulare quidpiam, medicamentum
inueniri quod statim somnum conciliet ei qui quiescere
non potest? Sumpta ergo apud aromatarios (pharma-
copais enim, ut diximus, carent) pro dimidijs aspri pre-
cio Tatoula, illi qui vigiliis torquetur, exhibent. Taton-
la autem nihil aliud est quàm Nux Methel Arabibus
dicta, Græcis Solanum somniferum, quàm sponte nascentē
in planis Hiericuntis apud Helisai fontem reperimus.
Jouius de Selimo Imperatore agēs, scribit illū vesci semi-
ne quodā solitū, quod animo voluptatē adferret, & rerū
quæ molestia animum afficiunt, memoriam tolleret: sed
ignorat quale id semen sit, nisi forte sit Nepenthes. Nos
autem obseruauimus Turcas semine vesci palām istic in
graminibus foris venali, stirpis Harmala, quæ Ruta silue-
stris

stris genus est, de qua libro secundo egimus, quæque passim in agris & inter sepes istic nascitur, apud nos verò minimè. Dum eorū stirpes observare cupimus, sepius ipsorum hortos ingressi sumus: sed nullum vidimus magis singularem & elegantiore eo qui à Venetis Patanij colitur, cuius auctor fuit Daniel Barbarus, Patriarcha Aquileiensis, magni vir iudicij & insignis eruditionis: ab eo deinde secundum in nostra Gallia apud D. Maurum non procul Lutetia Parisiorum. Mespilus Aronia, & Pruneola ferens arbor frequentes sunt per Constantinopolitanos hortos: reliquas etiam arbores fructiferas, v^g Amygdalas, Persicas, Malos, ab ipsis diligenter coliam diximus.

* Id Cromadia fortè est Tiebison Kurmasi siue lauro cerasus, primo Pannonicarum stirpium historia libro à me descripta.

† Liliū autem eius rubrum, Liriasphodelum puniceum nostrum esse arbitror.

CAP. LI.

De stellis animalibus per Thraciam noxiis, & de quorundam animantium atque plantarum in Ponti littore collectarum, & in foro Constantinopolitano conspectarum, nominibus.

CERTO quodam anni tempore, ovium greges in agris pasci, nec noctu sub dio relinquere audent Turca: quoniam, ut ipsi asserunt, bina sunt stelle, quas proprio nomine indigitare norunt, Iulio & Augusto noctu apparentes, illis planè verticales, quarum splendorem si ones, caput attollentes, conspiciunt, ipsæ intereunt: sin eo tempore sub tecto adseruentur noctu, nullam noxam patiuntur. Rem ita sese habere, experimento indubitato se didicisse affirmant. At hæc per uniuersum Turcæ dominium non accidunt, verum nonnullis duntaxat Thraciæ locis. Eam ob causam, nunquam nisi eo tempore ovium greges noctu sub tectum agunt, ne hieme quidem. Pleraque aliæ prouinciæ, harum observationum imperitæ, quæq; maximo interdū damno afficiuntur ex gregis interitu, cau-

h 4

sam


sam ignorantes, veneficarum praestigiis se id damnum ac-
 cipere aestimant: quod Virgilius in suis Eclogis innuere
 videtur. Nos vero id primum Constantinopoli intel-
 leximus ab his qui certo quodam precio lanionibus oues
 praeberere solent, quique ea de re conquerebantur. Quod po-
 stea verum esse deprehendimus. Etenim cum viperaria
 Turca secundum Ponti litus iter faciens, ovium greges
 sub tectis delitescere conspexi; causamque sciscitatus,
 tametsi pastores ignorarent, responderunt tamen, reliquo
 tempore sub dio versari solere: verum si tum temporis
 noctu foris relinquerentur, eas morituras. Sequentes porro
 stirpes in itinere observavimus; cistum cum hypocistide
 eius radicibus adnascente frequentem, sparthytia ge-
 nera, periclymenum, aphacen, androsamon frequentis-
 simum, quod Itali Cecilianam nominant, omnis gene-
 ris plantagines, linariam, lampsanam, millefolium odo-
 ratum, lagochimeni, chondrillam, maluam silvestrem &
 pleno flore, prasiū, marrubium, chrysanthemum quod
 edule est, chamamelum, cedri pumila duo genera, iuni-
 peros pumiliones, arbutum, platanum, corylum, bede-
 ram, sambucum, delphini etiam scheleton suis adhuc
 ligamenti connexum in littore, smilacem asperam,
 corrudam, trifolium mœniantes, caucalidem, fœ-
 niculum agreste, terebinthum, nerion, prunum
 silvestrem, eupatorium Græcorum, teucrium, an-
 drosacen, armoraciam, vrticas, aspalathum, agourupes,
 aron, bellidis duo genera, consolida genus radice orbicu-
 lari, incolis Sterouli dictum, pimpinellam, galiopsim,
 calamintam, origanum heracleoticū, hippurim, buph-
 thalmum, hippolapathum, belleborum nigrum, filicis duo
 genera, papaver silvestre, hyacinthi tria genera, conyzas
 duas, maiorem & tertiam, orchides, violas, ericam, ferulam,
 sua ova edulia ferentē, hyssopū silvestre, meum, symphi-
 tum flavo & albo flore, lupulum, asclepiadem, cynoglos-
 sum

sum, calendulam agrestem, ulmum, chamadryn, colchicum, carduum benedictum, syderitin, oxalida, quercum, laurū, helxinē, cichoriū, rosam siluestrē, cōvoluulū, stachyn, asperulam, oxyacanthā, styracem, chamadaphnen, anchusam, lycopsin, alaternum, thaliectrum, chamairidem, tria tithymali genera, marem videlicet, myrsinitem, & helioscopium, ornithogalum, populum nigram, & lybicam, castaneam, alnum, rhus coriariorum, pulegium, sorbum torminalē, quam Galli *Alisier* appellant, euonymum, anabasin, verbenam peristereon, aceris duo genera. *Viperarius* porro quē comitē habui, licet *Turca*, quos inuenimus serpentes vulgari *Graca* appellatione exprimere potuit, uti inter reliquos dryinū veterum, quem *dendrogailia* nunc vulgò appellant, dictione ad veterem nonnihil accedente: nullū aliū serpentem qui in maiorem molem excreseat, quīq. sibilū maiore emittat, cognouimus. Eum tam magnum aliquando inuenire memini, ut sacco impositū rusticus per duo milliaria ferre nequiverit, quin quiescendum illi fuerit: illius exuvium feno repletum, crassi alicuius viri crus magnitudine aequabat. Huiusmodi atque aliorum serpentum, anium, animaliumque terrestrium exuviis, stirpibus item integris & rariorum plantarum seminibus, atque marinis multis rebus ingentem capsam impleueramus, & in nauem onerariam *Genuesem*, cui nomen *la Delfina*, intuleramus, ad Dominum *Vinaldi* pertinentem, cui praeerat quidam *Franciscus Brusquet*, qui in *Anglia* eā exonerare debebat, sed à *pyratis* intercepta. *Argeriam* perducta fuit, nobisq. ea omnia perierunt. Tanta porro est inter serpentes viuos affinitas, ut vix discerni queant: nihil igitur mirum, si eorum icones atro duntaxat & albo colore expressa, adeo similes sint. Hæc tamen genuina est dryini pictura.

Serpentem etiam inuenimus callum instar tuberculi in fronte habentem, qui nostra opinione veterum *Aspis*


h s

est,



est, mihi admodum rarus visus, tametsi iam antea apud Britios in Italia eum conspexissemus. Ut autem Ceraastes supra oculos, binos callos elatiores habet: hic unicum callum habet, coloréq. Amphibianam emulatur. Jam de Ceraaste in secundo libro egimus, nunc tamen illius iconem hic exhibere libuit; at eius pleniorém historiam, tum reliquorum serpentum, eorundem icones, duobus libris quos illis dicamus, dabimus.


Ceraastis icon.



Sala-

Salamandras præterea ubique ferè vulgares, quas nostri Sours, Pluines, & Mirtils appellant, & Phalangia inuenimus. Redentes autem secundum maritimam oram, cum ad Bosphori fauces eas peruenissemus, ubi Propontidis caput est, in altiore vicinum montem conscendimus; ibique aucupem reperimus, accipitres præteruolantes capientem, eo quo referemus modo. Mirum autem nobis videbatur (cum mensis May initium esset, soleantq; omnes aues eo tempore suos nidos obsidere) tot miluios & accipitres ex Ponti Euxini dextro latere subsequenter aduolantes à longinquo quantum oculorum acies penetrare paterat, conspiciere. Magna industria auceps eos capiebat, nec vnquam aberrabat. Auceps aream quandam binos aut tres passus à dumo quodam distantem complanauerat, quadrangulā, binos passus in diametro habentem, in cuius ambitu ternas utrinque virgas pollicaris crassitudinis, & altitudinis humane, terra infixerat, quarū singula qua aream spectabāt, crenam habebant, cui alligatum erat rete ex tenui filo viridi contextū, & humane altitudine extensum: in mediā area fixerat bacillum cubiti longitudine, cuius summo funiculus alligatus erat perductus ad aucupem vsque pone dimum latentem, cui etiam funiculo alligatæ auiculae in area grana depascebāt, quas attracto funiculo volitare cōpellebat, simulatq; è longinquo accipitrē aduolantē à Ponto Euxino animaduertebat: accipiter acutissima oculorū acie praeitus auiculas depascentes conspiciens, magno impetu in eas irruēs, in rete incidebat: auceps illico eā capiēs, eius alas in lineū pannū ad eā rem paratum vsq; ad commissurā immergebat; deinde colligatis extremis, alis cū coxis & cauda accipitris, atq; obductis illius oculis, humi iacere sinebat, commouere enim se non poterat. Imaginari nescimus unde tot aduenirent accipitres: nā duarū horarum spacio quo istuc substitimus, plures triginta accipit,

pit, sic ut existimem centenos ab unico homine capi posse uno die. Ceterum qui herbas Constantinopoli venales in foro proponunt, plerasque habent quæ neque nota, neque in usu sunt apud nos; qualis est *lampsana*, quam vulgò *Lapsana* ipsi appellant: sed cum in caulem abiit & florere incipit, *Vrouues* nuncupant: hæc cruda degustata, *raphanum* sapit; cocta verò, amara redditur. *Eleoselinon* diligenti cultura dulce reddunt, eoque crudo in omni ferè pastu vescuntur, & *Selino* appellant: nostrum verò *selinon hortense*, *Macedonico*. Venales etiam proponunt *smilacis aspera*, quam *Smilachia* vocant, *asparagos*: boni sunt saporis in acetariis, quemadmodum & *Sigilli B. Mariae asparagi*, quod ipsi *Embegli melena*, corrupta voce nominant ab *ἐμπέλος μέλαινα*, id est, vitis nigra, *Anconitani Tamarou* nuncupant. In *Turcici imperij* urbibus fora celebrantur singulis diebus septimana: nam ut *Constantinopoli* observavi, tali loco forū celebratur die luna, alio loco die *Martis*, in *Galata* die *Iouis*, & sic de aliis. Atque si quid in urbe sit rari, iis diebus demonstratur. Itaque dum *Constantinopoli* haesimus, sæpius eorum fora adiimus, & pleraque singularia ab exteris provinciis aduecta conspeximus, præsertim inter medicamenta quorundam circumforaneorum medicorum, qui summam diligentiam adhibent ut aliquid rari nanciscantur, quò illud publicè proponentes, multi spectatum adueniant, quibus aliquid suorum medicamentorum vendant. Alij enim serpentes proponunt: alij unguenta & radices solummodo vendunt, & semen contra vermes: atque sæpius ex *Aegypto* *Constantinopolim* commeant. Nam quosdam *Constantinopoli* agnouimus, quos antea *Cairi* videramus, à quibus piscium in *Nilo* versantium nonnullas icones nacti sumus, quas libro de Piscibus exhibebimus. Quoniā porrò animal* *Taton*, cuius iam antè meminimus, apud illos interdum conspicitur, delatum tamen ex *Guinea* & novo orbe,



orbe, cuius veteres non meminerunt, illius iconem hîc subicere volumus.

In multorum museis iam conspicitur hoc animal, licet ex tam longinquis regionibus petatum, quod natura illud duro cortice latisque squammis armavit, thoracis ferrei in modum, quodque caro facile eximi possit, nullo vitio ipsius forme illato. Iam illud erinacii Brasiliiani genus diximus: nam erinacei modo intra suum corticem sese contrahit: mediocre porcellum magnitudine non excedit; cui crura cum pedibus & rostro similia habet, & conspectum est in Gallia frumento & fructibus vesci.

Notum est Gallis aliud animal nomine Tartaret aut Tartarin, cuius hoc loco meminisse non abs re visum fuit, ne dictionum affinitas quem fallat, Tatou cum Tartaret confundendo. Nostro autem iudicio Tartaret est Aristotelis Simia porcaria, cuius antè mentionem fecimus, cum de Cairi circulatoribus ageremus. Nonnulli eam Maimon vocant, alij Magot in Gallia. Neque eius iconem, neque descriptionem hîc exhibemus, quoniam aliàs de ea latius disputare volumus; præsertim cum adhuc controversia sit de appellatione Gallica, & aliqui contendant Magot siue Maimon aliud animal esse quàm Tartaret.

FINEM porrò nostris Observationibus imposituri, Lectorem admonere volumus, ne ægrè ferat, si interdum animalis alicuius aut stirpis iconem exhibuimus: cuius obiter duntaxat meminimus: nam si omnia quorum in hoc libro mentionem fecimus, describenda fuissent, sublata foret omnis occasio de iis aliàs peculiariter agendi: ubi tamen ea sese obtulit, pro rei opportunitate sermonem de quibusdā agētes, vel produximus, vel contraximus. Ceterum ut exteræ nationes harum nostrarum Observationum etiā participes fiant, eas alia lingua describere habemus in animo, sed alia methodo & dispositione. Interea si Lector ex harum lectione utilitatem aliquam percipere-

ceperit, gratias agat Illustrissimo Cardinali Turnonio,
nostro liberalissimo Mecenati & Domino, qui in pere-
grinationes nostras sumptus contulit: deinde liberali no-
stro, magnanimo, sapientissimoq; Regi, qui pro sua huma-
nitate & benivolentia nobis concessit, ut in alumnorum
ipsius numerum referremur; quemadmodum & Domi-
nus Franciscus Olineriis Gallia Cancellarius.

* Qui plura de animali Tatou scire volet, D. Nicolai Monardes libel-
lum de Medicamentis ex occidentali India delatis consulat, in quo pro-
prium caput illi dicauit, Armadilloid nuncupans; nostrasque in eum
adnotariunculas.

NEMO vnquā de variis rebus agēs tam commo-
dè omnia explicare potuit, quin seueri, inuidi, male-
uoliq; Lectores inuenerint quod carperēt & calum-
niarentur. At eos qui hunc nostrum laborem
boni consulent, oramus, ut si alicubi
lapsi erimus, nobis condonent.

Mende corrigende.

Pag. 1. versu 4. observatarum 9. 12. exteriores notas 414. 2. poculis
17. 33. interstitium sit inter 21. 4. ginoso quodam 22. 21. ad Calo-
hiero 26. 11. Attagen 34. Lentiscinas 28. 1. torqua 32. 25. Aucupes
Hieracari 36. 19. faciat, rei inco 37. 9. sesquicubitalis 22. Gazellarum,
Cha. 40. 19. planiciem 41. 26. eiusque 45. 5. quod Siluestre 46.
34. præsertim 49. 17. Ophin dici 56. 8. punctis 63. 18. Chamæsy-
ce 71. 27. distantem peruenimus: mon. 72. 24. Esculi 75. 1. illarum
77. 6. traicere 79. 4. nuncupantur 9. tramur 84. 35. Agias 86. 23.
plerique libri 88. 8. moliores 92. 28. spinosum est, 112. 8. Laua-
rets, 18. Lauaretos 118. 2. media aluo 122. 7. gratia 27. Gaiia,
125. 30. depasta est, 138. 31. Mosquita appel 142. 29. quas longe 152.
19. quæ semen 156. 14. metalla 159. 34. tandem 165. 19. cipiunt
ex 23. funes per 172. 16. exstructa est,

